

॥ कोबातीर्थमंडन श्री महावीरस्वामिने नमः ॥

॥ अनंतलब्धिनिधान श्री गौतमस्वामिने नमः ॥

॥ गणधर भगवंत श्री सुधर्मस्वामिने नमः ॥

॥ योगनिष्ठ आचार्य श्रीमद् बुद्धिसागरसूरीश्वरेभ्यो नमः ॥

॥ चारित्रचूडामणि आचार्य श्रीमद् कैलाससागरसूरीश्वरेभ्यो नमः ॥

आचार्य श्री कैलाससागरसूरि ज्ञानमंदिर

पुनितप्रेरणा व आशीर्वाद

राष्ट्रसंत श्रुतोद्धारक आचार्यदेव श्रीमत् पद्मसागरसूरीश्वरजी म. सा.

जैन मुद्रित ग्रंथ स्केनिंग प्रकल्प

ग्रंथांक : १



श्री महावीर जैन आराधना केन्द्र

आचार्यश्री कैलाससागरसूरि ज्ञानमंदिर
कोबा, गांधीनगर-श्री महावीर जैन आराधना केन्द्र
आचार्यश्री कैलाससागरसूरि ज्ञानमंदिर
कोबा, गांधीनगर-३८२००७ (गुजरात)
(079) 23276252, 23276204
फेक्स : 23276249

Websiet : www.kobatirth.org

Email : Kendra@kobatirth.org

शहर शाखा

आचार्यश्री कैलाससागरसूरि ज्ञानमंदिर
शहर शाखा
आचार्यश्री कैलाससागरसूरि ज्ञानमंदिर
त्रण बंगला, टोलकनगर
परिवार डाइनिंग हॉल की गली में
पालडी, अहमदाबाद - ३८०००७
(079) 26582355

P 14021

॥ श्री जंबूद्वीप पञ्चति सूत्रम् ॥





देवसूर तपागच्छ समाचारी संरक्षक-सुविहित सिध्धांत पालक
 बहुश्रुतोपासक-गीतार्थवर्य-चारित्र चूडामणि-आगमोद्धारक पूज्यपाद आचार्यदेवेश
 श्री आनंदसागर सूरेश्वरजी महाराजा संशोधित-संपादित ४५ आगमेषु

॥ श्री जंबूद्वीप प्रज्ञप्ति सूत्रं ॥

❀ आलेखन कार्य-प्रेरक-वाहक ❀

प्रवचन प्रभावक पू. आ.श्री हेमचन्द्रसागर सूरिजी म.सा. शिष्यरत्न पू. गणिवर्यश्री पूर्णचन्द्रसागरजी म.सा.

❀ आलेखन कार्यवाहक संस्था ❀

पूज्यपाद सागरजी महाराजा संस्थापित जैनानंद पुस्तकालय-सुरत

आलेखन कार्ये किंचित् संस्मरणाणि

* आलेखन कार्ये आशीवृष्टिकारका :

पू. गच्छा. आ. श्री सूर्योदयसागर सूरेश्वरजी म.सा.

पू. आ. श्री. नरेन्द्रसागर सूरेश्वरजी म.सा.

पू. आ. श्री अशोकसागर सूरिजी म.सा.

पू. आ. श्री जिनचन्द्रसागर सूरिजी म.सा.

पू. आ. श्री हेमचन्द्रसागर सूरिजी म.सा.

* आलेखन कार्ये केचित् मार्गदर्शका :

पू. आ. श्री दोलतसागर सूरिजी म.सा.

पू. पं. श्री हर्षसागरजी म.सा.

पू. गणीश्री सागरचन्द्रसागरजी म.सा.

पू. गणी श्री नयचन्द्रसागरजी म.सा.

पू. गणी श्री अक्षयचन्द्रसागरजी म.सा.

पू. मुनि श्री लब्धिचन्द्रसागरजी म.सा.

माहिती दर्शक पत्र

■ आलेखन कार्ये सहयोग प्रदाता :

मुनिश्री आगमचन्द्रसागरजी म.सा.

श्राद्धगुण संपन्न श्री नरेन्द्रभाई मुक्तिलाल महेता (सूर्यगामवाला)

■ प्रथम संस्करण - सं. २०६१, का. सु.५.

■ कृति - २५०

■ कोऽधिकारी...?- श्रुत भाण्डागारं श्रमण प्रधान चतुर्विध संघाश्च

■ संग्राहकालय - जैनानंद पुस्तकालय, गोपीपुरा, सुरत।

■ व्यवस्थापका :

श्री उषाकांतभाई झवेरी- श्री नरेशभाई मद्रासी-श्री श्रेयस के. मर्चन्ट

■ आवास : निशा-१ १ले माले ,गोपीपुरा, काजीनुं मेदान,
तीनबत्ती, सुरत. दूरभाष - २५९८३२६(०२६१)

■ मुद्रण कार्यवाहक

श्री सुरेश डी. शाह (हेष्मा)-सुरत।

संपादक श्री

॥ પ્રાક્-કથન ॥

॥ કત્થ અમ્હારિસા પાળી દુષમા-દોષ દુષિયા, હા; અણાહા કહં હૂન્તા...! ન હૂન્તો જડ્ઝિણાગમો ॥

દુષ્મકાળે જિનાગમ-જિન પ્રતિમા ભવિયણ કું આધારા...!!

ભવાટવીમાં ભ્રમિત પ્રાણીને ભીમ મહાટવીમાંથી બહાર લાવનાર મિથ્યાત્વરૂપ અંધકારમાંથી પ્રકાશ તરફ ગતિ કરાવનાર શ્રુતજ્ઞાનની મહત્તા અદ્વિતીય કક્ષાની છે. શ્રુતજ્ઞાનનો મહીમા પરમ મનનીય અને માનનીય હોવાના કારણે પ્રભુ શાસનમાં પરમ આધાર ભૂત કરણ તરીકે ગણના કરી છે. આગમએ વીર પ્રભુની વાણી સ્વરૂપ છે.

આગમોની રચના કાળ :- પ્રભુ મહાવીર સ્વામીના શાસનની અપેક્ષાએ વીર નિર્વાણ સંવત પૂર્વે ૨૯, વિક્રમ સંવત પૂર્વે ૪૯૯ વર્ષે વૈશાખ સુદ એકાદશી દિને તારક તીર્થંકર પ્રભુ મહાવીર દેવની ત્રિપટીને પામી આઘ ગણધર અનંતલબ્ધિ નિધાન શ્રી ઈન્દ્રભૂતિ (ગૌતમસ્વામીજી) આદિ એકાદશ ગણધરોએ આગમોની રચના કરી તેજ ક્ષણે પ્રભુએ તેની યથાર્થતા-ગણાનુજ્ઞા-શાસનાનુજ્ઞા આદિના વાસકેપથી જાહેર કરી.

ગણધર ભગવંતના શિષ્યો-મુનિઓએ યથાયોગ્યતાનુંસાર શિષ્ય-પ્રશિષ્યાદિ પરિવારને વિનયપૂર્વક શાસ્ત્ર નિર્દિષ્ટ વિધિ-મર્યાદા પૂર્વક ગુરુ પાસેથી મુખપાઠ રીતે દ્વાદશાંગીનો અભ્યાસ કરતા હતાં, લખીને કે લખેલ પુસ્તકો દ્વારા ભણવા અંગે તત્કાળે પરંપરા ન હતી.

પ્રથમ વાચના :- વીર પ્રભુના નિર્વાણબાદ તેમની પટ્ટ પરંપરામાં પાંચમા કેવલી તરીકે પ્રસિધ્ધ શ્રી ભદ્રબાહુ સ્વામીજીના સમયમાં વિષમકાલના બલના પ્રભાવે ભયંકર બાર વર્ષીય દુકાલ પડ્યો સાધુઓ અનુકૂળતા મુજબ વેર વિખેર થયાં, સાથો સાથ વીર નિ. સં. ૧૫૫ લગભગમાં નંદવંશના સામ્રાજ્યનો પલટો થયો, દેશમાં ભયંકર આંધી વ્યાપી, જૈન શ્રમણોના વિહારના કેન્દ્રરૂપ મગધદેશની

॥ પ્રાક્-કથન ॥

૧

સંપાદક શ્રી

રાજધાની પટણા અને પંજાબ વચ્ચેના પ્રદેશો ભીષણ પરિસ્થિતિમાં મૂકાયા, શ્રમણ સમુદાયના વિખરાઈ જવાથી આગમોનું પઠન-પાઠન ખુબ જ અવ્યવસ્થિત થયું, જ્ઞાની પુરુષોમાંથી કેટલાયે સ્વર્ગ પધાર્યા, મુખપાઠની પધ્ધતિ પર એક જબરદસ્ત ધક્કો લાગ્યો પરિસ્થિતિને સુધારવા વીર નિ. સં.-૧૬૦ લગભગમાં પાટલીપુત્ર નગરે (પટના-બિહાર) શ્રી સ્થુલભદ્ર સ્વામીની અધ્યક્ષતામાં શ્રમણસંઘ એકત્રિત થયો, ગીતાર્થોની સલાહ મુજબ દ્વાદશાંગીની સંકલના વ્યવસ્થિત કરવાનો પ્રયાસ કર્યો, પ્રાયઃ આ પ્રથમ આગમ વાચના થઈ તેનું નામ ‘ શ્રી દ્વાદશાંગ-શ્રુતસંકલન’ નામે પંકાયાનો ઇતિહાસ મળે છે.

દ્વિતીય વાચના :- તેમના પછી જિનકલ્પીના અભ્યાસક આર્ય મહાગિરીજીના ગુરુ ભ્રાતા પૂ. આ. શ્રી આર્ય સુહસ્તિ સૂરિ પ્રતિબોધિત પ્રભુ શાસનના ચરમ ભક્ત સમ્રાટ સંપ્રતિએ ઉજ્જૈનમાં આર્ય સુહસ્તિ મ. ને વિનંતી કરી તેમના સાનિધ્યમાં વીર નિ. સં. ૨૪૫ થી ૨૮૧ના વર્ષોમાં જિનાગામની સાચવણી સુરક્ષિત રહે તેવા યથાર્થ પ્રયાસો કર્યા, પઠન-પાઠનની વ્યવસ્થામાં આવેલી ખામીને દૂર કરી જેથી આ બીજી વાચનાનું નામ ‘ આગમ સંરક્ષણ વાંચના’ દૃષ્ટિ ગોચર થાય છે.

તૃતીય વાચના :- મૌર્ય રાજવંશીઓનો સેનાપતિ પુષ્યમિત્રે રાજદ્રોહ કરી રાજા બન્યો ધર્માધ બનેલા સમ્રાટ સંપ્રતિની શાસન પ્રભાવનાને નામ શેષ કરવા તેણે જૈન શ્રમણો તથા બૌદ્ધ શ્રમણોના શિરચ્છેદ કરાવી કાળો કેર વર્તાવ્યો, સાધુઓ પ્રાણ રક્ષાર્થે કલિંગ દેશ તરફ ચાલ્યા ગયા, કલિંગાધિપતિ મહામેઘવાહન ખારવેલ મહારાજા પરમ જૈન હતાં. આ પ્રમાણે પ્રાણ બચાવવાની વ્યથામાં જિનાલયો તથા, આગમ પઠન-પાઠનની વ્યવસ્થાને જબરદસ્ત હાની થવા પામી, કલિંગ દેશના રાજા ભિક્ષુરાય ખારવેલે તેનો પરાજય કરી ફરી જીવંત કરવા પ્રયાસ કર્યો વીર નિ. સં. ૩૦૦ થી ૩૩૦ સુધીના મધ્યાહ્ન કાલમાં મુનિ સમ્મેલનમાં જિનકલ્પિની તુલના કરનાર પૂ.આ. મહાગિરીના શિષ્યો-પ્રશિષ્યો આ. બલિસ્સહ સૂ.મ. આ. દેવાચાર્ય, આ. ધર્મસેન વિગેરે ૨૦૦ શ્રમણો, આ. સુસ્થિત સૂરિ વગેરે સ્થવિર કલ્પિ ૩૦૦ શ્રમણો, આર્યા પોઈણી વિગેરે ૩૦૦ શ્રમણીઓ, સીવંદ, ચૂર્ણક, સેલગ વગેરે ૭૦૦ શ્રાવકો અને પૂર્ણ મિત્રાહિ ૭૦૦ શ્રાવિકા દ્વારા ત્રીજી આગમ

વાયનામાં અગિયાર અંગો અને દશ પૂર્વોના પાઠોને વ્યવસ્થિત કરવામાં આવ્યા.

ચતુર્થ વાયના :- કાલાધિન અંતિમ દશપૂર્વધર, બાલ વૈરાગી, અનુપમ સંવેગી શ્રી વજ્રસ્વામીએ અંતિમ સમયે સ્વ પટ્ટધર શ્રીવજ્રસેન સૂ.મ.ને ભયંકર દુકાલના ચરમ સમયની જાણમાં 'લાખ સોનેયા આપીને એક હાંડી ભાતની ચડશે તેના બીજા દિવસથી સુકાલ થશે' આ વાત જણાવી આવો ભયંકર દુકાલ વીર નિ. સં. ૫૮૦ થી ઉત્તર ભારતમાં વ્યાપ્ત થયો. જેમાં ગણો-કુલો-વાચકવંશો માત્ર નામશેષ થઈ ગયા. આગમ વારસો ટકાવનાર મુનિપુંગવોની સંખ્યા જૂજ થઈ ગઈ કાળ-બળ ક્ષયે ધારણા શક્તિની અનુકૂલતા પ્રમાણે પણ જો આગમનું સંકલન કરવામાં નહીં આવે તો રહ્યા સાધુઓ પણ રહેલા આગમના વારસાને સાચવવા સમર્થ ન નિવડી શકે માટે ભવિષ્યના અલ્પશક્તિવાળા પણ મેઘાવી સાધુઓને રાખવામાં વિષયાનુસંધાન દ્વારા સુગમતા સાંપડે-તેથી સમકાલીન અન્ય પ્રભાવક આચાર્યોની સંમતિ લઈ શ્રી આર્યરક્ષિત સૂરિ મ. ચાર અનુયોગની વ્યવસ્થા કરી. આગમોને ચિરંજીવ બનાવ્યા વીર નિ. સં. ૫૮૨ લગભગમાં દશપુર (મંદસૌર) (માલવા) નગરે ચોથી વાયના થઈ.

પંચમ વાયના :- વીર સં. ૮૩૦ થી ૮૪૦ લગભગમાં પૂ. આ. સ્કંદિલ સૂરિએ ઉત્તરાપથના મુનિઓને મથુરામાં તથા નાગેન્દ્રવંશીય પરમ પ્રભાવક શ્રી હિમવંત ક્ષમા શ્રમણના શિષ્ય આ. શ્રી નાગાર્જુન સૂરિએ દક્ષિણાપથના મુનિઓને વલભીમાં આગમોની સંકલના કરવા એકઠા થયા કીંતુ તે સમયની દેશગત અંધાધુંધીના કારણે એક જ સાથે ભિન્ન-ભિન્ન સ્થળે આગમવાયનાઓ કરી ભવિષ્યમાં માથુરી અને વલભીવાયનાઓના પાઠ ભેદોનું સમન્વય સહજ થઈ જશે આ હેતુપૂર્વક પાંચમી વાયના કરી.

ષષ્ઠી વાયના :- તેજ ભાવનાઓ અનુસાર માથુરી વાયનાના વારસદાર આ. શ્રી દેવદ્વિગણી ક્ષમાશ્રમણે તથા વલભીવાયનાના વારસદાર આ. શ્રી કાલક સૂરિએ ભેગા મળી. શ્રમણ સંઘને એકત્રિત કરી, કાલકમે વિણસી જતા આગમના ખજાનાને સ્થાયી બનાવવાના શુભ આશયથી શ્રી શત્રુંજ્યાધિષ્ઠાયક શ્રી કપર્દીયક્ષ આદિ દૈવીક સહાયકથી ૫૦૦ આચાર્યાદિઓએ મળી વલભીપુર(વળા સૌરાષ્ટ્ર)માં

પુસ્તકારૂઢ રૂપ આગમ વાચના કરી, આ વાચનામાં ચોરાશી આગમોનું વ્યવસ્થિત સંકલન તાડપત્રના પાના ઉપર લિપિબધ્ધ કરી આગમોને પુસ્તકારૂઢ કરવાનું કાર્ય સાધુ ભગવંતોએ કર્યું. તેમજ અન્ય મહત્વના ગ્રંથોનું પુસ્તકાલેખન કાર્ય થયેલ, ત્યારબાદ સાધુ સત્યમિત્ર સ્વર્ગે ગયા અને વીર નિ. સં. ૧૦૦૦માં વર્ષે પૂર્વજ્ઞાનનો વિચ્છેદ થયો તેમ મનાય છે.

પ્રભુવીરના શાસનમાં ઉપરોક્ત ‘છ’ વાચનાઓના માધ્યમે ૧૦૦૦ વર્ષના ગાળામાં થયેલ શ્રુતોધ્ધારનો ઇતિહાસ મોજૂદ છે. ત્યાર પછી ૧૫૦૦ વર્ષ સુધી આગમ વાચનાનો કે શ્રુતોધ્ધારનો કોઈ ઉલ્લેખ નથી મળતો.

તેમજ વિષમકાળના પ્રભાવથી ૧૦મી સદીની સમાપ્તિ કાળથી શિથિલાચારની વૃદ્ધિ થવાથી આગમિક જ્ઞાનની પરંપરા સુવિહિત ગીતાર્થ, આચાર સંપન્ન શ્રમણોના હાથમાં રહી નહીં પરિણામે હસ્તલિખિત પ્રતોમાં રહેલ આગમો અધિકારીને પણ મળવા દુર્લભ બન્યા.

છેવટે વીસમી સદીના ઉત્તરાર્ધના પ્રારંભકાળે સુવિહિત સંવેગી સાધુઓમાં આચાર નિષ્ઠા, વિશિષ્ટ વૈરાગ્યની પ્રબલ ભૂમિકા આદિ સુદૃઢ હોવા છતાંય આ બધાને ટકાવવા માટેના જરૂરી સંજોગો ન મળતાં આગમિક જ્ઞાનની માત્રા પઠન-પાઠનની શાસ્ત્રીય પરંપરા સુરક્ષિત ન રહી શકવાના કારણે ખુબ જ અલ્પ માત્રામાં રહેવા પામી

આવા અવસરે શ્રમણસંઘની ૧૮ પ્રસિધ્ધ શાખાઓમાં વધુ પ્રભાવશાળી ‘સાગરશાખા’ના અદ્વિતીય પ્રતિભા સંપન્ન પ્રૌઢધીષણશાલી અનેકવાદો કરી તપાગચ્છની વિજય પતાકા ફેલાવનાર પૂ. મુનિરાજ શ્રી ઝવેરસાગરજી. મ.ના. એક માત્ર શિષ્ય નવ માસના ટૂંકા ગાળાનો જ ગુરુ સહવાસ છતાં પૂર્વજન્મની આરાધનાના બળે એકલે હાથે ન્યાય-વ્યાકરણ, આગમટીકા આદિ અનેક સાધના ગ્રંથોનું અગાધ વિદ્વત્તા પૂર્ણ જ્ઞાન મેળવી પૂ. ગુરુદેવ શ્રી ઝવેરસાગરજી મ.ની આગમોની પારદશ્વતાના વારસાને તે ગુરુદેવશ્રીના અન્તિમ સમયના “ આગમો કા અભ્યાસ બરોબર કરના ” શબ્દ પાછળ રહેલ ઉંડા અંતરના આશિષના બળે આગમિક તલસ્પર્શી અગાધ માર્મિક જ્ઞાન આપ મેળે મેળવી વીર નિ. સં. ૨૪૪૦ વિ.સં. ૧૯૭૦માં કો’ક મંગલ ચોઘડીએ જિનશાસનના એક મહાન ધુરંધર સમર્થક પ્રભાવક શાસ્ત્રોના પારગામી

આચાર્યભગવંતો વર્ષો જૂની શ્રમણસંઘની ફરજ અને જવાબદારી રૂપ આગમોના અણમોલ વારસાને સુરક્ષીત રાખવાના પ્રશ્ને ફરીથી ઉપસ્થિત કરી.

રાજ્યદ્વારી ઉપદ્રવો, ધર્માંધ ઝનૂન, બ્રિટીશ હકૂમત, જનતામાં ફેલાયેલ ક્રાન્તિકારી વિચારધારા, પશ્ચાત્ય કેળવણીના સંસ્કાર આદિ સંઘર્ષ કાળમાં પુસ્તકો પ્રતો મેળવવી અતિકઠીન હતી તે સમયે જુદા જુદા ખૂણે રહેલી હસ્તપ્રત-તાડપત્ર આદિ પરથી સંશોધન કરી જાત મહેનતે પ્રેસકોપીથી માંડીને સુધારવા સુધીની સંપૂર્ણ દેખરેખ જવાબદારીથી આગમ ગ્રંથોની મર્યાદિત પ્રતિઓ છપાવી સામુદાયિક વાચનાઓ વિ. સં. ૧૯૭૧થી ૧૯૭૭ સુધીમાં પાટણ-કપડવંજ-અમદાવાદ-સુરત આદિ ક્ષેત્રોમાં છ-છ મહીનાની વાચનાઓ ગોઠવી સેંકડો સાધુ-સાધ્વીઓને આગમોને વાંચવાની પરિપાટી આદિનો સંપૂર્ણ ખ્યાલ કરાવ્યો સાત સામુદાયિક વાચનાઓમાં ૨૬ ગ્રંથો વાંચ્યા તેમાં લગભગ ૨,૩૩,૨૦૦ શ્લોકની વાચના આપી તથા આગમ દિવાકર પૂ. મુનિશ્રીપુણ્યવિજયજી મ. આદિને પણ આ ક્ષેત્રે આગળ વધવા અંગૂલ નિર્દેશ કરી આ મહાપુરુષે શ્રુત સરિતાને ધોધમાર વહેતી કરી છે.

આ મહાપુરુષ તે પ્રાતઃ સ્મરણીય ગુજરાત-માલવા-રાજસ્થાન-બંગાલ-બિહાર આદિ અનેક ક્ષેત્ર સંઘો તથા સુરત સંઘના આમૂલચૂલ ઉપકારી, આગમોધ્ધારક ધ્યાનસ્થ સ્વર્ગસ્થ પ.પૂ. આચાર્યશ્રી આનંદસાગર સૂરીશ્વરજી મહારાજ જેઓ ‘ પૂ. સાગરજી મ.’ ના લાડીલા, હૂલામણા નામથી પણ પ્રસિદ્ધ હતાં તેમના જ સંશોધિત આગમો અમને પ્રતાકારે પુર્ન મુદ્રિત કરાવવાનો લાભ પ્રાપ્ત થયો છે. તા.ક. વર્તમાન કાળે ગ્રંથો, શાસ્ત્રો, સુવિહિત ગીત્ત્વ આચાર્ય ભગવંતો, ઈતિહાસકારો પાસેથી પ્રાપ્ત થતી માહિતી અનુસાર વીર નિર્વાણના ૧૦૦૦ વર્ષમાં છ-છ વાચના-સંકલન બાદ ૧૫૦૦ વર્ષ સુધીમાં આવું કોઈ કાર્ય થયેલ જણાતું નથી ત્યાર બાદ એકલા હાથે આપ બળે સૌ પ્રથમ આગમ ઉધ્ધારના ભગીરથ કાર્યને કરનાર ગુરૂદેવને કોટી-કોટી વંદના...

॥ श्री जंबूद्वीप प्रज्ञप्ति सूत्रं ॥

ॐ नमः ॥ णमो अरिहंताणं० । तेणं कालेणं तेणं समएणं मिहिला णामं णयरी होत्था, रिद्धत्थिमियसमिद्धा वण्णओ, तीसे णं मिहिलाए णयरीए बहिया उत्तरपुरच्छिमे दिसिभाए एत्थ णं माणिभद्दे णामं चेइए होत्था वण्णओ, जियसत्तू राया धारिणी देवी वण्णओ, तेणं कालेणं० सामी समोसढो, परिसा णिग्गया, धम्मो कहिओ, परिसा पडिगया ॥ १ ॥ तेणं कालेणं० समणस्स भगवओ महावीरस्स जेठ्ठे अंतेवासी इंदभूर्इ णामं अणगारे गोअमगोत्तेणं सत्तुस्सेहे समचउरंसंठाणे जाव तिक्खुत्तो आयाहिणं पयाहिणं करेइ वंदइ णमंसइ त्ता (५० जाव) एवं वयासी ॥ २ ॥ कहिं णं भंते! जंबुद्वीवे केमहालए णं भंते! जंबुद्वीवे किंसंठिए णं भंते! जंबुद्वीवे किमायारभावपडोयारे णं भंते! जंबुद्वीवे पण्णत्ते?, गोयमा! अयण्णं जंबुद्वीवे दीवे सव्वदीवसमुद्दाणं सव्वब्भंतराए सव्वखुड्डाए वट्ठे तेला पूय संठाण संठिए वट्ठे रहचक्कवालसंठाणसंठिए वट्ठे पुक्खरकणियासंठाणसंठिए वट्ठे पडिपुण्णचंदसंठाणसंठिए एगं जोयणसयसहस्सं आयामविक्खंभेणं तिण्णिण जोयणसयसहस्साइं सोलस सहस्साइं दोण्णिण य सत्तावीसे जोयणसए तिण्णिण य कोसे अट्ठावीसं च धणुसयं तेरस अंगुलाइं अब्दंगुलं च किंचिविसेसाहियं परिक्खेवेणं पं० ॥ ३ ॥ से णं एगाए वइरामईए जगईए सव्वओ

॥ श्री जंबूद्वीप प्रज्ञप्ति सूत्रं ॥

१

पू. सागरजी म. संशोधित

समंता संपरिक्खत्ते, सा णं जगई अट्ठ जोयणाइं उट्ठुंउच्चत्तेणं मूले बारस जोअणाइं विक्खंभेणं मज्झे अट्ठ जोयणाइं विक्खंभेणं उवरि चत्तारि जोअणाइं विक्खंभेणं मूले विच्छिन्ना मज्झे संक्खत्ता उवरि (प्र० प्पिं) तणुया गोपुच्छसंठाणसंठिया सव्ववइरामई अच्छ सण्हा लण्हा घट्ठा मट्ठा णीरया णिम्मला णिप्पंका णिक्कं कडच्छाया सप्पभा समिरीया सउज्जोया पासादीया दरिसणिजा अभिरूवा पडिरूवा, सा णं जगई एगेणं महंतगवक्ख(प्र० जाल) कडाएणं सव्वओ समंता संपरिक्खत्ता, से णं गवक्खकडाए अद्धजोअणं उट्ठुंउच्चत्तेणं पंच धणुसयाइं विक्खंभेणं सव्वरयणामए अच्छे जाव पडिरूवे, तीसे णं जगईए उप्पिं बहुमज्झदेसभाए एत्थ णं महं-एगा पउमवरवेइया पं० अद्धजोयणं उट्ठुंउच्चत्तेणं पंच धणुसयाइं विक्खंभेणं जगईसभिया परिक्खेवेणं सव्वरयणामई अच्छा जाव पडिरूवा, तीसे णं पउमवरवेइयाए अयमेयारूवे वण्णावासे पं० तं०-वइरामया णोमी एवं जहा जीवाभिगमे जाव अट्ठो जाव धुवा णियया सासया जाव णिच्चा॥ ४॥ तीसे णं जगईए उप्पिं बाहिं पउमवरवेइयाए एत्थ णं महं एगे वणसंडे पं० देसूणाई दो जोअणाइं विक्खंभेणं जगईसमए परिक्खेवेणं वणसंडवण्णओ णायव्वो॥ ५॥ तस्स णं वणसंडस्स अंतो बहुसमरमणिज्जे भूमिभागे पं० से जहाणामए आलिंगपुक्खरेइ वा जाव णाणाविहपंचवण्णेहिं मणीहि य तणेहि य उवसोभिए, तं०- किण्हेहिं एवं वण्णो गंधो रसो फासो सहो पुक्खरिणीओ पव्वयगा घरगा मंडवगा पुढविसिलावट्टया णेयव्वा, तत्थ णं बहवे वाणमंतरा देवा य देवीओ य आसयंति सयंति० पुरापोराणाणं सुपरक्कंताणं सुभाणं कल्लाणाणं कडाणं कम्भाणं कल्लाणफलवित्तिविसेसं पच्चणुभवमाणा विहरंति, तीसे णं जगईए

उष्णिं अंतो पउमरवेइआए पत्थ णं एगे महं वणसंडे पं०, देसूणाइं दो जोअणाई विक्खंभेणं वेदियासमएण परिकखेवेणं किणहे जाव तणविहूणो णेअव्वो ॥ ६ ॥ जंबुदीवस्स णं भंत! दीवस्स कइ दारा पं०?, गो०! चत्तारि दारा पं० तं०- विजए वेजयंते जयंते अपराजिए, एवं चत्तारिवि दारा सरायहाणिआ भाणियव्वा ॥ ७ ॥ कहिं णं भंते! जंबुदीवस्स विजए णामं दारे पं०, गो०! जंबुदीवे मंदरस्स पव्वयस्स पुरत्थिमेणं पणयात्तीसं जोयणसहस्साइं वीडवइत्ता जंबुदीवपुरित्थमपेरंते लवणसमुदपुरत्थिमद्धस्स पच्चत्थिमेणं सीआए महाणईए उष्णिं एत्थ णं जंबुदीवस्स विजए णामं दारे पं० अट्ठ जोयणाइं उद्धंउच्चतेणं चत्तारि जोयणाइं विक्खंभेणं तावइयं चेव पवेसेणं सेए वरकणगथूभियाए जाव दारस्स वण्णओ जाव रायहाणी ॥ ८ ॥ जंबुदीवस्स णं भंते! दीवस्स दारस्स य दारस्स य केवइए अबाहाए अंतरे पं०?, गो०! अउणासीई जोअणसहस्साई बावण्णं च जोअणाई देसूणं च अद्धजोअणं दारस्स य २ अबाहाए अंतरे पं० अउणासीइ सहस्सा बावण्णं चेव जोअणा हुंति। ऊणं च अद्धजोअण दारंतर जंबुदीवस्स ॥ ९ ॥ कहिं णं भंते! जंबुदीवे दीवे भरहे णामं वासे पं०?, गो०! चुल्लहिमवंतस्स वासहरपव्वयस्स दाहिणेणं दाहिणलवणसमुदस्स उत्तरेणं पुरत्थिमलवणसमुदस्स पच्चत्थिमेणं पच्चत्थिमलवणसमुदस्स पुरत्थिमेणं एत्थ णं जंबुदीवे दीवे भरहे णामं वासे पं०, खाणु बहुले कंटक० विसम० दुग्ग० पव्वय० पवाय० उज्झर० णिज्झर० खड्डा० दरी० णई० दह० रुक्ख० गुच्छ० गुम्म० लया० वल्ली० अडवी० सावय० तण० तक्कर० डिम्ब० डमर० दुब्भिक्ख० दुक्काल० पासंड० किवण० वणीमग० ईति० मारि० कुवुट्ठि० अणावुट्ठि० राय० रोग० संकिलेसबहुले अभिक्खणं २

संखोहबहुले पाईणपडीणायए उदीणदाहिणविच्छिण्णे उत्तरओ पलिअंकसंठाणसंठिए दाहिण्णओ धणुपिट्ठसंठिए तिथा लवणसमुदं पुट्ठे गंगासिंधूहिं महाणईहिं वेअट्ठेण य पव्वएण छब्भागपविभते जंबुदीवदीवणउयसयभागे पंचछव्वीसे जोअणसए छच्च एगूणवीसइभाए जोअणस्स विक्खंभेणं, भरहस्स णं वासस्स बहुमज्झदेसभाए एत्थ णं वेअट्ठे णामं पव्वए पं०, जे णं भरहं वासं दुहा विभायमाणे २ चिट्ठइ, तं०-दाहिणड्ढभरहं च उत्तरड्ढभरहं च॥ १०॥ कहिं णं भंते जंबुदीव दीवे दाहिणद्धे भरहे णामं वासे पं०?, गो०! वेयद्धस्स पव्वयस्स दाहिणेणं दाहिणलवणसमुदस्स उत्तरेणं पुरत्थिमलवणसमुदस्स पच्चत्थिमेणं पच्चत्थिमलवणसमुदस्स पुरत्थिमेणं एत्थ णं जंबुदीवे दीवे दाहिणद्धभरहे णामं वासे पं० पाईणपडिणायए उदीणदाहिणविच्छिण्णे अद्धचंदसंठाणसंठिए तिहा लवणसमुदं पुट्ठे गंगासिंधूहिं महाणईहिं तिभागपविभत्ते दोण्णि अट्ठतीसे जोअणसए तिण्णि अ एगूणवीसइभागे जोयणस्स विक्खंभेणं, तस्स जीवा उत्तरेणं पाईणपडीणायया दुहा लवणसमुदं पुट्ठा पुरत्थिमिल्लाए कोडीए पुरत्थिमिल्लं लवणसमुदं पुट्ठा पच्चत्थिमिल्लाए कोडीए पच्चत्थिमिल्लं लवणसमुदं पुट्ठा नव जोयणसहस्साइं सत्त य अडयाले जोयणसए दुवाल्स य एगूणवीसइभाए जोयणस्स आयामेणं तीसे धणुपुट्ठे दाहिणेणं णव जोयणसहस्साइं सत्त छावट्ठे जोयणसए इक्कं च एगूणवीसइ भागे जोयणस्स किंचिविसेसाहिअं परिक्खेवेणं पं०, दाहिणद्धभरहस्स णं भंते! वासस्स केरिसए आयारभावपडोयारे पं०?, गो०! बहुसमरमणिजे भूमिभागे पं०, से जहाणामए आलिंगपुक्खरेइ वा जाव णाणाविहपञ्चवण्णेहिं मणीहिं तणेहि य उवसोभिए, तं०- कित्तिमेहिं चेव अकित्तिमेहिं चेव, दाहिणद्धभरहे णं भंते! वासे

मणुयाणं केरिसए आयारभावपडोयारे पं०? गो०! ते णं मणुआ बहुसंघयणा बहुउच्चत्तपज्जवा बहुआउपज्जवा बहूइं वासाइं आउं पालेति ता अप्पेगइया णिरयगामी अप्पेगइया तिरिय० अप्पेगइया मणय० अप्पेगइया देव० अप्पेगइया सिज्झंति बुज्झंति मुच्चंति परिणिव्वायंति सव्वदुक्खाणमंतं करेति ॥ १ ॥ कहिं णं भंते! जंबुदीवे दीवे भरहे वासे वेयद्धे णामं पव्वए पं०? गो०! उत्तरद्धभरहवासस्स दाहिणेणं दाहिणद्धभरहवासस्स उत्तरेणं पुरित्थमलवणसमुद्धस्स पच्चत्थिमेणं पच्चत्थिमलवणसमुद्धस्स पुरत्थिमेणं एत्थ णं जंबुदीवे भरहे वासे वेअद्धे णामं पव्वए पं० पाईणपडीणायए उदीणदाहिणविच्छिण्णे दुहा लवणसमुद्धं पुट्ठे पुरत्थिमिल्लाए कोडीए पुरत्थिमिल्लं लवणसमुद्धं पुट्ठे पच्चत्थिमिल्लाए कोडीए पच्चत्थिमिल्लं लवणसमुद्धं पुट्ठे पणवीसं जोयणाइं उद्धउच्चत्तेणं छ सकोसाइं जोअणाइं उव्वेहेणं पण्णासं जोअणाइं विक्खंभेण तस्स बाहा पुरत्थिमपच्चत्थिमेणं चत्तारि अट्ठासीए जोयणासए सोलस य एगूणवीसइभागे जोअणास्स अद्धभागं च आयामेणं पं०, तस्स जीवा उत्तरेणं पाईणपडीणायया दुहा लवणसमुद्धं पुट्ठा पुरत्थिमिल्लाए कोडीए पुरत्थिमिल्लं लवणसमुद्धं पुट्ठा पच्चत्थिमिल्लाए कोडीए पच्चत्थिमिल्लं लवणसमुद्धं पुट्ठा दस जोयणासहस्साइं सत्त य वीसे जोअणासए दुवालस य एगूणवीसइभागे जोअणास्स आयामेणं तीसे धणुपट्ठे दाहिणेणं दस जोअणासहस्साइं सत्त य तेआले जोयणासए पण्णारस य एगूणवीसइभागे जोयणास्स परिक्खेवेणं रूअगसंठाणसंठिए सव्वरययामए अच्छे सण्हे लण्हे घट्ठे मट्ठे णीरए णिम्मले णिप्पंके णिक्कंकडच्छाए सप्पभे जाव पडिरूवे, उभओ पासिं दोहिं पउमवरवेइयाहिं दोहि अ वणसंडेहिं सव्वओ समंता संपरिकिखत्ते, ताओ णं पउमवरवेइयाओ

अद्धजोयणं उद्धंउच्चतेणं पंच धणुसयाइं विक्खंभेणं पव्वयसमियाओ आयामेणं वण्णओ भाणियव्वो, ते णं वणसंडा देसूणाइं दो जोअणाइं विक्खंभेणं पउमवरवेइयासमगा आयामेणं किण्हा किण्होभासा जाव वण्णाओ, वेयद्धस्स णं पव्वयस्स पुरच्छिमपच्चच्छिमेणं दो गुहाओ पं०, उत्तरदाहिणाययाओ पाईणपडीणविच्छिण्णाओ पण्णासं जो अणाइं आयामेणं दुवालस जोअणाइं विक्खंभेणं अट्ठ जोयणाइं उद्धंउच्चत्तेणं वइरामयकवाडोहाडिआओ जमलजुअलकवाडघणुदुप्पवेसाओ णिच्चंधयारतिमिस्साओ ववगयगहचंदसूर-
णक्खत्तजोइसपहाओ जाव पडिरूवाओ तं०- तमिसगुहा चेव खंडप्पवायगुहा चेव, तत्थ णं दो देवा महिद्धीया महज्जुइआ महाबला महायसा महासुक्खा महाणुभागा पलिओवमट्ठिइया परिवसंति, तं०-कयमालए चेव णट्टमालए चेव, तेसिं णं वणसंडाणं बहुसमरमणिज्जाओ भूमिभागाओ वेअद्धस्स पव्वयस्स उभओ पासिं दस २ ओअणाइं उद्धं उप्पइत्ता एत्थ णं दुवे विज्जाहरसेढीओ पं० पाईणपडीणाययाओ उदीणदाहिणविच्छिण्णाओ दस २ जोअणाइं विक्खंभेणं पव्वयसमियाओ आयामेणं उभओ पासिं दोहिं पउमवरवेइयाहिं दोहि य वणसंडेहिं संपरिक्खत्ताओ, ताओ णं पउमवरवेइयाओ अद्धजोअणं उद्धंउच्चतेणं पञ्च धणुसयाइं विक्खंभेणं पव्वयसमियाओ आयामेणं वण्णओ णेयव्वो, वणसंडावि पउमवरवेइयासमगा आयामेणं वण्णओ, विज्जाहरसेढीणं भंते! भूमीणं केरिसए आयारभावपडोयारे पं०? गो! बहुसमरमणिज्जे भूमिभागे पं०, से जहाणामए आलिंगपुक्खरेइ वा जाव णाणाविहपंचवण्णेहिं मणीहिं तणेहि य उवसोभिए, तं०- कित्तिमेहिं चेव अकित्तिमेहिं चेव, तत्थ णं दाहिणिल्लाए विज्जाहरसेढीए गगणवल्लभपामोक्खा

॥ श्री जंबूद्वीप प्रज्ञप्ति सूत्रं ॥

६

पू. सागरजी म. संशोधित

पण्णासं विज्जाहरणगरावासा पं०, उत्तरिल्लाए विज्जाहरसेढीए रहनेउरचक्कवालपामोक्खा सट्ठिं विज्जाहरणगरावासा पं०, एवामेव सपुव्वावरेणं दाहिणिल्लाए उत्तरिल्लाए विज्जाहरसेढीए एगं दसुत्तरं विज्जाहरणगरावाससयं भवतीतिमक्खायं, ते विज्जाहरणगरा रिद्धत्थिभियसमिद्धा पमुइयजणजाणवया जाव पडिस्वा, तेसु णं विज्जाहरणगरेसु बहवे विज्जाहररायाणो परिवसंति महयाहिमवंतमलयमंदरमहिंदसारा रायवण्णओ भाणिअव्वो, विज्जाहरसेढीणं भंते! मणुआणं केरिसए आचारभावपडोयारे पं०?, गो०! ते णं मणुआ बहुसंघयणा बहुसंठाणा बहुउच्चत्तपज्जवा बहुआउपज्जवा जाव सव्वदुक्खाणभंतं करेति, तासिं णं विज्जाहरसेढीणं बहुसमरमणिज्जाओ भूमिभागाओ वेअद्धस्स पव्वयस्स उभओ पासिं दस २ जोअणाइं उद्धं उप्पइत्ता एत्थ णं दुवे आभिओगसेढीओ पं० पाईणपडीणाययाओ उदीणदाहिणविच्छिण्णाओ दस २ जोअणाइं विक्खंभेणं पव्वयसमियाओ आयामेणं उभओ पासिं दोहिं पउमवरवेइयाहिं दोहिं अ वणसंडेहिं संपरिक्खत्ताओ वण्णओ दोणहवि पव्वयसमियाओ आयामेणं, आभिओगसेढीणं भंते! केरिसए आचारभावपडोयारे पं०?, गो०! बहुसमरमणिज्जे भूमिभागे पं० जाव तणेहि य उवसोभिए वण्णाई जाव तणाणं सदोति, तासिं णं आभिओगसेढीणं तत्थ २ देसे तहिं २ जाव वाणमंतरा देवा य देवीओ य आसयंति सयंति जाव फलवित्तिविसेसं पच्चणुभवमाणा विहरंति, तासु णं आभिओगसेढीसु सक्कस्स देविंदस्स देवरण्णो सोमजमवरूणवेसमणकाइआणं आभिओगाणं देवाणं बहवे भवणा पं०, ते णं भवणा बाहिं वट्ठा अंतो चउरंसा वण्णओ जाव अच्छरगणसंघविकिण्णा जाव पडिरूवा, तत्थ णं सक्कस्स देविंदस्स

देवरण्णो सोमजमवरुणवेसमणकाइया बहवे आभिओगा देवा महिद्धीआ महज्जुईआ जाव महासुक्खा पलिओवमट्ठिइया परिवसंति,
 तासिं णं आभिओगसेढीणं बहुसमरमणिज्जाओ भूमिभागाओ वेयड्डस्स पव्वयस्स उभओ पासिं पंच २ जोयणाइं उद्धं उप्पइत्ता एत्थ णं
 वेयद्धस्स पव्वयस्स सिहरतले पं० पाईणपडीणायए उदीणदाहिणविच्छिण्णो दस जोअणाइं विक्खंभेणं पव्वयसमगे आयामेणं, से णं
 इक्काए पउमवरवेइयाए इक्केणं वणसंडेणं सव्वओ समंता संपरिक्खत्ते पमाणं वण्णगो दोणहंपि, वेयड्डस्स णं भंते! पव्वयस्स
 सिहरतलस्स केरिसए आगारभावपडोआरे पं०?, गो०! बहुसमरमणिजे भूमिभागे पं० से जहाणामए आलिंगपुक्खरेइ वा जाव
 णाणाविहपंचवण्णेहिं मणीहिं उवसोभिए जाव वावीओ पुक्खरिणीओ जाव वाणमंतरा देवा य देवीओ य आसयंति जाव भुंजमाणा
 विहरंति, जंबुद्दीवे णं भंते! दीवे भारहे वासे वेअड्डपव्वए कइ कूडा पं०?, गो०! णव कूडा पं० तं०-सिद्धाययणकूडे दाहिणड्डभरहकूडे
 खंडप्पवायगुहा० माणिभद० वेअड्ड० पुण्णभद० तिमिसगुहा० उत्तरड्डभरह० वेसमणकूडे ॥ १२ ॥ कहिं णं भंते! जंबुद्दीवे दीवे भारहे
 वासे वेअड्डपव्वए सिद्धायतणकूडे णामं कूडे पं०?, गो०! पुरच्छिमलवणसमुदस्स पच्चच्छिमेणं दाहिणद्धभरहकूडस्स पुरच्छिमेणं
 एत्थ णं जंबुद्दीवे भारहे वासे वेअड्डे पव्वए सिद्धायतणकूडे णामं कूडे पं० छ सक्कोसाइं जोअणाइं उद्धंउच्चतेणं मूले छ सक्कोसाइं
 जोयणाइं विक्खंभेणं मज्झे देसूणाइं पंच जोयणाइं विक्खंभेणं उवरिं साइरेगाइं तिण्णि जोअणाइं विक्खंभेण मूले देसूणाइं बावीसं
 जोअणाइं परिक्खेवेणं मज्झे देसूणाइं पण्णरस जोअणाइं परिक्खेवेणं उवरिं साइरेगाइं णव जोअणाइं परिक्खेवेणं मूले विच्छिण्णो

॥ श्री जंबुद्दीप प्रज्ञप्ति सूत्र ॥

८

पू. सागरजी म. संशोधित

मज्झे संखित्ते उप्पिं तणुए गोपुच्छसंठाणसंठिए सव्वरयणामए अच्छे सणहे जाव पडिरूवे, से णं एगाए पउमवरवेइयाए एगेण य वणसंडेण सव्वओ समंता संपरिक्खित्ते पमाणं वण्णओ दोणहंपि, सिद्धायतणकूडस्स णं उप्पिं बहुसमरमणिज्जे भूमिभागे पं०, से जहाणामए आलिंगपुक्खरेइ वा जाव वाणमंतरा देवा य जाव विहरंति, तस्स णं बहुसमरमणिज्जस्स भूमिभागस्स बहुमज्झदेसभागे एत्थं णं महं एगे सिद्धाययणे पं० कोसं आयामेणं अद्धकोसं विक्खंभेणं देसूणं कोसं उद्धंउच्चत्तेणं अणेगखंभसयसन्निविट्ठे संभुग्गयसुकयवइरवेइआतोरणवररइअसालभंजिअसुसिलिट्ठविसिट्ठसंठिअपसत्थवेरूलिअविमलखंभे णाणामणिरयणखचिअ-उज्जलबहुसमसुविभत्तभूमिभागे ईहामिगउसभतुरगणरमगरविहगवालगकिन्नररुसुरभचमरकुंजरवणलयजावपउमलयभत्तिचित्ते कंचणामणिरयणथूमियाए णाणाविहपंच० वन्नओ घंटापडागपरिमंडिअग्गसिहरे धवले मरीइकवयं विणिम्भुअंते लाउल्लोइअमहिए जाव झया, तस्स णं सिद्धायतणस्स तिदिसिं तओ दारा पं०, ते णं दारा पंच धणुसयाइं उद्धंउच्चत्तेणं अद्धाइज्जाइं धणुसयाइं विक्खंभेणं तावइयं चेव पवेसेणं सेआ वरकणगथूभिआगा दारवण्णओ जाव वणमाला, तस्स णं सिद्धाययणस्स अंतो बहुसमरमणिज्जे भूमिभागे पं०, से जहाणामए आलिंगपुक्खरेइ वा जाव तस्स णं सिद्धाययणस्स णं बहुसमरमणिज्जस्स भूमिभागस्स बहुमज्झदेसभाए एत्थं णं महं एगे देवच्छंदाए पं० पंच धणुसयाइं आयामविक्खंभेणं साइरेगाइं पंच धणुसयाइं उद्धंउच्चत्तेणं सव्वरयणाणए, एत्थं णं अट्ठसयं जिणपडिमाणं जिणुस्सेहप्पमाणमित्ताणं संनिक्खित्तं चिट्ठइ एवं जाव धूवकडुच्छुगा ॥ १३ ॥ कहिं णं भंते! वेअट्ठपव्वए दाहिणट्ठभरहकूडे

णामं कूडे पं०?, गो०! खंड प्पवायकूडस्स पुरच्छिमेणं सिद्धाययणकूडस्स पच्चच्छिमेणं एत्थ णं वेअड्डपव्वए दाहिणड्डभरहकूडे णामं कूडे पं०, सिद्धाययणकूडप्पमाणसरिसे जाव तस्स णं बहुसभरमणिजस्स भूमिभागस्स बहुमज्झदेसभाए एत्थ णं महं एगे पासायवडिंसए पं० कोसं उड्डंउच्चत्तेणं अब्धकोसं विक्खंभेणं अब्भुगयमूसियपहसिए जाव पासाईए०, तस्स णं पासायवडंसगस्स बहुमज्झदेसभाए एत्थ णं महं एगा मणिपेढिआ पं०, पंच धणुसयाइं आयामविक्खंभेणं अड्डाइजाइं धणुसयाइं बाहलेणं सव्वमणिमई, तीसे णं मणिपेढिआए उप्पिं सिंहासणं पं० सपरिवारं भाणियव्वं, से केणट्ठेणं भंते! एवं वुच्चइ दाहिणड्डभरहकूडे २?, गो०! दाहिणड्डभरहकूडे णं दाहिणड्डभरहे णामं देवे महिड्डीए जाव पलिओवमड्डिईए परिवसइ, से णं तत्थ चउण्हं सामाणिअसाहस्सीणं चउण्हं अगगमहिसीणं सपरिवाराणं तिण्हं परिसाणं सत्तण्हं अणियाणं सत्तण्हं अणियाहिर्वड्ढं सोलसण्हं आयरक्खदेवसाहस्सीणं दाहिणड्डभरहकूडस्स दाहिणड्डाए (भरहाए पा०) रायहाणीए अण्णेसिं बहूणं देवाण य देवीण य जाव विहरइ, कहिं णं भंते! दाहिणड्डभरहकूडस्स देवस्स दाहिणड्डा णामं रायहाणी पं०?, गो०! मंदरस्स पव्वतस्स दक्खिणोणं तिरियमसंखेज्जे दीवसमुदे वीईवइत्ता जंबुदीवे दीवे दक्खिणोणं बारस जोयणसहस्साइं ओगाहिता एत्थ णं दाहिणड्डभरहकूडस्स देवस्स दाहिणड्डभरहा णामं रायहाणी भाणिअव्वा जहा विजयस्स देवस्स, एवं सव्वकूडा णोयव्वा जाव वेसमणकूडे परोप्परं पुरच्छिमपच्चत्थिमेणं, इमेसिं (इमा से पा०) वण्णावासे गाहा मज्झे वेअड्डस्स उ कणयमया तिणिण होति कूडा ३। सेसा पव्वयकूडा सव्वे रयणामया होति ॥ २ ॥ माणिभहकूडे वेअड्डकूडे पुण्णभहकूडे एए तिणिण

कूडा कणगामया सेसा छप्पि रयणामया, दोणहं विसरिसणामया देवा कयमालए चेव णट्टमालए चेव, सेसाणं छणहं सरिसणामया जणणामया य कूडा तन्नामा खलु हवन्ति ते देवा। पलिओवमट्ठिईया हवन्ति पत्तेअपत्तेयं ॥ ३॥ रायहाणीओ जंबुदीव दीवे० बारस जोअणसहस्साइं ओगाहिता एत्थ णं रायहाणीओ भाणिअव्वओ विजयरायहाणीसरिसियाओ ॥ १४॥ से केणट्ठेणं भंते! एवं वुच्चइ वेअट्ठे पव्वए २?, गो०! वेअट्ठे णं पव्वए भरहं वासं दुहा विभयहाणे २ चिट्ठइ, तं०-दाहिणट्ठुभरहं च उत्तरट्ठुभरहं च, वेअट्ठुगिरिकुमारे अ इत्थ देवे महिट्ठीए जाव पलिओवमट्ठिइए परिवसइ, से तेणट्ठेणं गो०! एवं वुच्चइ वेअट्ठे पव्वए २, अदुत्तरं च णं गो०! वेयट्ठस्स पव्वयस्स सासए णामधेजे पं० जं ण कयाइ ण आसी ण कयाइ ण भवइ ण कयाइ ण भविस्सइ भुविं च भवइ अ भविस्सइ अ धुवे णिअए सासए अक्खए अव्वए अवट्ठिए णिच्चे ॥ १५॥ कहिं णं भंते! जंबुदीवे उत्तरट्ठुभरहे णामं वासे पं०?, गो०! चुल्लहिमवंतस्स वासहरपव्वयस्स दाहिणेणं वेअट्ठस्स पव्वयस्स उत्तेरणं पुरिच्छिमलवणसमुद्दस्स पच्चच्छिमेणं पच्चच्छिमलवणसमुद्दस्स पुरिच्छिमेणं एत्थ णं जंबुदीवे उत्तरट्ठुभरहे णामं वासे पं० पाईणपडीणायए उदीणदाहिणविच्छिण्णे पलिअंकसंठिए दुहा लवणसमुदं पुट्ठे पुरिच्छिमिल्लिए कोडीए पुरिच्छिमिल्लं लवणसमुदं पुट्ठे पच्चच्छिमिल्लिए जाव पुट्ठे गंगासिंधूहिं महाणईहिं तिभागपविभत्ते दोण्णि अट्ठतासे जोअणसए तिण्णि अ एगूणवीसइभागे जोअणस्स विक्खवंभेणं, तस्स बाहा पुरिच्छिमपच्चच्छिमेणं अट्ठारस बाणउए जोअणसए सत्त य एगूणवीसइभागे जोअणस्स अद्भभागं च आयमेणं, तस्स जीवा उत्तरेणं पाइणपडीणायया दुहा लवणसमुदं पुट्ठा तहेव जाव चोदस जोअणसहस्साइं

॥ श्री जंबूदीप प्रज्ञप्ति सूत्रं ॥

११

पू. सागरजी म. संशोधित

चत्तारि य एक्कसत्तरे जोअणसए छच्च एगूणवीसइभाए जोअणस्स किंचिविसेपूणे आयामेणं पं०, तीसे घणुपट्टे दाहिणेणं चोदस जोअणसहस्साइं पंच अट्ठावीसे जोअणसए एक्कारस य एगूणवीसइभाए जोयणस्स परिक्खेवेणं, उत्तरङ्गभरहस्स णं भंते! वासस्स केरिसए आयारभावपडोयारे पं०?, गो०! बहुसमरमणिज्जे भूमिभागे पं० से जहाणामए आलिंगपुक्खरेइ वा जाव कित्तिमेहिं चेव अकित्तिमेहिं चेव, उत्तरङ्गभरहे णं भंते! वासे मणुआणं केरिसए आयारभावपडोयारे पं०? गो०! ते णं मणुआ बहुसंघयणा जाव अप्पेगइआ सिज्झंति जाव सव्वदुक्खाणमंतं करेति ॥ १६ ॥ कहिं णं भंते! जंबुदीवे दीवे उत्तरङ्गभरहे वासे उसभकूडे णामं पव्वए पं०? गो०! गंगाकुंडस्स पच्चत्थिमेणं सिंधुकुंडस्स पुरच्छिमेणं चुल्लहिमवतंसस्स वासहरपव्वयस्स दाहिणिल्ले णितंबे एत्थ णं जंबुदीवे उत्तरङ्गभरहे वासे उसहकूडे णामं पव्वए पं० अट्ठ जोअणाइं उट्ठुंउच्चत्तेणं दो जोयणाइं उव्वेहणं मूले अट्ठ जोअणाइं विक्खंभेणं मज्झे छ जोअणाइं विक्खंभेणं उवरि चत्तारिजोयणाइं विक्खंभेणं मूले साइरेगाइं पणवीसं जोअणाइं परिक्खेवेणं मज्झे साइरेगाइं अट्ठारस जोअणाइं परिक्खेवेणं उवरि साइरेगाइं दुवालस जोअणाइं परिक्खेवेणं वाचनान्तरं मूले बारस जोअणाइं विक्खंभेणं मज्झे अट्ठ जोअणाइं विक्खंभेणं उप्पिं चत्तारि जोअणाइं विक्खंभेणं मूले साइरेगाइं सत्तत्तीसं जोअणाइं परिक्खेवेणं मज्झे सात्तिरेगाइं पणवीसं जोयणाइं परिक्खेवेणं उप्पिं साइरेगाइं बारस जोअणाइं परिक्खेवेणं, मूले विच्छिण्णे मज्झे संखित्ते उप्पिं तणुए, गोपुच्छासंठाणसंठिए सव्वजंबूणयामए अच्छे सण्हे जाव पडिरूवे, से णं एगाए पउमवरवेइआए तहेव जाव भवणं कोसं आयामेणं अद्धकोसं विक्खंभेणं

देसऊणं कोसं उड्डुंउच्चतेणं अट्ठो तहेव, उप्पलाणि पउमाणि जाव उसभे अ एत्थ देवे महिद्धीए जाव दाहिणेणं रायहाणी तहेव मंदरस्स पव्वयस्स जहा विजयस्स अविसेसियं ॥ १७ ॥ जंबुद्धीवे णं भंते! दीवे भारहे वासे कतिविहे काले पं०? गो०! दुविहे काले पं० तं०-ओसप्पिणीकाले अ उस्सप्पिणीकाले अ, ओसप्पिणीकाले णं भंते! कतिविहे पं०?, गो०! छव्विहे पं० तं०-सुसमसुसमाकाले सुसमा० सुसमदुस्सामा० दुस्समसुसमा० दुस्समा० दुस्समदुस्समा०, उस्सप्पिणीकाले णं भंते! कतिविहे पं०? गो०! छव्विहे पं० तं०-दुस्समदुस्समा जाव सुसमसुसमाकाले, एगमेगस्स णं भंते! मुहुत्तस्स केवडया उस्सासद्धा विआहिआ?, गो०! असंखिज्जाणं समयाणं समुदयसमिद्धसमागमेणं सा एगा आवलिअत्ति पवुच्चइ संखिज्जाओ आवलिआओ ऊसासे संखिज्जाओ आवलिआओ नीसासे हट्ठस्स अणवगल्लस्स, णिरूवकिट्ठस्स जंतुणो। एगे ऊसासनीसासे, एस पाणुत्ति वुच्चई ॥ ४ ॥ सत्त पाणूइं से थोवे, सत्त थोवाइं से लवे। लवाणं सत्तहत्तरीए, एस मुहुत्तेत्ति आहिए ॥ ५ ॥ तिण्णि सहस्सा सत्त य सयाइं तेवत्तरिं च ऊसासा। एस मुहुत्तो भणिओ सव्वेहिं अणंतनाणीहिं ॥ ६ ॥ एएणं मुहुत्तप्पमाणेणं तीसं मुहुत्ता अहोरत्तो पण्णरस अहोरत्ता पुक्खो दो पक्खा मासो दो मासा उऊ तिण्णि उऊ अयणे दो अयणा संवच्छे पंचसंवच्छरिए जुगे वीसं जुगाइं वाससए दस वाससयाइं वाससहस्से सयं वाससहस्साणं वाससयसहस्से चउरासीइं वाससयसहस्साइं से एगे पुव्वंगे चउरासीइं पुव्वंगसयसहस्साइं से एगे पुव्वे एवं बिगुणं २ णेअव्वं तुडिए २ अडडे २ अववे २ हूहुए २ उप्पले २ पउमे २ णालिणे २ अच्छिणिउरे २ अउए २ नउए २ पउए २ चूलिये २ सीसपहेलिए २ जाव चउरासीइं

सीसपहेलिअंगसयसहस्साइं सा एगा सीसपहेलिया एतावताव गणिए एतावताव गणिअस्स विसए तेणं परं ओवमिए ॥ १८ ॥ से किं तं ओवमिए?, २ दुविहे पं० तं०-पलिओवमे अ सागरोवमे अ, से किं तं पलिओवमे?, पलिओवमस्स परूवणं करिस्सामि, परमाणू दुविहे पं० तं० सुहुमे अ वावहारिए अ, अणंताणं सुहुमपरमाणुपुग्गलाणं समुदयसमिडसमागमेणं वावहारिए परमाणू णिष्कज्जइ, तत्थ णो सत्थं कमइ सत्थेणं सुतिक्खेणवि छेत्तुं भित्तुं च जं किर ण सक्का। तं परमाणुं सिद्धा वयंति आइं पमाणाणं ॥ ७ ॥ अणंताणं वावहारिअपरमाणूणं समुदयसमिडसमागमेणं सा एगा उस्सण्हसण्हिआइ वा सण्हसण्हिआइ वा उद्धरेणूइ वा तसरेणूइ वा रहरेणूइ वा वालगगेइ वा लिक्खाइ वा जूआइ वा जवमज्जेइ वा उस्सेहंगुलेइ वा, अट्ठ उस्सण्हसण्हिआओ सा एगा सण्हसण्हिया अट्ठ सण्हसण्हिआओ सा एगा उद्धरेणू अट्ठ अद्धरेणूओ सा एगा तसरेणू अट्ठ तसरेणूओ सा एगा रहरेणू अट्ठ रहरेणूओ से एगे देवकुरुत्तरकुराणं मणुस्साणं वालगगे अट्ठ देवकुरुत्तरकुराण मणुस्साण वालगगा से एगे हरिवासरम्मयवासाण मणुस्साणं वालगगे एवं हेमवयहेरणवयाण मणुस्साणं पुव्वविदेहअवरविदेहाणं मणुस्साणं अट्ठ पुव्वविदेहअवरविदेहाणं मणुस्साणं वालगगा सा एगा लिक्खा अट्ठ लिक्खाओ सा एगा जूआ अट्ठ जूआओ से एगे जवमज्जे अट्ठ जवमज्जा से एगे अंगुले एतेणं अंगुलप्पमाणेणं छ अंगुलाइं पाओ बारस अंगुलाइं वितत्थी चउवीसं अंगुलाइं रयणी अडयालीसं अंगुलाइं कुच्छी छण्णउई अंगुलाइं से एगे अक्खेइ वा दंडेइ वा धणूइ वा जुगेइ वा मुसलेइ वा णालिआइ वा एतेणं धणुप्पमाणेणं दो धणुसहस्साइं गाउअं चत्तारि गाउआइं जोअणं एएणं जोअणप्पमाणेणं जे पल्ले जोअणं आयामविक्खंभेणं

॥ श्री जंबूद्वीप प्रज्ञप्ति सूत्रं ॥

१४

पू. सागरजी म. संशोधित

जोयणं उड्डुउच्चत्तेणं तं तिगुणं सविसेसं परिक्खेवेणं, से णं पल्ले एगाहिअबेहियतेहिअ० उक्कोसेण सत्तरत्तपरूढाणं संभट्ठे सण्णिच्चिए
 भरिए वालगगकोडीणं, ते णं वालगगा णो कुत्थेज्जा णो परिविद्धंसेज्जा णो अग्गी डहेज्जा णो वाऊ हरेज्जा णो पूइत्ताए हव्वभागच्छेज्जा,
 तओ णं वाससए २ एगमेगं वालगगं अवहाय जावइएणं कालेणं से पल्ले खीणे णीरए णिल्लेवे णिट्ठिए भवइ से तं पत्तिओवमे, एएसिं
 पल्लाणं कोडाकोडी हवेज्ज दसगुणिआ। तं सागरोवमस्स ३ एगस्स भवे परीमाणं ॥ ८ ॥ एएणं सागरोवमप्पमाणेणं चत्तारि
 सागरोवमकोडाकोडीओ कालो सुसमसुसमा तिण्णि सागरो० सुसमा दो सागरो० सुसमदुसमा एगा सागरोवमकोडाकोडी बायालीसाए
 वाससहस्सेहिं ऊणिआ दुस्समसुसमा एक्कवीसं वाससहस्साइं दुस्समा एक्कवीसं वाससहस्साइं दुस्समदुस्समा पुणरवि उस्सप्पिणीए
 एक्कवीसं वाससहस्साइं कालो दुस्समदुस्समा एवं पडिलोमं णोअव्वं जाव चत्तारि सागरोवमकोडाकोडीओ कालो सुसमसुसमा०
 दससागरोवमकोडाकोडीओ कालो ओसप्पिणी दससागरोवमकोडाकोडीओ कालो उस्सप्पिणी वीसं सागरोवमकोडाकोडीओ कालो
 ओसप्पिणीउस्सप्पिणी (कालचक्कं) ॥ ११ ॥ जंबुद्धीवे णं भंते! दीवे भरहे वासे इमीसे ओसप्पिणीए सुसमसुसमाए समाए उत्तमकट्टपत्ताए
 भरहस्स वासस्स केरिसए आयारभावपडोयारे होत्था?, गो०! बहुसमरमणिज्जे भूमिभागे होत्था, से जहाणामए आलिंगपुक्खरेइ वा
 जाव णाणामणिपंचवण्णेहिं तणेहि य मणीहि य उस्सवसोभिए तं०-किण्हेहिं जाव सुक्किल्लेहिं एवं वण्णो गंधो फासो सहो अ तणाण
 य मणीण य भाणिअव्वो जाव तत्थ णं बहवे मणुस्सा य मणुस्सीओ य आसयंति जाव ललंति, तीसे णं समाए भरहे वासे बहवे उद्दाला

॥ श्री जंबुद्धीप प्रज्ञप्ति सूत्र ॥

१५

पू. सागरजी म. संशोधित

कुदाला मुदाला कयमाला णट्टमाला दंतमाला नागमाला सिंगमाला संखमाला से अमाला णामं दुमगणा पं० कुसविकुसविसुद्धरुक्खमूला
 मूलमंतो कंदमंतो जाव बीअमंतो पत्तेहि अ पुप्फेहि अ फलेहि य उच्छण्णपडिच्छण्णा सिरीए अईव २ उवसोभेमाणा चिट्ठंति, तीसे णं
 समाए भरहे वासे तत्थ २ बहवे भेरूतालवणाई हेरूताल० मेरूताल० पभया(वा पा०) लव० सालव० सरल० सत्तिवण्ण० पूअफलिव०
 इक्खु० खज्जूरीव० णालिएरीवणाइं कुसविकुसविसुद्धरुक्खमूलाइं जाव चिट्ठंति, तीसे णं समाए भरहे वासे तत्थ २ बहवे सेरिआलगुम्मा
 णोमालिआ० कोरंटय० बंधुजीव० मणोज्ज० बीअ० बाण० कणइर० कुज्जाय० सिंदुवार० मोगगर० जूहिआ० मल्लिआ० वासंतिआ०
 वत्थु० कत्थुल० सेवाल० अगत्थि० मगदंतिआ० चंपक० जाती० णवणीइआ० कुंद० महाजाइगुम्मा रम्मा महामेहणिउरंबभूआ
 दसद्धवण्णं कुसुमं कुसुमेति जे णं भरहे वासे बहुसमरमणिज्जं भूमिभागं वायविधुअगगसाला मुक्कपुप्फपुंजोवयारकलिअं करेति, तीसे
 णं समाए भरहे वासे तत्थ २ तहिं २ बहुईओ पउमलयाओ किण्हाओ किण्होभासाओ जाव लयावण्णओ, तीसे णं समाए भरहे वासे
 तत्थ २ तहिं २ बहुईओ वणराईओ पं० किण्हाओ किण्होभासाओ जाव मणोहराओ रयमत्तगच्छप्पकोरगभिंजारयकोंडलग-
 जीवंजीवगनंदीमुहकविलपिंगलक्खगकारंडवचक्कवायगकलहंसहंससारसअणेगसउणगणभिहुणविअरिआओ सहुण्णइयमहरसरणा-
 इआओ संपिंडिअ० णाणाविहगुच्छ० वावीपुक्खरणीदीहिआसु अ सुणि० विचित्त० अब्भिं० साउत्ति० णिरोगक० सब्बोउअपुप्फ-
 फलसमिद्धाओ पिंडिम जाव पासादीआओ० ॥ २० ॥ तीसे णं समाए भरहे वासे तत्थ २ तहिं २ मत्तंगाणामं दुमगणा पं० जहा से

चंदप्यभा जाव छण्णपडिच्छण्णा चिट्ठंति, एवं जाव अणिगणा (प्र० आयाणी णामं दुमगणा पं०) ॥ २१ ॥ तीसे णं भंते! समाए भरहे वासे मणुआणं केरिसए आचारभावपडोयारे पं०?, गो०! ते णं मणुआ सुपड्डिअकुम्भचारुचलणा जाव लक्खणवज्जणगुणोववेआ सुजायसुविभत्तसंगयंगा पासादीया जाव पडिरूवा, तीसे णं भंते! समाए भरहे वासे मणुईणं केरिसए आगारभावपडोआरे पं०?, गो०! ताओ णं मणुईओ सुजायसव्वंगसुंदरीओ पहाणमहिलागुणेहिं जुत्ता अइक्कंतविसप्पमाणमउयसुकुमालकुम्भसंतिअविसिद्धचलणा उज्जु (प्र० पउम) मउअपीवरसुसाहयंगुलीओ अब्भुणयरइअतलिणतंबसुइरइयणिद्धणक्खा रोमरहिअवट्टलट्टसंतिअजहण्णपसत्थलक्खण- अक्कोप्पजंघजुअलाओ सुणिम्मिअसुगूढजाणुमंडलसुबद्धसंधीओ कयलीखंभाइरेकसंतिअणिव्वणसुकुमालमउअमंसलअविरलसम- संहिअसुजायवट्टपीवरणिरंतरोरू अट्टावयवीइयपट्टसंतिअपसत्थविच्छिण्णपिहुलसोणी वयणायामप्पमाणदुगुणिअविसालमंसलसुबद्ध- जहणवरधारिणीओ वज्जविराइअपसत्थलक्खणनिरोदरतिवलिअवलिअतणुणमिअमज्झिमाओ उज्जुअसमसहिअजच्चतणुकसिण- णिद्धआइज्जलडहसुजातसुविभत्तकंतसोभंतरुइलरमणिज्जरोमराई गंगावत्तपयाहिणावत्ततरंगभंगुररविकिरणतरूणबोहिअआकोसायंत- पउमगंभीरविअडणाभी अणुब्भडपसत्थपीणाकुच्छीओ सण्णयपासा संगयपासा सुजायपासा मिअमाइअपीणरइअपासा अकरंडुअकणगरूअगणिम्मलसुजायणिरूवहगायलट्टीओ कंचणकलसप्पमाणसमसहिअलट्टचुच्चुआमेलगजमलजुअलवट्टिअ- अब्भुण्णयपीवरपीणरइयपओ हराओ भुअंगअणुपुव्वतणुअगोपुच्छवट्टसमसहिअणमिअआइज्जललिअबाहा तंबणहाओ मंसलग्गहत्थोओ

पीवरकोमलवरंगुलीआओ णिद्धपाणिरेहा रविससिसंखवरचक्रसोत्थियसुविभत्तसुविरइअपाणिलेहाओ पीणुण्णयकरकक्खवत्थिप्पएसो
 पडिपुण्णगलकपोला चउरंगुलसुप्पमाणकंबुवरसरिसगीवाओ मंसलसंतिअपसत्थहणुगाओ दाडिमपुप्फप्पगासपीवरपलंबकुंचिअव-
 राधराओ सुंदरुत्तरोट्टाओ दहिदगरयचंदकुंदवासंतिमउलधवलअच्छिद्विमलदसणाओ रत्तुप्पलपत्तमउअसुकुमालतालुजीहाओ
 कणवीरमउलअकुडिलअब्भुग्गयउज्जुतुंगणासाओ सारयणवकमलकुमुअकुवलयविमलदलणिअरसरिसलक्खणपसत्थ-
 अजिभ्हकंतणयणा पत्तलधवलायतआतंबलोअणाओ आणामिअचावरुडलकिण्हब्भराइसंगयसुजायभुमगाओ अल्लीणपमाणजुत्तसवणा
 सुसवणाओ पीणमट्टगंडलेहाओ चउरंसपसत्थसमणिडालाओ कोमुईरयणिअरविमलपडिपुण्णसोमवयणा छत्तुण्णयुत्तमंगाओ
 अकविलसुसिणिद्धसुगंधदीहसिरयाओ छत्तज्झयजूअथूभदामणिकमंडलुकलसवाविसोत्थिअपडाग १० जवमच्छकुभ्ररहवर-
 मगरज्झयअंकसुक्कथालअंकुसअट्टावयसुपइट्टग २० मयूरसिरिअभिसेअतोरणमेइणिउदाहिवरभवणगिरिवरआयंससलीलगयउसभं ३०
 सीहचामरउत्तमपसत्थबत्तीसलक्खणधरीओ हंससरिसगईओ कोइलमहुरगिरिसुस्सराओ कंता सव्वस्स अणुमयाओ ववगयवलिपलिअ-
 वंगदुव्वणवाहिदोहग्गसोगमुक्का उच्चत्तेण य णराण थोवूणमुस्सिआओ सभावसिंगारागारचारूवेसा संगयगयहसियभणिअचिड्ढिअवि-
 लाससंलावणिउणजुत्तोवयारकुसला सुंदरथणजहणवयणकरचलणणयणलावणवण्णरूवजोव्वणविलासकलिआ णंदणवणविवर-
 चारिणीउव्व अच्छाराओ भरहवासमणुसच्छराओ अच्छेरगपेच्छणिज्जाओ पासाईआओ जाव पडिरूवाओ, ते णं मणुआ ओहस्सरा

॥ श्री जंबूद्वीप प्रज्ञप्ति सूत्रं ॥

१८

पू. सागरजी म. संशोधित

हंसस्सरा कोचस्सरा णंदिस्सरा णंदिघोसा सीहस्सरा सीहघोसा सूसरा सूसरणिग्घोसा छायाउज्जोविअंगमंगा वज्जरिहस्रनारायसंधयणा
 समचउरंससंठाणसंठिआ छविणिरातंका अणुलोमवाउवेगा कंकग्गहणी कवोयपरिणामा सउणिपोसपिट्ठंतरोरूपरिणया छब्बणुस-
 हस्समूसिआ, तेसिं णं मणुआणं वे छप्पण्णा पिट्ठकरंडगसया पं० समणाउसो! पउमुप्पलगन्धसरिसणीसाससुरभिवयणा, ते णं मणुआ
 पगईपयणुकोहमाणमायालोभा मिउमद्वसंपन्ना अल्लीणा भद्दगा विणीआ अप्पिच्छा असण्णिहिसंचया विडिमंतरपरिवसणा
 अहिच्छिअकामकामिणो ॥ २२ ॥ तेसिं णं भंते! मणुआणं केवइकालस्स आहारट्ठे समुप्पज्जइ?, गो०! अट्ठमभत्तस्स आहारट्ठे समुप्पज्जइ,
 पुढवीपुप्फफलाहारा णं ते मणुआ पं० समणाउसो!, तीसे णं भंते! पुढवीए केरिए आसाए पं०?, गो०! से जहाणामए गुलेइ वा खंडेइ
 वा सक्कराइ वा मच्छंडिआइ वा पप्पडंमोअएइ वा भिसेति वा पुप्फुत्तराइ वा पउमुत्तराइ वा विजयाइ वा महाविजयाइ वा आकासिआइ
 वा आदंसिआइ वा आगासफलोवमाइ वा उग्गाइ वा अणोवमाइ वा, भवे एआरूवे?, णो इणमट्ठे समट्ठे, सा णं पुढवी इत्तो इट्ठतरिआ
 चेव जाव मणामतरिआ चेव आसाएणं पं०, तेसिं णं भंते! पुप्फफलाणं केरिए आसाए पं०? गो०! से जहाणामए रण्णो
 वाउरंतचक्कवट्ठिस्स कल्लाणे भोअणजाए सयसहस्सनिप्फन्ने वण्णेणुववेए जाव फासेणं उववेए आसायणिज्जे विसायणिज्जे दप्पणिज्जे
 मयणिज्जे विंहणिज्जे सव्विंदिअगायपल्हायणिज्जे, भवे एआरूवे?, णो इणमट्ठे समट्ठे, तेसिं णं पुप्फफलाणं एत्तो इट्ठतराए चेव जाव
 आसाए पं० ॥ २३ ॥ ते णं भंते! मणुया तमाहारमाहरेत्ता कहिं वसहिं उवेत्ति?, गो०! रुक्खगेहालया णं ते मणुया पं० समणाउसो!,

॥ श्री जंबूद्वीप प्रज्ञप्ति सूत्र ॥

१९

प. सागरजी म. संस्तोभित

तेसिं णं भंते! रुक्खाणं केरिसए आयारभावपडोआरे पं०?, गो०! कूडागारसंठिआ पेच्छाच्छत्तझयथूभतोरणगोपुर-
वेइअचोप्फालगअट्टालगपासायहम्मिअगवक्खवालग्गपोइआवलभीघरसंठिआ अत्थण्णेपेत्य बहवे वरभवणविसिद्धसंठाणसंठिआ
दुमगणा सुहसीअलच्छाया पं० समणाउसो! ॥ २४ ॥ अत्थि णं भंते! तीसे समाए भरहे वासे गेहाइ वा गेहावणाइ वा?, गो०! णो इणट्ठे
समट्ठे, रुक्खगेहालया णं ते मणुआ पं० समणाउसो!, अत्थिं णं भंते! तीसे समाए भरहे वासे गामाइ वा जाव संणिवेसाइ वा?, गो०!
णो इणट्ठे समट्ठे, जहिच्छिअकामगामिणो णं ते मणुआ पं०, अत्थि णं भंते!० असीइ वा मसीइ वा किसीइ वा वणिएत्ति वा पणिएत्ति
वा वाणिज्जेइ वा?, णो इणट्ठे समट्ठे, ववगयअसिमसिकिसिवणिअपणिअवाणिज्जा णं ते मणुआ पं० समणाउसो!, अत्थि णं भंते!
हिरण्णेइ वा सुवण्णेइ वा कंसेइ वा दूसेइ वा मणिमोत्तिअसंखसिलप्पवालरत्तरयणसावइज्जेइ वा?, हंता अत्थि, णो चेव णं तेसिं
मणुआणं परिभोगत्ताए हव्वमागच्छइ, अत्थि णं भंते! भरहे रायाइवा जुवरायाइ वा ईसरतलवरमाडंबिअकोडुंबिअइब्भसेट्ठिसेणावइ-
सत्थवाहाइ वा?, गो०! णो इणट्ठे समट्ठे, ववगयइट्ठिसक्कारा णं ते मणुआ, अत्थि णं भंते! भरहे वासे दासेइ वा पेसेइ वा सिस्सेइ वा
भयगेइ वा भाइल्लएइ वा कम्मयरएइ वा?, णो इणट्ठे समट्ठे, ववगयअभिओगा णं ते मणुआ पं० समणाउसो!, अत्थि णं भंते! तीसे
समाए भरहे वासे मायाइ वा पियाइ वा भाया० भगिणी० भज्जा० पुत्त० धूआ० सुण्हाइ वा?, हंता अत्थि, णो चेव णं तिव्वे पेम्मबंधणे
समुप्पज्जइ, अत्थि णं भंते! भरहे वासे अरीइ वा वेरिएइ वा धायएइ वा वहएइ वा पडिणीयए वा पच्चामित्तेइ वा?, णो इणट्ठे समट्ठे,

ववगयवेराणुसया णं ते मणुआ पं० समणाउसो!, अत्थि णं० भरहे वासे भित्ताइ वा वयंसाइ वा णायएइ वा संघाडिणइ वा सुहीइ वा संगएइति वा?, हंता अत्थि, णो चेव णं तेसिं मणुआणं तिव्वे रागबंधणे समुप्पज्जइ, अत्थि णं भंते! भरहे वासे आवाहाइ वा वीवाहाइ वा जण्णाइ वा सद्धाइ वा थालीपागाइ वा पित्तिपिंडनिवेदणाइ वा?, णो इणट्ठे समट्ठे, ववगयआवाहवीवाहजणसद्धथालीपाक-पित्तिपिंडनिवेदणा णं ते मणुआ पं० समणाउसो! अत्थि णं भंते! भरहे वासे इंदमहाति वा खंद० णाग० जक्ख० भूअ० अगड० तडाग० दह० णदी० रुक्ख० पव्वय० थूभ० चेइयमहाइ वा?, णो इणट्ठे समट्ठे, ववगयमहिमा णं ते मणुआ पं०, अत्थि णं भंते! भरहे वासे णडपेच्छाइ वा णट्ठ० जल्ल० मल्ल० मुट्ठिअ० वेलंबग० कहग० पवग० लासगपेच्छाइ वा?, णो इणट्ठे समट्ठे, ववगयकोउहल्ला णं ते मणुआ पं० समणाउसो!, अत्थि णं भंते! भरहे वासे सगडाइ वा रहाइ वा जाणाइ वा जुग्गा० गिल्लि० थिल्लि० सीअ० संदमाणिआइ वा?, णो इणट्ठे समट्ठे, पायचारविहारा णं ते मणुआ पं० समणाउसो!, अत्थि णं भंते! भरहे वासे गवाइ वा महिसीइ वा अयाइ वा एलगाइ वा?, हंता अत्थि, णो चेव णं तेसिं मणुआणं परिभोगत्ताए हव्वभागच्छति, अत्थि णं भंते! भरहे वासे आसाइ वा हत्थि० उट्ठ० गोण० गवय० अय० एलग० पसय० मिअ० वराह० रुरु० सरभ० चमर० कुरंगगोकण्णमाइआ?, हंता अत्थि, णो चेव णं तेसिं परिभोगत्ताए हव्वभागच्छति, अत्थि णं भंते! भरहे वासे सीहाइ वा वग्घाइ वा विगदीविगअच्छतरच्छसिआलबिडालसुणगकोकंतिय-कोलसुणगाइ वा?, हंता अत्थि, णो चेव णं तेसिं मणुआणं आबाहं वा वाबाहं वा छविच्छेअं वा उप्पायेति, पगइभइया णं ते

सावयगणा पं० समणाउसो!, अत्थि णं भंते! भरहे वासे सालीति वा वीहिगोहूमजवजवजवाइ वा कलममसूरमुग्गमास-
 तिलकुलत्थणिप्फावआलिसंदगअयसिकुसुंभकोद्वकंगुवरालगसणासरिसवमूलगबीआइ वा?, हंता अत्थि, णो चेव णं तेसिं मणुआणं
 परिभोगत्ताए हव्वमागच्छंति, अत्थि णं भंते! भरहे वासे गड्डाइ वा दरीओवायपवायविसमविज्जलाइ वा?, णो इणट्ठे समट्ठे, भरहे णं
 वासे बहुसमरमणिज्जे भूमिभागे पं० से जहाणामए आलिंगपुक्खरेइ वा०, अत्थिणं भंते! भरहे वासे खाणूइ वा कंटगतणकयवराइ वा
 पत्तकयवराइ वा?, णो इणट्ठे समट्ठे, ववगयखाणुकंटगतणकयवरपत्तकयवरा णं सा समा पं० समणाउसो!, अत्थि णं भंते! भरहे
 वासे डंसाइ वा मसगाइ वा जुआइ वा लिक्खाइ वा ढिंकुणाइ वा पिसुआइ वा?, णो इणट्ठे समट्ठे, ववगयडंसमसगजूअलिक्ख-
 ढिंकुणपिसुआ उवद्ववविरहिआ णं सा समा पं०, अत्थि णं भंते! भरहे अहीइ वा अयगराइ वा?, हंता अत्थि, णो चेव णं तेसिं मणुआणं
 आबाहं वा जाव पगइभदया णं ते वालगगणा पं०, अत्थि णं भंते! भरहे डिंबाइ वा डमराइ वा कलहबोलखारवड्ढरमहाजुद्धाइ वा
 महासंगामाइ वा महासत्थपडणाइ वा महापुरिसपडणाइ वा महारुहिरपडणाइ वा?, गो०! णो इणट्ठे समट्ठे, ववगयवेराणुबंधा णं ते
 मणुआ पं० सम०!, अत्थि णं भंते! भरहे वासे दुब्भूआणि वा कुलरोगाइ वा गामरोगाइ वा मंडलरोगाइ वा पोट्ट० सीसवेअणाइ वा
 कण्णोट्टअच्छिणहदंतवेअणाइ वा कासाइ वा सासाइ वा सोसाइ वा दाहाइ वा अरिसाइ वा अजीरगा० वा दओदराइ वा पंडुरोगाइ वा
 भंगदराइ वा एगाहिआइ वा बेआहिआइ वा तेआहिआइ वा चउत्थाहिआइ वा इंदग्गहाइ वा धणुग्गहाइ वा खंदग्गहाइ वा कुमारग्गहाइ

वा जक्खग्गहाइ वा भूअग्गहाइ वा मत्थयसूलाइ वा हियअसूलाइ वा पोट्टुं कुच्छिं जोणिसूलाइ वा गाममारीइ वा जाव सण्णिवेसमारीइ वा पाणिक्खया जणक्खया कुलक्खया वसणब्भूअमणारिआ?, गो०! णो इणट्ठे समट्ठे, ववगयरोगायंका णं ते मणुआ पं० समणाउसो! ॥ २५ ॥ तीसे णं भंते! समाए भारहे वासे मणुआणं केवइअं कालं ठिई पं०?, गो०! जह० देसूणाइं तिण्णि पलिओवमाइं उक्को० तिण्णि पलिओवमाइं, तीसे णं भंते! समाए भारहे वासे मणुआणं सरीरा केवइअं उच्चतेणं पं०?, गो०! जह० देसूणाइं तिण्णि गाउआइं उक्को० तिण्णि गाउआइं, ते णं भंते! मणुआ किंसंघयणी पं०?, गो०! वइरोसभणारायसंघयणी पं०, तेसिं णं भंते! मणुआणं सरीरा किंसंठिया पं०? गो०! समचउरंससंठाण संठिआ, तेसिं णं मणुआणं बेछप्पण्णा पिट्ठकरंडयसया पं० समणाउसो!, ते णं भंते! मणुआ कालमासे कालं किच्चा कहिं गच्छन्ति कहिं उववज्जंति?, गो० छम्मासावसेसाउआ जुअलगं पसवंति, एगूणपण्णं राइंदिआइं सारक्खंति संगोवेति ता कासित्ता छीइत्ता जंभाइत्ता अक्किट्ठा अव्वहिआ अपरिआविआ कालमासे कालं किच्चा देवलोएसु उववज्जंति, देवलोअपरिग्गहा णं ते मणुआ पं० सम०!, तीसे णं भंते! समाए भारहे वासे कइविहा मणुस्सा अणुसज्जित्था?, गो०! छव्विहा तं-पम्हगंधा भिअगंधा अममा तेअतली सहा सणिचारी ॥ २६ ॥ तीसे णं समाए चउहिं सागरोवमकोडाकोडीहिं काले वीइक्कंते अणंतेहिं वण्णपज्जवेहिं गंध० अणंतेहिं रस० अणंतेहिं फास० अणंतेहिं संघयण० अणंतेहिं संठाण० अणंतेहिं उच्चत० अणंतेहिं आउ० अणंतेहिं गुरुलहु० अणंतेहिं अगुरुलहु० अणंतेहिं उट्ठाणकम्भबलवीरिअपुरिसकारपरक्कमपज्जवेहिं अणंतगुणपरिहाणीए परिहायमाणे एत्थ णं

॥ श्री जंबूद्वीप प्रज्ञप्ति सूत्रं ॥

२३

पू. सागरजी म. संशोधित

सुसमा णामं समाकाले पडिवज्जिंसु समणाउसो!, जंबुद्वीवे णं भंते! दीवे इमीसे ओसप्पिणीए सुसमाए समाए उत्तमकट्ठपत्ताए भरहस्स वासस्स केरिसए आयारभावपडोयारे होत्था?, गो०! बहुसमरमणिज्जे भूमिभागे होत्था, से जहाणामए आलिंगपुक्खरेइ वा तं चेव जं सुसमसुसमाए पुव्ववणिणअं णवरं णाणत्तं चउधणुसहस्समूसिआ एगे अट्ठावीसे पिट्ठकरंडकसए छट्ठभत्तस्स आहारट्ठे चउसट्ठिं राइंदिआइं सारक्खंति दो पलिओवमाइं आऊ सेसं तं चेव, तीसे णं समाए चउव्विहा मणुस्सा अणुसज्जित्था तं० -एका पउरजंघा कुसुमा सुसमणा ॥ २७ ॥ तीसे णं समाए तीहिं सागरोवमकोडाकोडीहिं काले वीइक्कंते अणंतेहिं वण्णपज्जवेहिं जाव अणंतगुण परिहाणीए परिहायमाणे एत्थ णं सुसमदुस्समाणाणं समाकाले पडिवज्जिंसु समणाउसो!, सा णं समा तिहा विभज्जइ तं०-पढमे तिभाए मज्झिमे तिभाए पच्छिमे तिभाए, जंबुद्वीवे णं भंते! दीवे इमीसे ओसप्पिणीए सुसमदुस्समाए समाए पढममज्झिमेसु तिभाएसु भरहस्स वासस्स केरिसए आयारभावपडोआरे पुच्छा, गो०! बहुसमरमणिज्जे भूमिभागे होत्था सो चेव गमो णेअव्वो णाणत्तं दोधणुसहस्साइं उट्ठंउच्चत्तेणं, तेसिं च मणुआणं चउसट्ठिपिट्ठकरंडगा चउत्थभत्तस्स आहारट्ठे समुप्पज्जइ तिई पलिओवमं एगूणासीइं राइंदिआइं सारक्खंति संगोवेति जाव देवलोपपरिगगहिया णं ते मणुअगणा पं० समणाउसो!, तीसे णं भंते! समाए पच्छिमे तिभाए भरहस्स वासस्स केरिसए आयारभावपडोयारे होत्था?, गो०! बहुसमरमणिज्जे भूमिभागे होत्था से जहानामए आलिंगपुक्खरेइ वा जाव मणीहिं उवसोभिए, तं०-कित्तिमेहिं चेव अकित्तिमेहिं चेव तीसे णं भंते! समाए पच्छिमे तिभागे भरहे वासे मणुआणं केरिसए आयारभावपडोआरे होत्था?, गो०! तेसिं

मणुआणं छव्विहे संघयणे छव्विहे संठाणे बहूणि धणुसयाणि उद्धंउच्चतेणं जह० संखिज्जाणि वासाणि उक्को० असंखिज्जाणि वासाणि आउअं पालंति ता अप्पेगइया णिरयगामी अप्पेगइया तिरिअगामी अप्पेगइया मणुयगामी अप्पेगइया देवगामी अप्पेगइया सिज्झंति जाव सव्वदुक्खाणमंतं करेंति ॥ २८ ॥ तीसे णं समाए पच्छिमे तिभाए पलिओवमट्टभागावसेसे एत्थ णं इमे पण्णारस कुलगरा समुप्पज्जित्था, तं० सुमई पडिस्सुई सीमंकरे सीमंधरे खेमंकरे खेमंधरे विमलवाहणे चक्खुमं जसमं अभिचंदे पसेणई मुरुदेवे णाभी उसभेति ॥ २९ ॥ तत्थ णं सुमईपडिस्सुईसीमंकरसीमंधरखेमंकराणं एतेसिं पंचणहं कुलगराणं हक्कारे णामं दण्डणीई होत्था, ते णं मणुआ हक्कारेणं दंडेणं हया समाणा लज्जिआ विलज्जिआ वेड्डा भीआ तुसिणीआ विणओणया चिट्ठंति, तत्थ णं खेमंधरविमलवाहण-चक्खुमंजसमंअभिचंदाणं एतेसिं णं पंचणहं कुलगराणं मक्कारे णामं दंडणीई होत्था, ते णं मणुआ मक्कारेणं दंडेणं हया समाणा जाव चिट्ठंति, तत्थ णं चंदाभपसेणइमरुदेवणाभिउसभाणं एतेसिं णं पंचणहं कुलगराणं धिक्कारे णामं दंडणीई होत्था, ते णं मणुआ धिक्कारेणं दंडेणं हया समाणा जाव चिट्ठंति ॥ ३० ॥ णाभिस्स णं कुलगरस्स मरुदेवाए भारिआए कुच्छिसि एत्थ णं उसहे णामं अरहा कोसलिए पढमराया पढमजिणे पढमकेवली पढमतित्थकरे पढमधम्मवरचक्कवट्ठी समुप्पज्जित्था, तए णं उसभे अरहा कोसलिए वीसं पुव्वसयसहस्साइं कुमारवासमज्जे वसइ ता तेवट्ठिं पुव्वसयसहस्साइं महारायवासमज्जे वसइ तेवट्ठिं पुव्वसयसहस्साइं महारायवासमज्जे वसमाणे लेहाइआओ गणिअप्पहाणाओ सउणरुअपज्जवसाणाओ बावत्तरिं कलाओ चोसट्ठिं महिलागुणे सिप्पसयं च कम्माणि

तिणिणवि पयाहिआए उवदिसइ ता पुत्तसयं रज्जसए अभिसिंचइ ता तेसीइं पुव्वसयसहस्साइं महाराय(अगार) वासमज्झे वसइ ता जे
 से गिम्हाणं पढमे मासे पढमे पक्खे चित्तबहुले तस्स णं चित्तबहुलस्स णवमीपक्खेणं दिवसस्स पच्छिमे भागे चइता हिरणं० सुवण्णं०
 कोसं० कोट्टागारं० बलं० वाहणं० पुरं० विउलघणकणगरयणमणिमोत्तियसंखसिलप्पवालरत्तरयणसंतसारसावइज्जं विच्छड्डयिता
 विगोवइत्ता दायं दाइआणं परिभाएत्ता सुदंसणाए सीआए सदेवमणुआसुराए परिसाए समणुगम्ममाणमग्गे संखियचक्किअणंगलिअ-
 मुहमंगलिअपूसमाणगवद्धमाणगआइक्खगलंखमंखधंतिअगणेहिं ताहिं इट्ठाहिं कंताहिं पियाहिं मणुण्णाहिं मणामाहिं उरालाहिं कल्लाणाहिं
 सिवाहिं धन्नाहिं मंगल्लाहिं सस्सिरिआहिं हिययगमणिज्जाहिं हिययपल्हायणिज्जाहिं कण्णमण्णिव्वुइकरीहिं अपुणरुत्ताहिं अट्ठसइआहिं
 वग्गूहिं अणवरयं अभिणंदंता य अभिथुणंता य एवं वयासी जय जय नंदा! जय जय भद्दा! धम्मेणं अभीए परीसहोवसग्गाणं खंतिखमे
 भयभेरवाणं धम्मे ते अविग्घं भवउत्तिकट्ठु अभिणंदंति य अभिथुणंति य, तए णं उसभे अरहा कोसलिए णयणमालासहस्सेहिं
 पिच्छिज्जमाणे २ एवं जाव णिग्गच्छइ जहा उववाइए जाव आउलबोलबहुलं णभं करंते विणीआए रायहाणीए मज्झंमज्झेणं णिग्गच्छइ
 ता आसिअसंमज्जिअसित्तसुइकपुप्फोवयारकलियं सिद्धत्थवणविउलरायमग्गं करेमाणे हयगयरहपहकरेण पाइक्कचडकरेण य मंदं २
 उद्धतरेणुयं करेमाणे २ जेणेव सिद्धत्थवणे उज्जाणे जेणेव असोगवरपायवे तेणेव उवागच्छति ता असोगवरपायवस्स अहे सीअं ठावेइ
 ता सीयाओ पच्चोरुहइ ता सयमेवाभरणालंकारं ओमुइ ता सयमेव चउहिं मुट्ठी(अट्ठा)हिं लोअं करेइ ता छट्ठेणं भत्तेणं अपाणएणं

आसाढाहिं णक्खत्तेणं जोगमुवागएणं उग्गाणं भोगाणं राइन्नाणं खत्तिआणं चउहिं सहस्सेहिं सद्धिं एगं देवदूसमादाय मुंडे भवित्ता अगाराओ अणगारियं पव्वइए ॥ ३१ ॥ उसभे णं अरहा कोसलिए संवच्छरं साहिअं चीवरधारी होत्था, तेण परं अचेलए, जप्पभिइं च णं उसभे अरहा कोसलिए मुंडे भवित्ता अगाराओ अणगारियं पव्वइए तप्पभिइं च णं उसभे अरहा कोसलिए णिच्चं वोसट्ठकाए चिअत्तदेहे जे केई उवसग्गा उप्पज्जंति तं०- दिव्वा वा जाव पडिलोमा वा अणुलोमा वा, तत्थ पडिलोमा वेत्तेण वा जाव कासेण वा काए आउट्टेजा अणुलोमा वंदेज्ज वा जाव पज्जुवासेज्ज वा, ते सव्वे सम्मं सहइ जाव अहिआसेइ, तए णं से भगवं समणे जाए ईरिआसमिए जाव पारिट्ठावणिआसमिए मणसमिए वयसमिए कायसमिए मणगुत्ते जाव गुत्तबंभयारी अकोहे जाव अलोहे संते पसंते उवसंते परिणिव्वुडे छिण्णसोए निरुवलेवे संखमिव निरंजणे जच्चकणगंवा जायरूवे आदरिसपडिभागेइव पागडभावे कुम्भइव गुत्तिंदिए पुक्खरपत्तमिव निरुवलेवे गगणमिव निरालंबणे अणिलेइव णिरालए चंदोइव सोमदंसणे सूरुओइव तेअंसी विहगइव अपडिबद्धगामी सागरोइव गंभीरे मंदरोइव अकंपे पुढवीविव सव्वफासविसहे जीवोविव अप्पडियगइत्ति, णत्थि णं तस्स भगवंतस्स कत्थइ पडिबंधे, से पडिबंधे चउव्विहे भवति, तं०- दव्वओ खित्तओ कालओ भावओ, दव्वओ इह खलु माया मे पिया मे भाया मे भगिणी मे जाव संगंथसंथुआ मे हिरण्णं मे सुवण्णं मे जाव उवगरणं मे, अहवा समासओ सच्चित्ते वा अचित्ते वा मीसए वा दव्वजाए, सेवं तस्स ण भवइ, खित्तओ गामे वा णगरे वा अरण्णे वा खेत्ते वा खले वा गेहे वा अंगणे वा, एवं, तस्स णं भवइ, कालओ थोवे वा लवे वा मुहुत्ते

॥ श्री जंबूद्वीप प्रज्ञप्ति सूत्र ॥

२७

पू. सागरजी म. संशोधित

वा अहोरत्ते वा पक्खे वा मासे वा उऊए वा अयणे वा संवच्छरे वा अन्नयरे वा दीहकालपडिबंधे, एवं तस्स ण भवइ, भावओ कोहे वा जाव लोहे वा भए वा हासे वा०, एवं तस्स ण भवइ, से णं भगवं वासावासवज्जं हेमंतगिम्हासु गामे एगराइए णगरे पंचराइए ववगयहाससोअरइभयपरित्तासे णिम्ममे णिरहंकारे लहुभूए अगंथे वासीतच्छणे अट्टे चंदणाणुलेवणे अरत्ते लेट्टुमि कंचणंमि य समे इह परलोए य अपडिबद्धे जीवियमरणे निरवकंखे संसारपारगाभी कम्मसंगणिग्घायणट्ठाए अब्भुट्टिए विहरइ, तस्स णं भगवंतस्स एतेणं विहारेणं विहरमाणस्स एगे वाससहस्से विइक्कंते समाणे पुरिमतालस्स नगरस्स बहिया सगडमुहंसि उज्जाणंसि णिग्गोहवरपायवस्स अहे झाणंतरीआए वट्टमाणस्स फग्गुणबहुलस्स इक्कारसीए पुव्वण्हकालसमयंसि अट्टमेणं भत्तेणं अपाणाणं उत्तरासाढाणक्खत्तेणं जोगमुवागएणं अणुत्तरेणं नाणेणं जाव चरित्तेणं अणुत्तरेणं तवेणं बलेणं वीरिएणं आलएणं विहारेणं भावणाए खंतीए गुत्तीए मुत्तीए तुट्ठीए अज्जवेणं मद्वेणं लाघवेणं सुचरिअसोवचिअफलनिव्वाणमग्गेणं अप्पाणं भावेमाणस्स अणंतं अणुत्तरे णिव्वाधाए णिरावरणे कसिणे पडिपुण्णे केवलवरणाणदंसणे समुप्पणे जिणे जाए केवली सव्वण्णू सव्वदरिसी सणेरइअतिरिअनरामरस्स लोगस्स पज्जवे जाणइ पासइ, तं०-आगइं गइं ठिइं उववायं भुत्तं कडं पडिसेविअं आवीकम्मं रहोकम्मं तंतंकालं मणवइकाइये जोगे एवमादी जीवाणवि सव्वभावे अजीवाणवि सव्वभावे मोक्खमग्गस्स विमुद्धतराए भावे जाणमाणे पासमाणे एस खलु मोक्खमग्गे मम अण्णेसिं च जीवाणं हियसुहणिस्सेयसकरे सव्वदुक्खविमोक्खणे परं सुहसमाणे भविस्सइ, तते णं से भगवं समणाणं निग्गंथाण य णिग्गंथीण

य पंच महव्वयाइं सभावणगाइं छच्च जीवणिकाए धम्मं देसमाणे विहरति, तं०-पुढवीकाइए भावणागमेणं पंच महव्वयाइं सभावणगाइं
 भाणिअव्वाइंति, उसभस्स णं अरहओ कोसलिअस्स चउरासीई गणा गणहरा होत्था, उसभस्स णं अरहओ कोसलिअस्स
 उसभसेणपामोक्खाओ चुलसीई समणसाहस्सीओ उक्कोसिआ समणसंपया होत्था, उसभस्स णं० बंभीसुंदरीपामोक्खाओ तिण्णि
 अज्जिआसयसाहस्सीओ उक्कोसिआ अज्जिआसंपया होत्था, उसभस्स णं० सेज्जंसपामोक्खाओ तिण्णि समणोवासगसयसाहस्सीओ
 पंच य साहस्सीओ उक्कोसिआ समणोवासगसंपया होत्था, उसभस्स णं० सुभद्दापामोक्खाओ पंच समणोवासिआसयसाहस्सीओ
 चउपण्णं च सहस्सा उक्कोसिआ समणोवासिआसंपया होत्था, उसभस्स णं० अज्जिणाणं जिणसंकासाणं सव्वक्खरसन्निवाईणं
 जिणोविव अवितहं वागरमाण्णाणं चत्तारि चउदसपुव्वीसहस्सा अब्बट्टमा य सया उक्को० चउदसपुव्वीसंपया होत्था, उसभस्स णं० णव
 ओहिणाणिसहस्सा उक्कोसिआ०, उसभस्स णं० वीसं जिणसहस्सा० वीसं वेउव्विअसहस्सा छच्च सया उक्कोसिया० बारस
 विउलमईसहस्सा छच्च सया पण्णासा० बारस वाईसहस्सा छच्च सया पण्णासा० उसभस्स णं० गइकल्लाणाणं ठिइकल्लाणाणं
 आगमेसिभद्दाणं बावीसं अणुत्तरोववाइआणं सहस्सा णव य सया, उसभस्स णं० वीसं समणसहस्सा सिद्धा चत्तालीसं अज्जिआसहस्सा
 सिद्धा सट्ठी। अंतेवासीसहस्सा सिद्धा, अरहओ णं उसभस्स० बहवे अंतेवासी अणगारा भगवंतो अप्पेगइआमासपरिआया जहा उववाइए
 सव्वओ अणगारवण्णओ जाव उब्बंजाणू अहोसिरा झाणकोट्ठोवगया संजमेणं तवसा अप्पाणं भावेमाण्णा विहरंति, अरहओ णं

॥ श्री जंबूद्वीप प्रज्ञप्ति सूत्र ॥

२९

पू. सागरजी म. संशोधित

उसभस्स दुविहा अंतकरभूमी होत्था, तं०-जुगंतकरभूमी य परिआयंतकरभूमी य, जुगंतकरभूमी जाव असंखेज्जाइं पुरिसजुगाइं परिआयंतकरभूमी अंतोमुहुत्तपरिआए अंतमकासी ॥ ३२ ॥ उसभे णं अरहा पंचउत्तरासाढे अभीइछट्टे होत्था, तं०-उत्तरासाढाहिं चुए चइत्ता गब्भं वक्कंते उत्तरासाढाहिं जाए उत्तरासाढाहिं रायाभिसेअं पत्ते उत्तरासाढाहिं मुंडे भवित्ता आगाराओ अणगारियं पव्वइए उत्तरासाढाहिं अणंते जाव समुप्पण्णे अभीइणा परिणिव्वुए ॥ ३३ ॥ उसभे णं अरहा कोसलिए वज्जरिसहनारायसंधयणे समचउरंससं ठाणसंठिए पंच धणुसयाइं उड्डुउच्चतेणं होत्था, उसभे णं अरहा वीसं पुव्वसयसहस्साइं कुमारवासमज्जे वसित्ता तेवट्ठिं पुव्वसयसहस्साइं महारज्जवासमज्जे वसित्ता तेसीइं पुव्वसयसहस्साइं अगारवासमज्जे वसित्ता मुंडे भवित्ता अगाराओ अणगारियं पव्वइए, उसभे णं अरहा एगं वाससहस्सं छउमत्थपरिआयं पाउणित्ता एगं पुव्वसयसहस्सं वाससहस्सूणं केवल्लिपरिआयं पाउणित्ता एगं पुव्वसयसहस्सं बहुपडिपुण्णं सामण्णपरिआयं पाउणित्ता चउरासीइं पुव्वसयसहस्साइं सव्वाउअं पालइत्ता जे से हेमंताणं तच्चे मासे पंचमे पक्खे माहबहुले तस्स णं माहबहुलस्स तेरसीपक्खेणं दसहिं अणगारसहस्सेहिं सब्धिं संपरिवुडे अट्ठावयसेलसिहरंसि चोदसमेणं भत्तेणं अपाणएणं संपलिअंकणिसण्णे पुव्वण्हकालसमयंसि अभीइणा णक्खतेणं जोगमुवागएणं सुसमदूसमाए समाए एगूणणवईहिं पक्खेहिं सेसेहिं कालगाए वीइक्कंते जाव सव्वदुक्खपहीणे, जंसमयं च णं उसभे अरहा कोसलिए कालगाए वीइक्कंते समुज्जाए छिण्णजाइजराभरण-बंधणे सिद्धे बुद्धे जाव सव्वदुक्खप्पहीणे तंसमयं च णं सक्कस्स देविंदस्स देवरण्णो आसणे चलिए, तए णं से सक्के देविंदे देवराया

आसणं चलिअं पासइ ता ओहिं पउंजइ ता भयवं तित्थयरं ओहिणा आभोएइ ता एवं वयासीपरिणिव्वुए खलु जंबुद्वीवे भरहे वासे
 उसहे अरहा कोसलिए तं जीअमेअं तीअपच्चुप्पणमणागयाणं सक्काणं देविंदाणं देवराईणं तित्थगराणं परिनिव्वाणमहिमं करेत्तए, तं
 गच्छामि णं अहंपि भगवतो तित्थगरस्स परिनिव्वाणमहिमं करेमिन्निकटु वंदइ णमंसइ ता चउरासीईए सामाणिअसाहस्सीहिं तायत्तीसाए
 तायत्तीसएहिं चउहिं लोगपालेहिं जाव चउहिं चइरासीईहिं आयरक्खदेवसाहस्सीहिं अण्णेहि अ बहूहिं सोहम्मकप्पवासीहिं वेमाणिएहिं
 देवेहिं देवीहिं अ सद्धिं संपरिवुडे ताए उक्किट्ठाए जाव तिरिअमसंखेज्जाणं दीवसमुद्दाणं मज्झमज्जेणं जेणेव अट्ठावयपव्वए जेणेव
 भगवओ तित्थगरस्स सरीरए तेणेव उवागच्छइ ता विभणे णिराणंदे अंसुपुण्णणयणे तित्थयरसरीरयं तिक्खुत्तो आयाहिणपयाहिणं
 करेइ ता णच्चासण्णे णाइदूरे सुस्सूसमाणए जाव पज्जुवासइ, तेणं कालेणं० ईसाणे देविंदे देवराया उत्तरद्धलोगहिंवई अट्ठावीसविमाणसथ-
 सहस्साहिंवई सूलपाणी वसहवाहणे सुरिंदे अयरंबरवत्थधरे जाव विउलाइं भोगभोगाइं भुंजमाणे विहरइ, तए णं तस्स ईसाणस्स
 देविंदस्स देवरण्णे आसणं चलइ, तए णं से ईसाणे जाव देवराया आसणं चलिअं पासइ ता ओहिं पउंजइ ता भगवं तित्थगरं ओहिणा
 आभोएइ ता जहा सक्के निअगपरिवारेणं भणियव्वो जाव पज्जुवासइ, एवं सक्के देविंदा जाव अच्चुए, णिअगपरिवारेणं आणेअव्वा,
 एवं जाव भवणवासीणं इंदा, वाणमंतराणं सोलस जोइसिआणं दोण्णि निअगपरिवारा णेअव्वा, तए णं से सक्के देविंदे देवराया बहवे
 भवणवइवाणमंतरजोइसवेमाणिए देवे एवं वयासी खिप्पामेव भो देवाणुप्पिआ! णंदणवणाओ सरसाइं गोसीसवरचंदणकट्ठाइं साहरह

त्ता तओ चिड़गाओ रएह एगं भगवओ तित्थगरस्स एगं गणधराणं एगं अवसेसाणं अणगाराणं, तए णं से भवणवइजाववेमाणिआ देवा णंदणवणाओ सरसाइं गोसीसवरचंदणकट्ठाइं साहरंति ता तओ चिड़गाओ रएंति, एगं भगवओ तित्थगरस्स एगं गणहराणं एगं अवसेसाणं अणगाराणं, तए णं से सक्के देविंदे देवराया आभिओगे देवे सद्दावेइ २ ता एवं वयासी खिप्पामेव भो देवाणुप्पिया! खीरोदगसमुद्दाओ खीरोदगं साहरह, तए णं ते आभिओगा देवा खीरोदगसमुद्दाओ खीरोदगं साहरंति, तए णं से सक्के देविंदे देवराया तित्थगरसरीरगं खीरोदगेणं णहाणेति ता सरसेणं गोसीसवरचंदणेणं अणुलिंपइ ता हंसलक्खणं पडसाडयं णिअंसेइ २ ता सव्वालंकारविभूसिअं करेति, तए णं ते भवणवइजाववेमाणिआ गणहरसरीरगाइं अणगारसरीरगाइंपिय खीरोदगेणं णहावंति ता सरसेणं गोसीसवरचंदणेणं अणुलिंपंति ता अहताइं दिव्वाइं देवदूसजुअलाइं णिअंसंति ता सव्वालंकारविभूसिआइं करेति, तए णं से सक्के देविंदे देवराया ते बहवे भवणवइजाववेमाणिए देवे एवं वयासी खिप्पामेव भो देवाणुप्पिया! ईहाभिगउसभतुरयजाववणलय-भत्तिचित्ताओ तओ सिबियाओ विउव्वह, एगं भगवओ तित्थगरस्स एगं गणहराणं एगं अवसेसाणं अणगाराणं, तए णं ते बहवे भवणवइजाववेमाणिआ देवा तओ सिबिआओ विउव्वंति, एगं भगवओ तित्थगरस्स एगं गणहराणं एगं अवसेसाणं अणगाराणं, तए णं से सक्के देविंदे देवराया विमणे णिराणंदे अंसुपुण्णणयणे भगवओ तित्थगरस्स विणट्ठजम्भजराभरणस्स सरीरगं सीअं आरूहेति ता चिड़गाए ठवेइ, तए णं ते बहवे भवणवइजाववेमाणिया देवा गणहराणं अणगाराण य विणट्ठजम्भजराभरणेणं सरीरगाइं सीअं

॥ श्री जंबूद्वीप प्रज्ञप्ति सूत्र ॥

३२

पू. सागरजी म. संशोधित

आरूहेति ता चिङ्गाए ठवेति, तए णं से सक्के देविंदे देवराया अगिगकुमारे देवे सदावेइ ता एवं वयासी खिप्पामेव भो देवाणुप्पिया! तित्थगरचिङ्गाए जाव अणगारचिङ्गाए अगणिकायं विउव्वह ता एअमाणत्तियं पच्चप्पिणह, तए णं ते अगिगकुमारा देवा विमणा णिराणंदा अंसुपुण्णयणा तित्थगरचिङ्गाए जाव अणगारचिङ्गाए य अगणिकायं विउव्वंति, तए णं से सक्के देविंदे देवराया वाउकुमारे देवे सदावेइ ता एवं वयासी खिप्पामेव भो देवाणुप्पिया! तित्थगरचिङ्गाए जाव अणगारचिङ्गाए य वाउक्कायंविउव्वह ता अगणिकायं उज्जालेह ता तित्थगरसरीरगं गणहरसरीरगाइं अणगारसरीरगाइं च झामेह, तए णं ते वाउकुमारा देवा विमणा णिराणंदा अंसुपुण्णयणा तित्थगरचिङ्गाए जाव विउव्वंति अगणिकायं उज्जालेति ता तित्थगरसरीरगं जाव अणगारसरीरगाणि य झामेति, तए णं से सक्के देविंदे देवराया ते बहवे भवणवइजाववेमाणिए देवे एवं वयासी खिप्पामेव भो देवाणुप्पिया! तित्थगरचिङ्गाए अणगारचिङ्गाए जाव अगुरुतुरुक्कधयमधुं च कुंभगसो य भारगसो य साहरह, तए णं ते भवणवइ जाव तित्थगर जाव भारगसो य साहरंति, तए णं से सक्के देविंदे देवराया महेकुमारे देवे सदावेइ ता एवं वयासी खिप्पामेव भो देवाणुप्पिया! तित्थगरचिङ्गं जाव अणगारचिङ्गं च खीरोदगेणं णिव्वेह, तए णं ते मेहकुमारा देवा तित्थगरचिङ्गं जाव णिव्वावेति, तए णं से सक्के देविंदे देवराया भगवओ तित्थगरस्स उवरिल्लं दाहिणं सकहं गेण्हइ ईसाणे देविंदे देवराया उवरिल्लं वामं सकहं गेण्हइ चमरे असुरिंदे असुरराया हेट्ठिल्लं दाहिणं सकहं गेण्हइ बली वइरोअणिंदे वयरोअणराया हिट्ठिल्लं वामं सकहं गेण्हइ अवसेसा भवणवइजाववेमाणिआ देव जहारिहं अवसेसाइं अंगमंगाइं केई

जिणभत्तीए केई जीअमेअंतिकट्टु केई धम्मोत्तिकट्टु गेणहंति, तए णं से सक्के देविंदे देवराया बहवे भवणइजाववेमाणिए देवे एवं वयासी खिप्पामेव भो देवाणुप्पिआ! सव्वरयणामए महइमहालए तओ चेइअथूभे करेह, एगं भगवओ तित्थगरस्स चिइगाए एगं गणहरचिइगाए एगं अवसेसाणं अणगाराणं चिइगाए, तए णं ते बहवे जाव करेति, तए णं ते बहवे भवणवइजाववेमाणिआ देवा तित्थगरस्स परिणिव्वाणमहिमं करेति ता जेणेव नंदीसरवरे दीवे तेणेव उवागच्छन्ति, तए णं से सक्के देविंदे देवराया पुरच्छिमिल्ले अंजणगपव्वए अट्ठाहिअं महामहिमं करेति, तए णं सक्कस्स देविंदस्स० चत्तारि लोगपाला चउसु दहिमुहगपव्वएसु अट्ठाहियं महामहिमं करेति, ईसाणे देविंदे देवराया उत्तरिल्ले अंजणगे अट्ठाहिअं० तस्स लोगपाला चउसुदहिमुहगेसु अट्ठाहियं० चमरो य दाहिणिल्ले० तस्स लोगपाला दहिमुहगपव्वएसु० बली पच्चत्थिमिल्ले० तस्स लोगपाला दहिमुहगेसु, तए णं से बहवे भवणवइजाववाणमंतर जाव अट्ठाहिआओ महामहिमाओ करेति ता जेणेव साइं २ विमाणाइं जेणेव साइं २ भवणाइं जेणेव साओ २ सभाओ सुहम्माओ जेणेव सगा २ माणवगा चेइअखंभा तेणेव उवागच्छंति ता वइरामएसु गोलवट्टसमुग्गएसु जिणसकहाओ पक्खिवंति ता अग्गेहिं वरेहिं मल्लेहि य गंधेहि य अच्चोति ता विउत्ताइं भोगभोगाइं भुंजमाणा विहरंति॥ ३४॥ तीसे णं समाए दोहिं सागरोवमकोडाकोडीहिं काले वीइक्कंते अणंतेहि वणपज्जवेहिं तहेव जाव अणंतेहिं उट्ठाणकम्म जाव परिहायमाणे एत्थ णं दूसमसुसमाणामं समा काले पडिवज्जिंसु समणाउसो!, तीसे णं समाए भरहस्स वासस्स केरिसए आगारभावपडोआरे पं०?, गो०! बहुसमरमणिज्जे भूमिभागे पं०, से जहाणामए आलिंगपुक्खरेइ वा जाव

॥ श्री जंबूद्वीप प्रज्ञप्ति सूत्रं ॥

३४

पू. सागरजी म. संशोधित

मणीहिं उवसोभिए, तं० -कित्तिमेहिं चेव अकित्तिमेहिं चेव, तीसे णं भंते! समाए भरहे वासे मणुआणं केरिसए आचारभावपडोयारे पं०?, गो०! तेसिं णं मणुआणं छव्विहे संघयणे छव्विहे संठाणे बहूइं धणूइं उद्धंउच्चत्तेणं जह० अंतो० उक्को० पुव्वकोडीआउयं पालेतिं ता अप्पेगइया णिरयगामी जाव देवगामी अप्पेगइया सिञ्जंति जाव सव्वदुक्खाणमंतं करेति, तीसे णं समाए तओ वंसा समुप्पज्जित्थां तं०-अरहंतवंसे चक्कवट्ठिवंसे दसारवंसे, तीसे णं समाए तेवीसं तित्थयरा इक्कारस चक्कवट्ठी णव बलदेवा णव वासुदेवा समुप्पज्जित्था ॥ ३५ ॥ तीसे णं समाए एक्काए सागरोवमकोडाकोडीए बायालीसाए वाससहस्सेहिं ऊणिआए काले वीड्ढंते अणंतेहिं वण्णपज्जवेहिं तहेव जाव परिहायमाणीए २ एत्थ णं दूसमाणाणं समा काले पडिवज्जिस्सइ समणाउसो!, तीसे णं भंते! समाए भरहस्स वासस्स केरिसए आगारभावपडोआरे भविस्सइ?, गो०! बहुसमरमणिज्जे भूमिभागे भविस्सइ से जहाणामए आलिंगपुक्खरेइ वा मुइंगपुक्खरेइ वा जाव णाणामणिपंचवण्णेहिं कित्तिमेहिं चेव अकित्तिमेहिं चेव, तीसे णं भंते! समाए भरहस्स वासस्स मणुआणं केरिसए आचारभावपडोयारे पं०?, गो०! तीसे णं मणुआणं छव्विहे संघयणे छव्विहे संठाणे बहूइओ रयणीओ उद्धंउच्चत्तेणं जह० अंतोमुहुत्तं उक्को० साइरेगं वाससयं आउयं पालेतिं ता अप्पेगइया णिरयगामी जाव सव्वदुक्खाणमंतं करेति, तीसे णं समाए पच्छिमे तिभागे गणधम्मे पासंडधम्मे रायधम्मे जायतेए धम्मचरणे य वोच्छिज्जिस्सइ ॥ ३६ ॥ तीसे णं समाए एक्कवीसाए वाससहस्सेहिं काले विड्ढंते अणंतेहिं वण्णपज्जवेहिं जाव परिहायमाणीए २ एत्थ णं दूसमदूसमाणाणं समा काले पडिवज्जिस्सइ समणाउसो!, तीसे णं

भंते! समाए उत्तमकट्टपत्ताए भरहस्स वासस्स केरिसए आचारभावपडोआरे भविस्सइ?, गो०! काले भविस्सई हाहाभूए भंभाभूए कोलाहलभूए समाणुभावेण य खरफरुसधूलिमइला दुव्विसहा वाउला भयंकरा य वाया संवट्टगा य वाइस्संति, इह अभिक्खणं २ धूमाहिंति य दिसा समंता रउस्सला रेणुकलुसतमपडलणिरालोआ समयलुक्खयाए णं अहिअं चंदा सीअं मोच्छिहिंति अहिअं सूरिआ तविस्संति, अदुत्तरं च णं गो० अभिक्खणं अरसमेहा विरस० खार० खत्त (ट्ट पा०)० अग्गि० विज्जु० विसमेहा (असणि० पा०) अज (पि पा०) वणिज्जोदगा वाहिरोगवेदणोदीरणपरिणामसलिला अमणुण्णपाणिअगा चंडानिलपहततिक्खधाराणिवातपउरं वासं वासिहिंति, जेणं भरहे वासे गामागरणगरखेडक्कब्बडमडंबदोणमुहपट्टणासमगयं जणवयं चउप्पयगवेलाए खहयरे पक्खिस्संधे गामारण्णप्पयारणिराए तसे य पाणे बहुप्पयारे रुक्खगुच्छ गुम्भलयवल्लिपवालंकुरमादीए तणवणस्सइकाइए ओसहीओ य विद्धंसेहिंति पव्वयगिरिडोंगरुत्थल-भट्ठिमादीए य वेअट्ठगिरिवज्जे विरावेहिंति सलिलबिलविसमगत्त (दुग्ग पा०) णिण्णुण्णयाणि य गंगासिंधुवज्जाइं समीकरेहिंति, तीसे णं भंते! समाए भरहस्स वासस्स भूमीए केरिसए आचारभावपडोआरे भविस्सइ?, गो०! भूमी भविस्सइ इंगालभूआ मुम्भुर० छारिअ० तत्तकवेल्लुअ० तत्तसमजोइ० धूलिबहुला रेणु० पंक० पणय० चलणिबहुला वहूणं धरणिगोअराणं सत्ताणं दुन्निक्कमा यावि भविस्सइ, तीसे णं भंते! समाए भरहे वासे मणुआणं केरिसए आचारभावपडोआरे भविस्सइ?, गो०! मणुआ भविस्संति दुरुवा दुवण्णा दुगंधा दुरसा दुफासा अणिट्ठा अकंता अप्पिआ असुभा अमणुन्ना अमणामा हीणस्सरा दीणस्सरा अणिट्ठस्सरा अकंतस्सरा अपिअस्सरा

॥ श्री जंबूद्वीप प्रज्ञप्ति सूत्रं ॥

३६

पू. सागरजी म. संशोधित

अमणांमस्सरा अमणुण्णस्सरा अणादेज्जवयणपच्चायाता णिल्लज्जा कूडकवडकलहबंधवेरनिरया मज्जायातिक्कमप्पहाणा
 अकज्जणिच्चुज्जुया गुरुणिओगविणयरहिया य विकलरुवा परूढणहकेसमंसुरोमा काला खरफरुससा(झा पा०) मवण्णा फुट्टसिरा
 कविलपलिअकेसा बहुणहारुणिसंपिणद्धदुदंसणिज्जरूवा संकुडिअवलीतरंगपरिवेढिअंगमंगा जरापरिणयव्व थेरगणारा
 पविरलपरिसडिअदंतसेढी उब्भडघड (घाडा पा०) मुहा विसमणयणवंकणासा वंक (ग पा०) वलीविगयभेसणमुहा
 ददुविकिटिभसिब्भफुडिअफरुसच्छवी चित्तलंगमंगा कच्छूखसराभिभूआ खरतिक्खणक्खकं डूइअविकयतणू टोलागि (लग) ती
 विसमसंधिबंधणा उक्कडुअट्टिअविभत्तदुब्बलकुसंधयणकुप्पमाणकुसंठिआ कुरूवा कुट्टाणासणकुसेज्जकु भोइणो असुइणो
 अणोगवाहिपीलिअंगमंगा खलंतविब्भलगई णिरूच्छाहा सत्तपरिवज्जिता विगय (विणट्ट प्र०) चेट्टा नट्टतेआ अभिक्खणं सीउणहखर-
 फरुसवायविज्झडिअमलिणपंसुरओगुंडिअंगमंगा बहुकोहमाणमायालोभा बहुमोहा असुभदुक्खभागी ओसणं धम्मसण्णसम्मत्तपरिभट्टा
 उक्को० रयणिप्पमाणमेत्ता सोलसवीसइवासपरमाउसो बहुपुत्तणत्तुपरियालपणयबहुला गंगासिंधूओ महाणईओ वेअड्डं च पव्वयं नीसाए
 बावत्तरि बीअं बीअमेत्ता बिलवासिणो मणुआ भविस्संति, ते णं भंते! मणुआ किमाहारमाहारिस्संति?, गो०! तेणं कालेणं० गंगासिंधूओ
 महाणईओ रहपहमित्तवित्थराओ अक्खसोअप्पमाणमेत्तं जलं वोज्झिहिंति, सेविअ णं जले बहुमच्छकच्छभाइण्णे णो चेव णं आउबहुले
 भविस्सइ, तए णं ते मणुआ सूरुग्गमणत्थमणमुहुत्तंसि य बिलेहिंतो णिद्धाइस्संति ता मच्छकच्छभे थलाइं गाहेस्संति ता सीआतवत्तेहिं

मच्छकच्छभेहिं इक्कीसं वाससहस्साइं वित्तिं कप्पेमाणा विहरिस्संति, ते णं भंते! मणुआ णिस्सीला णिव्वया णिग्गुणा णिम्भेरा
 णिप्पच्चक्खाणपोसहोववासा ओसण्णं मंसाहारा मच्छाहारा खुड्डा(दा) हारा कुणिमाहारा कालमासे कालं किच्चा कहिं गच्छिहिंति
 कहिं उववज्जिहिंति?, गो०! ओसण्णं णरगतिरिक्खजोणिएसु उववज्जिहिंति, तीसे णं भंते! समाए सीहा वग्धा विगा दीविआ अच्छा
 तरच्छा परस्सरा सरभसियालबिरालसुणगा कोलसुणगा ससगा चित्तगा चिल्लगा ओसण्णं मंसाहारा मच्छाहारा खोदाहारा कुणिमाहारा
 कालमासे कालं किच्चा कहिं गच्छिहिंति०?, गो०! ओसण्णं णरगतिरिक्खजोणिएसु उववज्जिहिंति, ते णं भंते! ढंका कंका पीलगा
 मग्गुगा सिही ओसण्णं मंसाहारा जाव कहिं गच्छिहिंति०?, गो०! ओसण्णं णरगतिरिक्खजोणिएसु जाव उववज्जिहिंति॥ ३७॥ तीसे
 णं समाए इक्कीसाए वाससहस्सेहिं काले वीइक्कंते आगमिस्साए उस्सप्पिणीए सावणबहुलपडिवए बालवकरणंसि अभीइणक्खत्ते
 चोदसपढमसमये अणंतेहिं वण्णपज्जवेहिं जाव अणंतगुणपज्जवपरिवुद्धीए परिवद्धमाणे २ एत्थ णं दूसमदूसमाणाणं समाकाले
 पडिवज्जिस्सइ समणाउसो!, तीसे णं भंते! समाए भरहस्स वासस्स केरिए आगारभावपडोआरे भविस्सइ?, गो०! काले भविस्सइ
 हाहाभूए भंभाभूए एवं सो चेव दूसमदूसमावेदगो णेअव्वो, तीसे णं समाए एक्कीसाए वाससहस्सेहिं काले विइक्कंते अणंतेहिं वण्णपज्जवेहिं
 जावं अणंतगुणपरिवुद्धीए परिवद्धमाणे २ एत्थ णं दूसमाणां समाकाले पडिवज्जिस्सइ समणाउसो! ॥ ३८॥ तेणं कालेणं०
 पुक्खलसंवट्टए णामं महामेहे पाउब्भविस्सइ भरहप्पमाणभित्ते आयामेणं तदाणुरुवं च णं विक्खंभबाहल्लेणं, तए णं से पुक्खलसंवट्टए

महामेहे खिप्पामेव पतणतणाइस्सइ ता खिप्पामेव पविज्जुआइस्सइ ता खिप्पामेव जुगमुसलमुट्ठिप्पमाणमित्ताहिं धाराहिं ओधमेधं सत्तरत्तं वासं वासिस्सइ, जेणं भरहस्स वासस्स भूमिभागं इंगालभूअं मुम्मुरभूअं छारिअभूअं तत्तकवेल्लुगभूअं तत्तसमजोइभूअं णिव्वाविस्सत्तित्ति, तंसि च णं पुक्खलसंवट्ठगंसि महामेहंसि सत्तरत्तं णिवतितंसि समाणंसि एत्थ णं खीरमेहे णामं महामेहे पाउब्भविस्सइ भरहप्पमाणमेत्ते आयामेणं तदणुरुवं च णं विक्खंभबाहल्लेणं, तए णं से खीरमेहे णामं महामेहे खिप्पामेव पतणतणाइस्सइ जाव खिप्पामेव जुगमुसलमुट्ठि जाव सत्तरत्तं वासं वासिस्सइ, जेणं भरहवासस्स भूमीए वण्णं गंधं रसं फासं च जणइस्सइ, तंसि च णं खीरमेहंसि सत्तरत्तं णिवतितंसि समाणंसि इत्थ णं घयमेहे णामं महामेहे पाउब्भविस्सइ भरहप्पमाणमेत्ते आयामेणं तदणुरुवं च णं विक्खंभबाहल्लेणं, तए णं से घयमेहे खिप्पामेव पतणतणाइस्सइ जाव वासं वासिस्सइ, जेणं भरहस्स भूमीए सिणेहभावं जणइस्सइ, तंसि च णं घयमेहंसि सत्तरत्तं णिवतितंसि समाणंसि एत्थ णं अमयमेहे पाउब्भविस्सइ भरहप्पमाणमित्तं आयामेणं जाव वासं वासिस्सइ, जेणं भरवहवासे रुक्खगुम्भलयवल्लितणपव्वगहरितगओसहिपवालंकुरमाइए तणवणस्सइकाइए जणइस्सइ, तंसि च णं अमयमेहंसि सत्तरत्तं णिवतितंसि समाणंसि एत्थ णं रसमेहे णामं महामेहे पाउब्भविस्सइ भरहप्पमाणमित्ते आयामेणं जाव वासं वासिस्सइ, जेणं तेसिं बहूणं रुक्खगुच्छगुम्भलयवल्लितणपव्वगहरितओसहिपवालंकुरमादीणं तित्तकडुअकसायअंबिलमहुरे पंचविहे रसविसेसे जणइस्सइ, तए णं भरहे वासे भविस्सइ परुढरुक्खगुच्छगुम्भलयवल्लितणपव्वगहरिअओसहिए उवचियतयपत्तपवालपल्लवंकुरपुप्फफलसमुइए

सुहोवभोगे आवि भविस्सइ ॥ ३९ ॥ ताए णं ते मणूसा भरहं वासं परुढरूक्खं ओसहियं उवचिं समुडयं सुहोवभोगे जायं २ चावि पासिहिति ता बिलेहितो णिद्धाइस्संति हट्टुट्ठा अण्णमण्णं सहाविस्संति ता एवं वदिस्संति जाते णं देवाणुप्पिआ! भरहे वासे परुढरूक्खं जाव सुहोवभोगे, तं जे णं देवाणुप्पिआ! अम्हे केई अज्जप्पभिइ असुभं कुणिमं आहारं आहारिस्सइ से णं अणेगाहिं छायाहिं वज्जणिज्जे(वज्जे पा०) त्तिकट्टु संठिइं ठवेस्संति ता भरहे वासे सुहंसुहेणं अभिरममाणा २ विहरिस्संति ॥ ४० ॥ तीसे णं भंते! समाए भरहस्स वासस्स केरिसए आचारभावपडोआरे भविस्सइ?, गो०! बहुसमरमणिज्जे भूमिभागे भविस्सइ जाव कित्तिमेहिं चेव अकित्तिमेहिं चेव, तीसे णं भंते! समाए मणुआणं केरिसए आचारभावपडोआरे भविस्सइ?, गो०! तीसे णं० मणुआणं छव्विहे संघयणे छव्विहे संठाणे बहूईओरयणीओ उड्डंउच्चत्तेणं जह० अंतोमुहुत्तं उक्को० साइरेगं वाससयं आउअं पालेहिंति ता अप्पेगइआ णिरयगामी जाव अप्पेगइआ देवागामी, ण सिज्झंति०, तीसे णं समाए एकवीसाए वाससहस्सेहिं काले वीइक्कंते अणंतेहिं वण्णपज्जवेहिं जाव परिवट्ठेमाणे २ एत्थ णं दूसमसुसमाणामं समाकाले पडिवज्जिस्सइ समणाउसो!, तीसे णं भंते! समाए भरहस्स वासस्स केरिसए आचारभावपडोआरे भविस्सइ?, गो०! बहुसमरमणिज्जे जाव अकित्तिमेहिं चेव, तीसे णं भंते! मणुआणं केरिसए आचारभावपडोआरे भविस्सइ?, गो०! तेसिं णं मणुआणं छव्विहे संघयणे छव्विहे संठाणे बहूइं धणूइं उड्डंउच्चत्तेणं जह० अंतोमुहुत्तं उक्को० पुव्वकोडीआउअं पालिहिंति ता अप्पेगइआ णिरयगामी जाव अंतं करेहिंति, तीसे णं समाए तओ वंसा समुप्पज्जिस्संति, तं० तित्थगरवंसे चक्कवट्ठिवंसे दसारवंसे, तीसे णं समाए

तेवीसं तित्थगरा एक्कारस चक्कवट्ठी णव बलदेवा णव वासुदेवा समुप्पजिस्संति, तीसे णं समाए एगाए सागरोवमकोडाकोडीए बायालीसाए वाससहस्सेहिं ऊणिआए काले वीड्ढंते अणंतेहिं जाव अणंतगुणपरिवुद्धीए परिवुद्धेमाणे २ एत्थ णं सुसमदूसमाणामं समाकाले पडिवजिस्सइ समणाउसो!, सा णं समा तिहा विभजिस्सइ, तं०-पढमे तिभागे मज्झिमे तिभागे पच्छिमे तिभागे, तीसे णं भंते! समाए पढमे तिभाए भरहस्स वासस्स केरिसए आयारभावपडोआरे भविस्सइ?, गो०! बहुसमरमणिजे जाव भविस्सइ, मणुआणं जा चेव ओसप्पिणीए पच्छिमे तिभागे वत्तव्वया सा भाणिअव्वा कुलगरवज्जा उसभसामिवज्जा, अण्णे पढंति-तीसे णं समाए पढमे तिभाए इमे पण्णारस कुलगरा समुप्पजिस्संति तं०-सुमई जाव उसभे, सेसं तं चेव, दंडणीईओ पडिलोमाओ, तीसे णं समाए पढमे तिभाए रायधम्मे जाव धम्मचरणे य वोच्छिजिस्सइ, तीसे णं समाए मज्झिमपच्छिमेसु तिभागेसु जा पढममज्झिमेसु वत्तव्वया ओसप्पिणीए सा भाणिअव्वा, सुसमा तहेव, सुसमासुसमावि तहेव जाव छव्विहा मणुस्सा अणुसजिस्संति जाव सणिचारी ॥ ४१ ॥ से केणट्ठेणं भंते! एवं वुच्चइं भरहे वासे २ ?, गो०! भरहे णं वासे वेअद्धस्स पव्वयस्स दाहिणेणं चोदसुत्तरं जोअणसयं एगारस य एगूणवीसभाए जोयणस्स अबाहाए लवणसमुदस्स उत्तरेणं चोदसुत्तरं जोयणसयं एक्कारस य एगूणवीसइभाए जोयणस्स अबाहाए गंगाए महाणईए पच्चत्थिमेणं सिंधूए महाणईए पुरत्थिमेणं दाहिणद्धभरहमज्झित्तलतिभागस्स बहुमज्झदेसभाए एत्थ णं विणीआणामं रायहाणी पं० पाईणपडीणायया उदीणदाहिणविच्छिन्ना दुवालसजोअणायामा णवजोअणविच्छिण्णा धणवइमतिणिम्माया चामीयरपागारा णाणामणिपञ्चवण्णकवि-

सीसगपरिमंडिआभिरामा अलकापुरीसंकासा पमुइयपक्कीलिआ पच्चक्खं देवलोगभूआ रिद्धत्थिमिअसमिद्धा पमुइअजणजाणवया
जाव पडिरूवा ॥ ४२ ॥ तत्थ णं विणीआए रायहाणीए भरहे णामं राया चाउरंतचक्कवट्ठी समुप्पज्जित्था, महयाहिमवंतमलयमंदर जाव
रज्जं पसासेमाणे विहरइ, बिइओ गमो रायवण्णगस्स इमो तत्थ असंखेज्जकालवासंतरेण उप्पए जसंसी उत्तमे अभिजाए
सत्तवीरिअपरक्कमगुणे पसत्थवण्णसरसारसंघयणतणुगबुद्धिधारणमेहासंठाणसीलप्पगई पहाणगारवच्छायाग (५० २१)इए
अणेगवयणप्पहाणे तेअआउबलवीरिअजुत्ते अझुसिरधणणिचिअलोहसंकलणारायवइरउसहसंघयणदेहधारी झसजुगभिंंगारवद्धमाणग-
भद्दासणगसंखच्छत्तवीअणपडागचक्क १० णंगलमुसलरहसोत्थिअअंकुसचंदाइच्चअगिजयसागर २० इंदज्जयपुहविपउमकुंजरसीहासण-
दंडकुम्भगिरिवरतुरगवरवरमउड ३० कुंडलणंदावत्तधणुकोंतगागरभवणविभाण ३६ अणेगलक्खणपसत्थसुविभत्तचित्तकरचरणदेसभागे
उद्धामुहलोमजालसुकुमालणिद्धमउआवत्तपसत्थलोमविरइअसिरिवच्छच्छणविउलवच्छे देसखेत्तसुविभत्तदेहधारी तरुणारविरस्सि-
बोहिअवरकमलविबुद्धगम्भवणणे हयपोसणकोससणिणभपसत्थपिट्ठंतणिरूवलेवे पउमुप्पलकुंदजाइजूहियवरचंपगणागपुप्फसारंग-
तुल्लगंधी छत्तीसाअहिअपसत्थपत्थिवगुणेहिं जुत्ते अव्वोच्छिण्णातपत्ते पागडउभयजजोणी विसुद्धणिअगकुलगयणपुण्णचंदे चंदेइव
सोमयाए णायणमणणिव्वुइकरे अक्खोभे सागरोवथिमिए धणवइव्व भोगसमुदयसद्ववयाए समरे अपराइए परमविक्रमगुणे
अमरवइसमाणसरिसरुवे मणुअवई भरहचक्कवट्ठी भरहं भुंजइ पणट्टसत्तू ॥ ४३ ॥ तए णं तस्स भरहस्स रण्णो अण्णया कयाई

॥ श्री जंबूद्वीप प्रज्ञप्ति सूत्र ॥

४२

पू. सागरजी म. संशोधित

आउहधरसालाए दिव्वे चक्करयणे समुप्पज्जित्था, तए णं से आउहधरिए भरहस्स रण्णो आउहधरसालाए दिव्वं चक्करयणं समुपन्नं
पासइ ता हट्ठतुट्ठचित्तमाणंदिए नंदिए पीइमणे परमसोमणस्सिए हरिवविसप्पमाणहिआए जेणामेव से दिव्वे चक्करयणे तेणामेव से
उवागच्छइ ता तिक्खुत्तो आयाहिणपयाहिणं करेइ ता करयल जाव कट्ठु चक्करयणस्स पणामं करेइ ता आउहधरसालाओ पडिणिक्खमइ
ता जेणामेव बाहिरिआ उवट्ठाणसाला जेणामेव भरहे राया तेणामेव उवागच्छइ ता करयल जाव जएणं विजएणं वद्धावेइ ता एवं
वयासी एवं खलु देवाणुप्पिआणं आउहधरसालाए दिव्वे चक्करयणे समुप्पणे तं एअण्णं देवाणुप्पिआणं पिअट्ठयाए पिअं णिवेएमो
पिअं भे भवउ, तते णं से भरहे राया तस्स आउहधरिअस्स अंतिए एअमट्ठं सोच्या णिसम्म हट्ठ जाव सोमणस्सिए विअसिअवरकमल-
णयणवयणे पयलिअवरकडगतुडिअकेअरमउडकुंडलहारविरायंतरइअवच्छे पालंबपलंबमाणधोलंतभूसणधरे ससंभमं तुरिअं चवलं
णरिंदे सीहासणाओ अब्भुट्ठेइ ता पायपीढाओ पच्चोरुहइ ता पाउआओ ओमुअइ ता एगसाडिअं उत्तरासंगं करेइ ता अंजलिमउलिअगगहत्थे
चक्करयणाभिमुहे सत्तट्ठ पयाइं अणुगच्छइ ता वामं जाणुं अंचेइ ता दाहिणं जाणुं धरणितलंसि णिहट्ठु करयलजावअंजलिं० चक्करयणस्स
पणामं करेइ ता तस्स आउहधरिअस्स अहामालिअं मउडवज्जं ओमोअं दलइ ता विउलं जीविआरिहं पीइदाणं दलइ ता सक्कोरेइ
सम्माणेइ ता पडिविसज्जेइ ता सीहासणवरगाए पुरत्थाभिमुहे सण्णिसण्णे, तए णं से भरहे राया कोडुंबिअपुरिसे सदावेइ ता एवं
वयासी खिप्पामेव भो देवाणुप्पिआ! विणीअं रायहाणिं सब्भिंतरबाहिरिअं आसिअसंमज्जिअसित्तसुइगरत्थंतरवीहिअं मंचाइमंचकलिअं

णाणाविहरागवसणऊसिअझयपडागपडागातिपडागमंडिअं लाउल्लोइअमहिअं गोसीससरसरत्तचंदणदहरदिन्नपंचंगुलितलं उवचियचंद-
 णकलसं चंदणघडसुकयजावगंधुद्धआभिरामं सुगंधवरगंधिअं गंधवट्ठिभूअं करेह कारवेह ता य एअमाणत्तिअं पच्चप्पिणह, तए णं ते
 कोडुंबिअपुरिसा भरहेणं रण्णा एवं वुत्ता हट्ठं करयल जाव एवं सामित्ति आणाए विणएणं वयणं पडिसुणांति ता भरहस्स अंतिआओ
 पडिणिक्खमंति ता विणीअं रायहाणिं जाव करेत्ता कारवेत्ता य तमाणत्तिअं पच्चप्पिणंति, तए णं से भरहे राया जेणेव मज्जणघरे
 तेणेव उवागच्छइ ता मज्जणघरं अणुपविसइ ता समुत्तजालाकुलाभिरामे विचित्तमणिरयणकुट्टिमतले रमणिज्जे ण्हाणमंडवंसि
 णाणामणिरयणभत्तिचित्तंसि ण्हाणपीढंसि सुहणिसण्णे सुहोदएहिं गंधोदएहिं पुप्फोदएहिं सुद्धोदएहि य पुण्णे कल्लाणगपवरमज्जणविहीए
 मज्जिए तत्थ कोउअसएहिं बहुविहेहिं कल्लाणगपवरमज्जणावसाणे पम्हलसुकुमालगंधकासाइअलूहिअंगे सरससुरहिगोसीसचंदणाणु
 लित्तगत्ते अहयसुमहग्घदूसरयणसुसंवुडे सुइमालावण्णगविलेवणे आविद्धमणिसुवण्णे कप्पिअहारद्धहारतिसरिअपालंबपलंबमाण-
 कडिसुत्तसुकयसोहे पिणद्धगेविज्जगअंगुलिज्जगललिअगयकयाभरणे णाणामणिकडगतुडिअथंभिअभुए अहिअसस्सिरीए
 कुंडलउज्जोइआणणे मउडदित्तसिरए हारोत्थयसुकयवच्चे पालंबपलंबमाणसुकयपडउत्तरिज्जे मुद्दिआपिंगलंगुलीए णाणामणिकणग-
 विमलमहरिहणिउणोविअमिसिमिसिंतविरइअसुसिलिडुविसिडुलडुसंठिअपसत्थआविद्धवीरवलए, किं बहुणा?, कप्परुक्खाए चेव
 अलंकिअविभूसिए णरिदे सकोरंट जाव चउचामरवालवीइअंगे मंगलजयजयसहकयालोए अणेगगणणायगदंडणायगजावदूअसंधिवाल

સહિં સંપરિવુડે ધવલમહામેહણિગાએ ઇવ જાવ સસિવ્વ પિયદંસણે ણરવૈ ધૂવપુપ્ફગંધમલ્લહથ્થગાએ મજ્જણધરાઓ પડિણિવ્વમ્મઙ્ગ ત્તા
 જેણેવ આઝહધરસાલા જેણામેવ ચક્કરયણે તેણામેવ પહારેત્થ ગમણાએ, તાએ ણં તસ્સ ભરહસ્સ રણ્ણો વહવે ઈસરજાવપભિઙ્ગઓ અપ્પેગઙ્ગા
 પઝમહહથ્થગયા અપ્પેઽ ડપ્પલહથ્થગયા જાવ અપ્પેગઙ્ગા સયસહસ્સપત્તહથ્થગયા ભરહં રાયાણં પિટ્ઠઓ અણુગચ્છંતિ, તાએ ણં તસ્સ
 ભરહસ્સ રણ્ણો બહૈઓ ય્હુજ્જા ચિલાઙ્ગ વામણિ વડમ્મીઓ બલ્લરી બડસિઆઓ। જોણિઅ પલ્લહિઆઓ ઈસિણિઅ થારુકિણિઆઓ
 ॥૧॥ લાસિઅ લડસિઅ દમિલી સિંહલિ તહ આરબી પુલિંદી ય। પવ્વકણિ બહુલિં મુરુંડી સબરીઓ પારસીઓ ય ॥ ૧૦ ॥ અપ્પેગઙ્ગાઓ
 ચંદણકલસહથ્થગયાઓ ચંગેરીપુપ્ફપડલહથ્થગયાઓ ભિંગારઆદંસથાલપાતિસુપ્પડ્ડગવાયકરગરયણકરંડપુપ્ફચંગેરીમલ્લવણ્ણચુણ્ણગંધ-
 હથ્થગયાઓ વત્થઆભરણલોમહથ્થયચંગેરીપુપ્ફપડલહથ્થગયાઓ જાવ લોમહથ્થહથ્થગયાઓ અપ્પેગઙ્ગાઓ સીહાસણહથ્થગયાઓ
 છત્તચામરહથ્થગયાઓ તિલ્લસમુગ્ગયહથ્થગયાઓ તેલ્લે કોટ્ઠસમુગ્ગે પત્તે ચોએ ય તગરમેલા ય। હરિઆલે હિંગુલએ મણોસિલા સાસવસમુગ્ગે
 ॥ ૧૧ ॥ અપ્પેગઙ્ગાઓ તાલિઅંટહથ્થગયાઓ અપ્પેઽ ધૂવક ડુચ્છુઅહથ્થગયાઓ ભરહં રાયાણં પિટ્ઠઓ અણુગચ્છંતિ, તાએ ણં સે ભરહે રાયા
 સચ્ચિઙ્ગીએ સવ્વજુઈએ સવ્વબલેણં સવ્વસમુદયેણં સવ્વાયરેણં સવ્વવિભૂસાએ સવ્વવિભૂઈએ સવ્વવત્થપુપ્ફગંધમલ્લાલંકારવિભૂસાએ
 સવ્વતુડિયસદ્ધસણિણાણં મહયા ઇઙ્ગીએ જાવ મહયા વરતુડિયજમગસમગપવાઙ્ગણં સંખપણવપડહભેરિઙ્ગલ્લરિખરમુહિમુરજમુઙ્ગદુંદુહિ-
 નિગ્ધોસણાઙ્ગણં જેણેવ આઝહધરસાલા તેણેવ ડવાગચ્છઙ્ગ ત્તા આલોએ ચક્કરયણસ્સ પણામં કરેઙ્ગ ત્તા જેણેવ ચક્કરયણે તેણેવ ડવાગચ્છઙ્ગત્તા

(प्र० पुष्कारोहणं) लोमहन्थयं परामुसङ्गं ता चक्रयणं पमज्जं ता दिव्वाए उदगधाराए अब्भुक्खेइ ता सरसेणं गोसीसवरचंदणेणं
 अणुलिंपइ ता अग्गेहिं वरेहिं गंधेहिं मल्लेहि अ अच्चिणइ पुष्कारूहणं मल्लगंधवण्णचुण्णवत्थारूहणं आभरणारूहणं करेइ ता
 अच्छेहिं सण्हेहिं सेएहिं रययामएहिं अच्छरसातंडुलेहिं चक्रयणस्स पुरओ अट्टुमंगलए आलिहइ, तं० - सोत्थियसिरिवच्छ-
 णंदिआवत्तवद्धमाणगभद्दासणमच्छकलसदप्पण, अट्टुमंगलए आलिहिता करेइ उवयारंति किं ते?, पाडलमल्लिअचंपगअसोगपुण्णग-
 चूअमंजरिणवमालिअबकुलतिलगकणवीरकुंदकोज्जयकोरंटयपत्तदमणयवरसुरहिसुगंधगंधिअस्स कयग्गाहगहिअकरयलपब्भट्ट-
 विप्पमुक्कस्स दसद्धवण्णस्स कुसुमणिगरस्स तत्थ चित्तं जाणुस्सेहप्पमाणमित्तं ओहनिगरं करेत्ता चंदप्पभवइरवेरुलिअविमलदंडं
 कंचणमणिरयणभत्तिचित्तं कालागुरुपवरकुंदुरुक्कतुरुक्कधूवमधमधंतगंधुत्तमाणुविद्धं च धूमवट्ठिं विणिम्भुअंतं वेरुलिअमयं कडुच्छुअं
 पग्गहेत्तु पयते धूवं दहइ ता सत्तट्ट पयाइं पच्चोसक्कइ ता वामं जाणुं अंचेइ जाव पणामं करेइ ता आउहघरसालाओ पडिणिक्खमइ ता
 जेणेव बाहिरिआ उवट्ठाणसाला जेणेव सीहासणे तेणेव उवागच्छइ ता सीहासणवरगए पुरत्थाभिमुहे सणिणीसीअइ ता अट्टारस
 सेणिपसेणीओ सद्दावेइ ता एवं वयासी खिप्पामेव भो देवाणुप्पिआ! उस्सुंकं उक्करं उक्किट्ठं अदिज्जं अमिज्जं अभडप्पवेसं अदंडकोदंडिमं
 अधरिमं गणिआवरणाडइज्जकलिअं अणेगतालायराणुचरिअं अणुद्धुअमुइंगं अभिलायमल्लदामं पमुइअपक्कीलिअसपुरजणजाणवयं
 विजयवेजयंतचक्रयणस्स अट्टाहियं महामहिमं करेह ता ममेअमाणत्तिअं खिप्पामेव पच्चप्पिणह, तए णं ताओ अट्टारस सेणिप्पसेणीओ

भरेहणं रन्ना एवं वुत्ताओ समाणीओ हट्टाओ जाव विणएणं पडिसुणेति ता भरहस्स रण्णो अंतिआओ पडिणिक्खमेन्ति ता उस्सुक्कं जाव करेन्ति अ कारवेन्ति अ ता जेणेव भरहे राया तेणेव उवागच्छन्ति ता जाव तमाणत्तिअं पच्चप्पिणन्ति ॥ ४४ ॥ तए णं से दिव्वे चक्करयणे अट्टाहिआए महामहिमाए निव्वत्ताए समाणीए आउहधरसालाओ पडिणिक्खमइ ता अंतलिक्खपडिवण्णे जक्खसहस्ससंपरिवुडे दिव्वतुडिअसदसणिगाएणं आपूरेत चेव अंबरतलं विणीआए रायहाणीए मज्झंमज्झेणं णिगच्छइत्ता गंगाए महाणईए दाहिणिल्लेणं कूलेणं पुरित्थमं दिसिं मागहतित्थाभिमुहं पयाते आवि होत्था, तए णं से भरहे राया तं दिव्वं चक्करयणं गंगाए महाणईए दाहिणिल्लेणं कूलेणं पुरित्थमं दिसिं मागहतित्थाभिमुहं पयातं पासइ ता हट्टतुड्हियए कोडुंबिअपुरिसे सदावेइ ता एवं वयासी खिप्पामेव भो देवाणुप्पिआ! आभिसेक्कं हत्थियरणं पडिकप्पेह हयगयरहपवरजोहकलिअं चाउरंगिणिं सेण्णं सण्णाहेह ता एतमाणत्तिअं पच्चप्पिणह, तए णं ते कोडुंबिअ जाव पच्चप्पिणन्ति, तए णं से भरहे राया जेणेव मज्जणघरे तेणेव उवागच्छइ ता मज्जणघरं अणुपविसइ ता समुत्तजालाउलाभिरामे तहेव जाव धवलमहामेहणिगगाए इव ससिक्ख पियदंसणे णरवई मज्जणघराओ पडिणिक्खमइ ता हयगयरहपवरवाहणभडचडगरपहकरसंकुलाए सेणाए पहिअकित्ती जेणेव बाहिरिआ उवट्टाणसाला जेणेव आभिसेक्के हत्थियरणे तेणेव उवागच्छइ ता अंजणगिरिकडगसणिगभं गयवरं णरवई दुरूढे, तए णं से भरहाहिवे णरिदे हारोत्थयसुकयरइयवच्छे कुंडलउज्जोइआणणे मउडदित्तसिरए णरसीहे णरवई णरिदे णरवसहे मरूअरायवसभकप्पे अब्भहिअरायतेअलच्छीए दिप्पमाणे पसत्थमंगलसएहिं संथुव्वमाणे

जयसदकयालोए हत्थिखंधवरगाए सकोरंटमल्लदामेणं छत्तेणं धरिज्जमाणेणं से अवरचाभराहिं उद्धुव्वमाणीहिं २ जक्खसहस्ससंपरिवुडे वेसमणे चेव धणवई अमरवइसण्णिभाए इट्ठीए पहिअकित्ती गंगाए महाणईए दाहिणिल्लेणं कूलेणं गामागरणगरखेडकब्बडमडंबदोणमुह-पट्टणासमसंबाहसहस्समंडिअं थिमिअमेइणीअं वसुहं अभिजिणमाणे २ अग्गाइं वराइं रयणाइं षड्दिच्छमाणे २ तं दिव्वं चक्करयणं अणुगच्छमाणे २ जोअणंतरीआहिं वसहीहिं वसमाणे २ जेणेव मागहतित्थे तेणेव उवागच्छइ ता मागहतित्थस्स अदूरसामंते दुवालसजोयणायामं णवजोअणविच्छिण्णं वरणगरसरिच्छं विजयखंधावारनिवेसं करेइ ता वड्डइरयणं सदावेइ ता एवं वयासी खिप्पामेव भो देवाणुप्पिआ! ममं आवासं पोसहसालं च करेहि ता ममेअमाणत्तिअं पच्चप्पिणाहि, तए णं से वड्डइरयणे भरहेणं रण्णा एवं वुत्ते समाणे हट्टतुट्ट जाव वयणं पडिसुणेइ ता भरहस्स रण्णो आवसहं पोसहसालं च करेइ ता एअमाणत्तिअं खिप्पामेव पच्चप्पिणत्ति, तए णं से भरहे राया आभिसेक्का जो हत्थिरयणाओ पच्चोरूहइ ता जेणेव पोसहसाला तेणेव उवागच्छइ ता पोसहसालं अणुपविसइ ता पोसहसालं पमज्जइ ता दब्भसंथारगं संथरइ ता दब्भसंथारगं दुरूहइ ता मागहतित्थकुमारस्स देवस्स अट्टमभत्तं पगिणहइ ता पोसहसालाए पोसहिए बभ्हयारी उम्भुक्कमणिसुवण्णे ववगयमालावण्णगविलेवणे णिक्खित्तसत्थमुसले दब्भसंथारोवगाए एगे अबीए अट्टमभत्तं पडिजागरमाणे २ विहरइ, तए णं से भरहे राया अट्टमभत्तंसि परिणममाणंसि पोसहसालाओ पडिणिक्खमइ ता जेणेव बाहिरिआ उवट्ठाणसाला तेणेव उवागच्छइ ता कोडुंबिअपुरिसे सदावेइ ता एवं वयासी खिप्पामेव भो देवाणुप्पिआ! हयगयरहपवरजोहकलिअं

॥ श्री जंबूद्वीप प्रज्ञप्ति सूत्रं ॥

४८

पू. सागरजी म. संशोधित

चाउरंगिणिं सेणं सण्णाहेह चाउग्घंटं च आसरहं पडिक्कप्पेहत्तिकडु मज्जणघरं अणुपविसइ ता समुत्त तहेव जाव धवलमहामेहणिग्गाए जाव मज्जणघराओ पडिणीक्खमइ ता हयगयरहपवरजोहवाहण जाव सेणाइ पहिअकित्ती जेणेव बाहिरिआ उवट्ठाणसाला जेणेव चाउग्घंटं आसरहे तेणेव उवागच्छइ ता चाउग्घंटं आसरहं दुरूढे ॥ ४५ ॥ तए णं से भरहे राया चाउग्घंटं आसरहं दुरूढे समाणे हयगयरहपवरजोहकलिआए सद्धिं सेणाए संपरिवुडे महयाभडचडगरपहगरवंदपरिक्खत्ते चक्करयणदेसिअमग्गे अणेगराय-वरसहस्साणुआयमग्गे महया उक्किट्टसीहणायबोलकलकलरवेणं पक्खुभिअमहासमुद्धरवभूअंपिव करेमाणे २ पुरत्थिमदिसाभिमुहे मागहतित्थेणं लवणसमुदं ओगाहइ जाव रहवरस्स कुप्परा उल्ला, तए णं से भरहे राया तुरगे निगिणहइ ता रहं ठवेइ ता धणुं परामुसइ, तए णं तं अइरूग्गयबालचन्दइंदधणुसन्निकासं वरमहिसदरिअदप्पिअदढघणसिंगगरइअसारं उरगवरपवरगवलपवरपरहुअभमरकुल-णीलिणिद्धधंतधोअपट्ठं णिउणोविअमिसिमिसिंतमणिरयणधंतिआजालपरिक्खत्तं तडितरूणतरणिकिरणतवणिज्जबद्धचिंधं दद्वरमलय-गिरिसिहरकेसरचामरवालद्धचंदचिंधिं कालहरिअरत्तपीअसुक्किल्लबहुणहारूणिसंपिणद्धजीवं जीविअंतकरणं धणुं गहिऊण से णारवई उसुं च वरवड्ढरकोडिअं वड्ढरस्सारतोडं कंचणमणिकणगरयणधोइट्टसुकयपुंखं अणेगमणिरयणविविहसुविइयनामचिंधं वड्ढसाहं ठाइऊण ठाणं आयतकण्णायत्तं च काऊण उसुमुदारं इमाइं वयणाइं तत्थ भणिअ से णारवई हंदि सुणंतु भवंतो बाहिरओ खलु सरस्स जे देवा। णागासुरा सुवण्णा तेसिं खु ण(प्र० थुणि)ओ पणिवयामि ॥ १२ ॥ हंदि सुणंतु भवंतो अब्भिंतरो सरस्स जे देवा। णागासुरा सुवण्णा

सव्वे मे ते विसयवासी ॥ १३ ॥ इतिकट्टु उसं णिसिरइत्तिपरिगरणिगरिअमज्झो वाउद्धुअसोभमाणकोसेज्जो । चित्तेण सोभए धणुवरेण
 इंदोव्व पच्चक्खं ॥ १४ ॥ तं चंचलायमाणं पंचमिचंदोवमं महाचावं । छज्जइ वामे हत्थे णरवइणो तंमि विजयंमि ॥ १५ ॥ ताए णं से सरे
 भरहेणं रण्णा णिसट्ठे समाणे खिप्पामेव दुवालस जोअणाइं गंता मागहत्तिथाधिपत्तिस्स देवस्स भवणांसि निवइए, ताए णं से
 मागहत्तिथाहिवई देवे भवणांसि सरं णिवइअं पासइ ता आसुरूत्ते रूढे चंडिक्खिए कुविए मिसिमिसेमाणे तिवलिअं भिउडिं णिडाले,
 साइरइ ता एवं वयासी केस णं भो एस अपत्थिअपत्थए दुरंतपंतलक्खणे हीणपुण्णचाउदसे हिरिसिरिपरिवज्जिए जे णं मम इमाए
 एआणुरुवाए दिव्वाए देविद्धीए दिव्वाए देवजुईए दिव्वेणं दिव्वाणुभावेणं लद्धाए पत्ताए अभिसमण्णागयाए उप्पिं अप्पुस्सुए भवणांसि
 सरं णिसिरइत्तिकट्टु सीहासणाओ उट्ठेइ ता जेणेव से णामाहयंके सरे तेणेव उवागच्छइ ता तं णामाहयंके सरं गेणहइ ता णामंके
 अणुपवाएइ नामंके अणुप्पवाएमाणस्स इमे एआरूवे अब्भत्थिए चिंतिए पत्थिए मणोगए संकप्पे समुप्पज्जित्था उप्पण्णे खलु भो!
 जंबुद्धीवे दीवे भरहे वासे भरहे णामं राया चाउरंतचक्खवट्ठी तं जीअमेअं तीअपच्चुप्पण्णमणागयाणं मागहत्तिथकुमाराणं देवाणं
 राईणमुवत्थाणीयं करेत्ताए, तं गच्छामि णं अहंपि भरहस्स रण्णो उवत्थाणीअं करेमिक्कट्टु संपेहेति एवं ता हारं मउडं कुंडलाणि य
 कडगाणि य तुडिआणि य वत्थाणि य आभरणाणि य सरं च णामाहयंके मागहत्तिथोदगं च गेणहइ ता ताए उक्किट्ठाए तुरिआए
 चवलाए जयणाए सीहाए सिग्धाए उद्धुआए दिव्वाए देवगईए वीईवयमाणे २ जेणेव भरहे राया तेणेव उवागच्छइ ता अंतलिक्खपडिवण्णे

સર્વિણીઆઈ પંચવળ્ળાઈ વત્થાઈ પવરપરિહિએ કરયલપરિગ્ગહિઅં દસળાં સિર જાવ અંજલિં કટ્ટુ ભરહં રાયં જાણં વિજાણં વદ્ધાવેડ
 ત્તા એવં વયાસી અભિજિએ ણં દેવાળુપ્પિએહિં કેવલકપ્પે ભરહે વાસે પુરચ્છિમેણં માગહતિત્થમેરાએ તં અહળ્ણં દેવાળુપ્પિઆણં વિસયવાસી
 અહળ્ણં દેવાળુપ્પિઆણં આણતીકિંકરે અહળ્ણં દેવાળુપ્પિઆણં પુરચ્છિમિલ્લે અંતવાલે તં પડિચ્છંતુ ણં દેવાળુપ્પિઆ! મમં ઇમેઆરૂવં
 પીડદાણંતિકટ્ટુ હારં મડડં જાવ માગહતિત્થોદગં ચ ઉવળેડ, તાએ ણં સે ભરહે રાયા માગહતિત્થકુમારસ્સ દેવસ્સ ઇમેયારૂવં પીડદાણં
 પડિચ્છંતુ ત્તા માગહતિત્થકુમારં દેવં સક્કારેડ સમ્માળેડ ત્તા પડિવિસજ્જેડ, તાએ ણં સે ભરહે રાયા રહં પરાવત્તેડ ત્તા માગહતિત્થેણં લવળસમુદ્દાઓ
 પચ્ચુત્તરડ તો જેળેવ વિજયચંધાવારણિવેસે જેળેવ બાહિરિઆ ઉવટ્ટાળસાલા તેળેવ ઉવાગચ્છંતુ ત્તા તુરુએ ણિગિળહડ ત્તા રહં ઠવેડ ત્તા
 રહાઓ પચ્ચોરુહતિ ત્તા જેળેવ મજ્જળધરે તેળેવ ઉવાગચ્છતિ મજ્જળધરં અળુપવિસડ ત્તા જાવ સસિવ્વ પિઅદંસળે ણરવડ મજ્જળધરાઓ
 પડિણિક્કમડ ત્તા જેળેવ ભોઅળમંડવે તેળેવ ઉવાગચ્છંતુ ત્તા ભોઅળમંડવંસિ સુહાસળવરળાએ અટ્ટમભતં પારેડ ત્તા ભોઅળમંડવાઓ
 પડિણિક્કમડ ત્તા જેળેવ બાહિરિઆ અવટ્ટાળસાલા જેળેવ સીહાસળે તેળેવ ઉવાગચ્છંતુ ત્તા સીહાસળવરળાએ પુરત્થાભિમુહે ણીસીઅડ ત્તા
 અટ્ટારસ સેણિપ્પસેળીઓ સદ્ધાવેડ ત્તા એવં વયાસી ચિવ્વિપ્પામેવ ભો! દેવાળુપ્પિયા ડસુક્કં ઉક્કરં જાવ માગહતિત્થકુમારસ્સ દેવસ્સ અટ્ટાહિઅં
 મહામહિમં કરેહ ત્તા મમ એઅમાળત્તિઅં પચ્ચપ્પિળહ, તાએ ણં તાઓ અટ્ટારસ સેણિપ્પસેળીઓ ભરહેણં રળ્ણા એવં વુત્તાઓ સમાળીઓ હટ્ટ
 જાવ કરેતિ ત્તા એઅમાળત્તિઅં પચ્ચપ્પિળાંતિ, તાએ ણં સે દિવ્વે ચક્કરયળે વડ્ડરામયતુંબે લોહિઅક્કમયારાએ જંબૂળાયળેમીએ ણાળામળિ-

॥ શ્રી જંબુદ્વીપ પ્રજ્ઞપ્તિ સૂત્ર ॥

૫૧

પૂ. સાગરજી મ. સંસ્કૃતિ

खुरप्पथालपरिगए मणिमुत्ताजालभूसिए सणंदिधोसे सखिंखिणीए दिव्वे तरुणरविमंडलणिभे णाणमणिरयणधंटीआजालपरिक्खित्ते
 सव्वो उअसुरभिकुसुमआसत्तमल्लदामे अंतलिक्खपडिवण्णे जक्खसहस्ससंपरिवुडे दिव्वतुडिअसदसणिणणादेणं पूरंते चेव अंबरतलं
 णामेण य सुदंसणे णरवइस्स पढमे चक्करयणे मागहतित्थकुमारस्स देवस्स अट्टाहिआए महामहिमाए णिव्वताए समाणीए आउहधरसालाओ
 पडिणिक्खमइ ता दाहिणपच्चत्थिमं दिसिं वरदामतित्थाभिमुहं पयाए यावि होत्था ॥ ४६ ॥ ताए णं से भरहे राया तं दिव्वं चक्करयणं
 दाहिणपच्चत्थिमं दिसिं वरदामतित्थाभिमुहं पयातं चावि पासइ ता हट्टतुट्ठं कोडुंबिअपुरिसे सदावइ ता एवं वयासी खिप्पामेव भो
 देवाणुप्पिआ ! हयगयरहपवरचाउरंगिणिं सेण्णं सण्णाहेह आभिसेक्कं हत्थिरयणं पडिकप्पेहत्तिकट्टु मज्जणघरं अणुपविसइ ता तेणेव
 कमेणं जाव सेअवरचामराहिं उद्धुव्वमाणीहिं २ माइअवरफलयपवरपरिगरखेडयवरवम्मकवयमाढीसहस्सकलिए उक्कडवरमउडतिरीड-
 पगझयवेजयंतीचामरचलंतछत्तंघयारकलिए असिखेवणिखग्गचावणारायकणयकप्पणिसूललउडभिंडिमालधणुहतोणसरपहरणेहि य
 कालणीलरुहिरपीअसुक्खिल्लअणेगचिंधसयसणिणविट्ठे अप्फोडिअसीहणायछेलिअहयहेसिअहत्थिगुलुगुलाइअअणेगरहसयसहस्सघण-
 घणेंतणीहम्ममाणसदसहिएण जमगसमगभंभाहोरं भकिणिंतखरमुहिमुगुंदसंखिअपरिलिवच्चगपरिवाइणिवंसवेणुवीपंचिमहतिकच्छ-
 भिरिगिसिगिअतलतालकंसतालकरदाणुत्थिदेण महता सदसणिणणादेण सयलमवि जीवलोगं पूरयंते बलवाहणसमुदएणं एवं
 जक्खसहस्सपरिवुडे वेसमणे चेव धणवई अमरपतिसणिणभाई इब्धीए पहिअकिन्ती गामागरणगरखेडकब्बड तहेव सेसं जाव

विजयखंधावारणिवेसं करेइ ता वद्धइरणं सदावेइ ता एवं वयासी खिप्पामेव भो देवाणुप्पिआ! मम आवसहं पोसहसालं च करेहि ता ममेअमाणत्तिअं पच्चप्पिणाहिं ॥ ४७ ॥ तए णं से आसमदोणमुहगामपट्टणपुरवरखंधावारणिहावणविभागकुसले एगासीतिपदेसु सव्वेसु चेव वत्थूसु णेगुणजाणए पंडिए विहि (प्र० ह) णणू पणयालीसाए देवयाणं वत्थुपरिच्छाए णेमिपासेसु भत्तसालासु कोट्टणिसु अ वासघरेसु अ विभागकुसले छेजे वेज्जे(धेजे) अ दाणकम्मे पहाणबुद्धी जलयाणं भूमियाण य भायणे जलथलगुहासु जंतेसु परिहासु अ कालनाणे तहेव सदे वत्थुप्पएसे पहाणे गब्भिणिकण्णरुक्खवल्लिवेढिअगुणदोसविआणए गुणट्ठे सोलसपासायकरणकुसले चउसट्ठिविकप्पवित्थियमई णंदावत्ते य वद्धमाणे सोत्थिअरूअग तह सव्वओभदसंणिवेसे अ बहुविसेसे उदंडिअदेवकोट्टादारुगिरिखाय-वाहणविभागकुसले इअ तस्स बहुगुणद्धे थवईरणे णरिंदचंदस्स। तवसंजमनिव्विट्ठे किंकरवाणी तुवट्टाई ॥ १६ ॥ सो देवकम्भविहिणा खंधावारं णरिंदवयणेणं। आवसहभवणकलिअं करेइ सव्वं मुहुत्तेणं ॥ १७ ॥ करेत्ता पवरपोसहघरं करेइ ता जेणेव भरहे राया जाव एतमाणत्तिअं खिप्पामेव पच्चप्पिणइ, सेसं तहेव जाव (प्र० जणपवराओ) मज्जणघराओ पडिणिक्खमइ ता जेणेव बाहिरिआ उवट्टाणसाला जेणेव चाउग्घंटे आसरहे तेणेव उवागच्छइ ॥ ४८ ॥ तते णं तं धरिणतलगमणलहुं ततो बहुलक्खणपसत्थं हिमवंतकंदरंतरणिवायसंवद्धिअचित्तिणिमदलिअं जंबूणयसुकयकूबरं कणयदंडियारं पुलयवरिंदणीलसासगपवालफलिहवररण-लेट्ठुमणिविहुमविभूसिअं अडयालीसाररइयतवणिज्जपट्टसंगहिअजुत्ततुंबं पघसिअपसिअनिम्मिअनवपट्टपुट्टपरिणिट्ठिअं

॥ श्री जंबूद्वीप प्रज्ञप्ति सूत्रं ॥

५३

पू. सागरजी म. संशोधित

विसिद्धलट्टणवलोहवद्धकम्भं हरिपहरणरयणसरिसचक्रं कक्केयणइंदणीलसासगसुसमाहिअबद्धजालकडगं पसत्थविच्छिण्णसमधुरं पुरवं
 व गुत्तं सुकिरणतवणिज्जुत्तककलिअं कंकटय(५० डग) णिजुत्तकप्पण पहरणाणुजायं खेडगकणगधणुमंडलगवरसत्तिकोत्त-
 तोभरसरसयबत्तीसतोणपरिमंडिअं कणगरयणचित्तं जुत्तं हलीमुहवलागयदंतचंदमोत्तिअतणसोल्लिअकुंदकुडयवरसिंदुवारकंदलवर-
 फेणणिगरहारकासप्पगासधवलेहिं अमरमणपवणजइणचवलसिग्घगामीहिं चउहिं चामराकणगविभूसिअंगेहिं तुरगेहिं सच्छत्तं सज्झयं
 सघंटं सपडागं सुकयसंधिकम्भं सुसमाहिअसमरकणगगंभीरतुल्लघोसं वरकुप्परं सुचक्रं वरनेमीमंडलं वरधारातोडं वरवडरबद्धतुंबं
 वरकंचणभूसिअं वरायरिअणिम्मिअं वरतुरगसंपउत्तं वरसारहिसुसंपगहिअं वरपुरिसे वरमहारहं दुरुढे आरूढे पवररयणपरिमंडिअं
 कणयखिंखिणीजालसोभिअं अउज्झं सोआमणिकणगतविअपंकयजासुअणजलणजलिअसुअतोडरागगुंजद्धबंधुजीवगरत्तहिंगुल-
 गणिगरसिंदूरुइलकुं कुमपारेवयचलणणयणकोइलदसणावरणरइतातिरेगरत्तसोगकणगकेसुअगयतालुसुरिंदगोवगसमप्पभप्पगासं
 बिंबफलसिलप्पवालउट्ठितसूरसरिसं सव्वोउअसुरहिकुसुमआसत्तमल्लदामं ऊसिअसेअज्झयं महामेहरसिअगंभीरणिद्धघोसं सत्तुहिअयकंपणं
 पभाए अ सस्सिरीअं णामेणं पुहविविजयलंभंति विस्सुतं लोगविस्सुतजसो (धं) ५यं चाउग्घंटं आसरहं पोसहिए णरवई, दुरुढे, तए णं
 से भरहे राया चाउग्घंटं आसरहं दुरुढे समाणे सेसं तहेव दाहिणाभिमुहे वरदामत्तिथेणं लवणसमुदं ओगाहइ जाव से रहवरस्स कुप्परा
 उल्ला जाव पीइदाणं से णवरिं चूडामणिं च दिव्वं उरत्थगेविज्जगं सोणिअसुत्तगं कडगाणि अ तुडिआणि अ जाव दाहिणिल्ले अंतवाले

जाव अट्टाहिअं महामहिमं करेंति ता एअमाणत्तिअं पच्चप्पिणंति, तए णं से दिव्वे चक्करयणे वरदामत्तिथकुमारस्स देवस्स अट्टाहिआए महामहिमाए निव्वत्ताए समाणीए आउहघरसालाओ पडिणिक्खमइ ता अंतलिक्खपडिवण्णे जाव पूरंते चेव अंबरतलं उत्तरपच्चत्थिमं दिसिं पभासत्तिथाभिमुहं पयाते यावि होत्था, तए णं से भरहे राया तं दिव्वं चक्करयणं जाव उत्तरपच्चत्थिमं दिसिं तहेव जाव पच्चत्थिमदिसाभिमुहं पभासत्तिथेणं लवणसमुदं ओगाहेइ ता जाव से रहवरस्स कुप्परा उल्ला जाव पीइदाणं से णवरं मालं मउडं मुत्ताजालं हेमजालं कडगाणि य तुडियाणि य आभरणाणि य सरं च णामाहयंकं पभासत्तिथोदगं च गिण्हइ ता जाव पच्चत्थिमेणं पभासत्तिथमेराए अहण्णं देवाणुप्पिआणं विसयवासी जाव पच्चत्थिमिल्ले अंतवाले, सेसं तहेव जाव अट्टाहिआ निव्वत्ता ॥ ४९ ॥ तए णं से दिव्वे चक्करयणे पभासत्तिथकुमारस्स देवस्स अट्टाहिआए महामहिमाए णिव्वत्ताए समाणीए आउहघरसालाओ पडिणिक्खमइ ता जाव पूरंते चेव अंबरतलं सिंधूए महाणईए दाहिणिल्लेणं कूलेणं पुरच्छिमं दिसिं सिंधुदेवीभवणाभिमुहं पयाते आवि होत्था, तए णं से भरहे राया तं दिव्वं चक्करयणं सिंधूए महाणईए दाहिणिल्लेणं कूलेणं पुरत्थिमं दिसिं सिंधुदेवीभवणाभिमुहं पयातं पासइ ता हट्टुट्टुच्चित्तं० तहेव जाव जेणेव सिंधूए देवीए भवणे तेणेव उवागच्छइ ता सिंधूए देवीए भवणस्स अदूरसामंते दुवालसजोअणायामं णवजोयणविच्छिण्णं वरणगरसारिच्छं विजयखंधावारणिवेसं करेइ जाव सिंधुदेवीए अट्टमभत्तं पगिण्हइ ता पोसहसालाए पोसहिए बंभयारी जाव दब्भसंथारोवगाए अट्टमभत्तिए सिंधुदेविं मणसि करेमाणे चिट्ठइ, तए णं तस्स भरहस्स रण्णो अट्टमभत्तंसि परिणममाणंसि

॥ श्री जंबूद्वीप प्रज्ञप्ति सूत्र ॥

५५

पू. सागरजी म. संशोधित

सिंधूए देवीए आसणं चलइ, तए णं सा सिंधुदेवी आसणं चलिअं पासइ ता ओहिं पउंजइ ता भरहं रायं ओहिणा आभोएइ ता (तीसे) इमे एआरूवे अब्भत्थिए चिंतिए पत्थिए मणोगए संकप्पे समुप्पज्जित्था उप्पण्णे खलु भो जंबुदीवे दीवे भरहे वासे भरहे णामं राया चाउरंतचक्कवट्टी, तं जीअमेअं तीअपच्चुप्पणमणागयाणं सिंधूणं भरहाणं राईणं उवत्थाणिअं करेत्तए, तं गच्छामि णं अहंपि भरहस्स रण्णो उवत्थाणअं करेमिन्निकट्टु कुं भट्टसहस्सं रयणचित्तं णाणामणिकणगरयणभत्तिचित्ताणि अ दुवे कणगभद्दासणाणि य कडगाणि अ तुडिआणि अ जाव आभरणाणि य गेणहइ ता ताए उक्किट्ठाए जाव एवं वयासी अभिजिए णं देवाणुप्पिएहिं केवलकप्पे (दाहिणे) भरहे वासे अहण्णं देवाणुप्पिआणं विसयवासिणी अहण्णं देवाणुप्पिआणं आणत्तिकिंकरी तं पडिच्छंतु णं देवाणुप्पिआ! मम इमं २ एआरूवं पीडदाणंतिकट्टु कुं भट्टसहस्सं रयणचित्तं णाणामणिकणगकडगाणि अ जाव सो चेव गमो जाव पविसज्जइ, तए णं से भरहे राया पोसहसालाओ पडिणिक्खमइ ता जेणेव मज्जणधरे तेणेव उवागच्छइ ता ण्हाए कयबलिकप्पे जाव जेणेव भोअणमंडवे तेणेव उवागच्छइ ता भोअणमंडवंसि सुहासणवरगए अट्टमभत्तं परियादियइ ता जाव सीहासणवरगए पुरत्थाभिमुहे णिसीअइ ता अट्टारस सेणिप्पसेणीओ सद्दावेइ ता जाव अट्टाहिआए महामहिमाए० तमाणत्तिअं पच्चप्पिणंति ॥ ५० ॥ तए णं से दिव्वे चक्करयणे सिंधूए देवीए अट्टाहिआए महामहिमाए णिव्वताए समाणीए आउहघरसालाओ तहेव जाव उत्तरपुरच्छिमं दिसिं वेअद्धपव्वयाभिमुहं पयाए आवि होत्था, तए णं से भरहे राया जाव जेणेव वेअद्धपव्वए जेणेव वेअद्धस्स पव्वयस्स दाहिणिल्ले णितंबे तेणेव उवागच्छइ ता

॥ श्री जंबूद्वीप प्रज्ञप्ति सूत्रं ॥

५६

पू. सागरजी म. संशोधित

वेअद्धस्स पव्वयस्स दाहिणिल्ले णितंबे दुवालसजोअणआयामं णवजोयणविच्छिण्णं वरणगरसरिच्छं विजयखंधावारनिवेसं करेइ ता जाव वेअद्धगिरिकुमारस्स देवस्स अट्टमभत्तं पणिण्हइ ता पोसहसालाए जाव अट्टमभत्तिए वेअद्धगिरिकुमारं देवं मणसि करेमाणे २ चिट्ठइ, तए णं तस्स भरहस्स रण्णो अट्टमभत्तंसि परिणममाणंसि वेअद्धगिरिकुमारस्स देवस्स आसणं चलइ, एवं सिंधुगमो णोअव्वो, पीइदाणं आभिसेक्कं (हत्थिरयणं) रयणालंकारं कडगाणि य तुडिआणि य वत्थाणि य आभरणाणि य गेण्हइ ता ताए उक्किट्ठाए जाव अट्ठाहिअं जाव पच्चप्पिणंति, तए णं से दिव्वे चक्करयणे अट्ठाहियाए महामहिमाए णिव्वत्ताए समाणीए जाव पच्चत्थिमं दिसिं तिभिस्सगुहाभिमुहं पयाए यावि होत्था, तए णं से भरहे राया तं दिव्वं चक्करयणं जाव पच्चत्थिमं दिसिं तिभिस्सगुहाभिमुहं पयातं पासइ ता हट्टतुट्टचित्त जाव तिभिस्सगुहाए अदूरसामंते दुवालसजोअणायामं णवजोअणविच्छिण्णं जाव कयमालस्स देवस्स अट्टमभत्तं पणिण्हइ ता पोसहसालाए पोसहिए बंभयारी जाव कयमालगं देवं मणसि करेमाणे २ चिट्ठइ, तए णं तस्स भरहस्स रण्णो अट्टमभत्तंसि परिणममाणंसि कयमालस्स देवस्स आसणं चलइ तहेव जाव(जहा)वेअद्धगिरिकुमारस्स णवरं पीइदाणं इत्थीरयणस्स तिलगचोदसं भंडालंकारं कडगाणि य जाव आभरणाणि य गेण्हइ ता ताए उक्किट्ठाए जाव सक्कारेइ, सम्माणेइ ता पडिविसज्जेइ जाव भोअणभंडवे, तहेव महामहिमा कयमालस्स, पच्चप्पिणंति ॥ ५१ ॥ तए णं से भरहे राया कयमालस्स अट्ठाहियाए महामहिमाए णिव्वत्ताए समाणीए सुसेणं सेणावइं सद्दावइ ता एवं वयासी गच्छाहि णं भो देवाणुप्पिआ! सिंधूए महाणईए पच्चत्थिमिल्लं णिव्वुडं ससिंधुसागरगिरिमेरागं

समविसमणिक्खुडाणि य ओअवेहि ता अग्गाइं वराइं रयणाइं पडिच्छाहि ता ममेअमाणत्तिअं पच्चप्पिणाहि, तते णं से सेणावई, बलस्स णेआ भरहे वासंमि विस्सुअजसे महाबलपरक्कमे महप्पा ओअंसी तेअलक्खणजुत्ते मिलक्खुभासाविसारए चित्तचारूभासी भरहे वासंमि णिक्खुडाणं निण्णाण य दुग्गमाण य दुप्पवेसाण य विआणए अत्थसत्थकुसले रयणं सेणावई सुसेणे रहेणं रण्णा एवं वुत्ते समाणे हट्ठतुट्ठचित्तमाणंदिए जाव करयलपरिग्गहिअं दसणहं सिरसावत्तं मत्थए अंजलिं कट्ठु एवं सामी! तहत्ति आणए विणएणं वयणं पडिसुणेइ ता भरहस्स रण्णो अंतिआओ पडिणिक्खमइ ता जेणेव सए आवासे तेणेव उवागच्छइ ता कोडुंविअपुरिसे सद्दावेइ ता एवं वयासी खिप्पामेव भो देवाणुप्पिआ! आभिसेक्कं हत्थिरयणं पडिकप्पेह हयगयरहपवर जाव चाउरंगिणिं सेण्णं सण्णाहेहत्तिकट्ठु जेणेव मज्जणधरे तेणेव उवागच्छइ ता मज्जणधरं अणुपविसइ ता ण्हाए कयबलिकम्मे कयकोउअमंगलपायच्छित्ते सन्नद्धबद्ध-वम्मिअकवए उप्पीलिअसरासणपट्टिए पिणद्धगेविज्जे बद्धविमलवरचिंधपट्टे गहिआउहप्पहरणे अणेगणनायगदंडनायग जाव सद्धिं संपरिवुडे सकोरंटमल्लदामेणं छत्तेणं धरिज्जमाणेणं मंगलजयसद्दकयालोए मज्जणधराओ पडिणिक्खमइ ता जेणेव बाहिरिआ उवट्ठाणसाला जेणेव आभिसेक्के हत्थिरयणे. तेणेव उवागच्छइ ता आभिसेक्कं हत्थिरयणं दुरुढे, तए णं से सुसेणे सेणावई हत्थिखंधवरगए सकोरंटमल्लदामेणं छत्तेणं धरिज्जमाणेणं हयगयरहपवरजोहकलिआए एवं चाउरंगिणीए सेणाए सद्धिं संपरिवुडे महयाभडचडगरपहगर-वंदपरिक्खित्ते महयाउक्किट्ठुसीहणायबोलकलकलसद्देणं समुद्दरवभूयंपिव करेमाणे २ सव्विद्धीए सव्वज्जुईए सव्वबलेणं जाव

निग्धोसनाइएणे जेणेव सिंधू महाणई तेणेव उवागच्छइ ता चम्परयणं परामुसइ, ते (त) ए णं तं सिरिवच्छसरिसरूवं मुत्ततारद्धचंदचित्तं
 अयलमकंपं अभेज्जकवयं जंतं सलिलासु सागरेसु य उत्तरणं दिव्वं चम्परयणं सणसत्तरसाइं सव्वधन्नाइं जत्थ रोहंति एगदिवसेण
 वाविआइं, वासं णाऊण चक्कवट्टिणा परामुट्टे दिव्वे चम्परयणे दुवालस जोअणाइं तिरिअं पवित्थरइ तत्थ साहिआइं, तए णं से दिव्वे
 चम्परयणे सुसेणसेणावइणा परामुट्टे समाणे खिप्पामेव णावाभूए जाए आवि होत्था, तए णं से सुसेणे सेणावई सखंधावारबलवाहणे
 णावाभूयं चम्परयणं दुरुहइ ता सिंधुं महाणइं विमलजलतुंगवीचिं णावाभूएणं चम्परयणेणं सबलवाहणे ससेणे समुत्तिण्णे, तओ
 महाणईमुत्तरित्तुं सिंधुं अप्पडिहयसासणे य सेणावई कहिंचि गाभागरणगरपव्वयाणि खेडकब्बडमडंबाणि पट्टणाणि सिंहलए बब्बरए
 य सव्वं च अंगलोअं वत्तायलोअं च परमरम्मं जवणदीवं च पवरमणिकणगरयणकोसागारसमिद्धं आरबके रोमके य अलसंडविसयवासी
 पिकखुरे कालमुहे जोणए य उत्तरवेअद्धसंसिआओ य मेच्छजाईओ बहुप्पगाराओ दाहिणअवरेण जाव सिंधुसागरंतोत्ति सव्वपवरकच्छं
 च ओअवेऊण पडिणिअत्तो बहुसमरमणिजे य भूमिभागे तस्स कच्छस्स सुहणिसण्णे, ताहे ते जणवयाणं णगराणं पट्टणाण य जे य
 तहिं सामिआ पंभूआ आगरपत्ती य मंडलपत्ती य पट्टणपत्ती य सव्वे ते धेत्तूण पाहुडाइं आभरणाणि य रयणाणि य भूसणाणि य
 वत्थाणि य महरिहाणि अण्णं च जं वरिडुं रायारिहं जं च इच्छिअव्वं एअं सेणावइस्स उवणोत्ति मत्थयकयंजलिपुडा, पुणारवि काऊण
 अंजलिं मत्थयंमि पणया तुब्भे अम्हेज्ज्थ सामिआ देवयं व सरणागया मो तुब्भे विसयवासिणोत्ति विजयं जंपमाणा सेणावइया जहारिहं

ठविअ पूइअ विसज्जिआ णिअत्ता सगाणि णगराणि पट्टणाणि अणुपविट्ठा, ताहे सेणावई सविणओ घेतूणं पाहुडाइं आभरणाणि भूसणाणि रयणाणि य पुणरवि तं सिंधुणामधेज्जं उत्तिण्णे अणहसासणबले, तहेव भरहस्स रण्णो णिवेएइ ता य अप्पिणित्ता य पाहुडाई सक्कारिअसम्माणि सहरिसे विसज्जिए सगं पडमंडवमइगए, तते णं सुसेणे सेणावई णहाए कयबलिकम्मे कयकोउअमंगलपायच्छित्ते जिमिअभुत्तुत्तरागए समाणे सरसगोसीसचंदणुक्खित्तगायसरीरे उप्पिं पासायवरगए फुट्टमाणेहिं मुइंगमत्थएहिं बत्तीसइबद्धेहिं णाडएहिं वरतरुणीसंपउत्तेहिं उवणाच्चिज्जमाणे उवगिज्जमाणे उवलालिज्जमाणे महयाहयणट्टगीअवाइअतंतीतलताल- तुडिअघणमुइंगपडुप्पवाइअरवेणं इट्ठे सहफरिसरसरूवगंधे पंचविहे माणुस्सए कामभोगे भुंजमाणे विहरइं ॥५२॥ तए णं से भरहे राया अण्णया कयाई सुसेणं सेणावइं सदावेइ ता एवं वयासी गच्छ णं खिप्पामेव भो देवाणुप्पिआ! तिमिस्स गुहाए दाहिणिल्लस्स दुवारस्स कवाडे विहाडेहि ता मम एअमाणत्तिअं पच्चप्पिणाहि, तए णं से सुसेणे सेणावई भरहेणं रण्णा एवं वुत्ते समाणे हट्ठतुट्ठचित्ते जाव करयलपरिगगहिअं मत्थए अंजलिं कट्ठु जाव पडिसुणेइ ता भरहस्स रण्णो अंतियाओ पडिणिक्खमइ ता जेणेव सए आवासे जेणेव पोसहसाला तेणेव उवागच्छइ ता दब्भसंथारगं संथरइ जाव कयमालगस्स देवस्स अट्टमभत्तं पगिणहइ पोसहसालाए पोसहिए बंभयारी जाव अट्टमभत्तंसि परिणममाणंसि पोसहसालाओ पडिणिक्खमइ ता जेणेव मज्जणघरे तेणेव उवागच्छइ ता णहाए कयबलिकम्मे कयकोउअमंगलपायच्छित्ते सुद्धप्पावेसाइं मंगलाइं वत्थाइं पवरपरिहिए अप्पमहग्घाभरणात्तंकियसरीरे धूवपुप्फगंधमल्लहत्थगए

॥ श्री जंबूद्वीप प्रज्ञप्ति सूत्र ॥

६०

पू. सागरजी म. संशोधित

મજ્જણઘરાઓ પડિણિક્ષમઙ ત્તા જેણેવ તિમિસ્સગુહાએ દાહિણિલ્લસ્સ દુવારસ્સ કવાડા તેણેવ પહારેત્થ ગમણાએ, તાએ નં તસ્સ સુસેણસ્સ સેણાવઙ્ગસ્સ બહવે રાઈસરતલવરમાડંબિઅજાવસત્થવાહપ્પભિયઓ અપ્પેગઙ્ગા ઉપ્પલહત્થગયા જાવ સુસેણં સેણાવઙ્ગં પિટ્ઠઓ ૨ અણુગચ્છંતિ, તાએ નં તસ્સ સુસેણસ્સ સેણાવઙ્ગસ્સ બહૂઙ્ગઓ યુજ્જાઓ ચિલાઙ્ગાઓ જાવ ઙ્ગિઅચિંતિઅપત્થિઅવિઆણિઆઓ ણિઉણકુસલાઓ વિણીઆઓ અપ્પેગઙ્ગાઓ કલસહત્થગયાઓ જાવ અણુગચ્છંતિ, તાએ નં સે સુસેણે સેણાવઙ્ગં સવ્વિટ્ઠીએ જાવ ણિંઘોસણાઙ્ગણં જેણેવ તિમિસ્સગુહાએ દાહિણિલ્લસ્સ દુવારસ્સ કવાડા તેણેવ ઉવાગચ્છઙ્ગ ત્તા આલોએ પ્પણામં કરેઙ્ગ ત્તા લોમહત્થગં પરામુસઙ્ગ ત્તા તિમિસ્સગુહાએ દાહિણિલ્લસ્સ દુવારસ્સ કવાડે લોમહત્થેણં પમજ્ઙઙ ત્તા દિવ્વાએ ઉદગધારાએ અભ્બુક્કવેઙ્ગ ત્તા સરસેણં ગોસીસચંદણેણં પંચંગુલિતલે ચચ્ચ (પ્ર૦ ક્ક) એ ય દલેઙ્ગ ત્તા અગ્ગેહિં વરેહિં ગંધેહિ ય મલ્લેહિ ય અચ્ચિણેઙ્ગ ત્તા પુપ્ફારુહણં જાવ વત્થારુ હણં કરેઙ્ગ ત્તા આસત્તોસત્તવિપુલવટ્ઠ જાવ કરેઙ્ગ ત્તા અચ્છેહિં સણ્હેહિં રયયામણિં અચ્છરસાતંડુલેહિં તિમિસ્સગુહાએ દાહિણિલ્લસ્સ દુવારસ્સ કવાડાણં પુરઓ અટ્ઠઢમંગલાએ આલિહઙ્ગ તં - સોત્થિયસિરિવચ્છ જાવ કયગ્ગહગ્ગહિઅકરયલપભ્બટ્ઠ૦ ચંદપ્પભવઙ્ગરવેરૂલિઅવિમલદંડં જાવ ધૂવં દલયઙ્ગ ત્તા વામં જાણુ અંચેઙ્ગ ત્તા કરયલ જાવ મત્થાએ અંજલિં કટ્ઠુ કવાડાણં પ્પણામં કરેઙ્ગ ત્તા દંડરયણં પરામુસઙ્ગ, તાએ નં તં દંડરયણં પંચલઙ્ગ અં વઙ્ગરસારમઙ્ગ અં વિણાસણં સવ્વસત્તુસેણાણં ય્વંધાવારે ણરવઙ્ગસ્સ ગઢ્ઠાદરિવિસમપભ્ભારગિરિવરપવાયાણં સમીકરણં સંતિકરં સુભકરં હિતકરં રણ્ણો હિઅઙ્ગિચ્છિઅમણોરહપૂરગં દિવ્વમપ્પહિહયં દંડરયણં ગહાય સત્તટ્ઠ પયાઙ્ગ પચ્ચોસક્કઙ્ગ ત્તા તિમિસ્સગુહાએ દાહિણિલ્લસ્સ

॥ શ્રી જંબૂદ્વીપ પ્રજ્ઞપ્તિ સૂત્ર ॥

૬૧

પૂ. સાગરજી મ. સંશોધિત

दुवारस्स कवाडे दंडरयणेणं महया २ सदेणं तिक्खुत्तो आउट्टेइ, तए णं तिमिस्सगुहाए दाहिणिल्लस्स दुवारस्स कवाडा सुसेणसेणावइणा
दंडरयणेणं महया २ सदेणं तिक्खुत्तो आउट्टिया समाणा महया २ सदेणं कोंचारवं करेमाणा सरसरस्स सगाइं २ ठाणाइं पच्चोसक्किन्था,
तए णं से सुसेणे सेणावई तिमिस्सगुहाए दाहिणिल्लस्स दुवारस्स कवाडे विहाडेइ ता जेणेव भरहे राया तेणेव उवागच्छइ ता जाव भरहं
रायं करयलपरिग्गहिअं जएणं विजएणं वद्धावेइ ता एवं वयासी विहाडिआ णं देवाणुप्पिआ! तिमिस्सगुहाए दाहिणिल्लस्स दुवारस्स
कवाडा एअण्णं देवाणुप्पिआणं पिअं णिवेएमो पिअं मे भवउ, तए णं से भरहे राया सुसेणस्स सेणावइस्स अंतिए एअमट्ठं सोच्या
निसम्भ हट्ठुट्ठचित्तमाणंदिए जाव हिअए सुसेणं सेणावइं सक्कारेइ सम्माणेइ ता कोडुंवियपुरिसे सदावेइ ता एवं वयासी खिप्पामेव
भो देवाणुप्पिआ! आभिसेक्कं हत्थिरयणं पडिकप्पेह हयगयरहपवर तहेव जाव अंजणगिरिकूडसण्णिभं गयवरं णरवई दुरूढे ॥ ५३ ॥
तए णं से भरहे राया मणिरयणं परामुस्स तोतं चउरंगुलप्पमाणामित्तं च अणग्घं तंसिअं छलंसं अणोवमजुइं दिव्वं मणिरयणपतिसमं
वेरुलिअं सव्वभूअकंतं जेण व मुद्धागएणं दुक्खं ण किंचि जाति हवइ अरोगे सव्वकालं तेरिच्छिअदेवमाणसकया य उवसग्ग सव्वे
ण करेति तस्स दुक्खं संगामेऽवि असत्थवज्झो होइ णरो मणिवरं धरेतो ठिअजोव्वणकेसअवट्ठिअणहो हवइ य सव्वभयविप्पमुक्को,
तं मणिरयणं गहाय से णरवई हत्थिरयणस्स दाहिणिल्लाए कुंभीए णिक्खिवइ, तए णं से भरहाहिवे णरिदे हारोत्थयसुकयरइअवच्छे
जाव अमरवइसण्णिभाए इब्दीए पहिअकिन्ती मणिरयणउज्जोए चक्करयणदेसिअमग्गे अणेगरायसहस्साणुआयमग्गे महया उक्किट्ठ-

सीहणायबोलकलकलरवेणं समुद्धरवभूअंपिव करेमाणे २ जेणेव तिमिस्सगुहाए दाहिणिल्ले दुवारे तेणेव उवागच्छइ ता तिमिस्सगुहं दाहिणिल्लेणं दुवारेणं अईइ ससिब्ब मेहंधयारनिवहं, तए णं से भरहे राया छत्तलं दुवालसंसिअं अट्टकण्णिअं अहिगरणिसंठिअं अट्टसोवण्णिअं कागणिरयणं परामुसइ, तए णं तं चउरंगुलप्पमाणमित्तं अट्टसुवण्णं च विसहरणं अउलं चउरंससंठाणसंठिअं समतलं माणुम्माणपमाणजोगा जतो (जा ता)लोगे चरंति सब्बजणपण्णवगा (प्र० जच्चंजणगा)णइ व चंदो णइ व तत्थ सूरै णइ व अग्गी णइ व तत्थ मण्णिणो तिमिरं णासेंति अंधयारे जत्थ तयं दिव्वभावजुत्तं, दुवालसजोअणाइं तस्स लेसाउ विवड्ढंति तिमिरणियरपडिसेहिआओ, रत्ति च सब्बकालं खंधावारे करेइ आलोअं दिवसभूअं जस्स पभावेण चक्कवट्ठी तिमिस्सगुहं अतीति सेण्णसहिए अभिजेत्तुं बित्तिअमब्धभरहं, रायवरे कागणिं गहाय तिमिस्सगुहाए पुरच्छिमिल्लपच्चत्थिमिल्लेसु कडएसुं जोअणंतरिआइं पंचधणुसयविव्खंभाइं जोअणुज्जोअकराइं चक्कणेमीसंठिआई चंदमंडलपडिणिकासाइं एगूणपण्णं मंडलाइं आलिहमाणे २ अणुप्पविसइ, तए णं सा तिमिस्सगुहा भरहेणं रण्णा तेहिं जोयणंतरिएहिं जाव जोअणुज्जोअकरेहिं एगूणपण्णाए मंडलेहिं आलिहिज्जमाणेहिं खिप्पामेव आलोगभूआ उज्जोअभूआ दिवस (प्र० दीवसय) भूआ जाया यावि होत्था ॥ ५४ ॥ तीसे णं तिमिस्सगुहाए बहुमज्झदेसभाए एत्थ णं उम्मगगणिमग्गजलाओ णामं दुवे महाणईओ पं० जाओ णं तिमिस्सगुहाए पुरच्छिमिल्लाओ भित्तिकडगाओ पवूढाओ समाणीओ पच्चत्थिमेणं सिंधुमहाणइं समप्पेति, से केणट्ठेणं भंते! एवं वुच्चइ उम्मगगणिमग्गजलाओ महाणईओ?, गो०! जण्णं उम्मगगजलाए महाणईए तणं वा पत्तं वा कट्ठं वा सक्करा

॥ श्री जंबूद्वीप प्रज्ञप्ति सूत्रं ॥

६३

पू. सागरजी म. संशोधित

वा आसे वा हन्थी वा रहे वा जोहे वा मणुस्से वा पक्खिप्पइ तण्णं उम्भग्गजला महाणई तिक्खुत्तो आहुणिअ २ एगंते थलंसि एडेइ, जण्णं णिमग्गजलाए महाणईए त णं वा जाव मणुस्से वा पक्खिप्पइ तण्णं णिमग्गजला महाणई तिक्खुत्तो आहुणिअ २ अंतो जलंसि णिमज्जावेइ, से तेणट्ठेणं गो०! एवं वुच्चइ उम्भग्गणिमग्गजलाओ, तए णं से भरहे राया चक्करयणदेसिअमग्गे अणेगराय० महया० उक्किट्ठसीहणाय जाव करेमाणे सिंधूए महाणईए पुरच्छिमिल्लेणं कूलेणं जेणेव उम्भग्गजला महाणई तेणेव उवागच्छइ ता वद्धइरयणं सद्दावेइ ता एवं वायासी खिप्पामेव भो देवाणुप्पिआ! उम्भग्गणिमग्गजलासु महाणईसु अणेगखंभसयसण्णिविट्ठे अयलमकंपे अभेज्जकवए सालंवणबाहाए सव्वरयणामए सुहसंकमे करेहि ता मम एअमाणत्तिअं खिप्पामेव पच्चप्पिणाहि, तए णं से वद्धइरयणे भरहेणं रण्णा एवं वुत्ते समाणे हट्ठतुट्ठचित्तमाणंदिए जाव विणएणं पडिसुणेइ ता खिप्पामेव उम्भग्गणिमग्गजलासु महाणईसु अणेगखंभसयसण्णिविट्ठे जाव सुहसंकमे करेइ ता जेणेव भरहे राया तेणेव उवागच्छइ ता जाव एअमाणत्तिअं पच्चप्पिणइ, तए णं से भरहे राया सखंधावारवले उम्भग्गणिमग्गजलाओ महाणईओ तेहिं अणेगखंभसयसण्णिविट्ठेहिं जाव सुहसंकमेहिं उत्तरेइ, तए णं तीसे तिमिस्सगुहाए उत्तरिल्लस्स दुवारस्स कवाडा सयमेव महया २ कोंचारवं करेमाणा सरसरसरस्स सगाइं ठाणाइं पच्चोसक्कित्था (प्र० या) ॥ ५५ ॥ तेणं कालेणं० उत्तरट्ठुभरहे वासे बहवे आवाडा णामं चिलाया परिवसंति अट्ठा दित्ता वित्ता। विच्छिण्णविउलभवणसयणासणजाणवाहणाइन्ना बहुधणबहुजायरूवरयया आओगपओगसंपउत्ता विच्छट्ठिअपउरभत्तपाणा बहुदासीदासगोमहिसगवेलगप्पभूआ बहुजणस्स

॥ श्री जंबूद्वीप प्रज्ञप्ति सूत्रं ॥

६४

पू. सागरजी म. संशोधित

अपरिभूआ सूरु वीरा विक्कंता विच्छिण्णविउलबलवाहणा बहूसु समरसंपराएसु लद्धलक्खा यावि होत्था, तए णं तेसिमावाडचिलायाणं
 अण्णया कयाई विसयंमि बहूइं उप्पाइअसयाइं पाउब्भवित्था, तं०-अकालि गज्जिअं अकाले विज्जुआ अकाले पायवा पुप्फंति अभिक्खणं
 २ आगासे देवयाओ णच्चंति, तए णं ते आवाडचिलाया विसयंसि बहूइं उप्पाइअसयाइं पाउब्भूयाइं पासंति ता अण्णमण्णं सद्दवेंति
 ता एवं वयासी एवं खलु देवाणुप्पिआ! अम्हं विसयंसि बहूइं उप्पाइअसयाइं पाउब्भूआइं तं०-अकाले गज्जिअं अकाले विज्जुआ
 अकाले पायवा पुप्फंति अभिक्खणं २ आगासे देवयाओ णच्चंति, तं ण णज्जइ णं देवाणुप्पिआ! अम्हं विसयस्स के मन्ने उवद्दवे
 भविस्सइत्तिकट्ठु ओहयमणसंकप्पा चिंतासोगसागरं पविट्ठा करयलपल्हत्थमुहा अट्टज्झाणोवगया भूमिगयदिट्ठिआ झिआयंति, तए णं
 से भरहे राया चक्करयणदेसिमग्गे जाव समुद्धरवभूअं पिव करेमाणे २ तिमिस्सगुहाओ उत्तरिल्लेणं दारेणं णीति ससिच्च मेहंधयारणिवहा,
 तए णं ते आवाडचिलाया भरहस्स रण्णो अग्गाणीअं एज्जमाणं पासंति ता आसुरूत्ता रुट्ठा चंडिक्किआ कुविआ मिसिमिसेमाणा
 अण्णमण्णं सद्दवेंति ता एवं वयासी एस णं देवाणुप्पिआ! केई अप्पत्थिअपत्थए दूरंतपंतलक्खणे हीणपुण्णचाउद्दसे हिरिसिरिपरिवज्जिए
 जे णं अम्हं विसयस्स उवरि विरि(प्र० स्स वरवरि) एणं हव्वमागच्छइ तं तहा णं घत्तामो देवाणुप्पिआ! जहा णं एस अम्हं विसयस्स
 उवरि विरिएणं णो हव्वमागच्छइत्तिकट्ठु अण्णमण्णस्स अंतिए एअमट्ठं पडिसुणेंति ता सण्णद्धबद्धवम्मियक्कवा उप्पीलिअसरासणपट्ठिआ
 पिणद्धगेविज्जा बद्धआविद्धविमलवरचिंधपट्ठा गहिआउहप्पहरणा जेणेव भरहस्स रण्णो अग्गाणीअं तेणेव उवागच्छंति ता रण्णो

अग्गाणीएण सद्धिं संपलग्गा यावि होत्था, तए णं ते आवाडचिलाया भरहस्स रण्णो अग्गाणीअं हयमहितपवरवीरघाइअविवडिअ-
चिंधद्धयपडागं किच्छप्पाणोवगयं दिसोदिसिं पडिसेहिंति ॥ ५६ ॥ तए णं से सेणावलस्स णेआ वेढो जाव भरहस्स रण्णो अग्गाणीअं
आवाडचिलाएहिं हयमहियपवरवीर जाव दिसोदिसं पडिसेहिअं पासइ ता आसुरुत्ते रुढे चंडिक्खिए कुविए भिसिभिसेमाणे कमलामेलं
आसरयणं दुरूहइ, तए णं तं असीइमंगुलमूसिअं णवणउइमंगुलपरिणाहं अट्टसयमंगुलमाततं बत्तीसमंगुलमूसिअसिरं चउरंगुलकन्नागं
वीसइअंगुलबाहागं चउरंगुलजण्णूकं सोलसअंगुलजंघागं चउरंगुलमूसिअखुरं मुत्तोलीसंवत्तवलिअमज्झं ईसिअंगुलपणायपट्ठं संणयपट्ठं
संगयपट्ठं सुजायपट्ठं पसत्थपट्ठं विसिंढपट्ठं एणीजाणुण्णायवित्थयथद्धपट्ठं वित्तलयकसणिवायअंकेल्लणपहारपरिवज्जिअगं
तवणिज्जथासगाहिलाणं वरकणगसुफुल्लथासगं विचित्तरयणरज्जुपासकं चणमणिकणगपयरगणाणविहधंतिआजालमुत्तिआजालएहिं
परिमंडियेणं पट्ठेणं सोभमाणेणं सोभमाणं कक्केयणइंदनीलमरगयमसारगल्लमुहमंडणंरइअं आविद्धमाणिक्कसुत्तगविभूसियं
कणगामयपउमसुकयतिलकं देवमइविकप्पिअं सुरवरिंदवाहणजोग्गावयं (प्र० जोगं च) सुरूवं दूइजमाणपंचचामरामेलगं धरेंतं
अण (द, ण्ण पा०) भ्मवाहं अभे (प्र० चे) लणायणं कोकासिअबहलपत्तलच्छं सयावरणनवकणगतविअतवणिज्जतालुजीहासयं
सिरिआभिसेअघोणं पोक्खरपत्तमिव सलिलबिंदुजुअं अचंचलसरीरं चोक्खचरगपरिव्वायगोविव हिलीयमाणं खुरचलणपुव्वपुडेहिं
धरिणअलं अभिहणमाणं २ दोवि य चलणे जमगसमगं मुहाओ विणिग्गमंतं च सिग्घयाए मुलाणतंतुउदगमवि णिस्साए पक्कमंतं

॥ श्री जंबूद्वीप प्रज्ञप्ति सूत्र ॥

६६

पू. सागरजी म. संशोधित

जाइकुलरुवपच्ययपसत्थबारसावत्तगविसुद्धलक्खणं सुकुलप्पसूअं मेहाविं भदयं विणीअं अणुकतणुरुसुकुमाललोमनिद्धच्छविं सुजायं
 अमरणपवणगरूलजइणं चवलसिग्घगामि इसिव खंतिखमं सुसीसमिव पच्यक्खयाविणीयं उदगहुतवहपासाणपंसुकदमससक्करसवालुइ-
 ल्लतडकडगविसमपब्भारगिरिदरीसु लंघणपिल्लणणित्थारणासमत्थं अचंडपाडियं दंडयातिं अणंसुपातिं अकालतालुं च कालहेसिं जिअनिहं
 गवेसगं जिअपरिसहं जच्चजातीअं मल्लिहाणि सुगपत्तसुवण्णकोमलं मणाभिरामं कमलामेलं णामेणं आसरयणं सेणावई कमेणं
 समभिरूढे कुवलयदलसामलं च रयणिकरमंडलनिभं सत्तुजणविणासणं कणगरयणदंडं णवमालिअपुष्कसुरहिगांधिं णाणामणिलय-
 भत्तिचित्तं च प्होतमिसिमिसिंतिक्खधारंदिव्वं खग्गरयणं लोके अणोवमाणं तं च पुणो वंसरूक्खसगद्धिदंतकालायसविपुललोह-
 दंडकवरवइरभेदकं जाव सव्वत्थं अप्पडिहयं कि पुण देहेसु जंगमाणं?— पण्णासंगुलदीहो सोलस से अंगुलाइं विच्छिण्णो।
 अब्बंगुलसोणीक्को जेडुपमाणो असी भणिओ ॥ १८ ॥ असिरयणं, णरवइस्स हत्थाओ तं गहिऊण जेणेव आवाडचिलाया तेणेव
 उवागच्छइ ता आवाडचिलाएहिं सद्धिं संपलग्गे आवि होत्था, तए णं से सुसेणे सेणावई ते आवाडचिलाए हयमहिअपवरवीरघाइअ
 जाव दिसोदिसिं पडिसेहेइ ॥ ५७ ॥ तए णं ते आवाडचिलाया सुसेणासेणावइणा हयमहिआ जाव पडिसेहिया समाणा भीआ तत्था
 वहिआ उव्विग्गा संजायभया अत्थामा अबला अवीरिआ अपुरिसक्कारपरक्कमा अथा (प्र० क) रणिज्जमितिकट्टु अणेगाइं जोअणाइं
 अवक्कमंति ता एगयओ मिलायंति ता जेणेव सिंधू महाणई तेणेव उवागच्छंति ता वालुआसंथारए संथरेंति ता वालुआसंथारए दुरुहंति

ત્તા અદ્દમભતાઇં પગિણહંતિ વાલુઆસંથારોવગયા ઉત્તાણગા અવસણા અદ્દમભત્તિઆ જે તેસિં કુલદેવયા મેહમુહાં ણામં ણાગકુમારા દેવા
 તે મણસિ કરેમાણા ૨ ચિદ્દંતિ, તણે ણં તેસિમાવાડચિલાયાણં અદ્દમભત્તંસિ પરિણમમાણંસિ મેહમુહાણં ણાગકુમારાણં દેવાણં આસણાઇં
 ચલંતિ, તણે ણં તે મેહમુહા ણાગકુમારા દેવા આસણાઇં ચલિઆઇં પાસંતિ ત્તા ઓહિં પડંજંતિ ત્તા આવાડચિલાએ ઓહિણા આભોએંતિ ત્તા
 અણ્ણમણ્ણં સદ્દાવેંતિ ત્તા એવં વયાસી એવં ચલુ દેવાણુપ્પિઆ! જંબુદીવે ઉત્તરદ્ધભરહે વાસે આવાડચિલાયા સિંધૂએ મહાણઈએ
 વાલુઆસંથારોવગયા ઉત્તાણગા અવસણા અદ્દમભત્તિઆ અમ્હે કુલદેવએ મેહમુહે ણાગકુમારે દેવે મણસીકરેમાણા ૨ ચિદ્દંતિ, તં સેઅં
 ચલુ દેવાણુપ્પિઆ! અમ્હે આવાડચિલાયાણં અંતિયં પાઠમ્ભવિત્તેત્તિકદ્દુ અણ્ણમણ્ણસ્સ અંતિયં એઅમદ્દં પડિસુણેંતિ ત્તા તાણે ઉક્કિદ્દા
 તુરિઆણે જાવ વીતિવયમાણા ૨ જેણેવ જંબુદીવે ઉત્તરદ્ધભરહે વાસે જેણેવ સિંધૂ મહાણઈ જેણેવ આવાડચિલાયા તેણેવ ઉવાગચ્છંતિ ત્તા
 અંતલિક્કવપડિવણ્ણા સચ્ચિંચિણિઆઇં પંચવણ્ણાઇં વત્થાઇં પવરપરિહિઆ તે આવાડચિલાએ એવં વયાસી હંમ્મો આવાડચિલાયા! જણ્ણં
 તુમ્મં દેવાણુપ્પિઆ! વાલુઆસંથારોવગયા ઉત્તાણગા અવસણા અદ્દમભત્તિઆ અમ્હે કુલદેવએ મેહમુહે ણાગકુમારે દેવે મણસીકરેમાણા
 ૨ ચિદ્દહ તણે ણં અમ્હે મેહમુહા ણાગકુમારા દેવા તુમ્મં કુલદેવયા તુમ્મં અંતિયં પાઠમ્ભૂયા! તં વદહ ણં દેવાણુપ્પિઆ! કિં કરેમો કિં
 આઠ્ઠામો કે વા મે સમણસાઢે?, તણે ણં તે આવાડચિલાયા મેહમુહાણં ણાગકુમારાણં દેવાણં અંતિએ એઅમદ્દં સોચ્ચા ણિસમ્મ
 હદ્દતુદ્ધચિત્તમાણંદિયા જાવ હિઅયા ઠ્ઠાણે ઠ્ઠેન્તિ ત્તા જેણેવ મેહમુહા ણાગકુમારા દેવા તેણેવ ઉવાગચ્છંતિ ત્તા કરયલપરિગ્ગહિયં જાવ

अंजलिं कट्टु मेहमुहे णागकुमारे देवे जएणं विजएणं वद्धावेति ता एवं वयासी एस णं देवाणुप्पिया! केई अपत्थिअपत्थए दुरंतपंतलक्खणे जाव हिरिसिरिपरिवज्जिए जे णं अहं विसयस्स उवरिं (प्र० अवर) विरिएणं हव्वमागच्छइ, तं तहा णं धत्तेह देवाणुप्पिया! जहा णं एस अहं विसयस्स उवरिं (प्र० अवर) विरिएणं णो हव्वमागच्छइ, तए णं ते मेहमुहा णागकुमारा देवा ते आवाडचिलाए एवं वयासी एस णं भो देवाणुप्पिया! भरहे णामं राया चाउरंतचक्कवट्ठी महिद्धीए महज्जुई (प्र० ती) ए जाव महासोक्खे (प्र० सत्ते), णो खलु एस सक्को केणई देवेण वा दाणवेण वा किण्णरेण वा किंपुरिसेण वा महोरगेण वा गंधव्वेण वा सत्थप्पओगेण वा अग्गिप्पओगेण वा विसप्पओगेण वा मंतप्पओगेण वा उद्वित्तए वा पडिसेहित्तए वा, तहाविअ णं तुब्भं पिअट्ठयाए भरहस्स रण्णो उवसग्गं करेमोत्तिकट्टु तेसिं आवाडचिलायाणं अंतिआओ अवक्कमन्ति ता वेउव्विअसमुग्धाएणं समोहणंति ता मेहाणीअं विउव्वंति ता जेणेव भरहस्स रण्णो विजयक्खंधावारणिवेसे तेणेव उवागच्छंति ता उप्पिं विजयक्खंधावारणिवेस्स खिप्पामेव पतणतणायंति ता खिप्पामेव पविज्जुयायन्ति ता खिप्पामेव जुगमुसलमुट्ठिप्पमाणमेत्ताहिं धाराहिं ओधमेधं सत्तरत्तं वासं वासित्तं पव्वत्ता यावि होत्था ॥ ५८ ॥ तए णं से भरहे राया उप्पिं विजयक्खंधावारस्स जुगमुसलमुट्ठिप्पमाणमेत्ताहिं धाराहिं ओधमेधं सत्तरत्तं वासं वासमाणं पासइ ता चम्भरयणं परामुसइ, तए णं तं सिरिव (प्र० खिप्पि) च्छसरिसरूवंवेढो भाणिअव्वो जाव दुवालस जोअणाइं तिरिअं पवित्थरइ तत्थ साहिआइं, तए णं से भरहे राया सखंधावारबले चम्भरयणं दुरूहइ ता दिव्वं छत्तरयणं परामुसइ, तए तं णवणउइसहस्सकंचणसलागपरिमंडिअं महरिहं अउज्झं

॥ श्री जंबूद्वीप प्रज्ञप्ति सूत्रं ॥

६९

पू. सागरजी म. संशोधित

णिव्वणसुपसत्थविसिद्धलट्ठकंचणसुपुट्ठदंडं मिउरायय(प्र० णंतं) वट्ठलट्ठअरविंदकणिणअसमाणरुवं वत्थिपएसे य पंजरविराड्अं
 विविहभत्तिचित्तं मणिमुत्तपवालतत्ततवणिज्जपंचवणिणअधोअ (प्र० वेदि) रयणरुवरइयं रयणमरीईसमोप्पणाकप्पकारमणुरंजिएल्लियं
 रायलच्छिचिंधं अज्जुणसुवण्णपंडुरपच्चत्थुअपट्ठदेसभागं तहेव तवणिज्जपट्ठघम्भंतपरिगयं अहिअसस्सिरीअं सारयरथणिअरविमलपडि-
 पुण्णचंदमंडलसमाणरुवं णरिंदवामप्पमाणपगइवित्थंडं कुमुदसंडधवलं रण्णो संचारिमं विमाणं सूरतववायवुट्ठिदोसाण खयकरं
 तवगुणेहिं लद्धं अहयं बहुगुणादाणं उऊण विवरीअ सुहकयच्छायं छत्तरयणं पहाणं सुदुल्लहं अप्पपुण्णाणं ॥ १९ ॥ पमाणराईण
 तवगुणाण फलेगदेसभागं विमाणवासेवि दुल्लहतरं वग्घारिअमल्लदामकलावं सारयधवलब्भरययणिगरप्पगासं दिव्वं छत्तरयमं, महीवइस्स
 धरणिअलपुण्णइंदो, तए णं से दिव्वे छत्तरयणे भरहेणं रण्णा परामुट्ठे समाणे खिप्पामेव दुवालस जोअणाइं पवित्थरइ साहिआइं
 तिरिअं ॥ ५९ ॥ तए णं से भरहे राया छत्तरयणं खंधावारस्सुवरिं ठवेइ त्ता मणिरयणं परामुसइ वेढो जाव छत्तरयणस्स वत्थिभागंसि
 ठवेइ, तस्स य अणतीवरं चारुरुवं सिलणिहिअत्थमंतमेत्तसालिजवगोहूममुग्गमासतिलकुलत्थसट्ठिगनिप्फावचणगकोदवकोत्थुं भरिअं-
 गुवरालगअणेगधण्णावरणहारिअगं अल्लगमूलगहलिदलाउअतउसतुंबकालिङ्गकविट्ठअंबअंबिलिअसव्वणिप्फायए सुकुसले
 गाहावइरयणेत्ति सव्वजणवीसुअगुणे, तए णं से गाहावइरयणे भरहस्स रण्णो तद्विवसप्पइण्णणिप्फाइअपूइआणं सव्वधण्णाणं अणेगाइं
 कुं भसहस्साइं उवट्ठवेत्ति, तए णं से भरहे राया चम्परयणसमारूढे छत्तरयणसमोच्छन्ने मणिरयणकउज्जोए समुग्गयभूएणं सुहंसुहेणं

सत्तरत्तं परिवसइ णवि से खुहा ण विलिअं णेव भयं णेव विजिए दुक्खं। भरहाहिवस्स रण्णो खंधावारस्सवि तहेव ॥ २० ॥ ६० ॥ तए
 णं तस्स भरहस्स रण्णो सत्तरत्तंसि परिणममाणंसि इमेआरूवे अब्भत्थिए चिंतिए पत्थिए मणोगए संकप्पे समुप्पजित्था केस णं भो!
 अपत्थिएअपत्थए दुरंतपंतलक्खणे जाव परिवजिए जे णं ममं इमाए एआणुरुवाए जाव अभिसमण्णागयाए उप्पिं विजयखंधावारस्स
 जुगमुसल० जाव वासे वासइ, तए णं तस्स भरहस्स रण्णो इमेआरूवं अब्भत्थियं चिंतियं पत्थिअं मणोगयं संकप्पं समुप्पण्णं जाणित्ता
 सोलस देवसहस्सा सण्णज्झिअं पवत्ता यावि होत्था, तए णं ते देवा सण्णद्धबद्धवम्मिअकवया जाव गहिआउहप्पहरणा जेणेव ते
 मेहमुहा णागकुमारा देवा तेणेव उवागच्छंति त्ता मेहमुहे णागकुमारे देवे एवं वयासी हंभो! मेहमुहा णागकुमारा! देवा अप्पत्थियपत्थया
 जाव परिवजिया किण्णं तुब्भे ण याणह भरहं रायं चाउरंतचक्कवट्ठिं महिद्धिअं जाव उदवित्तए वा पडिसेहित्तए वा तहावि णं तुब्भे
 भरहस्स रण्णो विजयखंधावारस्स उप्पिं जुगमुसलमुट्ठिप्पमाणमित्ताहिं धाराहिं ओधमेधं सत्तरत्तं वासं वासह, तं एवमवि गते इत्तो
 खिप्पामेव अवक्कमह अहव णं अज्ज पासह चित्तं जीवलोगं, तए णं ते मेहमुहा णागकुमारा देवा तेहिं देवेहिं एवं वुत्ता समाणा भीआ
 तत्था वहिआ उव्विग्गा संजायभया मेघाणीकं पडिसाहरंति त्ता जेणेवं आवाडचिलाया तेणेव उवागच्छंति त्ता आवाडचिलाए एवं
 वयासी एस णं देवाणुप्पिआ! भरहे राया महिद्धीए जाव णो खलु एस सक्को केणावि देवेण वा जाव अग्गिप्पओगेण वा जाव
 पडिसेहित्तए वा तहावि पुण अहेहि देवाणुप्पिआ! तुब्भं पिअट्ठयाए भरहस्स रण्णो उवसग्गे कए, तं गच्छह णं तुब्भे देवाणुप्पिआ!

॥ श्री जंबूद्वीप प्रज्ञप्ति सूत्र ॥

७१

पू. सागरजी म. संशोधित

णहाया कयबलिकम्मा कयकोउअमंगलपायच्छित्ता उल्लपडसाडगा ओचूलगणिअत्था अग्गाइं वराइं रयाणाइं गहाय पंजलिउडा पायवडिआ
 भरहं रायणं सरणं उवेह, पणिवडअवच्छला खलु उत्तमपुरिसा, णत्थि भे भरहस्स रण्णो अंतिआओ भयमितिकट्टु, एवं वदित्ता जामेव
 दिसिं पाउब्भूआ तामेव दिसिं पडिगया, तए णं ते आवाडचिलाया मेहमुहेहिं णागकुमारेहिं देवेहिं एवं वुत्ता समाणा उट्ठाए उट्ठेति ता
 णहाया कयबलिकम्मा कयकोउअमंगलपायच्छित्ता उल्लपडसाडगा ओचूलगणिअत्था अग्गाइं वराइं रयाणाइं गहाय जेणेव भरहे राया
 तेणेव उवागच्छंति ता करयलपरिग्गहिअं जाव मत्थाए अंजलिं कट्टु भरहं रायं जएणं विजएणं वद्धाविंति ता अग्गा... वराइं रयाणाइं
 उवणेति ता एवं वयासी वसुहरगुणहर जयहर हिरिसिरिधीकित्तिधारक णरिंद! लक्खणसहस्सधारक रायमिदं णे चिरं धारे ॥ २१ ॥
 हयवड गयवड णरवड णवणिहिवड भरहवासपढभवई। बत्तीसजणवयसहस्सराय साभी चिरं जीवं ॥ २२ ॥ पढमणरीसर ईसर हिअईसर
 महिलिआसहस्साणं। देवसयसाहसीसर चोदसरयणीसर जसंसी ॥ २३ ॥ सागरणिरिमैराणं उत्तरपाईणमभिजिअं तुमए। ता अभ्हे
 देवाणुप्पिअस्स विसए परिवसामो ॥ २४ ॥ अहो णं देवाणुप्पियाणं इड्डी जुई जसे बले वीरिए पुरिसक्कारपरक्कमे दिव्वा देवजुई दिव्वे
 देवाणुभावे लद्धे पत्ते अभिसमण्णागए, तं दिट्ठा णं देवाणुप्पियाणं इड्डी एवं चेव जाव अभिसमण्णागए, तं खामेमु णं देवाणुप्पिया!
 खमंतु णं देवाणुप्पिया! खंतुमरुहंतु णं देवाणुप्पिया! णाइ भुज्जो २ एवंकरणयाएत्तिकट्टु पंजलिउडा पायवडिआ भरहं रायं सरणं
 उविंति, तए णं से भरहे राया तेसिं आवाडचिलायाणं अग्गाइं वराइं रयाणाइं पडिच्छति ता ते आवाडचिलाए एवं वयासी गच्छह णं भो

तुम्हे ममं बाहुच्छायापरिगहिया णिब्भया णिरुव्विग्गा सुहं सुहेणं परिवसह, णत्थि भे कत्तोवि भयमत्थित्तिकट्टु सक्कारेइ सम्माणेइ ता पडिविसज्जइ, तए णं से भरहे राया सुसेणं सेणावइं सद्दावेइ ता एवं वयासी गच्छाहि णं भो देवाणुप्पिआ! दोच्चंपि सिंधुमहाणईए पच्चत्थिमं णिक्खुडं ससिंधुसागरगिरिमेरागं समविसमणिक्खुडाणि य ओअवेहि ता अग्गाइं वराइं रयणाइं पडिच्छाहि ता मम एअमाणत्तिअं खिप्पामेव पच्चप्पिणाहि जहा दाहिणिल्लस्स ओयवणं तहा सव्वं भाणिअव्वं जाव पच्चणुभवमाणा विहरंति ॥ ६१ ॥ तए णं दिव्वे चक्करयणे अण्णया कयाई आउहघरसालाओ पडिणिक्खमइ ता अंतलिक्खपडिवण्णे जाव उत्तरपुरच्छिमं दिसिं चुल्लहिमवंतपव्वयाभिमुहे पयाते आवि होत्था, तए णं से भरहे राया तं दिव्वं चक्करयणं जाव चुल्लहिमवंतवासहरपव्वयस्स अदूरसामंते दुवालसजोअणायामं जाव चुल्लहिमवंतगिरिकुमारस्स देवस्स अट्टमभत्तं पगिण्हइ तहेव जहा मागहत्तिथस्स जाव समुद्गरवभूअंपिव करेमाणे २ उत्तरदिसाभिमुहे जेणेव चुल्लहिमवंतवासहरपव्वए तेणेव उवागच्छइ ता चुल्लहिमवंतवासहरपव्वयं तिक्खुत्तो रहसिरेणं फुसइ ता तुरए णिगिण्हइ ता तहेव जाव आयतकण्णायतं च काऊण उसुमुदारं इमाणि वयणाणि तत्थ भणिअ से णरवई जाव सव्वे मे ते विसयवासित्तिकट्टु उब्बं वेहासं उसुं णिसिरइ परिगरणिगरिअमज्जे जाव तए णं से सरे भरहेणं रण्णा उब्बं वेहासं णिसट्ठे समाणे खिप्पामेव बावत्तरि जोअणाइं गंता चुल्लहिमवंतगिरिकुमारस्स देवस्स मेराए णिवतति, तए णं से चुल्लहिमवंतगिरिकुमारे देवे मेराए सरं णिवइअं पासइ ता आसुस्ते रुट्ठे जाव पीइदाणं सव्वोसहिं च मालं गोसीसचंदणं कडगाणि जाव दहोदगं च गेण्हइ ता ताए उक्किट्ठाए जाव उत्तरेणं चुल्लहिमवंतगिरिमेराए

अहण्णं देवाणुप्पिआणं विसयवासी जाव अहण्णं देवाणुप्पिआणं उत्तरिल्ले अंतवाले जाव पडिविसज्जेइ ॥ ६२ ॥ तए णं से भरहे राया
 तुरए णिगिण्हइ ता रहं परावत्तेइ ता जेणेव उसहकूडे तेणेव उवागच्छइ ता उसहकूडं पव्वयं तिक्खुत्तो रहसिरेणं फुसइ ता तुरए
 निगिण्हइ ता रहं ठवेइ ता छत्तलं दुवालसंसिअं अट्टकण्णिअं अहिगरणिसंठिअं सोवण्णिअं कागणिरयणं परामुसइ ता उसभकूडस्स
 पव्वयस्स पुरत्थिमिल्लंसि कडगंसि णामगं आउडेइ ओसप्पिणी इमीसे तइआइ समाइ पच्छिमे भाए। अहमंसि चक्कवट्ठी भरहो इअ
 नामधिज्जेणं ॥ २५ ॥ अहमंसि पढमराया अहयं भरहाहिवो णरवरिंदो। णत्थि महं पडिसत्तू जिअं माए भारहं वासं ॥ २६ ॥ इतिकट्टु णामगं
 आउडेइ ता रहं पुरावत्तेइ ता जेणेव विजयखंधावारणिवेसे तेणेव उवागच्छइ ता जाव चुल्लहिमवंतगिरिकुमारस्स देवस्स अट्ठाहिआए
 महामहिमाए णिव्वताए समाणीए आउहघरसालाओ पडिणिक्खमइ ता जाव दाहिणिं दिसिं वेअब्धपव्वयामिमुहे पयाते आवि होत्था ॥ ६३ ॥
 तए णं से भरहे राया तं दिव्वं चक्करयणं जाव वेअब्धस्स पव्वयस्स उत्तरिल्ले णितंबे तेणेव उवागच्छइ ता वेअब्धस्स पव्वयस्स उत्तरिल्ले
 णितंबे दुवालसजोयणायामं जाव पोसहसालं अणुपविसइ जाव णमिविणामीणं विज्जाहरराईणं अट्टमभत्तं पगिण्हइ ता पोसहसालाए
 जाव णमिविणमिविज्जाहररायाणो मणसीकरेमाणे २ चिट्ठइ, तए णं तस्स भरहस्स रण्णो अट्टमभत्तंसि परिणममाणंसि
 णमिविणमिविज्जाहररायाणो दिव्वाए मईए चोइअमई अण्णमण्णस्स अंतिअं पाउब्भवन्ति ता एवं वयासी उप्पण्णे खलु भो देवाणुप्पिआ!
 जंबुद्दीवे दीवे भरहे वासे भरहे राया चाउरंतचक्कवट्ठी तं जीअमेअं तीअपच्चुप्पण्णमणागयाणं विज्जाहरराईणं चक्कवट्ठीणं उवत्थाणिअं

॥ श्री जंबूद्वीप प्रज्ञप्ति सूत्र ॥

७४

पू. सागरजी म. संशोधित

करेत्तए, तं गच्छामो णं देवाणुप्पिआ! अम्हेवि भरहस्स रण्णो उवत्थाणिअं करेमो इतिकट्ठु विणामी णाऊणं चक्खवट्ठिं दिव्वाए मईए
 चोइअमई माणुम्माणप्पमाणजुत्तं तेयंसिं रुवलक्खणजुत्तं ठिअजुव्वणकेसं ठिअनहं सव्वरोगणासणिं बलकरिं इच्छिअसीउण्हफासजुत्तं
 तिसु तणुअं तिसु तंबं तिवलीगं तिउण्णयं तिगंभीरं तिसु कालं तिसु सेअं तिआयतं तिसु य विच्छिण्णं ॥ २७ ॥ समसरीरं भरहेवासंमि
 सव्वमहिलप्पहाणं सुंदरथणजघणवदणकरचलणयणसिरसिजदसणजणहिअयरमणमणहरिं सिंगारागार जाव जुत्तोवयारकुसलं
 अमरवहूणं सुरुवं रुवेणं अणुहरंतीं सुभदं जोव्वणे वट्टमाणिं इत्थीरयणं णमी य रयणाणि य कडगाणि य तुडिआणि य गेण्हइ त्ता ताए
 उक्किट्ठाए तुरिआए जाव उद्धूआए विज्जाहरगईए जेणेव भरहे राया तेणेव उवागच्छंति त्ता अंतलिक्खपडिवण्णा सखिंखिणीयाइं जाव
 विज्जाणं वद्धावेति त्ता एवं वयासी अभिजिए णं देवाणुप्पिया! जाव अम्हे देवाणुप्पियाणं आणत्तिकिंकरा इतिकट्ठु तं पडिच्छंतु णं
 देवाणुप्पिया! अम्हं इमं जाव विणामी इत्थीरयणं णमी रयणाइं समप्पेति, तए णं से भरहे राया जाव पडिविसजेइ त्ता पोसहसालाओ
 पडिणिक्खमइ त्ता मज्जणघरं अणुपविसई त्ता भोअणंमंडवे जाव नमिविनमीणं विज्जाहरराईणं अट्ठाहिअमहामहिमा, तए णं से दिव्वे
 चक्करयणे आउहघरसालाओ पडिणिक्खमइ जाव उत्तरपुरत्थिमं दिसिं गंगादेवीभवणाभिमुहे पयाए यावि होत्था, सच्चेव सव्वा
 सिंधुवत्तव्वया जाव नवरं कुंभट्टसहस्सं रयणचित्तं णाणामणिकणगरयणभत्तिचित्ताणि य दुवे कणगसीहासणाइं सेसं तं चेव जाव
 महिमा ॥ ६४ ॥ तए णं से दिव्वे चक्करयणे गंगाए देवीए अट्ठाहियाए महा जाव आउहघरसालाओ पडिणिक्खमइ त्ता जाव गंगाए

महाणईए पच्चत्थिमिल्लेणं कूलेणं दाहिणदिसिं खंडप्पवायगुहाभिमुहे पयाए आवि होत्था, तते णं से भरहे राया जाव जेणेव खंडप्पवायगुहा तेणेव उवागच्छइ ता सव्वा कयमालकवत्तव्वया णेअव्वा, णवरि णट्टमालगे देवे, पीतिदाणं से आलंकारिअभंडं कडगाणि य सेसं सव्वं तहेव जाव अट्टाहिआ महामहिमा, तए णं से भरहे राया णट्टमालगस्स देवस्स अट्टाहिआए म० णिव्वत्ताए समाणीए सुसेणं सेणावइं सदावेइ ता जाव सिंधुगमो णेअव्वो जाव गंगाए महाणईए पुरत्थिमिल्लं णिक्खुडं सगंगासागरगिरिमेरागं समविसमणिक्खुडाणि य ओअवेइ ता अग्गाणि वराणि रयणाणि पडिच्छइ ता जेणेव गंगा महाणई तेणेव उवागच्छइ ता दोच्चंपि सक्खंधावारबले गंगामहाणइं विमलजलतुंगवीइं णावाभूएणं चम्परयणेणं उत्तरइ ता जेणेव भरहस्स रण्णो विजयखंधावारणिवेसे जेणेव बाहिरिआ उवट्ठाणसाला तेणेव उवागच्छइ ता आभिसेक्काओ हत्थिरयणाओ पच्चोरूहइ ता अग्गाइं वराइं रयणाइं गहाय जेणेव भरहे राया तेणेव उवागच्छइ ता करयलपरिग्गहिअं जाव अंजलिं कट्ठु भरहं रायं जएणं विजएणं वट्ठावेइ ता अग्गाइं वराइं रयणाइं उवणेइ, तए णं से भरहे राया सुसेणस्स सेणावइस्स अग्गाइं वराइं रयणाइं पडिच्छइ ता सुसेणं सेणावइं सक्कारेइ सम्भाणेइ ता पडिविसज्जेइ, तए णं से सुसेणे सेणावई भरहस्स रण्णो सेसंपि तहेव जाव विहरइ, तए णं से भरहे राया अण्णया कयाई सुसेणं सेणावइरयणं सदावेइ ता एवं वयासी गच्छ णं भो देवाणुप्पिआ! खंडगप्पवायगुहाए उत्तरिल्लस्स दुवारस्स कवाडे विहाडेहि ता जहा तिमिस्सगुहाए तहा भाणिअव्वं जाव पिअं भे भवउ सेसं तहेव जाव भरहो तिमिस्सगुहाए उत्तरिल्लेणं दुवारेणं अईइ ससिक्ख मेहंधयारनिवहं, तहेव पविसंतो मंडलाइं

॥ श्री जंबूद्वीप प्रज्ञप्ति सूत्र ॥

७६

पू. सागरजी म. संशोधित

आलिहइ, तीसे णं खंडगप्पवायगुहाए बहुमज्झदेसभाए जाव उभग्गणिमग्गजलाओ णामं दुवे महाणईओ तहेव णवरं पच्चत्थिमिल्लोओ कडगाओ पवूढाओ समाणीओ पुरत्थिमेणं गंगं महाणइं समप्पेति, सेसं तहेव णवरिं पच्चत्थिमिल्लेणं कूलेणं गंगाए संकमवत्तव्वया तहेव, तए णं खंडगप्पवायगुहाए दाहिणिल्लस्स दुवारस्स कवाडा सयमेव महया २ कोंचारवं करेमाणा २ सरसरसरस्स सगाइं ठाणाइं पच्चोसक्कित्था, तए णं से भरहे राया चक्करयणदेसियमग्गे जाव खंडगप्पवायगुहाओ दक्खिणिल्लेणं दारेणं णीणेइ ससिच्च मेहंधयारनिवहाओ ॥ ६५ ॥ तए णं से भरहे राया गंगाए महाणईए पच्चत्थिमिल्ले कुले दुवालसजोअणायामं णवजोअणाविच्छिण्णं जाव विजयक्खंधावारणिवेसं करेइ, अवसिद्धं तं चेव जाव निहिरयणाणं अट्टमभत्तं पणिणहइ, तए णं से भरहे राया पोसहसालाए जाव णिहिरयणे मणसीकरेमाणे २ चिट्ठइ, तस्स य अपरिमिअरत्तरयणा धुअमक्खयमव्वया सदेवा लोकोपचयंकरा उवगया णव णिहिओ लोगविस्सुअजसा तं०-नेसप्पे पंडुअए पिंगलए सव्वरयण महपउमे। काले अ महाकाले माणवगे महानिही संखे ॥ २८ ॥ णेसप्पंमि णिवेसा गामागरणगरपट्टणाणं च। दोणमुहमडंबाणं खंधावारावणगिहाणं ॥ २९ ॥ गणिअस्स य उप्पत्ती माणुम्माणस्स जं पमाणं च। धणणस्स य बीआण य उप्पत्ती पंडुए भणिया ॥ ३० ॥ सव्वा आभरणविही पुरिसाणं जा य होइ महिलाणं। आसाण य हत्थीण य पिंगलगणिहिंमि सा भणिआ ॥ ३१ ॥ रयणाइं सव्वरयणे चउदसवि वराइं चक्कवट्ठिस्स। उप्पजंते पंचिदियाइं एगिंदिआइं च ॥ ३२ ॥ वत्थाण य उप्पत्ती णिप्फत्ती चेव सव्वभत्तीणं। रंगाण य धोव्वाण य सव्वा एसा महापउमे ॥ ३३ ॥ काले कालण्णाणं भव्वपुराणं च

तिसुवि वंसेसु। सिप्पसयं कम्माणि य तिणिण पयाए हिअकराणि॥ ३४॥ लोहस्स य उप्पत्ती होइ महाकालि आगराणं च। रुप्पस्स सुवण्णस्स य मणिमुत्तसिलप्पवालाणं ॥ ३५॥ जोहाण य उप्पत्ती आवरणाणं च पहरणाणं च। सव्वा य जुद्धणीई माणवगे दंडणीई य ॥ ३६॥ णट्टविही णाडगविही कव्वस्स य चउविहस्स उप्पत्ती। संखे महाणिहिंभी तुडिअंगाणं च सव्वेसिं ॥ ३७॥ चक्कट्टपइट्ठाणा अट्टुस्सेहा य णव य विक्खंभा। बारस दीहा मंजूससंठिआ जणहवीइ मुहे ॥ ३८॥ वेरुलिअमणिकवाडा कणगमया विविहरयणपडिपुण्णा। ससिसूरचक्कलक्खण अणुसमवयणोववत्तीया ॥ ३९॥ पलिओवमट्ठिईआ णिहिसरिणामा य तत्थ खलु देवा। जेसिं ते आवासा अक्किज्जा आहिवच्चाय ॥ ४०॥ एए णव णिहिरयणा पभूयधणरयणसंचयसमिद्धा। जे वसमुवगच्छंती भरहाहिवचक्कवट्ठीणं ॥ ४१॥ तए णं से भरहे राया अट्टमभत्तंसि परिणयंसि पोसहसालाओ पडिणिक्खमइ, एवं मज्जणघरपवेसो जाव सेणिपसेणिसद्दावणया जाव णिहिरयणाणं अट्ठाहिअं महामहिमं करेति, तए णं से भरहे राया णिहिरयणाणं अट्ठाहिआए महामहिमाए णिव्वत्ताए समाणीए सुसेणं सेणावइरयणं सद्दावेइ ता एवं वयासी गच्छ णं भो देवाणुप्पिया! गंगामहाणईए पुरत्थिभिल्लं णिक्खुडं दुच्चंपि सगंगासागरगिरिमेरागं समविसमणिक्खुडाणि य ओअवेहि ता एअमाणत्तिअं पच्चप्पिणाहि, तए णं से सुसेणे तं चेव पुव्वणिणअं भाणियव्वं जाव ओअवित्ता पच्चप्पिणइ पडिविसज्जेइ जाव भोगभोगाइं भुंजमाणे विहरइ, तए णं से दिव्वे चक्करयणे अन्नया कयाई आउहघरा पडिणिक्खमइ ता अंतलिक्खपडिवण्णे जक्खसहस्ससंपरिवुडे दिव्वतुडिअ जाव आपूरेते चेव विजयक्खंधावारणिवेसं मज्झमज्झेणं णिगच्छइ ता

॥ श्री जंबूद्वीप प्रज्ञप्ति सूत्रं ॥

७८

पू. सागरजी म. संशोधित

दाहिणपच्चत्थिमं दिसिं विणीअं रायहाणिं अभिमुहे पयाए यावि होत्था, तए णं से भरहे राया जाव कोडुंबिअ पुरिसे सद्विइत्ता एवं वयासी खिप्पामेव भो देवाणुप्पिया! आभिसेक्कं जाव पच्चप्पिणंति ॥ ६६ ॥ तए णं से भरहे राया अज्जिअरज्जी णिज्जिअसत्तू उप्पण्णसमत्थरयणे चक्करयणप्पहाणे णवणिहिवई समिद्धकोसे बत्तीसरायवरसहस्साणुआयमग्गे सट्ठीए वरिससहस्सेहिं केवलकप्पं भरहं वासं ओयवेइ त्ता कोडुंबियपुरिसे सद्दावेइ त्ता एवं वयासी खिप्पामेव भो देवाणुप्पिया! आभिसेक्कं हत्थिरयणं हयगयरह तहेव जाव अंजणगिरिकूडसंणिणभं गयवइं णरवई दूरूढे, तए णं तस्स भरहस्स रण्णो आभिसेक्कं हत्थिरयणं दूरूढस्स समाणस्स इमे अट्ठमंगलगा पुरओ अहाणुपुव्वीए संपत्थिआ, तं० सोत्थिअसिरिवच्छजावदप्पण, तयणंतं च णं पुण्णकलसभिंणार दिव्वा य छत्तपडागा जाव संपट्ठिआ, तयणंतं च वेरुलिअभिसंतविमत्तदंडं जाव अहाणुपुव्वीए संपट्ठिअं, तयणंतं च णं सत्त एगिंदिअरयणा पुरओ० तं०-चक्करयणे छत्तरयणे चम्परयणे दंडरयणे असिरयणो मणिरयणे कागणिरयणे, तयणंतं च णं णव महाणिहिओ पुरओ० तं०-णेसप्पे पंडुयए जाव संखे, तयणंतं च णं सोलस देवसहस्सा पुरओ०, तयणंतं च णं बत्तीसं रायवरसहस्सा०, तयणंतं च णं सेणावइरयणे०, एवं गाहावइरयणे वद्धइरयणे पुरोहिअरयणे०, तयणंतं च णं इत्थिरयणे०, तयणंतं च णं बत्तीसं उडुकल्लाणिआसहस्सा पुरओ०. तयणंतं च णं बत्तीसं जणवयकल्लाणिआसहस्सा पुरओ० तयणंतं च णं बत्तीसं बत्तीसइबद्धा णाडगसहस्सा० तयणंतं च णं तिणिण सट्ठा सूअसया पुरओ०, तयणंतं च णं अट्ठारस सेणिप्पसेणीओ पुरओ०, तयणंतं च णं चउरासीई आसमयहस्सा पुरओ०,

तयणंतरं च णं चउरासीई हत्थिसयसहस्सा पुरओ०, तयणंतरं च णं चउरासीती रहसयसहस्सा पुरओ०, तयाणंतरं च णं छण्णउई
 मुणस्सकोडीओ पुरओ०, तयणंतरं च णं बहवे राईसरतलवर जाव सत्थवाहप्पभिईओ पुरओ०, तयणंतरं च णं बहवे असिग्गाहा
 लट्ठि० कुंत० चाव० चामर० पास० फलग० परसु० पोत्थय० वीण० कूव० हडप्फ० दीविअगाहा सएहिं २ रूवेहिं एवं वेसेहिं चिंधेहिं
 निओएहिं सएहिं २ नेवत्थेहिं पुरओ अहाणुपुव्वीए संपत्थिआ, तयणंतरं च णं बहवे दंडिणो बहवे मुंडिणो सिंहंडिणो जडिणो
 पिच्छिणो हासकारगा खेडु० दव० चाडुकारगा कंदप्पिआ कुक्कुडआ मोहरिआ गायंता य दीवं (प्र० दायं) ता य वायंता य नच्चंता य
 हसंता य रमंता य कीलंता य सासेंता य सावेता जावेता य रावेता य सोभेता य (प्र० सोभावेता य) आलोअंता य जयजयसदं
 पउंजमाणा पुरओ अहाणुपुव्वीए संपट्ठिआ, एवं उववाइअगमेणं जाव तस्स रण्णो पुरओ महआसा आसधरा उभओ पासिं णागा
 णागधरा पिट्ठओ रहा रहसंगेल्ली अहाणुपुव्वीए संपट्ठिआ, तए णं से भरहाहिवे णरिंदे हारोत्थयसुकथरइअवच्छे जाव अमरवइसण्णिभाए
 इद्धीए पहिअकित्ती चक्करयणदेसिअमग्गे अणेगरायवरसहस्साणुआयमग्गे जाव समुद्धरवभूअंपिव करेमाणे २ सव्विद्धीए जाव
 णिग्घोसणाइयरवेणं गामागरणगरखेडकब्बडमडंब जाव जोअणंतरिआहिं वसहीहिं वसमाणे २ जेणेव विणीआ रायहाणी तेणेव
 उवागच्छइ ता विणीआए रायहाणीए अट्ठस्सामंते दुवालसजोअणायामं जाव खंधावारणिवेसं करेइ ता वद्धइरयणं सदावेइ ता जाव
 पोसहसालं अणुपविसइ विणीआए रायहाणीए अट्ठमभत्तं पगिणहइ ता जाव अट्ठमभत्तं पडिजागरमाणे २ विहरइ, तए णं से भरहे राया

अट्टमभत्तंसि परिणममाणंसि पोसहसालाओ पडिणिक्खमइ ता कोडुंबिअपुरिसे सहावेइ ता तहेव जाव अंजणगिरिकूडसणिभं
 गयवइं णरवई दूरुढे तं चेव सव्वं जहा हेट्ठा णवरि णव महाणिहिओ चत्तारि सेणाओ ण पविसंति सेमो सो चेव गमो जाव णिग्घोसणाइएणं
 विणीआए रायहाणीए मज्झंमज्जेणं जेणेव सए गिहे जेणेव भवणवरवडिंसगपडिदुवारे तेणेव पहारेत्थ गमणाए, तए णं तस्स भरहस्स
 रण्णो विणीअं रायहाणिं मज्झंमज्जेणं अणुपविसमाणस्स अप्पेगइआ देवा विणीअं रायहाणिं सब्भंतरबाहिरिअं आसिअसम्मज्जिओवलित्तं
 करेति अप्पे० मंचाइमंचकलिअं करेति एवं सेसेसुवि पएसु अप्पे० णाणाविहरागवसणुस्सियधयपडागमंडितभूमिअं अप्पे०
 लाउल्लोइअमहिअं अप्पे० जाव गंधवट्ठिभूअं करेति, अप्पे० हिरण्णवासं वासिंति सुवण्ण० रयण० आभरण० वासेति, तए णं तस्स
 भरहस्स रण्णो विणीअं रायहाणिं मज्झंमज्जेणं अणुपविसमाणस्स जाव महापहेसु बहवे अत्थत्थिआ कामत्थिआ भोगत्थिआ लाभत्थिआ
 इन्द्रिसिआ किब्बिसिआ कारोडिआ कारवाहि(प्र० भारि)आ संखिया चक्किआ णंगलिया मुहमंगलिआ पूसमाणया वद्धमाणया
 लंखमंखमाइया ताहिं ओरालाहिं इट्ठाहिं कंताहिं पिआहिं मणुन्नाहिं मणामाहिं सिवाहिं धण्णाहिं मंगल्लाहिं सस्सिरीआहिं हिअयगमणिज्जाहिं
 हिअयपल्हायणिज्जाहिं वग्गूहिं अणवरयं अभिणदंता य अभिथूणंता य एवं वयासी जय जय णंदा! जय जय भद्दा! भदं ते अजिअं
 जिणाहिं जिअं पालयाहि जिअमज्जे वसाहि इंदोविव देवाणं चंदोविव ताराणं चमरोविव असुराणं धरणोविव नागाणं बहुइं पुव्वसयसहस्साइं
 बहुईओ पुव्वकोडीओ बहुईओ पुव्वकोडाकोडीओ विणीआए रायहाणीए चुल्लहिमवंतगिरिसागरमेरागस्स य केवलकप्पस्स भरहस्स

वासस्स सगामागरणगरखेडकब्बडमडंबदोणमुहपट्टणासमसणिवेसेसु सम्भं पयापालणोवज्जिअलब्धजसे महया जाव आहेवच्चं पोरेवच्चं
जाव विहराहित्तिकट्टु जयजयसदं पउंजंति, तए णं से भरहे राया णयणमालासहस्सेहिं पिच्छिज्जमाणे २ वयणमालासहस्सेहिं अभिथुव्वमाणे
२ हिअयमालासहस्सेहिं उण्णंदिज्जमाणे २ मणोरहंमालासहस्सेहिं विच्छिप्पमाणे २ कंतिरूवसोहग्गुणेहिं पत्थिज्जमाणे २
अंगुलिमालासहस्सेहिं दाइज्जमाणे २ दाहिणहत्येणं बहूणं णरणारीसहस्साणं अंजलिमालासहस्साइं पडिच्छेमाणे २ भवणपंतीसहस्साइं
समइच्छमाणे २ तंतीतलतालतुडिअगीअवाइअरवेणं मधुरेणं मणहरेणं मंजुमंजुणा घोसेणं अपडिबुज्झमाणे २ जेणेव सए गिहे जेणेव
भवणवरवडिंसयपडिदुवारे तेणेव उवागच्छइ ता आभिसेक्कं हत्थिरयणं ठवेइ ता आभिसेक्काओ हरित्थस्यणाओ पच्चोरूहइ ता
सोलस देवसहस्से सक्कारेइ सम्माणेइ ता बत्तीसं रायसहस्से सक्कारेइ सम्माणेइ ता सेणावइरयणं सक्कारेइ० एवं गाहावइरयणं
बद्धइरयणं पुरोहियरणं ता तिण्णि सट्ठे सूअसए अट्टारस सेणिप्पसेणीओ अण्णेवि बहवे राईसरजावसत्थवाहप्पभिईओ सक्कारेइ
सम्माणेइ ता पडिविसज्जेइ, इत्थीरयणेणं बत्तीसाए उडुकल्लाणिआसहस्सेहिं बत्तीसाए जणवयकल्लाणिआसहस्सेहिं बत्तीसाए
बत्तीसइबद्धेहिं णाडयसहस्सेहिं सद्धिं संपरिवुडे भवणवरवडिंसगं अईइ जहा कुबेरोव्व देवराया केलाससिहरिसिंभभूअं, तए णं से
भरहे राया मित्तणाइणिअगसयणसंबंधिपरिअणं पच्चुवेक्खइ ता जेणेव मज्जणधरे तेणेव उवागच्छइत्ता जाव मज्जणधराओ पडिणिक्खमइ
ता जेणेव भोअणमंडवंसि सुहासणवरगए अट्टमभत्तं पोरेइ ता उप्पिं पासायवरगए फुट्टमाणेहिं मुइंगमत्थएहिं बत्तीसइबद्धेहिं णाडएहिं

उवलालिज्जमाणे २ उवणच्चिज्जमाणे २ उवगिज्जमाणे २ महया जाव भुंजमाणे विहरइ ॥ ६७ ॥ तए णं तस्स भरहस्स रण्णो अण्णया
 कयाई रज्जधुरं चिंतेमाणस्स इमेआरूवे जाव समुप्पज्जित्था अभिजिए णं मए णिअगबलवीरिअपुरिसक्कारपरक्कमेण
 चुल्लहिमवंतगिरिसागरमेराए केवलकप्पे भरहे वासे तं से अं खलु मे अप्पाणं महारायाभिसेएणं अभिसिंचावित्तएत्तिकट्ठु एवं संपेहेति
 त्ता कल्लं पाउप्पभायाए जाव जलंते जेणेव मज्जणधरे जाव पडिणिक्खमइ त्ता जेणेव बाहिरिआ उवट्ठाणसाला जेणेव सीहासणे तेणेव
 उवागच्छइ त्ता सीहासणवरगए पुरत्थाभिमुहे निसीअति त्ता सोलस देवसहस्से बत्तीसं रायवरसहस्से सेणावड्ढरयणं जाव पुरोहियरयणं
 तिण्णिण सट्ठे सूअसए अट्ठारसं सेणिप्पसेणीओ अण्णे य बहवे राईसरतलवरजावसत्थवाहप्पभिअओ सद्दावेइ त्ता एवं वयासी अभिजिए
 णं देवाणुप्पिया! मए णिअगबलवीरिय जाव केवलकप्पे भरहे वासे तं तुब्भे णं देवाणुप्पिया! ममं महया रायाभिसेअं विअरह, तए णं
 ते सोलस देवसहस्सा जावप्पभिईओ भरहेणं रण्णा एवं वुत्ता समाणा हट्ठुट्ठुकरयल मत्थए अंजलिं कट्ठु भरहस्स रण्णो एअमट्ठं सम्मं
 विणएणं पडिसुणेति, तए णं से भरहे राया जेणेव पोसहसाला तेणेव उवागच्छइ त्ता जाव अट्ठमभत्तिए पडिजागरमाणे विहरइ, तए णं
 से भरहे राया अट्ठमभत्तंसि परिणममाणंसि आभिओगिए देवे सद्दावेइ त्ता एवं वयासी-खिप्पामेव भो देवाणुप्पिया! विणीयाए रायहाणीए
 उत्तरपुरच्छिमे दिसिभाए एगं महं अभिसेयमण्डवं विउव्वेह त्ता मम एयमाणत्तियं पच्चप्पिणह, तए णं ते आभिओगा देवा भरहेणं
 रण्णा एवं वुत्ता समाणा हट्ठुट्ठु जाव एवं सामित्ति आणाए विणएणं वयणं पडिसुणेति त्ता विणीयाए रायहाणीए उत्तरपुरत्थिमं

દિસીભાગં અવક્રમંતિ ત્તા વેઝવ્વિઅસમુઘાણં સમોહણંતિ ત્તા સંઘિજ્ઞાઈં જોયણાઈં દંડં ણિસિરંતિ, તં-રયણાણં જાવ રિટ્ઠાણં, અહાબાયરે
 પુગ્ગલે પરિસાડંતિ ત્તા અહાસુહુમે પુગ્ગલે પરિઆદિઅંતિ ત્તા દુચ્છંપિ વેઝવ્વિઅસમુઘાણં સમોહણંતિ ત્તા બહુસમરમણિજ્ઞં ભૂમિભાગં
 વિઝવ્વંતિ સે જહાણામ્ આલિંગપુક્કરેઢ વાં તસ્સ ણં બહુસમરમણિજ્ઞસ્સ ભૂમિભાગસ્સ બહુમજ્ઞદેસભાએ એત્થ ણં મહં એગં અભિસેઅમંડવં
 વિઝવ્વંતિ અણેગચ્છંભસયસણિણવિટ્ઠં જાવ ગંધવટ્ઠિભૂયં પેચ્છાઘરમંડવવણ્ણગો તસ્સ ણં અભિસેઅમંડવસ્સ બહુમજ્ઞદેસભાએ એત્થ ણં મહં
 એગં અભિસેયપેઢં વિઝવ્વંતિ અચ્છં સણ્હં, તસ્સ ણં અભિસેયપેઢસ્સ તિદિસિં તઓ તિસોવાણપડિરૂવએ વિઝવ્વંતિ, તેસિં ણં
 તિસોવાણપડિરૂવગાણં અયમેઆરૂવે વણ્ણાવાસે પં, જાવ તોરણા, તસ્સ ણં અભિસેઅપેઢસ્સ બહુસમરમણિજ્ઞે ભૂમિભાગે પં, તસ્સ ણં
 બહુ સમરમણિજ્ઞસ્સ ભૂમિભાગસ્સ બહુમજ્ઞદેસભાએ એત્થ ણં મહં એગં સીહાસણં વિઝવ્વંતિ, તસ્સ ણં સીહાસણસ્સ અયમેઆરૂવે વણ્ણાવાસે
 પં, જાવ દામવણ્ણગં સમત્તં, તએ ણં તે દેવા અભિસેઅમંડવં વિઝવ્વંતિ ત્તા જેણેવ ભરહે રાયા જાવ પચ્ચપ્પિણંતિ, તએ ણં સે ભરહે રાયા
 આભિઓગાણં દેવાણં અંતિએ એઅમટ્ઠં સોચ્છા ણિસમ્મ હટ્ઠ જાવ પોસહસાલાઓ પડિણિક્કમડ્ડ ત્તા કોડુંબિઅપુરિસે સદાવેઢ ત્તા એવં
 વયાસી ચિવ્વિપ્પામેવ ભો દેવાણુપ્પિઆ! આભિસેક્કં હત્થિરયણં પડિકપ્પેહ ત્તા હયગય જાવ સણ્ણાહેઢ ત્તા એઅમાણત્તિઅં પચ્ચપ્પિણહ જાવ
 પચ્ચપ્પિણંતિ, તએ ણં સે ભરહે રાયા મજ્ઞણઘરં અણુપવિસડ્ડ જાવ અંજણગિરિકૂડસણિણભં ગયવડ્ડ ણરવડ્ડ દૂરૂઢે, તએ ણં તસ્સ ભરહસ્સ
 રણ્ણો આભિસેક્કં હત્થિરયણં દૂરૂઢસ્સ સમાણસ્સ ઇમે અટ્ઠુટ્ઠમંગલગા જો ચેવ ગમો વિણીઅં પવિસમાણસ્સ સો ચેવ ણિક્કમમાણસ્સવિ

जाव अप्पडिबुज्झमाणे विणीयाए रायहाणीए मज्झमज्झेणं णिग्गच्छइ ता जेणेव विणीआए रायहाणीए उत्तरपुरच्छिमे दिसीभाए अभिसेअमंडवे तेणेव उवागच्छइ ता अभिसेअमंडवदुवारे आभिसेक्कं हत्थिरयणं ठावेइ ता आभिसेक्काओ हत्थिरयणाओ पच्चोरुहइ ता इत्थीरयणेणं बत्तीसाए उडुकल्लाणिआसहस्सेहिं बत्तीसाए जणवयकल्लाणिआसहस्सेहिं बत्तीसाए बत्तीसइबद्धेहिं णाडगसहस्सेहिं सद्धिं संपरिवुडे अभिसेअमंडवं अणुपविसइ ता जेणेव अभिसेअपेढे तेणेव उवागच्छइ ता अभिसेअपेढं अणुप्पदाहिणीकरेमाणे पुरत्थिमिल्लेणं तिसोवाणपडिरूवएणं दुरुहइ ता जेणेव सीहासणे तेणेव उवागच्छइ ता जाव पुरत्थाभिमुहे सण्णिसण्णे, तए णं तस्स भरहस्स रण्णो बत्तीसं रायसहस्सा जेणेव अभिसेअमंडवे तेणेव उवागच्छंति ता अभिसेअमंडवं अणुपविसंति ता अभिसेअपेढं अणुपयाहिणीकरेमाणा उत्तरिल्लेणं तिसोवाणपडिरूवएणं जेणेव भरहे राया तेणेव उवागच्छंति ता करयल जाव अंजलिं कट्ठु भरहं रायाणं जएणं विजएणं वद्धावेति ता भरहस्स रण्णो णच्चासण्णे णाइदूरे सुस्सूसमाणा जाव पज्जुवासंति, तए णं तस्स भरहस्स सेणावइरयणे जाव सत्थवाहप्पभिईओ तेऽवि तह चेव णवरं दाहिणिल्लेणं तिसोवाणपडिरूवएणं जाव पज्जुवासंति, तए णं से भरहे राया आभिओगे देवे सद्दावेइ ता एवं वयासी खिप्पामेव भो देवाणुप्पिया! ममं महत्थं महग्घं महरिहं महारायाभिसेअं उवट्ठवेह, तए णं ते आभिओगिआ देवा भरहेणं रण्णा एवं वुत्ता समाणा हट्ठुट्ठचित्ता जाव उत्तरपुरच्छिम दिसीभागं अवक्कमंति ता वेउच्चिअसमुग्घाएणं समोहणंति, एवं जहा विजयस्स तहा इत्थंपि जाव पंडगवणे एगओ मिलायंति ता जेणेव दाहिणट्ठे भरहे वासे जेणेव विणीआ

रायहाणी तेणेव उवागच्छंति ता विणीअं रायहाणिं अणुप्पयाहिणीकरेमाणा जेणेव अभिसेअमंडवे जेणेव भरहे राया तेणेव उवागच्छंति
 ता तं महत्थं महग्घं महरिहं महारायाभिसेअं उवट्टवेति, तए णं तं भरहं रायाणं बत्तीसं रायसहस्सा सोभणांसि तिहिकरणदिवसण-
 क्वत्तमुहुत्तंसि उत्तरपोट्टवयाविजयंसि तेहिं साभाविएहि य उत्तरवेउव्विएहि य वरकमलपड्डाणेहिं सुरभिवरवारिपडिपुण्णेहिं जाव
 महया २ रायाभिसेएणं अभिसिंचंति, अभिसेओ जहा विजयस्स, अभिसिंचित्ता पत्तेयं २ जाव अंजलिं कट्टु ताहिं इट्ठाहिं जहा पविसंतस्स
 भणिआ जाव विहराहित्तिकट्टु जयजयसहं पउंजंति, तए णं तं भरहं रायाणं सेणावइरयणे जाव पुरोहियरयणे तिणिण य सट्ठा सूअसया
 अट्ठारस सेणिप्पसेणीओ अण्णे य बहवे जाव सत्थवाहप्पभिइओ एवं चेव अभिसिंचंति तेहिं वरकमलपड्डाणेहिं तहेव जाव अभिशुणंति
 य सोलस देवसाहस्सी एवं चेव णवरं पम्हसुकुमालाए जाव मउडं पिणद्धेति, तयाणंतरं च णं दहरमलयसुगंधगंधिएहिं गंधेहिं गायाहिं
 अम्भुक्खेति दिव्वं च समुणोदामं पिणद्धेति किं बहुणा?, गंठिमवेढिम जाव विभूसियं करेति, तए णं से भरहे राया महया २ राया
 भिसेएणं अभिसिंचिए समाणे कोडुंबिअपुरिसे सदावेइ ता एवं वयासी खिप्पामेव भो देवाणुप्पिआ! हत्थिखंधवरगया विणीयाए
 रायहाणीए सिंघाडगतिगचउक्कचच्चरजावमहापहपहेसु महया २ सहेणं उग्घोसेमाणा २ उस्सुक्कं उक्करं उक्किट्ठं अदिज्जं अमिज्जं अभडप्पवेसं
 अदंडकुदंडिम सुपरंजणंजाणवयं जाव दुवालससंवच्छरिअं पमोअं घोसेह ता ममेअमाणत्तिअं पच्चप्पिणहत्ति, तए णं ते कोडुंबिअपुरिसा
 भरहेणं रण्णा एवं वुत्ता समाणा हट्टुट्टुचित्तमाणंदिआ पीइमणा हरिसवसविसप्पमाणहियया विणएणं वयणं पडिसुणेति ता खिप्पामेव

हत्थिखंधवरगया जाव घोसंति ता एअमाणत्तिअं पच्चप्पिणंति, तए णं से भरहे राया महया २ रायाभिसेएणं अभिसित्ते समाणे सीहासणाओ अब्भुट्टेइ ता इत्थिरयणेणं जाव णाडगसहस्सेहिं संपरिवुडे अभिसेअपेढाओ पुरत्थिमिल्लेणं तिसोवाणपडिरुवएणं पच्चोरुहइ ता अभिसेअमंडवाओ पडिणिक्खमइ ता जेणेव आभिसेक्के हत्थिरयणे तेणेव उवागच्छइ ता अंजणगिरिकूडसण्णिभं गयवइं नरवई दूरूढे, तए णं तस्स भरहस्स रण्णो बत्तीसं रायसहस्सा अभिसेअपेढाओ उत्तरिल्लेणं तिसोवाणपडिरुवएणं पच्चोरुहंति, तए णं तस्स भरहस्स रण्णो सेणावइरयणे जाव सत्थवाहप्पभिइओ अभिसेअपेढाओ दाहिणिल्लेणं तिसोवाणपडिरुवएणं पच्चोरुहंति, तए णं तस्स भरहस्स रण्णो आभिसेक्कं हत्थिरयणं दूरूढस्स समाणस्स इमे अट्ठमंगलगा पुरओ जाव संपत्थिआ, जोऽविअ अइगच्छमाणस्स गमो पढमो जाव कुबेरावसाणो सो चेव इहंपि कमो सक्कारजढो णेअव्वो जाव कुबेरोव्व देवराया केलाससिहरिसिंगभूअं, तए णं से भरहे राया मज्जणघरं अणुपविसइ ता जाव भोअणमंडवंसि सुहासणवरगए अट्ठमभत्तं पारेइ ता भोअणमंडवाओ पडिणिक्खमइ ता उप्पिं पासायवरगए फुट्टमाणेहि मुइंगमत्थएहिं जाव भुंजमाणे विहरइ, तए णं से भरहे राया दुवालससंवच्छरिअंसि पमोअंसि णिव्वत्तंसि समाणंसि जेणेव मज्जणघरे तेणेव उवागच्छइ ता जाव मज्जणघराओ पडिणिक्खमइ ता जेणेव बाहिरिआ उवट्ठाणसाला जाव सीहासणवरगए पुरत्थाभिमुहे णिसीअइ ता सोलस देवसहस्से सक्कारेइ सम्माणेइ ता पडिविसज्जेइ ता बत्तीसं रायवरसहस्सा सेणावइरयण जाव पुरोहियरयणं एवं तिण्णि सट्ठे सूआरसए अट्ठारस सेणिप्पसेणीओ अण्णे य बहवे राईसरतलवरजावसत्थवाहप्पभिइओ सक्कारेइ

सम्माणेइ ता पडिविसज्जेति ता उप्पिं पासायवरगए जाव विहरइ ॥६८॥ भरहस्स रण्णो चक्करयणे दंडरयणे असिरयणे छत्तरयणे एते
 णं चत्तारि एगिंदियरयणा आउहधरसालाए समुप्पण्णा चम्भरयणे मणिरयणे कागणिरयणे णव य महाणियहओ एए णं सिरिघरंसि
 समुप्पण्णा सेणावइरयणे गाहावइरयणे वद्धइरयणे पुरोहिअरयणे एए णं चत्तारि मणुअरयणा विणीआए रायहाणीए समुप्पण्णा
 आसरयणे हत्थिरयणे एए णं दुवे पंचिंदिअरयणा वेतद्धगिरिपायमूले समुप्पण्णा सुमहा इत्थीरयणे उत्तरिल्लाए विजाहरसेढीए समुप्पण्णे
 ॥ ६९॥ तए णं से भरहे राया चउदसण्हं रयणाणं णवण्हं महाणिहीणं सोलसण्हं देवसहस्साणं बत्तीसाए रायसहस्साणं बत्तीसाए
 उडुकल्लाणिआसहस्साणं बत्तीसाए जणवयकल्लाणिआसहस्साणं बत्तीसाए बत्तीसइबद्धाणं णाडगसहस्साणं तिण्हं सट्ठीणं सूयारसयाणं
 अट्टारसण्हं सेणिप्पसेणीणं चउरासीईए आससयसहस्साणं चउरासीईए दंतिस्सयसहस्साणं चउरासीईए रहसयसहस्साणं छण्णउईए
 मणुस्सकोडीणं बावत्तरीए पुरवरसहस्साणं बत्तीसाए जणवयसहस्साणं छण्णउईए गामकोडीणं णवणउईए दोणमुहसहस्साणं
 अडयालीसाए पट्ठणसहस्साणं चउव्वीसाए कब्बडसहस्साणं चउव्वीसाए मडंबसहस्साणं वीसाए आगरसहस्साणं सोलसण्हं
 खेडगसहस्साणं चउदसण्हं संवाहसहस्साणं छप्पण्णाए अंतरोदगाणं एगूणप्पण्णाए कुरज्जाणं विणीआए रायहाणीए
 चुल्लहिमवंतगिरिसागरमेरागस्स केवलकप्पस्स भरहस्स वासस्स अण्णेसिं च बहूणं राईसरतलवरजावसत्थवाहप्पभिईणं आहेवच्चं
 पोरेवच्चं भट्टित्तं सामित्तं महत्तरगतं आणाईसरसेणावच्चं कारेमाणे पालेमाणे ओहयणिहएसु कंटएसु उद्धिअमलिएसु सब्बसत्तूसु

णिज्जिएसु भरहाहिवे णारिदे वरचंदणचच्चियंगे वरहाररइअवच्छे वरमउडविसिद्धए वरवत्थभूसणधरे सव्वोउअसुरहिकुसुमवर-
मल्लसोभिअसिरे वरणाडगनाडइज्जवरइत्थिगुम्भसब्धिं संपरिवुडे सव्वोसहिसव्वरयणसव्वसमिइसमग्गे संपुण्णमणोरहे हयाभित्तमाणमहणे
पुव्वकयतवप्पभावनिविट्ठसंचिअफले भुंजइ माणुस्सए सुहे भरहे णामधेज्जे ॥ ७० ॥ तए णं से भरहे राया अण्णया कयाई जेणेव
मज्जणधरे तेणेव उवागच्छइ ता जाव ससिच्च पिअदंसणे णरवई मज्जणधराओ पडिणिक्खमइ ता जेणेव आदंसधरे जेणेव सीहासणे
तेणेव उवागच्छइ ता सीहासणवरगए पुरत्थाभिमुहे णिसीअइ ता आदंसधरंसि अत्ताणं देहमाणे २ चिट्ठइ, तए णं तस्स भरहस्स रण्णो
सुभेणं परिणामेणं पसत्थेहिं अज्झवसाणेहिं लेसाहिं विसुज्झमाणीहिं २ ईहापोहमग्गणगवेसणं करेमाणस्स तयावरणिज्जाणं कम्माणं
खएणं कम्भरयविकिरणकरं अपुव्वकरणं पविट्ठस्स अणंते अणुत्तरे निव्वाघाए निरावरणे कसिणे पडिपुण्णे केवलवरनाणदंसणे
समुप्पण्णे, तए णं से भरहे केवली सयमेवाभरणालंकारं ओमुअइ ता सयमेव पंचमुट्ठिअं लोअं करेइ ता आयंसधराओ पडिणिक्खमइ
ता अंतेउरमज्झंमज्झेणं णिग्गच्छइ ता दसहिं राथवरसहस्सेहिं सब्धिं संपरिवुडे विणीअं रायहाणिं मज्झंमज्झेणं णिग्गच्छइ ता मज्झदेसे
सुहंसुहेणं विहरइ ता जेणेव अट्ठावए पव्वते तेणेव उवागच्छइ ता अट्ठावयं पव्वयं सणिअं २ दुरूहइ ता मेघघणसणिणकासं देवसणिणवायं
पुढवीसिलावट्ठयं पडिलेहेइ ता संलेहणाझूसणाझूसिए भत्तपाणपडिआइक्खिए पाओवगए कालं अणवकंखमाणे विहरइ, तए णं से
भरहे केवली सत्तत्तरिं पुव्वसयसहस्साइं कुमारवासमज्झे वसित्ता एगं वाससहस्सं मंडलिअरायमज्झे वसित्ता छ पुव्वसयसहस्साइं

वाससहस्सूणगाइं महारायमज्जे वसित्ता तेसीइं पुव्वसयसहस्साइं अगारवासमज्जे वसित्ता एगं पुव्वसयसहस्सं देसूणगं केवलिपरिआयं पाउणिता तमेव बहुपडिपुण्णं सामन्नपरिआयं पाउणिता चउरासीइं पुव्वसयसहस्साइं सव्वाउअं पाउणिता मासिएणं भत्तेणं अपाणएणं सवणेणं णक्खत्तेणं जोगमुवागएणं खीणे वेअणिज्जे आउए णामे गोए कालगए वीड्ढंते समुज्जाए छिण्णजाइजरामरणबन्धणे सिद्धे बुद्धे मुत्ते परिणिव्वुडे अंतगडे सव्वदुक्खप्पहीणे ॥ ७१ ॥ भरहे य इत्थ देवे महिद्धीए महज्जुइए जाव पलिओवमट्ठिइए परिवसइ, से एएणट्ठेणं गो०! एवं वुच्चइ भरहे वासे २, अदुत्तरं च णं गो०! भरहस्स वासस्स सासए णामधिज्जे पं० जं ण कयाई ण आसी ण कयाई णत्थि ण कयाई ण भविस्सइ भुविं च भवइ अ भविस्सइ अ धुवे णिअए सासए अक्खए अव्वए अवट्ठिए णिच्चे भरहे वासे ॥ ७२ ॥ कहिं णं भंते! जंबुद्धीवे चुल्लहिमवंते णामं वासहरपव्वए पं०?, गो०! हेमवयस्स वासस्स दाहिणेणं भरहस्स वासस्स उत्तरेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरित्थिमेणं एत्थं णं जंबुद्धीवे चुल्लहिमवंते णामं वासहरपव्वए पं० पाईणपडीणायए उदीणदाहिणविच्छिण्णे दुहा लवणसमुद्दं पुट्ठे पुरत्थिमिल्लाए कोडीए पुरत्थिमिल्लं लवणसमुद्दं पुट्ठे पच्चत्थिमिल्लाए कोडीए पच्चत्थिमिल्लं लवणसमुद्दं पुट्ठे, एगं जोअणसयं उद्धंउच्चतेणं पणवीसं जोअणाइं उव्वेहेणं एगं जोअणसहस्सं बावण्णं च जोअणाइं दुवालस य एगूणवीसइभाए जोअणस्स विक्खंभेणं, तस्स बाहा पुरत्थिमपच्चत्थिमेणं पंच जोअणसहस्साइं तिण्णि अ पण्णासे जोअणसए पण्णरस य एगूणवीसइभाए जोअणस्स अद्धभागं च आयामेणं, तस्स जीवा उत्तरेणं पाईणपडीणायया जाव

पचत्थिमिल्लाए कोडीए पचत्थिमिल्लं लवणसमुहं पुट्टा चउव्वीसं जोअणसहस्साइं णव य बत्तीसे जोअणसए अद्धभागं च किंचिविसेसूणा
 आयामेणं पं०, तीसे धणुपट्टे दाहिणेणं पणवीसं जोअणसहस्साइं दोण्णि य तीसे जोअणसए चत्तारि य एगूणवीसइभाए जोअणस्स
 परिक्खेवेणं पं० रुअगसंठाणसंठाए सव्वकणगामए अच्छे जाव पडिरूवे उभओ पासिं दोहिं पउमवरवेइआहिं दोहि य वणसंडेहिं
 परिक्खत्ते दुण्हवि पमाणं वण्णगो, चुल्लहिभवन्तस्स वासहरपव्वयस्स उवरि बहुसमरमणिज्जे भूमिभागे पं० से जहाणामए आलिंणपुक्खरेइ
 वा जाव बहवे वाणमंतरा देवा य देवीओ य आसयंति जाव विहरंति ॥ ७३ ॥ तस्स णं बहुसमरमणिज्जस्स भूमिभागस्स बहुमज्झदेसभाए
 इत्थ णं इक्के महं पउमदहे णाणं दहे पं० पाईणपडीणायए उदीणदाहिणविच्छिण्णे इक्कं जोअणसहस्सं आयामेणं पंच जोयणसयाइं
 विक्खंभेणं दस जोअणाइं उव्वेहेणं अच्छे सण्हे रययामयकूले जाव पासाईए जाव पडिस्वे, स णं एगाए पउमवरवेइआए एगेण य
 वणसंडेणं सव्वओ समंता संपरिक्खत्ते वेइयावणसंडवण्णओ भाणियव्वो, तस्स णं पउमदहस्स चउदिसिं चत्तारि तिसोवाणपडिरुवगा
 पं० वण्णावासो भाणियव्वोत्ति, तेसिं णं तिसोवाणपडिरूवगाणं पुरओ पत्तेयं तोरणा पं०, ते णं तोरणा णाणामणिमया०, तस्स णं
 पउमदहस्स बहुमज्झदेसभाए एत्थ णं महं एगे पउमे पं० जोयणं आयामविक्खंभेणं अद्धजोयणं बाहल्लेणं दस जोयणाइं उव्वेहेणं दो
 कोसे ऊसिए जलंताओ साइरेगाइ दसजोयणाइं सव्वगेणं पं० से णं एगाए जगईए सव्वओ समंता संपरिक्खत्ते जम्बुद्वीवजगइप्पमाणा
 गवक्खकडएवि तह चेव पमाणेणांति, तस्स णं पउमस्स अयमेयारूवे वण्णावासे पं० तं०-वइरामया मूला रिट्ठामए कंदे वेरूलियामए

णाले वेरुलिआमया बाहिरपत्ता जम्बूणयामया अब्भंतरपत्ता कणगमया बाहिरपत्ता तवणिज्जमया केसरा णाणामणिमया पोक्खरन्थिभाया कणगामई कणिणगा अब्भजोयणं आयामविक्खंभेणं कोसं बाहल्लेणं सव्वकणगामई अच्छा०, तीसे णं कणिणआए उप्पिं बहुसमरमणिज्जे भूमिभागे पं० से जहाणामए आलिंगं०, तस्स णं बहुसमरमणिज्जस्स भूमिभागस्स बहुमज्झदेसभाए एत्थ णं महं एगे भवणे पं० कोसं आयामेणं अब्भकोसं विक्खंभेणं देसूणगं कोसं उद्धंउच्चत्तेणं अणेगखंभसयसणिणविट्ठे पासाईए० तस्स णं भवणस्स तिदिसिं तओ दारा पं०, ते णं दारा पञ्च धणुसयाइं उद्धंउच्चत्तेणं अब्भइज्जाइं धणुसयाइं विक्खंभेणं तावतियं चेव पवेसेणं सेआ वरकणगथूभिआगा जाव वणमालाओ णेयव्वाओ, तस्स णं भवणस्स अंतो बहुसमरमणिज्जे भूमिभागे पं० से जहाणामए आलिंगं०, तस्स णं बहुमज्झदेसभाए एत्थ णं महई एगा मणिपेढिआ पं०, सा णं मणिपेढिआ पंच धणुसयाइं आयामविक्खंभेणं अब्भइज्जाइं धणुसयाइं बाहल्लेणं सव्वमणिमई अच्छा०, तीसे णं मणिपेढियाए उप्पिं एत्थ णं महं एगे सयणिज्जे पं० सयणिज्जवण्णओ भाणियव्वो, से णं पउमे अण्णेणं अट्ठसएणं पउमाणं तद्धुच्चत्तप्पमाणमित्ताणं सव्वओ समंता संपरिक्खित्ते, ते णं पउमा अब्भजोयणं आयामविक्खंभेणं कोसं बाहल्लेणं दस जोयणाइं उव्वेहेणं कोसं ऊसिया जलंताआ साइरेगाइं दस जोयणाइं उच्चत्तेणं, तेसिं णं पउमाणं अयमेआरूवे वण्णावासे पं० तं०-वइरामया मूला जाव कणगामई कणिणआ, सा णं कणिणआ कोसं आयामेणं अब्भकोसं बाहल्लेणं सव्वकणगामई अच्छा०, तीसे णं उप्पिं बहुसमरमणिज्जे जाव मणीहिं उवसोभिए, तस्स णं पउमस्स अवरूत्तरेणं उत्तरेणं

उत्तरपुरत्थिमेणं एत्थ णं सिरीए देवीए चउण्हं सामाणिअसाहस्सीणं चत्तारि पउमसाहस्सीओ पं०, तस्स णं पउमस्स पुरत्थिमेणं एत्थ णं सिरीए देवीए चउण्हं महत्तरिआणं चत्तारि पउमा पं०, तस्स णं पउमस्स दाहिणपुरत्थिमेणं सिरीए देवीए अब्भित्तारियाए परिसाए अट्टण्हं देवसाहस्सीणं अट्ट पउमसाहस्सीओ पं०, दाहिणेणं मज्झिमपरिसाए दसण्हं देवसाहस्सीणं दस पउमसाहस्सीओ पं०, दाहिणपच्चत्थिमेणं बाहिरियाए परिसाए बारसण्हं देवसाहस्सीणं बारस पउमसाहस्सीओ पं०, पच्चत्थिमेणं सत्तण्हं अणियाहिर्वईणं सत्त पउमा पं०, तस्स णं पउमस्स चउदिसिं सव्वओ समंता इत्थ णं सिरीए देवीए सोलसण्हं आयरक्खदेवसाहस्सीणं सोलस पउमसाहस्सीओ पं०, से णं तीहिं पउमपरिक्खेवेहिं सव्वओ समंता संपरिक्खित्ते तं०-अब्भित्तरेकेणं मज्झिमएणं बाहिरएणं, अब्भित्तरे पउमपरिक्खेवे बत्तीसं पउमसयसाहस्सीओ पं० मज्झिमए पउमपरिक्खेवे चत्तालीसं पउमसयसाह-स्सीओ पं० बाहिरए पउमपरिक्खेवे अडयालीसं पउमसयसाहस्सीओ पं०, एवामेव सपुव्वावरेणं तीहिं पउमपरिक्खेवेहिं एगा पउमकोडी वीसं च पउमसयसाहस्सीओ भवंतीति अक्खायं, से केणट्ठेणं भंते! एवं वुच्चइ पउमदहे २?, गो०! पउमदहे णं तत्थ २ देसे २ तहिं २ बहवे उप्पलाइं जाव सयसहस्सपत्ताइं पउमदहव्वभाइं पउमदहवण्णाइं पउमदहवण्णाभाइं सिरी य इत्थ देवी महिद्धीआ जाव पलिओवमट्ठिइआ परिवसइ, से एएणट्ठेणं जाव अदुत्तरं च णं गो०! पउमदहस्स सासए णामधेजे पं० ण कयाई णासी न० ॥ ७४ ॥ तस्स णं पउमदहस्स पुरत्थिमिल्लेणं तोरणेणं गंगा महाणई पवूढा समाणा पुरत्थाभिमुही पञ्च जोअणसयाइं पव्वाएणं गंता गंगावत्तणकूडे आवत्ता समाणी पञ्च तेवीसे जोअणसए तिण्णि य एगूणवीसइभाए

जोअणस्स दाहिणाभिमुही पव्वएणं गंता महया घडभुहपवत्तएणं मुत्तावलिहारसंठिएणं साङ्गेगजोअणसङ्गएणं पवाएणं, पवडइ गंगा
महाणई जओ पवडइ इत्थ णं महं एगा जिब्भिया पं०, सा णं जिब्भिया अद्धजोअणं आयामेणं छ सकोसाइं जोअणाइं विक्खंभेणं
अद्धकोसं बाहल्लेणं मगरमुहविउट्ठसंठाणसंठिआ सव्ववइरामई अच्छा०, गंगा महाणई जत्थ पवडइ एत्थ णं महं एगे गंगप्पवायकुंडे
णामं कुंडे पं० सट्ठिं जोअणाइं आयामविक्खंभेणं णउअं जोअणसयं किंचिविसेसाहिअं परिक्खेवेणं दस जोअणाइं उव्वेहेणं अच्छे०
रययामयकूले समतीरे वइरामयपासाणे वइरतले सुवण्णसुभ्रययमणिमयवालआए वेरूलिअमणिफालिअपडलपच्चोअडे सुहोआरे
सुहोत्तारे णाणामणितित्थसुबद्धे वट्ठे अणुपुव्वसुजायवप्पगंभीरसीअलजले संछण्णपत्तभिसमुणाले बहुउप्पलकुमुअणलिणसुभग-
सोगंधिअपोंडरीअमहापोंडरीअसयपत्तसहस्सपत्तसयसहस्सपत्तपप्फुल्लकेसरोवचिए छप्पयमहुयरपरिभुजमाणकमले अच्छविमल-
पत्थसलिले पुण्णे पडिहत्थभमन्तमच्छकच्छभअणेगसउणगणभिहुणपविअरियसद्दुन्इअमहुरसरणाइए पासाईए०, से णं एगाए
पउमवरवेइयाए एगेण य वणसण्डेणं सव्वओ समंता संपरिक्खत्ते वेइआवणसंडगाणं पउमाणं च वण्णओ भाणिअव्वो, तस्स णं
गंगप्पवायकुंडस्स तिदिसिं तओ तिसोवाणपडिरूवगा पं० तं०-पुरत्थिमेणं दाहिणेणं पच्चत्थिमेणं, तेसिं णं तिसोवाणपडिरूवाणं
अयमेयारूवे वण्णावासे पं० तं०-वइरामया णेम्मा रिद्धामया पइट्ठाणा वेरूलिआमया खंभा सुवण्णरुप्पमया फलया लोहिक्खमईओ
सूईओ वइरामया संधी णाणामणिमया आलंबणा आलंबणबाहाओत्ति, तेसिं णं तिसोवाणपडिरूवगाणं पूरओ पत्तेअं २ तोरणा पं०,

ते णं तोरणा णाणामणिमया णाणामणिमएसु खंभेसु उवणिविट्ठसंनिविट्ठा विविहमु(सु) तंतरोवइआ विविहतारारूवोवचिआ
 ईहामिअउसहतुरगणरमगरविहगवालगाकिण्णररूरूसरभचमरकुंजरजरवणलयपउमलयभत्तिचित्ता खंभुग्गयवरवइरवेइआपरिगयाभिरामा
 विज्जाहरजमलजुअलजंतजुत्ताविव अच्चिसहस्समालणीआ रूवगसहस्सकलिआ भिसमाणा भिब्भिसमाणा चक्खुल्लोअणलेसा सुहफासा
 सस्सिरीअरूवा घंटावलिचलिअमहुरमणहरसरा पासा-दीआ०, तेसिं णं तोरणाणं उवरिं बहवे अट्ठमंगलगा पं० तं०-सोत्थिए सिरिवच्छे
 जाव पडिरूवा, तेसिं णं तोरणाणं उवरिं बहवे किण्हचामरज्झया जाव सुक्खिल्लचामरज्झया अच्छा सण्हा रूपपट्टा वइरामयदण्डा
 जलयामलगंधिया सुरम्मा पासाईया, तेसिं णं तोरणाणं उप्पिं बहवे छत्ताइच्छत्ता पडागाइपडागा घंटाजुअला चामरजुअला उप्पलहत्यगा
 पउमहत्यगा जाव सयसहस्सपत्तहत्यगा सव्वरयणामया अच्छा जाव पडिरूवा, तस्स णं गंगाप्पवायकुंडस्स बहुमज्झदेसभाए एत्थ णं
 महं एगे गंगादीवे णामं दीवे पं० अट्ठ जोअणाइं आयामविक्खंभेणं साइरेगाइं पणवीसं जोअणाइं परिक्खेवेणं दो कोसे ऊसिए
 जलंताओ सव्ववइरामए अच्छे सण्हे०, से णं एगाए पउमवरवेइआए एगेण य वणसंडेणं सव्वओ समन्ता संपरिक्खित्ते वण्णओ
 भाणिअव्वो, गंगादीवस्स णं उप्पिं बहुसमरमणिज्जे भूमिभागे पं०, तस्स णं बहुमज्झदेसभाए एत्थ णं महं गंगाए देवीए एगे भवणे पं०,
 कोसं आयामेणं अद्धकोसं विक्खंभेणं देसूणगं च कोसं उद्धंउच्चतेणं अणेगखंभसयसणिणविट्ठे जाव बहुमज्झदेसभाए मणिपेढियाए
 सयणिज्जे, से केणट्ठेणं जाव सासए णामधेज्जे पं०, तस्स णं गंगाप्पवायकुंडस्स दिक्खिणिल्लेणं तोरणेणं गंगा महाणई पवूढा समाणी

उत्तरद्धभरहवासं एज्जमाणी २ सत्तहिं सलिलासहस्सेहिं आउरेमाणी २ अहे खण्डप्पवायगुहाए वेअद्धपव्वयं दालइत्ता दाहिणद्धभरहवासं
 एज्जमाणी २ दाहिणद्ध भरहवासस्स बहुमज्झदेसभागे गंता पुरत्थाभिमुही आवत्ता समाणी चोदसहिं सलिलासहस्सेहिं समग्गा अहे
 जगइं दालइत्ता पुरत्थिमेणं लवणसमुदं समप्पेइ, गंगा णं महाणई पवहे छ सक्कोसाइं जोअणाइं विक्खंभेणं अद्धकोसं उव्वेहेणं
 तयणंतं च मायाए २ परिवद्धमाणी २ मुहे बासट्ठिं जोअणाइं अद्धजोअणं च विक्खंभेणं सकोसं जोअणं उव्वेहेणं उभओ पासिं दोहिं
 पउमवरवेइआहिं दोहिं वणसंडेहिं संपरिक्खत्ता वेइआवणसंडवण्णओ भाणिअव्वो, एवं सिंधूएवि णेअव्वं जाव तस्स णं पउमदहस्स
 पच्चत्थिमिल्लेणं तोरणेणं सिंधुआवत्तणकुंडे दाहिणाभिमुही सिंधुप्पवायकुंडुं सिंधुदीवो अट्ठो सो चेव अहे तिमिसगुहाए वेअद्धपव्वयं
 दालइत्ता पच्चत्थिमाभिमुही आवत्ता समाणी चोदससलिला अहे जगइं पच्चत्थिमेणं लवणसमुदं जाव समप्पेइ सेसं तं चेवति, तस्स णं
 पउमदहस्स उत्तरिल्लेणं तोरणेणं रोहिअंसा महाणई पवूढा समाणी दोणिण छावत्तरे जोअणसए छच्च एगूणवीसइभाए जोअणस्स
 उत्तराभिमुही पव्वएणं गंता महया घडमुहपवत्तिएणं मुत्तावलिहारसंतिएणं साइरेगजोअणसइएणं पवाएणं पवडइ, रोहिअंसा णामं
 महाणई जओ पवडइ एत्थ णं महं एगा जिब्भिआ पं०, सा णं जिब्भिआ जोअणं आयामेणं अद्धतेरसजोअणाइं विक्खंभेणं कोसं
 (बाहल्ले) उव्वेहेणं मगरमुहविउट्ठसंठाणसंतिआ सव्ववइरामई अच्छा०, रोहिअंसा महाणई जहिं पवडइ एत्थ णं महं एगे
 रोहिअंसापवायकुण्डे णाम कुण्डे पं० सवीसं जोअणसयं आयामविक्खंभेणं तिणिण असीए जोअणसए किंचिविसेसूणे परिक्खेवेणं

दसजोअणाइं उव्वेहेणं अच्छे० कुंडवण्णओ जाव तोरणा, तस्स णं रोहिअंसापवायकुंडस्स बहुमज्झदेसभाए एत्थ णं महं एगे रोहिअंसे
 णामं दीवे पं० सोलस जोअणाइं आयामविक्खंभेणं साइरेगाइं पण्णासं जोयणाइं परिक्खेवेणं दो कोसे ऊसिए जलंताओ सव्वरयणामए
 अच्छे सणहे सेसं तं चेव जाव भवणं अट्ठो य भाणिअव्वो, तस्स णं रोहिअंसप्पवायकुंडस्स उत्तरिल्लेणं तोरणेणं रोहिअंसा महाणाइं
 पवूढा समाणी हेमवयं वासं एज्जमाणी २ चउदसहिं सलिलासहस्सेहिं आपूरेमाणी २ सदावइवट्टवेअट्ठं अद्धजोअणेणं असंपत्ता समाणी
 पच्चत्थिमाभिमुही आवत्ता समाणी हेमवयं दुहा विभयमाणी २ अट्ठावीसाए सलिलासहस्सेहिं समग्गा अहे जगइं दालइत्ता पच्चत्थिमेणं
 लवणसमुदं समप्पेइ, रोहिअंसा णं पवहे अद्धतेरसजोयणाइं विक्खंभेणं कोसं उव्वेहेणं तयणंतरं च णं मायाए २ परिवद्धमाणी २
 मुहमूले पणवीसं जोअणसयं विक्खंभेणं अद्धाइज्जाइं जोयणाइं उव्वेहेणं उभओ पासिं दोहिं पउमवरवेइआहिं दोहि य वणसंडेहिं
 संपरिक्खत्ता ॥ ७५ ॥ चुल्लहिमवन्ते णं भन्ते! वासहरपव्वए कइ कूडा पं०?, गो! इक्कारस कूडा पं० तं०-सिद्धायणकूडे चुल्लहिमवन्तं
 भरह० इलादेवी० गंगादेवी० सिरि० रोहिअंस० सिन्धु० सुरादेवी० हेमवय० वेसमणकूडे, कहिं णं भन्ते! चुल्लहिमवन्ते वासहरपव्वए
 सिद्धायणकूडे णामं कूडे पं०?, गो०! पुरच्छिमलवणसमुदस्स पच्चत्थिमेणं चुल्लहिमवन्तकूडस्स पुरत्थिमेणं एत्थ णं सिद्धायणकूडे
 णामं कूडे पं० पंच जोअणसयाइं उद्धंउच्चत्तेणं मूले पंच जोअणसयाइं विक्खंभेणं मज्झे तिण्णि य पण्णत्तरे जोअणसए विक्खंभेणं
 उप्पिं अद्धाइज्जे जोअणसए विक्खंभेणं मूले एगं जोअणसहस्सं पंच य एगासीए जोअणसए किंचिविसेसाहिए परिक्खेवेणं मज्झे एगं

॥ श्री जंबूद्वीप प्रज्ञप्ति सूत्रं ॥

९७

पू. सागरजी म. संशोधित

जोअणसहस्सं एगं च छलसीअं जोअणसयं किंचिविसेसूणं परिक्खेवेणं उप्पिं सत्तइक्काणउए जोयणसए किंचिविसेसूणे परिक्खेवेणं मूले विच्छिण्णे मज्झे संखित्ते उप्पिं तणुए गोपुच्छसंठाणसंठिए सव्वरयणामए अच्छे०, से णं एगाए पउमवरवेइयाए एगेण य वणसंडेणं सव्वओ समंता संपरिक्खित्ते, सिद्धाययणकूडस्स णं उप्पिं बहुसमरमणिज्जे भूमिभागे जाव तस्स णं बहुसमरमणिज्जस्स भूमिभागस्स बहुमज्झदेसभाए एत्थ णं महं एगे सिद्धाययणे पं० पण्णासं जोयणाइं आयामेणं पणवीसं जोयणाइं विक्खंभेणं छत्तीसं जोयणाइं उद्धउच्चत्तेणं जाव जिणपडिमावण्णाओ भाणियव्वो, कहिं णं भन्ते! चुल्लहिमवन्ते वासहरपव्वए चुल्लहिमवन्तकूडे नामं कूडे पं०?, गो०! भरहकूडस्स पुरत्थिमेणं सिद्धाययणकूडस्स पच्चत्थिमेणं एत्थ णं चुल्लहिमवन्ते वासहरपव्वए चुल्लहिमवन्तकूडे णामं कूडे पं०, एवं जो चेव सिद्धाययणकूडस्स उच्चत्तविक्खंभपरिक्खेवो जाव बहुसमरमणिज्जस्स भूमिभागस्स बहुमज्झदेसभाए एत्थ णं महं एगे पासायवडेंसे पं० बासट्ठिं जोयणाइं अद्ध जोयणं च विक्खंभेणं इक्कतीसं जोयणाइं कोसं च उच्चत्तेणं अब्भुगयमूसिअपहसिएविव विविहमणिरयणभत्तिचित्ते वाउद्धअविजयवेजयंतीपडागच्छत्ताइच्छत्तकलिए तुंगे गगणतलमभिलंघमाणसिहरे जालंतररयणपंजरूम्भी-लित्तेव्व मणिरयणथूभिआए विअसिअसयवत्तपुंडरीअतिलयरयणद्धचंदचित्ते णाणामणियदामालंकिए अंतो बहिं च सवइरतवणिज्ज-रूइलवालुगापत्थडे सुहफासे सस्सिरीअरूवे पासाईए जाव पडिरूवे, तस्स णं पासायवडेंसगस्स अंतो बहुसमरमणिज्जे भूमिभागे जाव सीहासणं सपरिवारं, से केणट्ठेणं भन्ते! एवं वुच्चइ चुल्लहिमवन्तकूडे २?, गो०! चुल्लहिमवन्ते णामं देवे महिद्धीए जाव परिवसइ, कहिं

णं भन्ते! चुल्लहिमवन्ते णामं देवे महिद्धीए जाव परिवसइ, कहिं णं भन्ते! चुल्लहिमवन्तगिरिकुमारस्स देवस्स चुल्लहिमवन्ता णामं रायहाणी पं०?, गो०! चुल्लहिमवन्तकूडस्स दक्खिणोणं तिरियमसंखेजे दीवसमुद्दे वीडवइत्ता अण्णं जम्बुद्वीवं दक्खिणोणं बारस जोयणसहस्साइं ओगाहिता इत्थ णं चुल्लहिमवन्तस्स कूडस्स देवस्स चुल्लहिमवन्ता णामं रायहाणी पं० बारस जोयणसहस्साइं आयामविक्खंभेणं एवं विजयरायहाणी सरिसा भाणियव्वा, एवं अवसेसाणवि कूडाणं वत्तव्वया णेयव्वा, आयामविक्खंभपरिक्खेव-पासायदेवयाओ सीहासणं परिवारो अट्ठो य देवाण य देवीण य रायहाणीओ णेयव्वाओ, चउसु देवा चुल्लहिमवन्तभरहहेमवयवेसमणकूडेसु सेसेसु देवयाओ, से केणट्ठेणं भन्ते! एवं वुच्चइचुल्लहिमवन्ते वासहरपव्वए २?, गो०! महाहिमवन्तवासहरपव्वयं पणिहाय आयामुच्चत्तुव्वेहविक्खंभपरिक्खेवं पडुच्च ईसिं खुडुतराए चेव ईसिं हस्सतराए चेव, चुल्लहिमवन्ते य इत्थ देवे महिद्धीए जाव पलिओ-वमट्ठिइए परिवसइ, से एएणट्ठेणं गो०! एवं वुच्चइ चुल्लहिमवन्ते वासहरपव्वए २, अदुत्तरं च णं गो०! चुल्लहिमवन्तस्स सासए णामधेजे पं० जं ण कयाई णासी० ॥ ७६ ॥ कहिं णं भन्ते! जंबुद्वीवे दीवे हेमवए णामं वासे पं०?, गो०! महाहिमवन्तस्स वासहरपव्वयस्स दक्खिणोणं चुल्लहिमवन्तस्स वासहरपव्वयस्स उत्तरेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं एत्थ णं जंबुद्वीवे दीवे हेमवए णामं वासे पं० पाईणपडीणायए उदीणदाहिणविच्छिण्णे पलिअंकसंठाणसंठिए दुहा लवणसमुद्दं पुट्ठे पुरत्थिमिल्लिए कोडीए पुरत्थिमिलं लवणसमुद्दं पुट्ठे पच्चत्थिमिल्लिए कोडीए पच्छिमिलं लवणसमुद्दं पुट्ठे दोण्णि जोअणसहस्साइं एगं च पंचुत्तरं

जोअणसयं पंच य एगूणवीसइभाए जोअणस्स विक्खंभेणं, तस्स बाहा पुरत्थिमपच्चत्थिमेणं छज्जोअणसहस्साइं सत्त य पणवण्णे
जोअणसए तिन्नि य एगूणवीसइभाए जोअणस्स आयामेणं, तस्स जीवा उत्तरेणं पाईणपडीणायया दुहओ लवणसमुदं पुट्ठा जाव पुट्ठा
सत्ततीसं जोअणसहस्साइं छच्च चउवत्तरे जोअणसए सोलस य एगूणवीसइभाए जोअणस्स किंचिविसेसूणे आयामेणं, तस्स धणुं
दाहिणेणं अट्ठतीसं जोअणसहस्साइं सत्त चत्ताले जोअणसए दस य एगूणवीसइभाए जोअणस्स परिक्खेवेणं, हेमवयस्स णं भन्ते!
वासस्स केरिसए आचारभावपडोआरे पं०?, गो०! बहुसमरमणिज्जे भूमिभागे पं०, एवं तइअसमाणुभावो णेअव्वो ॥ ७७ ॥ कहिं णं
भन्ते! हेमवए वासे सदावई णामं वट्ठवेअद्धपव्वए पं०?, गो०! रोहिआए महाणईए पच्चच्छिमेणं रोहिअंसाए महाणईए पुरत्थिमेणं
हेमवयवासस्स बहुमज्झदेसभाए एत्थ णं सदावई णामं वट्ठवेअद्धपव्वए पं० एगं जोअणसहस्सं उद्धंउच्चत्तेणं अद्धाइज्जाइं जोअणसयाइं
उव्वेहेणं सव्वत्थ समे पलंगसंठाणसंठिए एगं जोअणसहस्सं आयामविक्खंभेणं तिण्णि जोअणसहस्साइं एगं च बावट्ठं जोयणसयं
किंचिविसेसाहिअं परिक्खेवेणं सव्वरयणामए अच्छे०, से णं एगाए पउमवरवेइआए एगेण य वणसंडेणं सव्वओ समंता संपरिक्खत्ते
वेइआवणसंडाण्णओ भाणिअव्वो, सदावइस्स णं वट्ठवेअद्धपव्वयस्स उवरिं बहुसमरमणिज्जे, भूमिभागे पं०, तस्स णं बहुसमरमणिज्जस्स
भूमिभागस्स बहुमज्झदेसभाए एत्थ णं महं एगे पासायवडेसए पं० बावट्ठिं जोअणाइं अद्धजोयणं च उद्धंउच्चत्तेणं इक्कतीसं जोयणाइं
कोसं च आयामविक्खंभेणं जाव सीहासणं सपरिवारं, से केणट्ठेणं भन्ते! एवं वुच्चइ सदावई वट्ठवेयद्धपव्वए २?, गो०!

सदावइवइवेयद्धपव्वए णं खुड्डाखुड्डिआसु वावीसु जाव बिलपंतिआसु बहवे उप्पलाइं पउमाइं सदावइप्पभाइं सदावइवण्णाइं
 सदावतिवण्णाभाइं सदावई य इत्थ देवे महिन्दीए जाव महाणुभावे पलिओवमठिइए परिवसइ, से णं तत्थ चउण्हं सामाणिअसाहस्सीणं
 जाव रायहाणीवि नेयव्वा मंदरस्स पव्वयस्स दाहिणेणं अण्णांमि जंबुदीवे दीवे ॥ ७८ ॥ से केणट्ठेणं भंते! एवं वुच्चइ हेमवए वासे २?,
 गो०! चुल्लहिमवन्तमहाहिमवन्तेहिं वासहरपव्वएहिं दुहओ समवगूढे णिच्चं हेमं दलइ णिच्चं हेमं मुंचति णिच्चं हेमं पगासइ हेमवए य
 इत्थ देवे जाव पलिओवमठिइए परिवसइ से तेणट्ठेणं गो०! एवं वुच्चइ हेमवए वासे २ ॥ ७९ ॥ कहिं णं भंते! जंबुदीवे महाहिमवन्ते णामं
 वासहरपव्वए पं०?, गो०! हरिवासस्स दाहिणेणं हेमवयस्स वासस्स उत्तरेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स
 पुरत्थिमेणं एत्थ जंबुदीवे महाहिमवन्ते णामं वासहरपव्वए पं० पाईणपडीणायए उदीणदाहिणविच्छिण्णे पलियंकसंठाणसंतिए दुहा
 लवणसमुद्दं पुट्ठे पुरत्थिमिल्लए कोडीए जाव पुट्ठे पच्चत्थिमिल्लए कोडीए पच्चत्थिमिल्लं लवणसमुद्दं पुट्ठे दो जोअणसयाइं उद्धंउच्चतेणं
 पण्णासं जोअणाइं उव्वेहेणं चत्तारि जोअणसहस्साइं दोण्णि य दसुत्तरे जोअणसए दस य एगूणवीसइभाए जोअणस्स विक्खंभेणं,
 तस्स बाहा पुरत्थिमपच्चत्थिमेणं णव जोअणसहस्साइं दोण्णि य छावत्तरे जोअणसए णव च एगूणवीसइभाए जोअणस्स अद्धभाणं
 य आयामेणं, तस्स जीवा उत्तरेणं पाईणपडीणायया दुहा लवणसमुद्दं पुट्ठा पुरत्थिमिल्लए कोडीए पुरत्थिमिल्लं लवणसमुद्दं पुट्ठा
 पच्चत्थिमिल्लए जाव पुट्ठा तेवण्णं जोअणसहस्साइं नव य एगतीसे जोअणसए छच्च एगूणवीसइभाए जोअणस्स किंचिविसेसाहिए

आयामेणं, तस्स धणुं दाहिणेणं सत्तावणं जोअणसहस्साइं दोण्णि य तेणउए जोअणसए दस य एगूणवीसइभाए जोयणस्स परिक्खेवेणं, रुअगसंठाणसंठिए सव्वरयणामए अच्छे उभओ पासिं दोहिं पउमरवेइआहिं दोहि य वणसंडेहिं संपरिक्खत्ते, महाहिमवन्तस्स णं वासहरपव्वयस्स उप्पिं बहुसमरमणिजे भूमिभागे पं० जाव णाणाविहपञ्चवणोहिं मणीहि य तणेहि य उवसोभिए जाव आसयंति सयंति० ॥ ८० ॥ महाहिमवन्तस्स णं बहुमज्झदेसभाए एत्थ णं एगे महापउमदहहे णामं दहे पं० दो जोअणसहस्साइं आयामेणं एगं जोअणसहस्सं विक्खंभेणं दस जोअणाइं उव्वेहेणं अच्छे रययामयकूले एवं आयामविक्खंभविहूणा जा चेव पउमदहहस्स वत्तव्वया सा चेव णोअव्वा, पउमप्पमाणं दो जोअणाइं अट्ठो जाव महापउमदहहवणणाभाइं हिरी य इत्थ देवी जाव पलिओवमट्ठिइया परिवसइ, से एएणट्ठेणं गो०! एवं वुच्चइ०, अदुत्तरं च णं गो०! महापउमदहहस्स सासए णामधिजे पं० जं ण कयाई णासी०, तस्स णं महापउमदहहस्स दक्खिणिल्लेणं तोरणेणं रोहिआ महाणई पवूढा समाणी सोलस पंचुत्तरे जोअणसए पंच य एगूणवीसइभाए जोअणस्स दाहिणाभिमुही पव्वएणं गंता महया घडमुहपवित्तिएणं मुत्तावलिहारसंठिए णं साइरेगदोजोअणसइएणं पवाएणं पवडइ, रोहिआ णं महाणई जओ पवडइ एत्थ णं महं एगा जिब्भिया पं०, सा णं जिब्भिया जोअणं आयामेणं अब्बतेरसजोअणाइं विक्खंभेणं कोसं बाहल्लेणं मगरमुहविउट्ठसंठिआ सव्ववइरामई अच्छा०, रोहिआ णं महाणई जहिं पवडइ एत्थ णं महं एगे रोहिअप्पवायकुंडे णामं कुंडे पं० सवीसं जोअणसयं आयामविक्खंभेणं पं० तिणिण असीए जोयणसए किंचिविसेसूणे परिक्खेवेणं दस जोयणाइं उव्वेहेणं अच्छे सण्हे

सो चेव वण्णाओ वडरतले वट्टे समतीरे जाव तोरणा, तस्स णं रोहिअप्पवायकुण्डस्स बहुमज्झदेसभाए एत्थ णं महं एगे रोहिअदीवे णामं दीवे पं० सोलस जोयणाइं आयामविक्खंभेणं साइरेगाइं पण्णासं जोयणाइं परिक्खेवेणं दो कोसं ऊसिए जलंताओ सव्ववड्डामए अच्छे०, से णं एगाए पउमवरवेड्डयाए एगेण य वणसंडेणं सव्वओ समंता संपरिक्खित्ते, रोहिअदीवस्स णं उप्पिं बहुसमरमणिज्जे भूमिभागे पं०, तस्स णं बहुसमरमणिज्जस्स भूमिभागस्स बहुमज्झदेसभाए एत्थ णं महं एगे भवणे पं०, कोसं आयामेणं सेसं तं चेव, पमाणं च अट्ठो य भाणियव्वो, तस्स णं रोहिअप्पवायकुण्डस्स दक्खिणिल्लेणं तोरणेणं रोहिया महाणई पवूढा समाणी हेमवयं वासं एज्जेमाणी २ सद्दावड्डवट्टवेअद्ध पव्वयं अद्धजोयणेणं असंपत्ता पुरत्थाभिमुहा आवत्ता समाणी हेमवयं वासं दुहा विभयमाणी २ अट्ठावीसाए सलिलासहस्सेहिं समग्गा अहे जगइं दालइत्ता पुरत्थिमेणं लवणसमुदं समप्पेइ, रोहिआ णं जहा रोहिअंसा तहा पवाहे य मुहे यं भाणियव्वा जाव संपरिक्खित्ता, तस्स णं महापउमदहस्स उत्तरिल्लेणं तोरणेणं हरिकंता महाणई पवूढा समाणी सोलस पंचुत्तरे जोयणासए पंच य एगूणवीसइभाए जोयणास्स उत्तराभिमुहा पव्वएणं गंता महया घडमुहपवत्तिएणं मुत्तावलिहारसंठिएणं साइरेगदुजोयणसइएणं पवाएणं पवडइ, हरिकंता महाणई जओ पवडइ एत्थ णं महं एगा जिब्भिआ पं० दो जोयणाइं आयामेणं पणवीसं जोयणाइं विक्खंभेणं अद्धं जोयणं बाहल्लेणं मगरमुहविउट्ठसंठाणसंठिया सव्वरयणामई अच्छा०, हरिकंता णं महाणई जहिं पवडइ एत्थ णं महं एगे हरिकंतप्पवायकुंडे णामं कुंडे पं० दोणिण य चत्ताले जोयणासए आयामविक्खंभेणं सत्तअउणट्टे जोयणासए

॥ श्री जंबूद्वीप प्रज्ञप्ति सूत्रं ॥

१०३

पू. सागरजी म. संशोधित

परिक्खेवेणं अच्छे० एवं कुण्डवत्तव्वया सव्वा नेयव्वा जाव तोरणा, तस्स णं हरिकंतप्पवायकुण्डस्स बहुमज्झदेसभाए एत्थ णं महं एगे हरिकंतदीवे णामं दीवे पं० बत्तीसं जोयणाइं आयामविक्खंभेणं एगुत्तरं जोयणसयं परिक्खेवेणं दो कोसे ऊसिए जलंताओ सव्वरयणामए अच्छे०, से णं एगाए पउमवरवेइआए एगेण य वणसंडेणं जाव संपरिक्खित्ते वण्णओ भाणियव्वो, पमाणं च सयणिज्जं च अट्ठो य भाणियव्वो, तस्स णं हरिकंतप्पवायकुण्डस्स उत्तरिल्लेणं तोरणेणं जाव पवूढा समाणी हरिवस्सं वासं एज्जेमाणी २ विअडाव(वा)इं वट्टवेअद्धं जोयणेणं असंपत्ता पच्चत्थिमाभिमुहा आवत्ता समाणी हरिवासं दुहा विभयमाणा छप्पण्णाए सलिलासहस्सेहिं समग्गा अहे जगइं दालइत्ता पच्चत्थिमेणं लवणसमुदं समप्पेइ, हरिकंता णं महाणइं पवहे पणवीसं जोयणाइं विक्खंभेणं अद्धजोयणं उव्वेहेणं तयणंतं च णं मायाए २ परिवद्धमाणी मुहमूले अद्धाइज्जाइं जोयणसयाइं विक्खंभेणं पञ्च जोयणाइं उव्वेहेणं उभओ पासिं दोहिं पउमरवेइआहिं दोहि य वणसंडेहिं संपरिक्खित्ता ॥८१॥ महाहिमवंते णं भंते! वासहरपव्वए कइ कूडा पं०? गो०! अट्ट कूडा पं० तं०-सिद्धाययणकूडे महाहिमवन्तं हेमवयं रोहिअं हिरिं हरिकंतं हरिवासं वेरुलिअं, एवं चुल्लहिमवंतकूडाणं जा चेव वत्तव्वया सच्चेव णोअव्वा, से केणट्ठेणं भन्ते! एवं वुच्चइ महाहिमवंते वासहरपव्वए २?, गो०! महाहिमवंते णं वासहरपव्वए चुल्लहिमवंतवासहरपव्वयं पणिहाय, आयामुच्चत्तुव्वेहविक्खंभपरिक्खेवेणं महंततराए चेव दीहतराए चेव, महाहिमवंते अ इत्थ देवे महिद्धीए जाव पलिओवमट्ठिइए परिवसइ ॥८२॥ कहिं णं भन्ते! जम्बुद्वीवे दीवे हरिवासे णामं वासे पं०?, गो०! णिसहस्स वासहरपव्वयस्स

दक्खिणेणं महाहिमवंतवासहरपव्वयस्स उत्तरेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं एत्थ णं जम्बुद्वीवे हरिवासे णामं वासे पं० एवं जाव पच्चत्थिमिल्लाए कोडीए पच्चत्थिमिल्लं लवणसमुदं पुट्टे अट्ठ जोअणसहस्साइं चत्तारि अ एगवीसे जोअणसए एगं च एगूणवीसइभागं जोअणस्स विक्खम्भेणं, तस्स बाहा पुरत्थिमपच्चत्थिमेणं तेरस जोअणसहस्साइं तिण्णि अ एगसट्ठे जोअणसए छच्च एगूणवीसइभाए जोअणस्स अद्धभागं च आयामेणं, तस्स जीवा उत्तरेणं पाईणापडीणायया दुहा लवणसमुदं पुट्टा पुरत्थिमिल्लाए कोडीए पुरत्थिमिल्लं जाव लवणसमुदं पुट्टा तेवत्तरिं जोअणसहस्साइं णव य एगुत्तरे जोअणसए सत्तरस य एगूणवीसइभाए जोअणस्स अद्धभागं च आयामेणं, तस्स धणुं दाहिणेणं चउरासीई जोअणसहस्साइं सोलस जोअणाइं चत्तारि एगूणवीसइभाए जोअणस्स परिक्खेवेणं, हरिवासस्स णं भंते! वासस्स केरिसए आगारभावपडोआरे पं०?, गो०! बहुसमरमणिज्जे भूमिमागे पं० जाव मणीहिं तणेहि य उवसोभिए एवं मणीणं तणाण य वण्णो गन्धो फासो सद्धो भाणिअव्वो, हरिवासे णं तत्थ २ देसे २ तहिं २ बहवे खुड्डाखुड्डिआओ एवं जो सुसमाए अणुभावो सो चेव अपरिसेसो वत्तव्वोत्ति, कहिं णं भन्ते! हरिवासे वासे विअडावई णामं वट्टवेअद्धपव्वए पं०?, गो! हरीए महाणईए पच्चत्थिमेणं हरिकंताए महाणईए पुरत्थिमेणं हरिवासस्स वासस्स बहुमज्झदेसभाए एत्थ णं विअडावइ णामं वट्टवेअद्ध पव्वए पं०, एवं जो चेव सद्दावइस्स विक्खंभुच्चत्तुव्वेहपरिक्खेवसंठाणवण्णावासो य सो चेव विअडावइस्सवि भाणिअव्वो णवरं अरूणो देवो पउमाइं जाव विअडावइवण्णाभाइं० अरूणे य इत्थ देवे महद्धिए दाहिणेणं रायहाणी

णेअव्वा, से केणट्टेणं भन्ते! एवं वुच्चइ हरिवासे २?, गो०! हरिवासे णं वासे मणुआ अरूणा अरूणोभासा सेआ संखदलसण्णिकासा
 हरिवासे य इत्थ देवे महिद्धीए जाव पलिओवमट्ठिइए परिवसइ, से तेणट्टेणं गो०! एवं वुच्चइ० ॥ ८३ ॥ कहिं णं भन्ते! जम्बुदीवे निसहे
 णामं वासहरपव्वए पं०?, गो०! महाविदेहस्स वासस्स दक्खिण्णेणं हरिवासस्स उत्तरेणं पुरत्थिमलवणसमुद्दस्स पच्चत्थिमेणं
 पच्चत्थिमलवणसमुद्दस्स पुरच्छिमेणं एत्थ णं जम्बुदीवे णिसहे णामं वासहरपव्वए पं० पाईणपडीणायए उदीणदाहिणविच्छिण्णे दुहा
 लवणसमुद्दं पुट्ठे पुरत्थिमिल्लए जाव पुट्ठे पच्चत्थिमिल्लए जाव पुट्ठे चत्तारि जोयणसयाइं उद्धंउच्चत्तेणं चत्तारि गाउअसयाइं उव्वेहेणं
 सोलस जोअणसहस्साइं अट्ठ य बायाले जोअणसए दोण्णि य एगूणवीसइभाए जोअणस्स विक्खम्भेणं, तस्स बाहा पुरत्थिमपच्चत्थिमेणं
 वीसं जोअणसहस्साइं एगं च पण्णट्ठं जोअणसयं दुण्णि य एगूणवीसइभाए जोअणस्स अब्धभागं च आयामेणं, तस्स जीवा उत्तरेणं
 जाव चउणवइं जोअणसहस्साइं एगं च छप्पण्णं जोअणसयं दुण्णि य एगूणवीसइभाए जोअणस्स आयामेणं, तस्स धणुं दाहिणेणं एगं
 जोअणसयसहस्सं चउवीसं च जोअणसहस्साइं तिण्णि य छायाले जोअणसए णव य एगूणवीसइभाए जोअणस्स परिवक्खेवेणं
 रूअगसंठाणसंठिए सब्बतवणिज्जमए अच्छे०, उभओ पासिं दोहिं पउमवरवेइआहिं दोहि य वणसंडेहिं जाव संपरिविक्खत्ते, णिसहस्स
 णं वासहरपव्वयस्स उप्पिं बहुसमरमणिज्जे भूमिभागे पं० जाव आसयंति सयंति०, तस्स णं बहुसमरमणिज्जस्स भूमिभागस्स
 बहुमज्झदेसभाए एत्थ णं महं एगे तिगिंछिद्दहे णामं दहे पं० पाईणपडीणायए उदीणदाहिणविच्छिण्णे चत्तारि जोअणसहस्साइं

आयामेणं दो जोअणसहस्साइं विक्खम्भेणं दस जोअणाइं उव्वहेणं अच्छे सण्हे० रययामयकूले, तस्स णं तिगिंछिद्वहस्स चउद्विंसिं
 चत्तारि तिसोवाणपडिरूवगा पं० एवं जाव आयामविक्खम्भविहूणा जा चेव महापउमदहस्स वत्तव्वया सा चेव तिगिंछिद्वहस्सवि
 वत्तव्वया, पउमदहप्पमाणं अट्ठो जाव तिगिंछिवण्णाइं, धिई य इत्थ देवी पलिओवमट्ठिइआ परिवसइ, से तेणट्ठेणं गो०! एवं वुच्चइ
 तिगिंछिद्वहे २ ॥ ८४ ॥ तस्स णं तिगिंछिद्वहस्स दक्खिणिल्लेणं तोरणेणं हरी महाणई पवूढा समाणी सत्त जोयणसहस्साइं चत्तारि य
 एक्कवीसे जोयणसए एगं च एगूणवीसइभागं जोयणस्स दाहिणाभिमुहा पव्वएणं गंता महया घडमुहपवित्तिएणं जाव
 साइरेगचउजोअणसइएणं पवाएणं पवडइ, एवं जा चेव हरिकन्ताए वत्तव्वया सा चेव हरिएवि णेअव्वा, जिब्भिआए कुंडस्स दीवस्स
 भवणस्स तं चेव पमाणं, अट्ठोऽवि भाणिअव्वो जाव अहे जगइं दालइत्ता छप्पण्णाए सलिलासहस्सेहिं समग्गा पुरत्थिमं लवणसमुदं
 समप्पेइ तं चेव पवहे य मुहभूले य पमाणं उव्वेहो य जो हरिकन्ताए जाव वणसंडसंपरिक्खत्ता, तस्स णं तिगिंछिद्वहस्स उत्तरिल्लेणं
 तोरणेणं सीओआ महाणई पवूढा समाणी सत्त जोयणसहस्साइं चत्तारि य एगवीसे जोयणसए एगं च एगूणवीसइभागं जोयणस्स
 उत्तराभिमुही पव्वएणं गंता महया घडमुहपवित्तिएणं जाव साइरेगचउजोअणसइएणं पवाएणं पवडइ, सीओआ णं महाणई जओ
 पवडइ एत्थ णं महं एगा जिब्भिआ पं० चत्तारि जोयणाइं आयामेणं पण्णासं जोअणाइं विक्खम्भेणं जोअणं बाहल्लेणं
 मगरमुहविउट्ठसंठाणसंठिआ सव्ववइरामई अच्छा०, सीओआ णं महाणई जहिं पवडइ एत्थ णं महं एगे सीओयप्पवायकुण्डे णामं

कुण्डे पं० चत्तारि असीए जोयणसए आयामविक्रबंभेणं पण्णरसअट्टारे जोयणसए किंचिविसेसूणे परिक्रवेवेणं अच्छे,० एवं कुंडवत्तव्वया
 णेअव्वा जाव तोरणा, तस्स णं सीओअप्पवायकुण्डस्स बहुमज्झदेसभाए एत्थ णं महं एगे सीओअदीवे णामं दीवे पं० चउसट्ठिं
 जोयणाइं आयामविक्रबंभेणं दोणिण बिउत्तरे जोयणसए परिक्रवेवेणं दो कोसे ऊसिए जलंताओ सव्ववइरामए अच्छे सेसं तमेव,
 वेइयावणसंडभूमिभागभवणसयणिज्जअट्टा भाणियव्वा, तस्स णं सीओअप्पवायकुण्डस्स उत्तरिल्लेणं तोरणेणं सीओआ महाणई पवूढा
 समाणी देवकुरुं एज्जेमाणी २ चित्तविचित्तकूडे पव्वए निसढदेवकुरुसूरसुलसविज्जुप्पभदहे य दुहा विभयमाणी २ चउरासीए
 सलिलासहस्सेहिं आपूरेमाणी २ भद्दसालवणं एज्जेमाणी २ मंदरं पव्वयं दोहिं जोयणेहिं असंपत्ता पच्चत्थिमाभिमुही आवत्ता समाणी
 अहे विज्जुप्पभं वक्खारपव्वयं दारइत्ता मन्दरस्स पव्वयस्स पच्चत्थिमेणं अवरविदेहं वासं दुहा विभयमाणी २ एगमेगाओ चक्कवट्ठिविजयाओ
 अट्टावीसाए २ सलिलासहस्सेहिं आपूरेमाणी २ पञ्चहिं सलिलासयसहस्सेहिं दु(अट्ट प्र०)तीसाए य सलिलासहस्सेहिं समग्गा अहे
 जयंतस्स दारगस्स जगइं दालइत्ता पच्चत्थिमेणं लवणसमुदं समप्पेति सीओआ णं महाणई पवहे पण्णासं जोयणाइं विक्रबंभेणं जोयणं
 उव्वेहेणं, तयाणंतं च णं मायाए २ परिवद्धमाणी २ मुहमूले पञ्च जोयणसयाइं विक्रबंभेणं दस जोयणाइं उव्वेहेणं उभओ पासिं दोहिं
 पउमवरवेइआहिं दोहि य वणसंडेहिं संपरिक्रिक्खत्ता, णिसढे णं भंते! वासहरपव्वए कति कूडा पं०?, गो०! नव कूडा पं० तं-
 सिद्धाययणकूडे णिसढ० हरिवास० पुव्वविदेह० हरि० धिई० सीओआ० अवरविदेह० रुअगकूडे जो चेव चुल्लहिमवंतकूडाणं

उच्चत्तविवस्वभपरिवस्वेवो पुव्वं वणिणओ रायहाणी य सच्चेव इहंपि णेयव्वा, से केणट्ठेणं भंते! एवं वुच्चइ णिसहे वासहरपव्वए २?, गो०! णिसहे णं वासहरपव्वए बहवे कूडा णिसहसंठाणसंठिया उसभसंठाणसंठिया, णिसहे य इत्थ देवे महिद्धीए जाव पलिओवमठिइए परिवसइ, से तेणट्ठेणं गो०! एवं वुच्चइ णिसहे वासहरपव्वए २॥ ८५॥ कहिं णं भंते! जंबुद्धीवे दीवे महाविदेहे णामं वासे पं०?, गो०! णीलवंतस्स वासहरपव्वयस्स दक्खिणेणं णिसहस्स वासहरपव्वयस्स उत्तरेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं एत्थं णं जंबुद्धीवे महाविदेहे णामं वासे पं० पाईणपडीणायए उदीणदाहिणविच्छिण्णे पलिअंकसंठाणसंठिए दुहा लवणसमुद्दं पुट्ठे पुरत्थिमजावपुट्ठे पुरत्थिम जाव पुट्ठे पच्चत्थिमिलाए कोडीए पच्चत्थिमिलं जाव पुट्ठे तिन्तीसं जोअणसहस्साइं छच्च चुलसीए जोअणसए चत्तारि य एगूणवीसइभाए जोअणस्स विक्खंभेणं, तस्स बाहा पुरत्थिमपच्चत्थिमेणं तेत्तीसं जोअणसहस्साइं सत्त य सत्तसट्ठे जोअणसए सत्त य एगूणवीसइभाए जोअणस्स आयामेणं, तस्स जीवा बहुमज्झदेसभाए पाईणपडीणायया दुहा लवणसमुद्दं पुट्ठा पुरत्थिमिल्लाए कोडीए पुरत्थिमिलं जाव पुट्ठा एवं पच्चत्थिमिल्लाए जाव पुट्ठा एगं जोयणसयसहस्सं आयामेणं, तस्स धणुं उभओ पासिं उत्तरदाहिणेणं एगं जोयणसयसहस्सं अट्ठावणं च जोअणसहस्साइं एगं च तेरसुत्तरं जोअणसयं सोलस य एगूणवीसइभागे जोयणस्स किंचिविसेसाहिए परिवस्वेवेणं, महाविदेहे णं वासे चउव्विहे चउप्पडोआरे पं० तं०-पुव्वविदेहे अवरविदेहे देवकुरा उत्तरकुरा, महाविदेहस्स णं वासस्स भंते! केरिसए आगारभावपडोआरे पं०?, गो०! बहुसमरमणिजे भूमिभागे पं० जाव कित्तिमेहिं चेव अकित्तिमेहिं

चेव, महाविदेहं णं भंते! वासे मणुआणं केरिसए आचारभावपडोआरे पं०?, गो०! तेसिं णं मणुआणं छव्विहे संघयणे छव्विहे संठाणे पञ्चधणुसयाइं उद्धंउच्चत्तेणं जह० अंतोमुहुतं० उक्को० पुव्वकोडीआउअं पालेति ता अप्पेगइआ णिरयगामी जाव अप्पेगइआ सिज्झंति जाव अंतं करेति, से केणट्ठेणं भंते! एवं वुच्चइमहाविदेहे वासे२?, गो०! महाविदेहे णं वासे भरहेरवयहेमवयहेरणवयहरि- वासरम्भगवासेहिंतो आयामविक्खंभसंठाणपरिणाहेणं विच्छिण्णतराए चेव महंततराए चेव सुप्पमाणतराए चेव महाविदेहा य इत्थ मणूसा परिवसंति, महाविदेहे य इत्थ देवे महिब्दीए जाव पलिओवमट्ठिइए परिवसइ, से तेणट्ठेणं गो०! एवं वुच्चइ महाविदेहे वासे २, अदुत्तरं च णं गो०! महाविदेहस्स वासस्स सासते णामधेज्जे पं० जं ण कयाई णासी० ॥ ८६ ॥ कहिं णं भंते! महाविदेहे वासे गन्धमायणे णामं वक्खारपव्वए पं०?, गो०! णीलवन्तस्स वासहरपव्वयस्स दाहिणेणं मंदरस्स पव्वयस्स उत्तरपच्चत्थिमेणं गंधिलावइस्स विजयस्स पुरच्छिमेणं उत्तरकुराए पच्चत्थिमेणं एत्थ णं महाविदेहे वासे गन्धमायणे णामं वक्खारपव्वए पं० उत्तरदाहिणायए पाइणपडीणाविच्छिण्णे तीसं जोयणसहस्साइं दुण्णि य णउत्तरे जोयणसए छच्च य एगूणवीसइभाए जोयणस्स आयामेणं णीलवंतवासहरपव्वयंतंतेणं चत्तारि जोयणसयाइं उद्धंउच्चत्तेणं चत्तारि गाउसयाइं उव्वेहण पञ्च जोअणसयाइं विक्खम्भेणं तयणंतं च णं मायाए २ उस्सेहुव्वेहपरिवब्दीए परिवद्धमाणे २ विक्खंभपरिहाणीए परिहायमाणे २ मंदरपव्वयंतंतेणं पञ्च जोयणसयाइं उद्धंउच्चत्तेणं पञ्च गाउअसयाइं उव्वेहेणं अंगुलस्स असंखिज्जइभागं विक्खंभेणं पं० गयदंतसंठाणसंठिए सव्वरयणामए अच्छे० उभओ पासिं दोहिं

पउमवरवेइआहिं दोहि य वणसंडेहिं सव्वओ समंता संपरिक्खित्ते, गंधमायणस्स णं वक्खारपव्वयस्स उप्पिं बहुसमरमणिज्जे भूमिभागे जाव आसयंति०, गंधमायणे णं वक्खारपव्वए कति कूडा पं०?, गो०! सत्त कूडा पं० तं०-सिद्धाययणकूडे गंधमायण० गंधिलावई० उत्तरकुरू० फलिह० लोहियक्ख० आणंदकूडे, कहिं णं भंते! गंधमायणे वक्खारपव्वए सिद्धाययणकूडे णामं कूडे पं०? गो०! मंदरस्स पव्वयस्स उत्तरपच्चत्थिमेणं गंधमायणकूडस्स दाहिणपुरत्थिमेणं एत्थ णं गंधमायणे वक्खारपव्वए सिद्धाययणकूडे णामं कूडे पं० जं चेव चुल्लहिमवंते सिद्धाययणकूडस्स पमाणं तं चेव एएसिं सव्वेसिं भाणियव्वं, एवं चेव विदिसाहिं तिण्णि कूडा भाणियव्वा, चउत्थे ततियस्स उत्तरपच्चत्थिमेणं पञ्चमस्स दाहिणेणं, सेसा उ उत्तरदाहिणेणं, फलिहलोहिअक्खेसु भोगंकरभोगवईओ देवयाओ सेसेसु सरिसणामया देवा, छसुवि पासावडेंसगा, रायहाणीओ विदिसासु, से केणट्ठेणं भंते! एवं वुच्चइ गंधमायणे वक्खारपव्वए २?, गो०! गंधमायणस्स वक्खारपव्वयस्स गंधे से जहाणामए कोट्टपुडाण वा जाव पीसिज्जमाणान वा उक्किरिज्जमाणान वा जाव ओराला मणुण्णा जाव अभिणिस्सवंति, भवे एयारूवे?, णो इणट्ठे समट्ठे, गंधमायणस्स णं इतो इट्ठतराए चेव जाव गंधे पं० से एएणट्ठेणं गो०! एवं वुच्चइगंधमायणे वक्खारपव्वए २, गंधमायणे य इत्थ देवे महिब्दीए परिवसइ, अदुतरं च णं सासाए णामधिज्जे ॥८७॥ कहिं णं भंते! महाविदेहे वासे उत्तरकुरा णामं कुरा पं० गो०! मंदरस्स पव्वयस्स उत्तरेणं णीलवंतस्स वासहरपव्वयस्स दक्खिणेणं गंधमायणस्स वक्खारपव्वयस्स पुरत्थिमेणं मालवंतस्स वक्खारपव्वयस्स पच्चत्थिमेणं एत्थ णं उत्तरकुरा णामं कुरा पं०

पाईणपडीणायया उदीणदाहिणविच्छिण्णा अद्धचंदसंठाणसंठिआ इक्कारस जोयणसहस्साइं अट्ट य बायाले जोयणसए दोण्णि य एगूणवीसइभाए जोयणस्स विक्खंभेणं, तीसे जीवा उत्तरेणं पाईणपडीणायया दुहा वक्खारपव्वयं पुट्ठा, तं० पुरत्थिमिल्लाए कोडीए पुरत्थिमिल्लं वक्खारपव्वयं पुट्ठा एवं पच्चत्थिमिल्लाए जाव पच्चत्थिमिल्लं वक्खारपव्वयं पुट्ठा, तेवणं जोयणसहस्साइं आयामेणं, तीसे णं धणुं दाहिणेणं सट्ठिं जोयणसहस्साइं चत्तारि य अट्टारे जोयणसए दुवालस य एगूणवीसइभाए जोयणस्स परिक्खेवेणं, उत्तरकुराए णं भंते! कुराए केरिसए आचारभावपडोआरे पं०? गो०! बहुसमरमणिज्जे भूमिभागे पं० एवं पुव्ववणिणआ जच्चेव सुसमसुसमावत्तव्वया सच्चेव णेअव्वा जाव पउमगंधा मिअगंधा अममा सहा तेतली सणिचारी ॥ ८८ ॥ कहिं णं भंते! उत्तरकुराए जमगा णामं दुवे पव्वया पं०?, णीलवंतस्स वासहरपव्वयस्स दक्खिणिल्लाओ चरिमन्ताओ अट्ट जोअणसए चोत्तीसे चत्तारिय सत्तभाए जोअणस्स अबाहाए सीआए महाणईए उभओ कूले एत्थ णं जमगा णामं दुवे पव्वया पं० जोअणसहस्सं उट्ठुंउच्चत्तेणं अट्ठाइज्जाइं जोअणसयाइं उव्वेहेणं मूले एगं जोअणसहस्सं आयामविक्खंभेणं मज्झे अद्धट्ठमाणि जोअणसयाइं आयामविक्खंभेणं उवरिं पंच जोअणसयाइं आयामविक्खंभेणं मूले तिण्णि जोअणसहस्साइं एगं च बावट्ठं जोअणसयं किंचिविसेसाहिअं परिक्खेवेणं मज्झे दो जोअणसहस्साइं तिण्णि य बावत्तरे जोअणसए किंचिविसेसाहिए परिक्खेवेणं उवरि एगं जोअणसहस्सं पंच य एक्कासीए जोअणसए किंचिविसेसाहिए परिक्खेवेणं मूले विच्छिण्णा मज्झे संखित्ता उप्पिं तणुआ जमगसंठाणसंठिआ सव्वकणगामया अच्छा सण्हा० पत्तेअं २

पउमरवेइआपरिक्खत्ता पत्तेअं २ वणसंडपरिक्खत्ता, ताओ णं पउमरवेइआओ दो गाऊआइं उद्धंउच्चत्तेणं पञ्च धणुसयाइं विक्खंभेणं वेइआवणसण्डवण्णओ भाणिअव्वो, तेसिं णं जमगपव्वयाणं उप्पिं बहुसमरमणिज्जे भूमिभागे पं० जाव तस्स णं बहुसमरमणिज्जस्स भूमिभागस्स बहुमज्झदेसभाए एत्थ णं दूवे पासायवडेंसगा पं०, ते णं पासायवडेंसगा बावडिं जोअणाइं अद्धजोअणं च उद्धंउच्चत्तेणं इक्कतीसं जोअणाइं कोसं च आयामविक्खंभेणं पासायवण्णओ भाणिअव्वो, सीहासणा सपरिवार जाव एत्थ णं जमगाणं देवाणं सोलसण्हं आयरक्खदेवसाहस्सीणं सोलस भद्दासणसाहस्सीओ पं०, से केणट्ठेणं भंते! एवं वुच्चइजमगा पव्वया २? गो०! जमगपव्वएसु णं तत्थ २ देसे २ तहिं २ बहवे खुइडाखुड्डियासु वावीसु जाव बिलपंतियासु बहवे उप्पलाइ जाव जमगवण्णाभाइं जमगा य इत्थ दुवे देवा महिद्धीया०, ते णं तत्थ चउण्हं सामाणिअसाहस्सीणं जाव भुज्जमाणा विहरंति, से तेणट्ठेणं गो०! एवं वुच्चइ जमगपव्वया २, अदुत्तरं च णं सासए णामधिज्जे जाव जमगपव्वया २, कहिं णं भंते! जमगाणं देवाणं जमिगाओ रायहाणीओ पं०?, गो०! जंबुदीवे दीवे मंदरस्स पव्वयस्स उत्तरेणं अण्णांमि जंबुदीवे बारस जोअणसहस्साइं ओगाहिता एत्थ णं जमगाणं देवाणं जमिगाओ रायहाणीओ पं० बारस जोअणसहस्साइं आयामविक्खंभेणं सत्तत्तीसं जोअणसहस्साइं णव य अडयाले जोअणसए किंचिविसेसाहिए परिक्खेवेणं पत्तेयं २ पायारपरिक्खत्ता, ते णं पागारा सत्तत्तीसं जोअणाइं अद्धजोअणं च उद्धंउच्चत्तेणं मूले अद्धत्तेरस जोअणाइं विक्खंभेणं मज्झे छ सकोसाइं जोअणाइं विक्खंभेणं उवरि तिण्णि सअद्धकोसाइं जोअणाइं विक्खंभेणं मूले विच्छिण्णा मज्झे संखित्ता उप्पिं तणुआ

बाहिं वट्टा अंतो चउरंसा सव्वरयणामया अच्छा०, ते णं पागारा णाणामणिपञ्चवण्णेहिं कविसीसएहिं उवसोहिया, तं० किणहेहिं जाव सुक्किलेहिं, ते णं कविसीसगा अद्धकोसं आयामेणं देसूणं अद्धकोसं उद्धंउच्चत्तेणं पञ्च धणुसयाइं बाहल्लेणं सव्वमणिमया अच्छा०, जमिगाणं रायहाणीणं एगमेगाए बाहाए पणवीसं २ दारसयं पं०, ते णं दारा बावट्ठिं जोअणाइं अद्धजोअणं च उद्धंउच्चत्तेणं इक्कतीसं जोअणाइं कोसं च विक्खंभेणं तावइअं चेव पवेसेणं सेआ वरकणगथूभिआगा एवं रायप्पेसणइज्जविमाणवत्तव्वयाए दारवण्णओ जाव अट्ठमंगलगा, जमियाणं रायहाणीणं चउद्विसिं पञ्च २ जोयणसए अबाहाए चत्तारि वणसण्डा पं० तं०-असोगवणे सत्तवण्ण० चंपग० चूअवणे, ते णं वणसंडा साइरेगाइं बारसजोयणसहस्साइं आयामेणं पञ्च जोयणसयाइं विक्खंभेणं पत्तेयं २ पागरपरिक्खत्ता किण्हा० वणसण्डवण्णओ भूमीओ पासायवडेंसगा भाणियव्वा, जमिगाणं रायहाणीणं अंतो बहुसमरमणिज्जे भूमिभागे वण्णगो, तेसिं णं बहुसमरमणिज्जाणं भूमिभागाणं बहुमज्झदेसभाए एत्थ णं दुवे उवयारियालयणा पं० बारस जोयणसयाइं आयामविक्खंभेणं तिणिण जोयणसहस्साइं सत्त य पञ्चाणउए जोयणसए परिक्खेवेणं अद्धकोसं च बाहल्लेणं सव्वजंबूणयामया अच्छा० पत्तेयं २ पउमवरवेइयापरिक्खत्ता पत्तेयं २ वणसंडवण्णओ भाणियव्वा, तिसोवाणपडिरूवगा तोरणा चउद्विसिं भूमिभागा य भाणियव्वा, तस्स णं बहुमज्झदेसभाए एत्थ णं एगे पासायवडेंसए पं० बावट्ठिं जोयणाइं अद्धजोयणं च उद्धंउच्चत्तेणं इक्कतीसं च जोयणाइं कोसं आयामविक्खंभेणं वण्णओ उल्लोआ भूमिभागा सीहासणा सपरिवारा, एवं पासायपंतीओ एक्कतीसं जोयणाइं कोसं च उद्धंउच्चत्तेणं

साइरेगाइं अद्धसोलसजोयणाइं आयामविक्रंभेणं, बिइअपासायुपंती ते णं पासायवडेंसया साइरेगाइं अद्धसोलसजोयणाइं उद्धंउच्चत्तेणं
 साइरेगाइं अद्धट्टमाइं जोयणाइं आयामविक्रंभेणं, तइअपासायुपंती ते णं पासायवडेंसया साइरेगाइं अद्धट्टमाइं जोयणाइं उद्धंउच्चत्तेणं
 साइरेगाइं अद्धट्टजोयणाइं आयामविक्रंभेणं, वण्णओ सीहासणा सपरिवारा, तेसिं णं मूलपासायवडिंसयाणं उत्तरपुरच्छिमे दिसीभाए
 एत्थ णं जमगाणं देवगाणं सहाओ सुहम्माओ पं०अद्धतेरस जोयणाइं आयामेणं छस्सकोसाइं जोयणाइं विक्रंभेणं णव जोयणाइं
 उद्धंउच्चत्तेणं अणेगखम्भसयसण्णिविट्ठा सभावण्णओ, तासिं णं सभाणं सुहम्माणं तिदिसिं तओ दारा पं०, ते णं दारा दो जोयणाइं
 उद्धंउच्चत्तेणं जोयणं विक्रंभेणं तावइयं चेव पवेसेणं, सेआ वण्णओ जाव वणमाला, तेसिं णं दाराणं पुरओ पत्तेयं २ तओ मुहमंडवा
 पं०, ते णं मुहमंडवा अद्धतेरसजोअणाइं आयामेणं छस्सकोसाइं जोअणाइं विक्रंभेणं साइरेगाइं दो जोअणाइं उद्धंउच्चत्तेणं जाव
 दारा भूमिभागा य, पेच्छाघरमंडवाणं तं चेव पमाणं भूमिभागो मणिपेढिआओ, ताओ णं मणिपेढिआओ जोअणं आयामविक्रंभेणं
 अद्धजोअणं बाहल्लेणं सव्वमणिमइओ सीहासणा भाणिअव्वा, तेसिं णं पेच्छाघरमंडवाणं पुरओ मणिपेढिआओ पं०, ताओ णं
 मणिपेढिआओ दो जोअणाइं आयामविक्रंभेणं जोअणं बाहल्लेणं सव्वमणिमइओ, तासिं णं उप्पिं पत्तेअं २ तओ थूभा, ते णं थूभा
 दो जोअणाइं उद्धंउच्चत्तेणं दो जोअणाइं आयामविक्रंभेणं सेआ संखतल जाव अट्टट्टमंगलया, तेसिं णं थूभाणं चउद्दिसिं चत्तारि
 मणिपेढिआओ पं०, ताओ णं मणिपेढिआओ जोयणं आयामविक्रंभेणं अद्धजोयणं बाहल्लेणं, जिणपडिमाओ वत्तव्वाओ,

॥ श्री जंबूद्वीप प्रज्ञप्ति सूत्र ॥

११५

पू. सागरजी म. संशोधित

चेइअरूक्खाणं मणिपेढिआओ दो जोयणाइं आयामविक्रब्भेणं जायणं बाहल्लेणं चेइअरूक्खवण्णओ, तेसिं णं चेइअरूक्खाणं पुरओ तओ मणिपेढिआओ पं०, ताओ णं मणिपेढियाओ जोयणं आयामविक्रब्भेणं अब्बजोयणं बाहल्लेणं, तासिं णं उप्पिं पत्तेअं महिंदज्झया पं०, ते णं अब्बट्ठमाइं जोयणाइं उब्बउच्चत्तेणं अब्बकोसं उवेहेणं बाहल्लेणं वइरामय० वट्ठ० वण्णओ वेइआवणसंडतिसोवाणतोरणा य भाणियव्वा, तासिं णं सभाणं सुहम्माणं छच्च मणोगुलिआसाहस्सीओ पं० तं०-पुरत्थिमेणं दो साहस्सीओ पच्चत्थिमेणं दो साहस्सीओ दक्खिणेणं एगा साहस्सी उत्तरेणं एगा जाव दामा चिट्ठंति, एवं गोमाणसियाओ, णवरं धूवघडियाओत्ति, तासिं णं सुहम्माणं सभाणं अंतो बहुसमरमणिजे भूमिभागे पं०, मणिपेढिया दो जोयणाइं आयामविक्रब्भेणं जोयणं बाहल्लेणं, तासिं णं मणिपेढियाणं उप्पिं माणवए चेइयखंभे महिंदज्झयप्पमाणे उवरिं छक्कोसे ओगाहिता हेट्ठा छक्कोसे वज्जिता जिणसकहाओ वण्णओ माणवगस्स पुव्वेणं सीहासणा सपरिवारा पच्चत्थिमेणं सयणिज्जवण्णओ, सयणिजाणं उत्तरपुरत्थिमे दिसिभाए खुट्ठगमहिंदज्झया मणिपेढिआविहूणा महिंदज्झयप्पमाणा, तेसिं अवरेणं चोप्फाला पइरणकोसा, तत्थ णं बहवे फलिहरयणापामुक्खा जाव चिट्ठंति, सुहम्माणं उप्पिं अट्ठमंगलगा, तासिं णं उत्तरपुरत्थिमेणं सिद्धाययणा एस चेव जिणधराणवि गमो, णवरं इमं णाणत्तएतेसिं णं बहुमज्झदेसभाए पत्तेयं २ मणिपेढियाओ दो जोयणाइं आयामविक्रब्भेणं जोयणं बाहल्लेणं, तासिं उप्पिं पत्तेयं २ देवच्छंदया पं० दो जोयणाइं आयामविक्रब्भेणं साइरेगाइं दो जोयणाइं उब्बउच्चत्तेणं सव्वरयणामया, जिणपडिमा वण्णओ जाव धूवक्कडुच्छुगा, एवं

अवसेसाणवि सभाणं जाव उववायसभाए सयणिज्जं (हरओ पा०) अभिसेअसभाए बहु आभिसेक्के भंडे हरओ य, अलंकारिअसभाए
 बहु अलंकारिअभंडे चिट्ठइ, ववसायसभासु पुत्थयरयणा, णंदा पुक्खरिणीओ, बलिपेढा, सव्वरयणामया दो जोयणाइं आयामविक्खंभेणं
 जोयणं बाहल्लेणं जाव उववाओ संकप्पो अभिसेअ विहूसणा य ववसाओ। अच्चणिअ सुधम्मगमो जहा य परियारणा इद्धी ॥ ४२ ॥
 जावइयंमि पमाणंमि हुंति जमगाओ णीलवंताओ। तावइअमन्तरं खलु जमगदहाणं दहाणं च ॥ ४३ ॥ ८९। कहिं णं भन्ते! उत्तरकुराए
 णीलवन्तदहे णामं दहे पं०?, गो०! जमगाणं दक्खिणिल्लाओ चरिमन्ताओ अट्ठसए चोत्तीसे चत्तारि अ सत्तभाए जोअणस्स अबाहाए
 सीआए महाणईए बहुमज्झदेसभाए एत्थ णं णीलवन्तदहे णाणं दहे पं० दाहिणउत्तरायए पाईणपडीणविच्छिण्णे जहेव पउमदहे तहेव
 वण्णओ णाअव्वो णाणत्तं दोहिं पउमवरवेइआहिं दोहि य वणसंडेहिं संपरिक्खित्ते, णीलवन्ते णामं णागकुमारे देवे सेसं तं चेव
 णोअव्वं, णीलवन्तदहस्स पुव्वावरे पासे दस २ जोअणाइं अबाहाए एत्थ णं वीसं कंचणगपव्वया पं० एगं जोयणासयं उद्धंउच्चत्तेणं
 मूलमिं जोयणासयं पण्णत्तरि जोयणाइं मज्झंमि। उवरितले कंचणगा पण्णासं जोयणा हुंति ॥ ४४ ॥ मूलंमि तिणिण सोले सत्तत्तीसाइं
 दुणिण मज्झंमि। अट्ठावण्णं च सयं उवरितले परिरओ होइ ॥ ४५ ॥ पढमित्थ नीलवन्तो बितिओ उत्तरकुरु मुणेअव्वो। चंददहोत्थ तइओ
 एरावण मालवन्तो य ॥ ४६ ॥ एवं वण्णओ अट्ठो पमाणं पलिओवमट्ठिइआ देवा ॥ ९० ॥ कहिं णं भन्ते! उत्तरकुराए कुराए जम्बूपेढे
 णामं पेढे पं०?, गो०! णीलवन्तस्स वासहरपव्वयस्स दक्खिणेणं मन्दरस्स उत्तरेणं मालवन्तस्स वक्खारपव्वयस्स पच्चत्थिमेणं सीआए

महाणईए पुरत्थिमिल्ले कूले एत्थ णं उत्तरकुराए कुराए जम्बूपेढे णामं पेढे पं० पंच जोअणसयाइं आयामविक्रंभेणं पण्णारस एक्कासीयाइं जोअणसयाइं किंचिविसेसाहिआइं परिक्खेवेणं बहुमज्झदेसभाए बारस जोअणाइं बाहल्लेणं तयणंतं च णं मायाए २ पदेसपरिहाणीए परिहीयमाणे २ सव्वेसु णं चरिमपेरंतेसु दो दो गाऊआइं बाहल्लेणं सव्वजम्बूणायामए अच्छे०, से णं एगाए पउमवरवेइआए एगेण य वणसंडेण सव्वओ समन्ता संपरिक्खत्ते दुण्हंपि वण्णओ, तस्स णं जम्बूपेढस्स चउद्दिसिं चत्तारि तिसोवाणपडिरूवगा पं० वण्णओ जाव तोरणाइं, तस्स णं जम्बूपेढस्स बहुमज्झदेसभाए एत्थ णं मणिपेढिआ पं० अट्ठजोअणाइं आयामविक्रंभेणं चत्तारि जोअणाइं बाहल्लेणं, तीसे णं मणिपेढिआए उप्पिं एत्थ जम्बू सुदंसणा पं० अट्ठ जोयणाइं उद्धंउच्चत्तेणं अद्धजोयणं उव्वेहेणं, तीसे णं खंधो दो जोयणाइं उद्धंउच्चत्तेणं अद्धजोअणं बाहल्लेणं, तीसे णं साला छ जोअणाइं उद्धंउच्चत्तेणं बहुमज्झदेसभाए अट्ठ जोअणाइं आयामविक्रंभेणं साइरेगाइं अट्ठ जोयणाइं सव्वग्गेण, तीसे णं अयमेआरूवे वण्णावासे पं०-वड्डरामया मूला रययसुपडडिअविडिमा जाव अहिअ(प्र० हियय) मणणिव्वुइकरी पासाईआ दरिसणिजा०, जंबूए णं सुदंसणाए चउद्दिसिं चत्तारि साला पं०, तेसिं णं सालाणं बहुमज्झदेसभाए एत्थ णं सिद्धाययणे पं० कोसं आयामेणं अद्धकोसं विक्रंभेणं देसूणं कोसं उद्धंउच्चत्तेणं अणोगखंभसयसणिणिविट्ठे जाव दारा पञ्चधणुसयाइं उद्धंउच्चत्तेणं जाव वणमालाओ मणिपेढिआ पञ्चधणुसयाइं आयामविक्रंभेणं अद्धाइजाइं धणुसयाइं बाहल्लेणं, तीसे णं मणिपेढिआए उप्पिं देवच्छन्दए पंचधणुसयाइं आयामविक्रंभेणं साइरेगाइं पञ्च धणुसयाइं उद्धंउच्चत्तेणं, जिणपडिमा वण्णओ

॥ श्री जंबूद्वीप प्रज्ञप्ति सूत्र ॥

११८

पू. सागरजी म. संशोधित

सव्वो णेअव्वो, तत्थ णं जे से पुरत्थिमिल्ले साले एत्थ णं भवणे पं०, कोसं आयामेणं एवामेव णवरमित्थ सयणिज्जं सेसेसु पासायवडेंसया सीहासणा य सपरिवारा, जम्बू णं बारसहिं पउमवरवेइताहिं सव्वओ समन्ता संपरिक्खत्ता, वेइआण वण्णओ, जम्बू णं अण्णेणं अट्ठसएणं जम्बूणं तदद्भुच्चत्ताणं सव्वओ समन्ता संपरिक्खत्ता, तासिं णं वण्णओ, ताओ णं जम्बू छहिं पउमवरवेइआहिं संपरिक्खत्ता, जम्बूए णं सुदंसणाए उत्तरपुरत्थिमेणं उत्तरेणं उत्तरपच्चत्थिमेणं एत्थ णं अणाढिअस्स देवस्स चउण्हं सामाणिअसाहस्सीणं चत्तारि जम्बूसाहस्सीओ पं०, तीसे णं पुरत्थिमेणं चउण्हं अगमहिसीणं चत्तारि जम्बूओ पं०, दक्खिणपुरत्थिमे दक्खिणेण तह अवरदक्खिणेणं च। अट्ठ दस बारसेव य भवन्ति जम्बूसहस्साइं ॥ ४७ ॥ अणिआहिवाग पच्चत्थिपेण सत्तेव होति जम्बूओ। सोलस साहस्सीओ चउद्विसिं आयरक्खाणं ॥ ४८ ॥ जम्बू णं तीहिं सइएहिं वणसंडेहिं सव्वओ समन्ता संपरिक्खत्ता, जम्बूए णं पुरत्थिमेणं पण्णासं जोअणाइं पढमं वणसंडं ओगाहत्ता एत्थ णं भवणे पं० कोसं आयामेणं सो चेव वण्णओ सयणिज्जं च, एवं सेसासुवि दिसासु भवणा, जम्बूए णं उत्तरपुरत्थिमेणं पढमं वणसण्डं पण्णासं जोअणाइं ओगाहत्ता एत्थ णं चत्तारि पुक्खरिणीओ पं० तं० -पउमा पउमप्पभा कुमुदा कुमुदप्पभा, ताओ णं कोसं आयामेणं अद्धकोसं विक्खम्भेणं पञ्च धणुसयाइं उव्वेहेणं वण्णओ, तासिं णं मज्झे पासायवडेंसगा कोसं आयामेणं अद्धकोसं विक्खम्भेणं देसूणं कोसं उद्धउच्चत्तेणं वण्णओ, सीहासणा सपरिवारा, एवं सेसासु विदिसासु, पउमा पउमप्पभा चेव, कुमुदा कुमुदप्पहा। उप्पलगुम्मा णलिणा, उप्पला उप्पलुज्जला ॥ ४९ ॥ भिंगा भिंगप्पभा चेव, अंजणा कज्जलप्पभा। सिरिकंता

सिरिमहिआ, सिरिचंदा चेव सिरिनिलया ॥ ५० ॥ जम्बूए णं पुरत्थिमिल्लस्स भवणस्स उत्तरेणं उत्तरपुरत्थिमिल्लस्स पासायवडेंसगस्स
दक्खिणेणं एत्थ णं कूडे पं० अट्ठ जोयणाइं उद्धंउच्चत्तेणं दो जोयणाइं उव्वेहेणं मूले अट्ठ जोयणाइं आयामविक्खम्भेणं बहुमज्झदेसभाए
छ जोयणाइं आयामविक्खम्भेणं उवरि चत्तारि जोयणाइं आयामविक्खम्भेणं पणवीसऽट्ठारस बारसेव मूले य मज्झि उवरि च। सविसेसाइं
परिरओ कूडस्स इमस्स बोद्धव्वो ॥ ५१ ॥ मूले विच्छिण्णे मज्झे संखित्ते उवरि तणुए सव्वकणगमए अच्छे० वेइआवणसंडवण्णओ,
एवं सेसावि कूडा, जम्बूए णं सुदंसणाए दुवालस णामधेज्जा पं० तं० - सुदंसणा अमोहा य, सुप्पबुद्धा जसोहरा। विदेहजम्बू सोमणासा,
णिइया णिच्चमंडिआ ॥ ५२ ॥ सुभद्दा य विसाला य, सुजया सुमणाऽविअ। सुदंसणाए जम्बूए, णामधेज्जा दुवालस ॥ ५३ ॥ जम्बूए णं
अट्ठट्ठमंगलगा०से केणट्ठेणं भंते! एवं वुच्चइ जम्बू सुदंसणा २?, गो०! जम्बूए णं सुदंसणाए अणाढिए णामं देवे जम्बुद्दीवाहिवई
परिवसइ महिद्धीए०, से णं तत्थ चउण्हं सामाणिअसाहस्सीणं जाव आयरक्खदेवसाहस्सीणं०, जम्बुद्दीवस्स णं दीवस्स जम्बूए
सुदंसणाए अणाढिआए रायहाणीए अण्णेसिं च बहुणं देवाण य जाव विहरइ, से तेणट्ठेणं गो०! एवं वुच्चइ०, अदुरूत्तरं च णं गो०!
जम्बू सुदंसणा जाव भुविं च धुवा णिअआ सासया अक्खया जाव अवट्ठिआ, कहिं णं भंते! अणाढिअस्स देवस्स अणाढिआ णामं
रायहाणी पं०?, गो०! जम्बुद्दीवे भन्दरस्स पव्वयस्स उत्तरेणं जं चेव पुव्ववणिणअं जमिगापमाणं तं चेव णेअव्वं जाव उववाओ
अभिसेओ य निरवसेसो ॥ ११ ॥ से केणट्ठेणं भंते! एवं वुच्चइ उत्तरकुरा कुरा?, गो०! उत्तरकुराए उत्तरकुरू णामं देवे परिवसइ

॥ श्री जंबूद्दीप प्रज्ञप्ति सूत्रं ॥

१२०

पू. सागरजी म. संशोधित

महिद्धीए जाव पलिओवमड्डिइए, से तेणट्टेणं गो०! एवं वुच्चइ उत्तरकुरा २, अदुत्तरं च णं जाव सासए०, कहिं णं भंते! महाविदेहे वासे मालवंते णामं वक्खारपव्वए पं०?, गो०! मंदरस्स पव्वयस्स उत्तरपुरत्थिमेणंणी (प्र० ने) लवंतस्स वासहरपव्वस्स दाहिणेणं उत्तरकुराए पुरित्थिमेणं वच्छस्स चक्खवट्ठिविजयस्स पच्चत्थिमेणं एत्थ णं महाविदेहे वासे मालवंते णामं वक्खारपव्वए पं० उत्तरदाहिणाए पाईणपडीणविच्छिण्णे जं चेव गंधमायणास्स पमाणं विक्खंभो य णवरमिमं णाणत्तं सव्ववेरुलिआमए अवसिट्ठं तं चेव जाव गो०! नव कूडा पं० तं०-सिद्धाययणकूडे० सिद्धे य मालवंते उत्तरकुरु कच्छ सागरे रयए। सीओय पुण्णभदे हरिस्सहे चेव बोद्धव्वे॥ ५४॥ कहिं णं भंते! मालवंते वक्खारपव्वए सिद्धाययणकूडे णामं कूडे पं०?, गो०! मंदरस्स पव्वयस्स उत्तरपुरत्थिमेणं मालवंतस्स कूडस्स दाहिणपच्चत्थिमेणं एत्थ णं सिद्धाययणकूडे णामं कूडे पं० पंच जोयणसयाइं उद्धंउच्चत्तेणं अवसिट्ठं तं चेव जाव रायहाणी, एवं मालवंतस्स कूडस्स उत्तरकुरुकुडस्स कच्छकुडस्स, एए चत्तारि कूडा दिसाहिं पमाणेहि य णेयव्वा, कूडसरिसणामया देवा, कहिं णं भंते! मालवंते सागरकूडे नामं कूडे पं०?, गो०! कच्छकूडस्स उत्तरपुरत्थिमेणं रययकूडस्स दक्खिणेणं एत्थ णं सागरकूडे णामं कूडे पं० पंच जोयणसयाइं उद्धंउच्चत्तेणं अवसिट्ठं तं चेव सुभोगा देवी रायहाणी उत्तरपुरत्थिमेणं रययकूडे भोगमालिणी देवी रायहाणी उत्तरपुरत्थिमेणं, अवसिट्ठा कूडा उत्तरदाहिणेणं णेयव्वा एक्केणं पमाणेणं॥ १२॥ कहिं णं भन्ते! मालवंते हरिस्सहकूडे णामं कूडे पं०?, गो०! पुण्णभदस्स उत्तरेणं णी (प्र० ने) लवंतस्स दक्खिणेणं एत्थ णं हरिस्सहकूडे णामं कूडे पं० एगं जोअणसहस्सं

उद्धंउच्चत्तेणं जमगपमाणेणं णेयव्वं रायहाणी उत्तरेणं असंखेज्जे दीवे अण्णंमि जम्बुदीवे दीवे उत्तरेणं बारस जोअणसहस्साइं ओगाहिता
 एत्थ णं हरिस्सहस्स देवस्स हरिस्सहा णामं रायहाणी पं० चउरासीई जोयणसहस्साइं आयामविक्खंभेणं बे जोयणसयसहस्साइं
 पण्णाट्ठिं च सहस्साइं छच्च छत्तीसे जोयणस्सए परिवक्खेवेणं सेसं जहा चमरचञ्चाए रायहाणीए तहा पमाणं भाणियव्वं, महिब्दीए
 महज्जुईए०, से केणट्ठेणं भंते! एवं वुच्चइ मालवन्ते वक्खारपव्वए २?, गो०! मालवन्ते णं वक्खारपव्वए तत्थ २ देसे २ तहिं २ बहवे
 सरिआगुम्मा णोमालिआगुम्मा जाव मगदन्तिआगुम्मा ते णं गुम्मा दसद्धवण्णं कुसुमं कुसुमेति जे णं तं मालवन्तस्स वक्खारपव्वयस्स
 बहुसमरमणिज्जं भूमिभागं वायविधुअगसाला मुखपुप्फपुंजोवयारकलिअं करेन्ति, मालवन्ते य इत्थ देवे महिब्दीए जाव पलिओवमट्ठिइए
 परिवसइ, से तेणट्ठेणं गो०! एवं वुच्चइ० अदुत्तरं च णं जाव णिच्चे ॥ १३ ॥ कहिं णं भंते! जंबुदीवे महाविदेहे वासे कच्छे णाणं विजए
 पं०?, गो०! सीआए महाणईए उत्तरेणं णीलवंतस्स वासहरपव्वयस्स दक्खिणोणं चित्तकूडस्स वक्खारपव्वयस्स पच्चत्थिमेणं मालवंतस्स
 वक्खारपव्वयस्स पुरत्थिमेणं एत्थ णं जंबुदीवे महाविदेहे वासे कच्छे णामं विजए पं० उत्तरदाहिणायए पाईणपडीणविचिच्छण्णे
 पलिअंकसंठाणसंठिए गंगासिंधूहिं महाणईहिं वेयद्धेण य पव्वएणं छब्भागपविभत्ते सोलस जोयणसहस्साइं पंच य बाणउए जोयणसए
 दोणिण य एगूणवीसइभाए जोयणस्स आयामेणं दो जोयणसहस्साइं दोणिण य तेरसुत्तरे जोयणसए किंचिविसेसूणे विक्खंभेणं,
 कच्छस्स णं विजयस्स बहुमज्झदेसभाए एत्थ णं वेअद्धे णामं पव्वए पं०, जे णं कच्छं विजयं दुहा विभयमाणे २ चिट्ठइ, तं०-

दाहिणद्धकच्छं च उत्तरद्धकच्छं च, कहिं णं भंते! जंबुद्वीवे महाविदेहे वासे दाहिणद्धकच्छे णामं विजए पं०?, गो०! वेयद्धस्स पव्वयस्स दाहिणेणं सीआए महाणईए उत्तरेणं चित्तकूडस्स वक्खारपव्वयस्स पच्चत्थिमेणं मालवंतस्स वक्खारपव्वयस्स पुरत्थिमेणं एत्थ णं जंबुद्वीवे महाविदेहे वासे दाहिणद्धकच्छे णामं विजए पं० उत्तरदाहिणायए पाईणपडिणविच्छिण्णे अट्ठ जोयणसहस्साइं दोण्णि य एगसत्तरे जोयणसए एक्कं च एगूणवीसइभागं जोयणस्स आयामेणं दो जोयणसहस्साइं दोण्णि य तेरसुत्तरे जोयणसए किंचिविसेसूणे विक्खंभेणं पलिअंकसंठाणसंठाए, दाहिणद्धकच्छस्स णं भंते! विजयस्स केरिसए आयारभावपडोआरे पं०?, गो०! बहुसभरमणिज्जे भूमिभागे पं० जाव अकित्तिमेहिं चेव, दाहिणद्धकच्छे णं भंते! विजए मणुआणं केरिसए आयारभावपडोआरे पं०?, गो०! तेसिं णं मणुआणं छव्विहे संघयणे जाव सव्वदुक्खाणमंतं करेति, कहिं णं भंते! जंबुद्वीवे महाविदेहे वासे कच्छे विजए वेयद्धे णामं पव्वए पं०? गो०! दाहिणद्धकच्छविजयस्स उत्तरेणं उत्तरद्धकच्छस्स दाहिणेणं चित्तकूडस्स पच्चत्थिमेणं मालवंतस्स वक्खारपव्वयस्स पुरत्थिमेणं एत्थ णं कच्छे विजए वेअद्धे णामं पव्वए पं० पाईणपडीणायए उदीणदाहिणविच्छिण्णे दुहा वक्खारपव्वयं पुट्ठे पुरत्थिमिल्लाए कोडीए जाव दोहिवे पुट्ठे भरहवेअद्धसरिसए णवरं दो बाहाओ जीवा धणुपट्ठं च ण कायव्वं विजयविक्खंभसरिसे आयामेणं, विक्खंभो उच्चतं उव्वेहो तहच्चेव, विज्जाहरआभिओगसेढीओ तहेव, णवरं पणपण्णे २ विज्जाहरणगरावासा पं०, आभिओगसेढीए उत्तरिल्लाओ सेढीओ सीयाए ईसाणस्स सेसाओ सक्कस्स, कूडा सिद्धे कच्छे खंडग माणी वेअद्ध पुण्ण तिमिसगुहा।

कच्छे वेसमणे वा वेअब्दे होति कूडाइं ॥ ५५ ॥ कहिं णं भंते! जंबुद्वीवे महाविदेहे वासे उत्तरद्धकच्छे णामं विजए पं०?, गो०! वेयद्धस्स पव्वयस्स उत्तरेणं णीलवंतस्स वासहरपव्वयस्स दाहिणेणं मालवंतस्स वक्खारपव्वयस्स पुरत्थिमेणं चित्तकूडस्स वक्खारपव्वयस्स पच्चत्थिमेणं एत्थ णं जंबुद्वीवे जाव सिद्धंति, तहेव णेयव्वं, कहिं णं भंते! जंबुद्वीवे उत्तरद्धकच्छे विजए सिंधुकुडे णामं कुंडे पं०?, गो०! मालवंतस्स वक्खारपव्वयस्स पुरत्थिमेणं उसभकूडस्स पच्चत्थिमेणं णीलवंतस्स वासहरपव्वयस्स दाहिणिल्ले णितंबे एत्थ णं जंबुद्वीवे उत्तरद्धकच्छविजए सिंधुकुंडे णामं कुंडे पं० सद्धिं जोयणाणि आयामविक्खंभेणं जाव भवणं अट्ठो रायहाणी य णेयव्वा, भरहसिंधुकुंडसरिसं सव्वं णेयव्वं जाव तस्स णं सिंधुकुण्डस्स दाहिणिल्लेणं तोरणेणं सिंधुमहाणई पवूढा समाणी उत्तरद्धकच्छविजयं एज्जेमाणी २ सत्तहिं सलिलासहस्सेहिं आपूरेमाणी २ अहे तिमिसगुहाए वेअद्धपव्वयं दालयित्ता दाहिणकच्छविजयं एज्जेमाणी २ चोदसहिं सलिलासहस्सेहिं समग्गा दाहिणे सीयं महाणइं समप्पेइ, सिंधुमहाणई पवहे य मूले य भरहसिंधुसरिसा पमाणेणं जाव दोहिं वणसंडेहिं संपरिक्खित्ता, कहिं णं भंते! उत्तरद्धकच्छविजए उसभकूडे णामं पव्वए पं०?, गो०! सिंधुकुंडस्स पुरत्थिमेणं गंगाकुण्डस्स पच्चत्थिमेणं णीलवंतस्स वासहरपव्वयस्स दाहिणिल्ले णितंबे एत्थ णं उत्तरद्धकच्छविजए उसहकूडे णामं पव्वए पं० अट्ठ जोयणाइं उद्धउच्चत्तेणं तं चेव पमाणं जाव रायहाणी से णवरं उत्तरेणं भाणियव्वा, कहिं णं भंते! उत्तरद्धकच्छे विजए गंगाकुण्डे णामं कुण्डे पं०?, गो०! चित्तकूडस्स वक्खारपव्वयस्स पच्चत्थिमेणं उसहकूडस्स पव्वयस्स पुरत्थिमेणं णीलवंतस्स वासहरपव्वयस्स दाहिणिल्ले

णितंबे एत्थ णं उत्तरद्धकच्छे गंगाकुण्डे णामं कुण्डे पं० सट्ठिं जोयणाइं आयामविक्खंभेणं तहेव जहा सिंधू जाव वणसंडेण य
 संपरिक्खित्ते, से केणट्ठेणं भंते! एवं वुच्चइ कच्छे विजए २?, गो०! कच्छे विजए वेयद्धस्स पव्वयस्स दाहिणेणं सीयाए महाणईए
 उत्तरेणं गंगाए महाणईए पच्चत्थिमेणं सिंधूए महाणईए पुरत्थिमेणं दाहिणद्धकच्छविजयस्स बहुमज्झदेसभाए एत्थ णं खेमाणामं
 रायहाणी पं० विणीआरायहाणीसरिसा भाणियव्वा, तत्थ णं खेमाए रायहाणीए कच्छे णामं राया समुप्पज्जइ, महयाहिमवंत जाव सव्वं
 भरहोअवणं भाणियव्वं निक्खमणवज्जं सेसं सव्वं भाणियव्वं जाव भुंजए माणुस्सए सुहे, कच्छणामधेजे य कच्छे इत्थ देवे महद्धीए
 जाव पलिओवमट्ठिइए परिवसइ, से एएणट्ठेणं गो०! एवं वुच्चइ कच्छे विजए २, जाव णिच्चे॥ ९४॥ कहिं णं भन्ते! जम्बुदीवे दीवे
 महाविदेहे वासे चित्तकूडे णामं वक्खारपव्वए पं०?, गो०! सीयाए महाणईए उत्तरेणं नीलवन्तस्स वासहरपव्वयस्स दाहिणेणं
 कच्छविजयस्स पुरत्थिमेणं सुकच्छविजयस्स पच्चत्थिमेणं एत्थ णं जम्बुदीवे महाविदेहे वासे चित्तकूडे णामं वक्खारपव्वए पं०
 उत्तरदाहिणायाए पाईणपडीणविच्छिणे सोलसजोयणसहस्साइं पञ्च ५ बाणउए जोयणसए दुण्णि य एगूणवीसइभाए जोयणस्स
 आयामेणं पञ्च जोयणसयाइं विक्खंभेणं नीलवन्तवासहरपव्वयन्तेणं चत्तारि जोयणसयाइं उद्धंउच्चत्तेणं चत्तारि गाऊअसयाइं उव्वेहेणं
 तयणंतरं च णं मायाए २ उस्सेहोव्वेहपरिवुद्धीए परिवद्धमाणे २ सीआमहाणईअंतेणं पञ्च जोअणसयाइं उद्धंउच्चत्तेणं पञ्च गाऊअसयाइं
 उव्वेहेणं अस्सखन्धसंठाणसंठिए सव्वरयणामए अच्छे सण्हे जाव पडिरूवे उभओ पासिं दोहिं पउमवरवेइआहिं दोहि य वणसंडेहिं

संपरिक्खित्ते, वण्णओ दुण्हवि, चित्तकूडस्स वक्खारपव्वयस्स उप्पिं बहुसमरमणिज्जे भूमिभागे पं० जाव आसयन्ति० चित्तकूडे णं भन्ते! वक्खारपव्वए कति कूडा पं०?, गो०! चत्तारि कूडा पं० तं०-सिद्धाययणकूडे चित्तकूडे कच्छकूडे सुकच्छकूडे समा उत्तरदाहिणेणं परुप्परं, पढमं सीआए उत्तरेणं चउत्थए नीलवन्तस्स वासहरपव्वयस्स दाहिणेणं, अट्ठो चित्तकूडे णामं देवे महिद्धीए जाव रायहाणी से ॥ ९५ ॥ कहिं णं भन्ते! जम्बुदीवे महाविदेहे वासे सुकच्छे णामं विजए पं०?, गो०! सीआए महाणईए उत्तरेणं णीलवन्तस्स वासहरपव्वयस्स दाहिणेणं गाहावईए महाणईए पच्चत्थिमेणं चित्तकूडस्स वक्खारपव्वयस्स पुरत्थिमेणं एत्थ णं जम्बुदीवे महाविदेहे वासे सुकच्छे णामं विजए पं० उत्तरदाहिणायए जहेव कच्छे विजए तहेव सुकच्छे विजए, णवरं खेमपुरा रायहाणी सुकच्छे राया समुप्पज्जइ तहेव सव्वं, कहिं णं भन्ते! जंबुदीवे महाविदेहे वासे गाहावइकुंडे नामं कूडे पं०?, गो०! सुकच्छविजयस्स पुरत्थिमेणं महाकच्छस्स विजयस्स पच्चत्थिमेणं णीलवन्तस्स वासहरपव्वयस्स दाहिणिल्ले णितम्बे एत्थ णं जंबुदीवे महाविदेहे वासे गाहावइकुंडे णामं कुण्डे पं०, जहेव रोहिअंसाकुण्डे तहेव जाव गाहावइदीवे भवणे, तस्स णं गाहावइस्स कुण्डस्स दाहिणिल्लेणं तोरणेणं गाहावई महाणई पवूढा सभाणी सुकच्छमहाकच्छविजए दुहा विभयमाणी २ अट्ठावीसाए सलिलासहस्सेहिं समग्गा दाहिणेणं सीअं महाणइं समप्पेइ, गाहावई णं महाणई पवहे य मुहे य सव्वत्थ समा पणवीसं जोअणसयं विक्खम्भेणं अब्बाइज्जाइं जोयणाइं उव्वेहेणं उभओ पासिं दोहि य० वणसण्डेहिं जाव दुण्हवि वण्णओ, कहिं णं भन्ते! महाकच्छे णामं विजये पं०?, गो०! णीलवंतस्स वासहरपव्वयस्स दाहिणेणं

सीआए महाणईए उत्तरेणं पम्हकूडस्स वक्खारपव्वयस्स पच्चत्थिमेणं गाहावईए महाणईए पुरत्थिमेणं एत्थ णं महाविदेहे वासे महाकच्छे
 णामं विजए पं०, सेसं जहा कच्छविजयस्स जाव महाकच्छे इत्थ देवे महिद्धीए०, अट्ठो भाणियव्वो, कहिं णं भंते! महाविदेहे वासे
 पम्हकूडे णामं वक्खारपव्वए पं०?, गो०! णीलवंतस्स दक्खिणेणं सीआए महाणईए उत्तरेणं महाकच्छस्स पुरत्थिमेणं कच्छावड्ढविजयस्स
 पच्चच्छिमेणं एत्थ णं महाविदेहे वासे पम्हकूडे णामं वक्खारपव्वए पं० उत्तरदाहिणायए पाईणपडीणविच्छिण्णे सेसं जहा चित्तकूडस्स
 जाव आससयन्ति०, पम्हकूडे चत्तारि कूडा पं० तं० सिद्धाययणकूडे पम्हकूडे महाकच्छकूडे कच्छगावड्ढकूडे एवं जाव अट्ठो, पम्हकूडे
 इत्थ देवे महिद्धिए पलिओवमठिइए परिवसइ, से तेणट्ठेणं गो०! एवं वुच्चइ०, कहिं णं भंते! महाविदेहे वासे कच्छगावती णामं विजए
 पं०?, गो०! णीलवन्तस्स दाहिणेणं सीआए महाणईए उत्तरेणं दहावतीए महाणईए पच्चत्थिमेणं पम्हकूडस्स पुरत्थिमेणं एत्थ णं
 महाविदेहे वासे कच्छगावती णामं विजए पं०?, गो०! णीलवन्तस्स दाहिणेणं सीआए महाणईए उत्तरेणं दहावतीए महाणईए पच्चत्थिमेणं
 पम्हकूडस्स पुरत्थिमेणं एत्थ णं महाविदेहे वासे कच्छगावती णामं विजए पं० उत्तरदाहिणायए पाईणपडीणविच्छिण्णे सेसं जहा
 कच्छस्स विजयस्स जाव कच्छगावई य इत्थ देवे०, किहं णं भंते! महाविदेहे वासे दहावई कुण्डे णामं कुण्डे पं०? गो०! आवत्तस्स
 विजयस्स पच्चत्थिमेणं कच्छगावईए विजयस्स पुरत्थिमेणं णीलवन्तस्स दाहिणिंल्ले णितंबे एत्थ णं महाविदेहे वासे दहावईकुण्डे णामं
 कुण्डे पं० सेसं जहा गाहावईकुण्डस्स जाव अट्ठो, तस्स णं दहावईकुण्डस्स दाहिणेणं तोरणेणं दहावई महाणई पवूढा समाणी

कच्छावइआवत्ते विजए दुहा विभयमाणी २ दाहिणेणं सीअं महाणइं समप्पेइ सेसं जहा गाहावईए, कहिं णं भंते! महाविदेहे वासे आवत्ते णामं विजए पं०? गो०! णीलवन्तस्स वासहरपव्वयस्स दाहिणेणं सीआए महाणईए उत्तरेणं णलिणकूडस्स वक्खारपव्वयस्स पच्चत्थिमेणं दहावतीए महाणईए पुरत्थिमेणं एत्थ णं महाविदेहे वासे आवत्ते णामं विजए पं०, सेसं जहा कच्छविजयस्स, कहिणं भंते! महाविदेहे वासे णलिणकूडे णामं वक्खारपव्वए पं०,? गो०! णीलवन्तस्स दाहिणेणं सीआए उत्तरेणं मंगलावइस्स विजयस्स पच्चत्थिमेणं आवत्तविजयस्स पुरत्थिमेणं एत्थ णं महाविदेहे वासे णलिणकूडे णामं वक्खारपव्वए पं० उत्तरदाहिणायए णईणपडीणविच्छिण्णे सेसं जहा चित्तकूडस्स जाव आसयंति०, णलिणकूडे णं भंते! कति कूडा पं०?, गो०! चत्तारि कूडा पं० तं०-सिद्धाययणकूडे णलिण० आवत्त० मंगलावतिकूडे, एए कूडा पञ्चसइआ रायहाणीओ उत्तरेणं, कहिं णं भंते! महाविदेहेवासे मंगलावती(ते)णामं विजए पं०,? गो०! णीलवन्तस्स दक्खिणेणं सीआए उत्तरेणं णलिणकूडस्स पुरत्थिमेणं पंकावईए पच्चत्थिमेणं एत्थ णं मंगलावइ(प्र० ते) णामं विजए पं० जहा कच्छविजए तहा एसो भाणियव्वो जाव मंगलावई (प्र० ते)य इत्थ देवे परिवसइ, से एएणट्ठेणं०, कहिं णं भंते! महाविदेहे वासे पंकावई कुंडे णामं कुंडे पं०?, गो०! मंगलावइस्स विजयस्स पुरत्थिमेणं पुक्खलावतिविजयस्स पच्चत्थिमेणं णीलवन्तस्स दाहिणे णितंवे एत्थ णं पंकावई तं चेव गाहावइकुण्डमाणं जाव मंगलावइपुक्खलावत्तविजये दुहा विभयमाणी २ अवसेसं तं चेव जं चेव गाहावईए, कहिं णं भंते! महाविदेहे वासे पुक्खले णामं

પમાણં સુસીમા રાયહાણી તિઉડે વક્ષારપવ્વણ, સુવચ્છે વિજણ કુણ્ડલા રાયહાણી તત્તજલા ણઈ, મહાવચ્છે વિજણ અપરાજિયા રાયહાણી વેસમણકૂડે વક્ષારપવ્વણ, વચ્છાવઈ વિજણ પમંકરા રાયહાણી મત્તજલા ણઈ, રમ્મે વિજણ અંકાવઈ રાયહાણી અંજણે વક્ષારપવ્વણ, રમ્મગે વિજણ પમ્હાવઈ રાયહાણી ઉમ્મત્તજલા મ ણઈ, રમણિજ્ઞે વિજણ સુમા રાયહાણી માયંજણે વક્ષારપવ્વણ, મંગલાવઈ વિજણ રયણસંચયા રાયહાણીતિ, એવં જહ ચેવ સાયાણ મહાણઈણ ઉત્તરં પાસં તહ ચેવ દક્ષિણિણ્ણં ભાણિયવ્વં દાહિણિણ્ણસીઆમુહવણાઇ, ઇમે વક્ષારકૂડા તં-તિઉડે વેસમણકૂડે અંજણે માતંજણે, વિજયા વચ્છે સુવચ્છે મહાવચ્છે ચઉત્થે વચ્છગાવઈ। રમ્મે ય રમ્મણ ચેવ, રમણિજ્ઞે મંગલાવઈ ॥ ૫૭ ॥ રાયહાણીઓ સુસીમા કુણ્ડલા ચેવ, અવરાઇય પમંકરા। અંકાવઈ પમ્હાવઈ, સુમા રયણસંચયા ॥ ૫૮ ॥ વચ્છસ્સ વિજયસ્સ ણિસહે દાહિણેણં સીયા ઉત્તરેણં દાહિણિણ્ણસીદામુહવણે પુરત્થિમેણં તિઉડે પચ્ચત્થિમેણં સુસીમા રાયહાણી પમાણં તં ચેવ, વચ્છાણંતરં તિઉડે તઓ સુવચ્છે વિજણ એણં કમેણં તત્તજલા ણઈ મહાવચ્છે વિજણ વેસમણકૂડે વક્ષારપવ્વણ વચ્છાવઈ વિજણ મત્તજલા ણઈ રમ્મે વિજણ અંજણે વક્ષારપવ્વણ રમ્મણ વિજણ ઉમ્મત્તજલા ણઈ રમણિજ્ઞે વિજણ માયંજણે વક્ષારપવ્વણ મંગલાવઈ વિજણ ॥ ૧૭ ॥ કહિં ણં મંતે! જંબુદ્વીવે મહાવિદેહે વાસે સોમણસે ણામં વક્ષારપવ્વણ પં?, ગો! ણિસહસ્સ વાસહરપવ્વયસ્સ ઉત્તરેણં મંદરસ્સ પવ્વયસ્સ દાહિણપુરત્થિમેણં મંગલાવઈ વિજયસ્સ પચ્ચત્થિમેણં દેવકુરાણ પુરત્થિમેણં એત્થ ણં જંબુદ્વીવે મહાવિદેહે વાસે સોમણસે ણામં વક્ષારપવ્વણ પં ઉત્તરદાહિણાયણ પાઈણપડીણવિચ્છિણ્ણે જહા માલવંતે વક્ષારપવ્વણ તહા ણવરં સવ્વરયયામણ

॥ શ્રી જંબુદ્વીપ પ્રજ્ઞપ્તિ સુત્ર ॥

૧૩૧

પૂ. સાગરજી મ. સંશોધિત

अच्छे जाव पडिरूवे णिसहवासहरपव्वयंतेणं चत्तारि जोयणसहस्साइं उद्धंउच्चत्तेणं चत्तारि गाऊयसयाइं उव्वहेणं सेसं तहेव सव्वं
 णवरं अट्ठो से, गो०! सोमणसे णं वक्खारपव्वए बहवे देवा य देवीओ य सोमा सुमणा सुमणसिया, सोमणसे य इत्थ देवे महिद्धीए
 जाव परिवसइ, से एएणट्ठेणं गो०! जाव णिच्चे, सोमणसे वक्खारपव्वए कई कूडा पं०?, गो०! सत्त कूडा पं० तं० -सिद्धे सोमणसेऽविअ
 बोद्धव्वे मंगलावईकूडे। देवकुरु विमल कंचण वसिट्ठकूडे य बोद्धव्वे ॥ ५९ ॥ एवं सव्वे पञ्चसइआ कूडा, एएसिं पुच्छाए दिसिविदिसाए
 भाणियव्वं जहा गंधमायणस्स, विमलकञ्चणकूडेसु णवरि देवयाओ सुवच्छा वच्छमित्ता य अवसिट्ठेसु कूडेसु सरिसणामया देवा,
 रायहाणीओ दक्खिणेणं, कहिं णं भंते! महाविदेहे वासे देवकुराणामं कुरा पं०?, गो०! मंदरस्स पव्वयस्स दाहिणेणं णिसहस्स उत्तरेणं
 विज्जुप्पहस्स वक्खारपव्वयस्स पुरत्थिमेणं सोमणसवक्खारपव्वयस्स पच्चत्थिमेणं एत्थ णं महाविदेहे वासे देवकुराणामं कुरा पं०
 पाईणपडीणायया उदीणदाहिणविच्छिण्णा इक्कारस जोयणसहस्साइं अट्ठ य बायाले जोयणसए दुण्णि य एगूणवीसइभाए जोयणस्स
 विक्खंभेणं जहा उत्तरकुराए वत्तव्वया जाव अणुसज्जमाणा भियगंधा पम्हगंधा अममा सहा तेतली सणिंचारी ॥ ९८ ॥ कहिं णं भंते!
 देवकुराए चित्तविचित्तकूडा णामं दुवे पव्वया पं०?, गो०! णिसहस्स वासहरपव्वयस्स उत्तरिल्लाओ चरिमंताओ अट्ठोचोत्तीसे जोयणसए
 चत्तारि य सत्तभाए जोयणस्स अबाहाए सीओआए महाणईए पुरत्थिमपच्चत्थिमेणं उभओकूले एत्थ णं चित्तविचित्तकूडा णामं दुवे
 पव्वया पं० एवं जच्चेव जमगपव्वयाणं सच्चेव, एएसिं रायहाणीओ दक्खिणेणं ॥ ९९ ॥ कहिं णं भंते! देवकुराए णिसहस्स णामं दहे

पं०?, गो०! तेसिं चित्तविचित्तकूडाणं पव्वयाणं उत्तरिल्लाओ चरिमंताओ अट्टचोतीसे जोयणसए चत्तारि य सत्तभाए जोयणस्स अबाहाए सीओआए महाणईए बहुमज्झदेसभाए एत्थ णं णिसहदहे णामं दहे पं०, एवं जच्चेव नीलवंतउत्तरकुरुचन्देरावयमालवंताणं वत्तव्वया। सच्चेव णिसहदेवकुरुसूरसुलसविज्जुप्पभाणं णेअव्वा, रायहाणीओ दक्खिण्णेणं ॥ १०० ॥ कहिं णं भंते! देवकुराए २ कूडसामलिपेढे णामं पेढे पं०?, गो०! मन्दरस्स पव्वयस्स दाहिणपच्चत्थिमेणं णिसहस्स वासहरपव्वयस्स उत्तरेणं विज्जुप्पभस्स वक्खारपव्वयस्स पुरत्थिमेणं सीओआए महाणईए पच्चत्थिमेणं देवकुरुपच्चत्थिमद्धस्स बहुमज्झदेसभाए एत्थ णं देवकुराए कूडसामली पेढे णामं पेढे पं०, एवं जच्चेव जंबूए सुदंसणाए वत्तव्वया सच्चेव सामलीएवि भाणिअव्वा णामविहूणा गरुलवेणुदेवे रायहाणी दक्खिण्णेणं अवसिट्ठं तं चेव जाव देवकुरु य इत्थ देवे पलिओवमट्ठिइए परिवसइ, से तेणट्ठेणं गो०! एवं वुच्चइ देवकुरा २, अदुत्तरं च णं देव कुराए० ॥१०१॥ कहिं णं भंते! जंबुदीवे महाविदेहे वासे विज्जुप्पभे णामं वक्खारपव्वए पं०?, गो०! णिसहस्स वासहरपव्वयस्स उत्तरेणं मन्दरस्स दाहिणपच्चत्थिमेणं देवकुराए पच्चत्थिमेणं पम्हस्स पुरत्थिमेणं एत्थ णं जंबुदीवे महाविदेहे वासे विज्जुप्पभे वक्खारपव्वए पं० उत्तरदाहिणायए एवं जहा मालवन्ते णवरि सव्वतवणिज्जमए अच्छे जाव देवा आसयन्ति०, विज्जुप्पभे णं भंते! वक्खारपव्वए कइ कूडा पं०?, गो! नव कूडा पं० तं०-सिद्धाययणकूडे विज्जुप्पभ० देवकुरु० पम्ह० कणाग० सोवत्थिअ० सीओआ० सयञ्जल० हरिकूडे, सिद्धे य विज्जुणामे देवकुरु पम्ह कणाग सोवत्थी। सीओआ य सयञ्जल हरिकूडे चेव बोद्धव्वे ॥ ६० ॥ एए हरिकूडवज्जा

पंचसइआ णेअव्वा, एएसिं कूडाणं पुच्छाए दिसिविदिसाओ णेअव्वाओ, जहा मालवन्तस्स हरिस्सकूडे तह चेव हरिकूडे, रायहाणी जह चेव दाहिणेणं चमरचंचा रायहाणी तह णेअव्वा, कणगसोवत्थिअकूडेसु वारिसेणबलाहयाओ दो देवयाओ अवसिट्ठेसु कूडेसु कूडसरिसणामया देवा, रायहाणीओ दाहिणेणं, से केणट्ठेणं भंते! एवं वुच्चइ विज्जुप्पभे वक्खारपव्वए २?, गो०! विज्जुप्पभे णं वक्खारपव्वए विज्जुमिव सव्वओ समन्ता ओभासेइ उज्जोवेइ पभासइ विज्जुप्पभे य इत्थ देवे पलिओवमट्ठिइए जाव परिवसइ, से एएणट्ठेणं गो०! एवं वुच्चइ विज्जुप्पभे २, अदुत्तरं च णं जाव णिच्चे ॥ १०२॥ एवं पम्हे विजए अस्सपुरा रायहाणी अंकावई वक्खारपव्वए, सुपम्हे विजए सीहपुरा रायहाणी खीरोदा महाणई, महापम्हे विजए महापुरा रायहाणी पम्हावई वक्खारपव्वए, पम्हगावई विजए विजयपुरा रायहाणी सीअसोआ महाणई, संखे विजए अवराइआ रायहाणी आसीविसे वक्खारपव्वए, कुमुदे विजए अरजा रायहाणी अंतोवाहिणी महाणई, णालिणे विजए असोगा रायहाणी सुहावए वक्खारपव्वए, णालिणावई विजए वीयसोगा रायहाणी दाहिणिल्ले सीओआमुहवणसंडे, उत्तरिल्लेवि एमेव भाणिअव्वे जहा सीआए, वप्पे विजए विजया रायहाणी चन्दे वक्खारपव्वए, सुवप्पे विजए जयन्ती रायहाणी उम्भिमालिणी णई, महावप्पे विजए जयन्ती रायहाणी सूरे वक्खारपव्वए, वप्पावई विजए अपराइआ रायहाणी फेणमालिणी णई, वग्गू विजए चक्कपुरा रायहाणी णागे वक्खारपव्वए, सुवग्गू विजए खग्गपुरा रायहाणी गंभीरमालिणी अंतरणई, गंधिले विजए अवज्झा रायहाणी देवे वक्खारपव्वए, गंधिलावई विजए अओज्झा रायहाणी, एवं मन्दरस्स पव्वयस्स पच्चत्थिमिल्लं

पासं भाणिअव्वं तत्थ ताव सीओआए महाणईए दक्खिणिल्ले कूले इमे विजया, तं०- पम्हे सुपम्हे महापम्हे, चउत्थे पम्हगावई। संखे कुमुए णलिणे, अट्टमे णलिणावई ॥ ६१ ॥ इमाओ रायहाणीओ, तं-आसपुरा सीहपुरा महापुरा चेव हवइ विजयपुरा। अवराइआ य अवरा असोय तह वीअसोगा य ॥ ६२ ॥ इमे वक्खारा, तं०-अंके पम्हे आसीविसे सुहावहे, एवं इत्थ परिवाडीए दो दो विजया कूडसरिसणामया भाणियव्वा दिसा विदिसाओ य भाणियव्वाओ सीओया मुहवणं च भाणियव्वं, सीओयाए दाहिणिल्लं उत्तरिल्लं च, सीओयाए उत्तरिल्ले पासे इमे विजया, तं०-वप्पे सुवप्पे महावप्पे, चउत्थे वप्पयावई । वग्गू य सुवग्गू य, गंधिले गंधिलावई ॥ ६३ ॥ रायहाणीओ इमाओ तं०-विजया वेजयंती य, जयंती अपराजिया। चक्कपुरा खग्गपुरा हवइ अउज्झा य ॥ ६४ ॥ इमे वक्खारा तं० चंद० सूर० नाग० देवपव्वए, इमाओ णईओ सीओयाए महाणईए दाहिणिल्ले कूले खीरोया सीहसोया अंतरवाहिणीओ णईओ, उम्भिमालिणी फेणमालिणी गंभीरमालिणी उत्तरिल्लविजयाणंतराउत्ति, इत्थ परिवाडीए दो दो कूडा विजयसरिसणामया भाणिअव्वा, इमे दो दो कूडा अवट्ठिआ तं०-सिद्धाययणकूडे पव्वयसरिसणामकूडे ॥ १०३ ॥ कहिं णं भंते ! जंबुद्वीवे महाविदेहे वासे मंदरे णामं पव्वए पं०?, गो०! उत्तरकुराए दक्खिणेणं देवकुराए उत्तरेणं पुव्वविदेहस्स पच्चत्थिमेणं अवरविदेहस्स वासस्स पुरत्थिमेणं जंबुद्वीवस्स बहुमज्झदेसभाए एत्थ णं जंबुद्वीवे मंदरे णामं पव्वए पं० णवणउत्तिजोअणसहस्साइं उद्धंउच्चत्तेणं एगं जोअणसहस्सं उव्वेहेणं मूले दसजोयणसहस्साइं णवइं च जोयणाइं दस य एगारसभाए जोयणस्स विक्खंभेणं धरणिण्यले दस जोयणसहस्साइं विक्खंभेणं तयणंतरं च णं मायाए २

॥ श्री जंबुद्वीप प्रज्ञप्ति सूत्रं ॥

१३५

पू. सागरजी म. संशोधित

परिहायमाणे २ उवरितले एगं जोयणसहस्सं विक्खम्भेणं मूले एक्कत्तीसं जोयणसहस्साइं णव य दसुत्तरे जोयणसए तिणिण य एगारसभाए जोयणस्स परिक्खेवेणं धरणियले एक्कत्तीसं जोयणसहस्साइं छच्च तेवीसं जोयणसए परिक्खेवेणं उवरितले तिणिण जोयणसहस्साइं एगं च बावट्ठं जोयणसयं किंचिविसेसाहियं परिक्खेवेणं मूले विच्छिण्णे मज्झे संखित्ते उवरिं तणुए गोपुच्छसंठाणसंठिए सव्वरयणामए अच्छे सण्हे०, से णं एगाए पउमवर वेइयाए एगेण य वणसंडेणं सव्वओ समंता संपरिक्खित्ते वण्णओ, मंदरे णं भंते ! पव्वए कइ वणा पं०?, गो० चत्तारि वणा पं० तं०-भदसाल० णंदण० सोमणस० पंडगवणे, कहिं णं भंते ! मंदरे पव्वए भदसालवणे णामं वणे पं०?, गो०! धरणियले एत्थ णं मंदरे पव्वए भदसालवणे णामं वणे पं० पाईणपडीणायए उदीणदाहिणविच्छिण्णे सोमणसविज्जुप्पहगंध-मायणमालवंतेहिं वक्खारपव्वएहिं सीआसीओयाहि य महाणईहिं अट्ठभागपविभत्ते मंदरस्स पुरत्थिमपच्चत्थिमेणं बावीसं जोयणसहस्साइं आयामेणं उत्तरेणं दाहिणेणं च अब्बाइज्जाइं जोअणसयाइं विक्खम्भेणं, से णं एगाए पउमरवेइयाए एगेण य वणसंडेणं सव्वओ समन्ता संपरिक्खित्ते दुण्हवि वण्णओ भाणिअव्वो किण्हे किण्होभासे जाव देवा आसयन्ति०, मन्दरस्स णं पव्वयस्स पुरत्थिमेणं भदसालवणं पण्णासं जोअणाइं ओगाहित्ता एत्थ णं महं एगे सिद्धाययणे पं० पण्णासं जोयणाइं आयामेणं पणवीसं जोअणाइं विक्खम्भेणं छत्तीसं जोअणाइं उद्धंउच्चत्तेणं अणेगखम्भसयसणिणविट्ठे वण्णओ, तस्स णं सिद्धाययणस्स तिदिसिं तओ दारा पं०, ते णं दारा अट्ठ जोयणाइं उद्धंउच्चत्तेणं चत्तारि जोयणाइं विक्खम्भेणं तावइयं चेव पवेसेणं सेआ वरकणगथूभिआगा जाव वणमालाओ

भूमिभागो य भाणियव्वा, तस्स णं बहुमज्झदेसभाए एत्थ णं महं एगा मणिपेढिया पं० अट्टजोयणाइं आयामविक्खंभेणं चत्तारि जोयणाइं बाहल्लेणं सव्वरयणामई अच्छा०, तीसे णं मणिपेढिआए उवरि देवच्छन्दए अट्टजोयणाइं आयामविक्खंभेणं साइरेगाइं अट्टजोयणाइं उद्धंउच्चत्तेणं जाव जिणपडिमा वण्णओ देवच्छन्दगास्स जाव धूवकडुच्छुआणं, मंदरस्स णं पव्वयस्स दाहिणेणं भदसालवणं पण्णासं एवं चउदिसिंपि मंदरस्स भदसालवणे चत्तारि सिद्धाययणा भाणियव्वा, मंदरस्स णं पव्वयस्स उत्तरपुरत्थिमेणं भदसालवणं पण्णासं जोयणाइं ओगाहित्ता एत्थ णं चत्तारि णंदापुक्खरिणीओ पं० तं०-पउमा पउमप्पभा चेव, कुमुदा कुमुदप्पभा, ताओ णं पुक्खरिणीओ पण्णासं जोयणाइं आयामेणं पणवीसं जोयणाइं विक्खंभेणं दसजोअणाइं उव्वेहेणं वण्णओ वेइआवणसंडाणं भाणिअव्वो, चउदिसिं तोरणा जाव तासिं णं पुक्खरिणीणं बहुमज्झदेसभाए एत्थ णं महं एगे ईसाणस्स देविंदस्स देवरण्णो पासायवडिंसए पं० पञ्चजोयणसयाइं उद्धंउच्चत्तेणं अद्धाइज्जाइं जोअणसयाइं आयामविक्खंभेणं अब्भुग्गयमूसिय एवं सपरिवारो पासायवडिंसओ भाणियव्वो, मंदरस्स दाहिणपुरत्थिमेणं पुक्खरिणीओ उप्पलगुम्मा णालिणा उप्पला उप्पलुज्जला तं चेव पमाणं मज्झे पासायवडिंसओ सक्कस्स सपरिवारो तेणं चेव पमाणेणं, दाहिणपच्चत्थिमेणवि पुक्खरिणीओ 'भिंगा भिंगनिभा चेव, अंजणा अंजणा(प्र०कज्जल) प्पभा, पासायवडिंसओ सक्कस्स सीहासणं सपरिवारं, उत्तरपुरत्थिमेणं पुक्खरिणीओ 'सिरिकंता सिरिचंदा, सिरिमहिआ चेव सिरिणिलया, पासायवडिंसओ ईसाणस्स सीहासणं सपरिवारं, मंदरे णं भंते ! पव्वए भदसालवणे कइ दिसाहत्थिकूडा पं०? गो०! अट्ट दिसाहत्थिकूडा

॥ श्री जंबूद्वीप प्रज्ञप्ति सूत्रं ॥

१३७

पू. सागरजी म. संशोधित

पं० तं० पउमुत्तरे णीलवंते, सुहत्थी अंजणागिरी। कुमुदे य पलासे य, वडिंसे रोअणागिरी ॥ ६५ ॥ कहिं णं भंते! मंदरे पव्वए भइसालवणे पुउमुत्तरे णामं दिसाहत्थिकूडे पं०?, गो०! मंदरस्स पव्वयस्स उत्तरपुरच्छिमेणं पुरत्थिमिल्लाए सीआए उत्तरेणं एत्थ णं पउमुत्तरे णामं दिसाहत्थिकूडे पं० पञ्चजोयणासयाइं उद्धंउच्चत्तेणं पञ्चगाउअसयाइं उव्वेहेणं एवं विक्खम्भपरिक्खेवो भाणीयव्वो चुल्लहिमवन्तसरिसो, पासायाण य तं चेव पउमुत्तरो देवो रायहाणी उत्तरपुरत्थिमेणं, एवं णीलवंतदिसाहत्थिकूडे मंदरस्स दाहिणपुरत्थिमेणं पुरत्थिमिल्लाए सीआए दक्खिणेणं एयस्सवि नीलवंतो देवो रायहाणी दाहिणपुरत्थिमेणं, एवं सुहत्थिदिसाहत्थिकूडे मंदरस्स दाहिणपुरच्छिमेणं दक्खिणिल्लाए सीओआए पुरत्थिमेणं एयस्सवि सुहत्थी देवो रायहाणी दाहिणपुरत्थिमेणं, एवं चेव अंजणागिरिदिसाहत्थिकूडे मंदरस्स दाहिणपच्चत्थिमेणं दक्खिणिल्लाए सीओआए पच्चत्थिमेणं एअस्सवि अंजणागिरी देवो रायहाणी दाहिणपच्चत्थिमेणं, एवं कुमदेवि दिसाहत्थिकूडे मंदरस्स दाहिणपच्चत्थिमेणं पच्चत्थिमिल्लाए सीओआए दक्खिणेणं एअस्सवि कुमुदो देवो रायहाणी दाहिणपच्चत्थिमेणं, एवं पलासेवि कूडे मंदरस्स उत्तरपच्चत्थिमेणं पच्चत्थिमिल्लाए सीओआए उत्तरेणं एअस्सवि पलासो देवो रायहाणी पच्चत्थिमेणं, एवं वडेंसेवि दिसाहत्थिकूडे मंदरस्स उत्तरपच्चत्थिमेणं सीआए महाणईए पच्चत्थिमेणं एअस्सवि वडेंसा देवो रायहाणी उत्तरपच्चत्थिमेणं, एवं रोअणागिरी दिसाहत्थि० मंदरस्स उत्तरपुरत्थिमेणं उत्तरिल्लाए सीआए पुरत्थिमेणं एयस्सवि रोअणागिरी देवो रायहाणी उत्तरपुरत्थिमेणं । १०४। कहिं णं भंते ! मन्दरे पव्वए णंदणवणे णामं वणे पं०?, गो०! भइसालवणस्स

बहुसमरमणिज्जाओ भूमिभागाओ पंचजोअणसयाइं उद्धं उप्पइत्ता एत्थ णं मन्दरे पव्वए णन्दणवणे णामं वणे पंचजोअणसयाइं चक्रवालविक्रब्भेणं वट्टे वलयाकारसंठाणसंठिए जे णं मन्दरं पव्वयं सव्वओ समन्ता संपरिक्खवित्ताणं चिट्ठइ णव जोअणसहस्साइं णव य चउप्पण्णे जोअणसए छच्चेगारसभाए जोअणस्स बाहिं गिरिविक्रब्भो एगत्तीसं जोअणसहस्साइं चत्तारि य अउणासीए जोअणसए किंचिविसेसाहिए बाहिं गिरिपरिएणं अट्ठजोअणसहस्साइं णव य चउप्पण्णे जोअणसए छच्चेगारसभाए जोअणस्स अंतो गिरिविक्रब्भो अट्ठावीसं जोअणसहस्साइं तिण्णि य सोलसुत्तरे जोअणसए अट्ठ य इक्कारसभाए जोअणस्स अंतो गिरिपरिएणं, से णं एगाए पउमवरवेइआए एगेण य वणसंडेणं सव्वओ समन्ता संपरिक्खित्ते वण्णओ जाव देवा आसयन्ति०, मंदरस्स णं पव्वयस्स पुरत्थिमेणं एत्थ णं महं एगे सिद्धाययणे पं०, एवं चउद्दिसिं चत्तारि सिद्धाययणा, विदिसासु पुक्खरिणीओ, तं चेव पमाणं सिद्धाययणाणं पुक्खरिणीणं च, पासायवडिंसगा तह चेव सक्केसासाणं तेणं चेव पमाणेणं, णंदणवणे णं भंते ! कइ कूडा पं०?, गो०! णव कूडा पं० तं०-णन्दणवणकूडे मन्दर० णिसह० हिमवय० रयय० रुअग० सागरचित्त० वडर० बलकूडे, कहिं णं भंते ! णन्दणवणे णंदणकूडे णामं कूडे पं०?, गो०! मन्दरस्स पव्वयस्स पुरत्थिमिल्लस्स सिद्धाययणस्स उत्तरेणं उत्तरपुरत्थिमिल्लस्स पासायवडेंसयस्स दक्खिणेणं एत्थ णं णन्दणवणे णंदणकूडे णामं कूडे पं० पञ्चसइआ कूडा पुव्ववणिगया भाणियव्वा, देवी मेहंकरा रायहाणी विदिसाए, एआहिं चेव पुव्वाभिलावेणं णेयव्वा, इमे कूडा इमाहिं दिसाहिं पुरत्थिमिल्लस्स भवणस्स दाहिणेणं दाहिणपुरत्थिमिल्लस्स पासायवडेंसगस्स

उत्तरेणं मन्दरे कूडे मेहावई रायहाणी पुव्वेणं, दक्खिणिअस्स भवणस्स पुरत्थिमेणं दाहिणपुरत्थिमिल्लस्स पासायवडेंसगस्स पच्चत्थिमेणं
 णिसहे कूडे सुमेहा देवी रायहाणी दक्खिणेणं दक्खिणिअस्स भवणस्स पच्चत्थिमेणं दक्खिणपच्चत्थिमिल्लस्स पासायवेडेंसगस्स
 पुरत्थिमेणं हेमवए कूडे हेम(प्र० मेह)मालिणी देवी रायहाणी दक्खिणेणं, पच्चत्थिमिल्लस्स भवणस्स दक्खिणेणं दाहिणपच्चत्थिमिल्लस्स
 पासायवडेंसगस्स उत्तरेणं रयए कूडे सुवच्छा देवी रायहाणी पच्चत्थिमेणं, पच्चत्थिमिल्लस्स भवणस्स उत्तरेणं उत्तरपच्चत्थिमिल्लस्स
 पासायवडेंसगस्स दक्खिणेणं रुअगे कूडे वच्छमित्ता देवी रायहाणी पच्चत्थिमेणं, उत्तरिल्लस्स भवणस्स पच्चत्थिमेणं उत्तरपच्चत्थिमिल्लस्स
 पासायवडेंसगस्स पुरत्थिमेणं सागरचित्ते कूडे वड्डसेणा देवी रायहाणी उत्तरेणं, उत्तरिल्लस्स भवणस्स पुरत्थिमेणं उत्तरपुरत्थिमिल्लस्स
 पासायवडेंसगस्स पच्चत्थिमेणं वड्डकूडे बलाहया देवी रायहाणी उत्तरेणं, कहिं णं भंते! णन्दणवणे बलकूडे णामं कूडे पं०?, गो०!
 मन्दरस्स पव्वयस्स उत्तरपुरत्थिमेणं एत्थ णं णन्दणवणे बलकूडे णामं कूडे पं०, एवं जं चेव हरिस्सहकूडस्स पमाणं रायहाणी य तं
 चेव बलकूडस्सवि, णवरं बलो देवो रायहाणी उत्तरपुरत्थिमेणं १०५। कहिं णं भंते! मन्दरए पव्वए सोमणसवणे णामं वणे पं०?, गो!
 णन्दणवणस्स बहुसभरमणिज्जाओ भूमिभागाओ अद्धतेवट्ठिं जोअणसहस्साइं उद्धं उप्पइत्ता एत्थ णं मन्दरे पव्वए सोमणसवणे णामं
 वणे पं० पंचजोयणसयाइं चक्कवालविक्खम्भेणं वट्ठे वलयाकारसंठाणसंठिए जे णं मन्दरं पव्वयं सव्वओ समन्ता संपरिविक्खताणं
 चिद्धइ, चत्तारि जोयणसहस्साइं दुण्णि य बावत्तरे जोयणसए अट्ठ य इक्कारसभाए जोयणस्स बाहिं गिरिविक्खम्भेणं तेरस जोयणसहस्साइं

पंच य एक्कारे जोयणसए छच्च इक्कारसभाए जोअणस्स बाहिं गिरिपरिएणं तिण्णि जोअणसहस्साइं दुण्णि य बावत्तरे जोअणसए अट्ठ
य इक्कारसभाए जोयणस्स अंतो गिरिविक्खम्भेणं दस जोअणसहस्साइं तिण्णि य अउणापण्णे जोअणसए तिण्णि य इक्कारसभाए
जोअणस्स अंतो गिरिपरिएणं, से णं एगाए पउमवरवेइआए एगेण य वणसंडेणं सव्वओ समन्ता संपरिक्खित्ते वण्णओ किण्हे
किण्होभासे जाव आसयन्ति०, एवं कूडवज्जा सच्चेव णन्दणवणवत्तव्वया भाणियव्वा, तं चेव ओगाहिऊण जाव पासायवडेंसगा
सक्कीसाणाणं । १०६ । कहिं णं भंते! मन्दरपव्वए पंडगवणे णामं वणे पं० ?, गो०! सोमणसवणस्स बहुसमरमणिजाओ भूमिभागाओ
छत्तीसं जोअणसहस्साइं उद्धं उप्पइत्ता एत्थ णं मन्दरे पव्वए सिहरतले पंडगवणे णामं वणे पं० चत्तारि चउणउए जोयणसए
चक्कवालविक्खम्भेणं वट्ठे वलयाकारसंठाणसंठिए, जे णं मंदरचूलिअं सव्वओ समन्ता संपरिक्खित्ताणं चिट्ठइ तिण्णि जोयणसहस्साइं
एगं च बावट्ठं जोयणसयं किंचिविसेसाहिअं परिक्खेवेणं, से णं एगाए पउमवरवेइआए एगेण य वणसंडेणं जाव किण्हे० देवा
आसयन्ति०, पंडगवणस्स बहुमज्झदेसभाए एत्थ णं मंदरचूलिआ णामं चूलिआ पं० चत्तालीसं जोयणाइं उद्धंउच्चत्तेणं मूले बारस
जोयणाइं विक्खम्भेणं मज्झे अट्ठ जोयणाइं विक्खम्भेणं उप्पिं चत्तारि जोयणाइं विक्खम्भेणं मूले साइरेगाइं सत्तत्तीसं जोयणाइं
परिक्खेवेणं मज्झे साइरेगाइं पणवीसं जोयणाइं परिक्खेवेणं उप्पिं साइरेगाइं बारस जोयणाइं परिक्खेवेणं मूले विच्छिण्णा मज्झे
संखित्ता उप्पिं तणुआ गोपुच्छसंठाणसंठिआ सव्ववेरुलिआमई अच्छा०, सा णं एगाए पउमवरवेइआए जाव संपरिक्खित्ता, उप्पिं

बहुसमरमणिजे भूमिभागे जाव सिद्धाययणं कोसं आयामेणं अद्धकोसं विक्खब्भेणं देसूणगं कोसं उद्धंउच्चत्तेणं अणेगखंभसय जाव
 धूवकडुच्छुगा, मन्दरचूलिआए णं पुरत्थिमेणं पंडगवणं पण्णासं जोयणाइं ओगाहित्ता एत्थ णं महं एगे भवणे पं०, एवं जच्चेव
 सोमणसे पुव्वणिणओ गमो भवणाणं पुक्खरिणीणं पासायवडेंसगाण य सो चेव णेअव्वो जाव सक्कीसाणवडेंसगा तेणं चेव परिमाणेणं
 ॥१०७॥ पण्डगवणे णं भंते ! वणे कइ अभिसेअसिलाओ पं०?, गो०! चत्तारि अभिसेअसिलाओ पं० तं०-पंडुसिला पण्डुकंबलसिला
 रत्तसिला रत्तकम्बलसिला, कहिं णं भंते ! पण्डगवणे पण्डुसिला णामं सिला पं०?, गो०! मन्दरचूलिआए पुरत्थिमेणं पंडगवणपुरत्थिमपेरंते
 एत्थ णं पंडगवणे पंडुसिला णामं सिला पं० उत्तरदाहिणायया पाईणपडीणविच्छिण्णा अद्धचन्दसंठाणसंठिआ पंचजोयणसयाइं
 आयामेणं अद्धाइज्जाइं जोयणसयाइं विक्खब्भेणं चत्तारि जोयणाइं बाहल्लेणं सव्वकणगामई अच्चा० वेइआवणसंडेणं सव्वओ समंता
 संपरिक्खित्ता वण्णओ, तीसे णं पण्डुसिलाए चउदिसिं चत्तारि तिसो वाणं पडिरूवगा पं० जाव तोरणा वण्णओ तिसे णं पण्डुसिलाए
 उप्पिं बहुसमरमणिजे भूमिभागे पं० जाव देवा आसयंति०, तस्स णं बहुसमरमणिजस्स भूमिभागस्स बहुमज्झदेसभाए उत्तरदाहिणेणं
 एत्थ णं दुवे अभिसेयसीहासणा पं० पञ्चधणुसयाइं आयामविक्खब्भेणं अद्धाइज्जाइं धणुसयाइं बाहल्लेणं सीहासणवण्णओ भाणियव्वो
 विजयदूसवज्जोत्ति, तत्थ णं जे से उत्तरिल्ले सीहासणे तत्थ णं बहूहिं भवणवइवाणमंतरजोइसियवेमाणिएहिं देवेहिं देवीहि य कच्छाइआ
 तित्थयरा अभिसिञ्चति, तत्थ णं जे से दाहिणिल्ले सिंहासणे तत्थ णं बहूहिं भवणजाववेमाणिएहिं देवेहिं देवेहि य वच्छाईया तित्थयरा

अभिसिञ्चति, कहिं णं भंते ! पंडगवणे पंडुकंबलसिला णामं सिला पं०?, गो०! मंदरचूलिआए दक्खिणणेणं पंडगवणदाहिणपेरंते एत्थ णं पंडगवणे पंडुकं बलसिला णामं सिला पं० पाईणपडीणायया एवं तं चेव पमाणं वत्तव्वया य भाणियव्वा जाव तस्स णं बहुसमरमणिज्जस्स भूमिभागस्स बहुमज्झदेसभाए एत्थ णं महं एगे सीहासणे पं० तं चेव सीहासणप्पमाणं, तत्थ णं बहूहिं भवणवड जाव भारहगा तित्थयरा अहिसिच्चंति, कहिं णं भंते ! पंडगवणे रत्तसिला णामं सिला पं० गो०! मंदरचूलिआए पच्चत्थिमेणं पंडगवणपच्चत्थिमपेरंते एत्थ णं पंडगवणे रत्तसिला णामं सिला पं० उत्तरदाहिणायया पाईणपडीणविच्छिण्णा जाव तं चेव पमाणं सव्वतवणिज्जमई अच्छा०, उत्तरदाहिणेणं एत्थ णं दुवे सीहासणा पं०, तत्थ णं जे से दाहिणिल्ले सिंहासणो तत्थ णं बहूहिं भवण० पम्हाइआ तित्थयरा अहिसिच्चंति, तत्थ णं जे से उत्तरिल्ले सीहासणे तत्थ णं बहूहिं भवण जाव वप्पाइआ तित्थयरा अहिसिच्चंति, कहिं णं भंते ! पंडगवणे रत्तकंबलसिला णामं सिला पं०?, गो०! मंदरचूलिआए उत्तरेणं पंडगवणउत्तरचरिमंते एत्थ णं पंडगवणे रत्तकंबलसिला णामं सिला पं० पाईणपडीणायया उदीणदाहिणविच्छिण्णा सव्वतवणिज्जमई अच्छा जाव मज्झदेसभाए सीहासणे, तत्थ णं बहूहिं भवणवड जाव देवेहिं देवीहि य एरावयका तित्थयरा अहिसिच्चंति । १०८। मन्दरस्स णं भंते ! पव्वयस्स कइ कण्डा पं०?, गो० ! तओ कंडा पं० तं०-हिड्डिल्ले मज्झिल्ले उवरिल्ले कण्डे, मन्दरस्स णं भंते ! पव्वयस्स हिड्डिल्ले कण्डे कतिविहे पं० ?, गो० ! चउव्विहे पं० तं०-पुढवी उवले वडरे सक्करा, मज्झिमिल्ले णं भंते ! कण्डे कतिविहे पं०?, गो०! चउव्विहे पं० तं०-अंके फलिहे

जायरुवे रयए, उवरिल्ले कण्डे कतिविहे पं०?, गो०! एगागारे पं० सव्वजंबूणयामए मन्दरस्स णं भंते ! पव्वयस्स हेट्ठिल्ले कण्डे केवइयं बाहल्लेणं पं०?, गो०! एगं जोयणसहस्सं बाहल्लेणं पं० मज्झिमिल्ले कण्डे पुच्छा, गो०! तेवट्ठिं जोयणसहस्साइं बाहल्लेणं पं० उवरिल्ले पुच्छा, गो०! छत्तीसं जोयणसहस्साइं बाहल्लेणं पं० एवामेव सपुव्वावरेणं मन्दरे पव्वए एगं जोयणसयसहस्सं सव्वग्गेणं पं० ॥१०९॥ मन्दरस्स णं भंते ! पव्वयस्स कति णामधेज्जा पं०?, गो०! सोलस णामधेज्जा पं० तं०-‘मन्दर मेरु मणोरम सुदंसण सयंपभे अ गिरिराया। रयणोच्चये सिलोच्चय मज्झे लोगस्स णाभी य ॥६६॥ अच्छे अ सूरिआवत्ते, सूरिआवरणेतिअ । उत्तमे अ दिसादी अ, वडेंसेति अ सोलसे ॥६७॥ से केणट्ठेणं भंते ! एवं वुच्चइ मन्दरे पव्वए २?, गो० ! मन्दरे पव्वए मन्दरे णामं देवे परिवसइ महिद्धीए जाव पलिओवमट्ठिइए, से तेणट्ठेणं गो०! एवं वुच्चइ मन्दरे पव्वए २, अदुत्तरं तं चेव ॥११०॥ कहिं णं भंते ! जंबुदीवे णीलवंते णामं वासहरपव्वये पं०?, गो महाविदेहस्स वासस्स उत्तरेणं रम्मगवासस्स दक्खिणोणं पुरत्थिमिल्ललवणसमुदस्स पच्चत्थिमेणं पच्चत्थिमलवणसमुदस्स पुरत्थिमेणं एत्थ णं जंबुदीवे णीलवंते णामं वासहरपव्वए पाईणपडीणायए उदीणादाहिणविच्छिण्णे णिसहवत्तव्वया णीलवंतस्स भाणियव्वा णवरं जीवा दाहिणेणं धणु उत्तरेणं, एत्थ णं केसरिदहो, दाहिणेणं सिया महाणई पवूढा समाणी उत्तरकुरुं एज्जेमाणी २ जमगपव्वए णीलवंतउत्तरकुरुचंदेरावतमालवंतदहे य दुहा विभयमाणी २ चउरासीए सलिलासहस्सेहिं आपूरेमाणी २ भदसालवणं एज्जेमाणी २ मंदरं पव्वयं दोहिं जोयणेहिं असंपत्ता पुरत्थाभिमुही आवत्ता समाणी अहे मालवन्तवक्खारपव्वयं

दालयित्ता मंदरस्स पव्वयस्स पुरत्थिमेणं पुव्वविदेहवासं दुहा विभयमाणी २ एगमेगाओ चक्कवट्टिविजयाओ अट्ठावीसाए २ सलिलासहस्सेहिं
 आपूरेमाणी २ पञ्चहिं सलिलासयसहस्सेहिं दुवत्तीसाए य सलिलासहस्सेहिं समग्गा अहे विजयस्स दारस्स जगडं दालइत्ता पुरत्थिमेणं
 लवणसमुदं समप्पेइ, अवसिट्ठं तं चेव, एवं णारीकंतावि उत्तराभिमुही णेयव्वा, णवरमिमं णाणत्तं गंधावड्ढ वट्टवेयद्धपव्वयं जोयणेणं
 असंपत्ता पच्चत्थाभिमुही आवत्ता समाणी अवसिट्ठं तं चेव पवहे य मुहे य जहा हरिकंतासलिला, णीलवंते णं भंते ! वासहरपव्वए कइ
 कूडा पं०?, गो० ! नवकूडा पं० तं०-सिद्धाययणकूडे० 'सिद्धे णीले पुव्वविदेहे सीया य कित्ति णारी य । अवरविदेहे रम्मगकूडे
 उवदंसणे चेव ॥६८॥ सव्वेऽवते कूडा पञ्चसइआ रायहाणीउ उत्तरेणं, से केणट्टेणं भंते ! एवं वुच्चइ णीलवंते वासहरपव्वए २?,
 गो०! णीले णीलोभासे णीलवंते य इत्थ देवे महिद्धीए जाव परिवसइ सव्ववेरुलिआमए णीलवंते जाव णिच्चे ॥११०॥ कहिं णं भंते!
 जंबुद्धीवे रम्मए णामं वासे पं०?, गो०! णीलवन्तस्स उत्तरेणं रुप्पिस्स दक्खिणेणं पुरत्थिमलवणसमुदस्स पच्चत्थिमेणं
 पच्चत्थिमलवणसमुदस्स पुरत्थिमेणं एवं जह चेव हरिवासं तह चेव रम्मयं वासं भाणिअव्वं णवरं दक्खिणेणं जीवा उत्तरेणं धणुं
 अवसेसं तं चेव, कहिं णं भंते ! रम्मए वासे गन्धावई णामं वट्टवेअद्धपव्वए पं०?, गो० ! णारकन्ताए पच्चत्थिमेणं णारीकन्ताए
 पुरत्थिमेणं रम्मगवासस्स बहुमज्झदेसभाए एत्थ णं गन्धावई णामं वट्टवेअद्धे पव्वए पं०, जं चेव विअडावड्ढस्स तं चेव गंधावड्ढस्सवि
 वत्तव्वं, अट्ठो बहवे उप्पलाइं जाव गंधावड्ढप्पभाइं पउमे य इत्थ देवे महिद्धीए जाव पलिओवमठिइए परिवसइ रायहाणी उत्तरेणं, से

॥ श्री जंबुद्धीप प्रज्ञप्ति सूत्रं ॥

१४५

पू. सागरजी म. संशोधित

केणट्टेणं भंते ! एवं वुच्चइ रम्मए वासे २ ?, गो०! रम्मगवासे णं रम्मे रम्मए रमणिज्जे रई (मए) य इत्थ देवे जाव परिवसइ से तेणट्टेणं०, कहिं णं भंते ! जंबुद्दीवे रुप्पी णामं वासहरपव्वए पं०?, गो०! रम्मगवासस्स उत्तरेणं हेरण्णवयवासस्स दक्खिणेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं एत्थ णं जंबुद्दीवे रुप्पी णामं वासहरपव्वए पं० पाईणपडीणायए उदीणदाहिणविच्छिण्णे एवं जा चेव महाहिमवंतवत्तव्वया सा चेव रुप्पिस्सवि णवरं दाहिणेणं जीवा उत्तरेणं धणुं अवसेसं तं चेव, महापुंडरीए दहे णरकंता णदी दक्खिणेणं णेयव्वा जहा रोहिआ पुरत्थिमेणं गच्छइ, रुप्पकूला उत्तरेणं णेअव्वा जहा हरिकंता पच्चत्थिमेणं गच्छइ अवसेसं तं चेव, रुप्पिंभि णं भंते ! वासहरपव्वए कइ कूडा पं० गो०! अट्ठकूडा पं० तं०-‘सिद्धे रुप्पी रम्मग णरकंता बुद्धि रुप्पकूला य । हेरण्णवय (प्र०ये) मणिकंचण अट्ठ य (प्र० णे य) रुप्पिंभि कूडाइं ॥६९॥ सव्वेवि एए पंचसइआ रायहाणीओ उत्तरेणं, से केणट्टेणं भंते ! एवं वुच्चइ रुप्पी वासहरपव्वए २?, गो०! रुप्पी णामं वासहरपव्वए रुप्पी रुप्पपट्ठे रुप्पोभासे सव्वरुप्पामए रुप्पी य इत्थ देवे पलिओवमठिइए परिवसइ, से एएणट्टेणं गो०! एवं वुच्चइ०, कहिं णं भंते ! जंबुद्दीवे हेरण्णवए णामं वासे पं०?, गो०! रुप्पिस्स उत्तरेणं सिहरिस्स दक्खिणेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं एत्थ णं जंबुद्दीवे हिरण्णवए वासे पं० एवं जह चेव हेमवयं तह चेव हेरण्णवयंपि भाणियव्वं णवरं जीवा दाहिणेणं उत्तरेणं धणुं अवसिट्ठं तं चेव, कहिं णं भंते ! हेरण्णवए वासे मालवन्तपरिआए णामं वट्ठवेअद्धपव्वए पं०?, गो०! सुवण्णकूलाए पच्चत्थिमेणं रुप्पकूलाए पुरत्थिमेणं

मालवन्तपरिआए णामं वट्टवेअट्टे पं० जह चेव सदावई तहचेव मालवंतपरिआएवि, अट्टो उप्पलाइं पउमाइं मालवन्तप्पभाइं मालवन्तवण्णाइं मालवन्तवण्णाभाइं पभासे य इत्थ देवे महिद्धीए पलिओवमट्टिइए परिवसइ से एएणट्टेणं० रायहाणी उत्तरेणं, से केणट्टेणं भंते ! एवं वुच्चइ हेरण्णवए वासे २?, गो० हेरण्णवए णं वासे रुप्पीसिहरीहिं वासहरपव्वएहिं दुहओ समवगूढे णिच्चं हिरण्णं दलइ णिच्चं हिरण्णं मुंचइ णिच्चं हिरण्णं पगासइ हेरण्णवए य इत्थ देवे परिवसइ से एएणट्टेणं०, कहिं णं भंते ! जंबुदीवे सिहरी णामं वासहरपव्वए पं०?, गो० ! हेरण्णवयस्स उत्तरेणं एरावयस्स दाहिणेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं एवं जह चेव चुल्लहिमवंतो तह चेव सिहरीवि णवरं जीवा दाहिणेणं धणुं उत्तरेणं अवसिट्ठं तं चेव, पुंडरीए दहे सुवण्णकूला महाणई दाहिणेणं णेअव्वा जहा रोहिअंसा पुरत्थिमेणं गच्छइ, एवं जह चेव गंगासिन्धूओ तह चेव रत्तारत्तवईओ णेअव्वाओ पुरत्थिमेणं रत्ता पच्चत्थिमेणं रत्तवई अवसिट्ठं तंचेव अपरिसेसं नेयव्वं, सिहरिम्मि णं भंते ! वासहरपव्वए कइ कूडा पं० गो०! इक्कारस कूडा पं० तं-सिद्धाययण० सिहरि० हेरण्णवय० सुवण्णकूला० सुरादेवी० रत्ता० लच्छी० रत्तवई० इलादेवी० एरवय० तिगिच्छिक्कूडे, एए सव्वेवि कूडा पंचसइआ रायहाणीओ उत्तरेणं, से केणट्टेणं भंते ! एवमुच्चइ सिहरी वासहरपव्वए २ ?, गो०! सिहरिंमि वासहरपव्वए बहवे कूडा सिहरिसंठाणसंठिआ सव्वरयणामया सिहरी अ इत्थ देवे जाव परिवसइ से तेणट्टेणं०, कहिं णं भंते! जम्बुदीवे एरावए णामं वासे पं०?, गो०! सिहरिस्स उत्तरेणं उत्तरलवणसमुद्दस्स दक्खिणेणं पुरत्थिमलवणसमुद्दस्स पच्चत्थिमेणं पच्चत्थिमलवणसमुद्दस्स पुरत्थिमेणं

एत्थ णं जंबुद्वीवे एरावए णामं वासे पं० खाणुबहुले कंटकबहुले एवं जच्चेव भरहस्स वत्तव्वया सच्चेव सव्वा निरवसेसा णेअव्वा
 सओअवणा सणिक्खमणा सपरिनिव्वाणा णवरं एरावओ चक्खवट्ठी एरावओ देवो से तेणट्ठेणं० एरावए वासे २ । ११२ । वासहरवासवण्णो
 जया णं एकमेक्के चक्खवट्ठिविजए भगवन्तो तित्थयरा समुप्पज्जन्ति तेणं कालेणं० अहेलोगवत्थव्वाओ अट्ठ दिसाकुमारीया महत्तरिआओ
 सएहिं २ कूडेहिं सएहिं २ भवणेहिं सएहिं २ पासायवडेंसएहिं पत्तेअं २ चउहिं सामाणिअसाहस्सीहिं चउहिं महत्तरिआहिं सपरिवाराहिं
 सत्तहिं अणिएहिं सत्तहिं अणिआहिवईहिं सोलसहिं आयरक्खदेवसाहस्सीहिं अण्णेहि य बहूहिं(प्र० भवणवड)वाणमंतरेहिं देवेहिं
 देवीहि य सद्धिं संपरिवुडाओ महयाहयणट्ठगीयवाइय जाव भोगभोगाइं भुंजमाणीओ विहरंति, तं०-‘भोगंकरा भोगवई, सुभोगा
 भोगमालिनी । तोयधारा विचित्ता य पुष्फमाला अणिंदिया ॥७०॥ तए णं तासिं अहेलोगवत्थव्वाणं अट्ठण्हं दिसाकुमारिणं मयहरियाणं
 पत्तेयं २ आसणाइं चलंति, तए णं ताओ अहेलोगवत्थव्वाओ अट्ठ दिसाकुमारिओ महत्तरियाओ पत्तेयं २ आसणाइं चलिआइं पासंति
 ता ओहिं पउंजंति ता भगवं तित्थयरं ओहिणा आभोएंति ता अण्णमण्णं सदाविंति ता एवं वयासी उप्पण्णे खलु भो ! जंबुद्वीवे भयवं
 तित्थयरे तं जीयमेयं तीअपच्चुप्पणमणागयाणं अहेलोगवत्थव्वाणं अट्ठण्हं दिसाकुमारी महत्तरियाणं भगवओ तित्थगरस्स जम्मणमहिमं
 करेत्तए तं गच्छामो णं अम्हेवि भगवओ जम्मणमहिमं करेमोत्तिकट्ठु एवं वयंति ता पत्तेयं २ आभिओगिए देवे सदावेति ता एवं वयासी
 खिप्पामेव भो देवाणुप्पिया ! अणेगखम्मिसयसणिणविट्ठे लीलट्ठिअं० एवं विमाणवण्णओ भाणियव्वो जाव जोअणविच्छिण्णे दिव्वे

जाणविमाणे विउव्वित्ता एयमाणत्तियं पच्चप्पिणह, तए णं आभिओगा देवा अणेगखंभसय जाव पच्चप्पिणंति, तए णं ताओ अहेलोगवत्थव्वाओ अट्ट दिसाकुमारीमहत्तरियाओ हट्टतुट्ट० पत्तेयं २ चउहिं सामाणियसाहस्सीहिं चउहि य महत्तरियाहिं जाव अण्णेहिं बहूहिं देवेहिं देवेहि य सद्धिं संपरिवुडाओ तं तं दिव्वं जाणविमाणं दुरुहंति ता सव्विद्धीए घणमुङ्गपणव०पवाइअरवेणं ताए उक्कीट्टाए जाव देवगईए जेणेव भगवओ तित्थगरस्स जम्भणगरे जेणेव जम्भणभवणे तेणेव उवाग्गच्छन्ति ता भगवओ तित्थयरस्स जम्भभवणं तेहिं दिव्वेहिं जाणविमाणेहिं तिक्खुत्तो आयाहिणपयाहिणं करेन्ति ता उत्तरपुरत्थिमे दिसीभाए ईसिं चउरंगुलमसंपत्तं धरणिअले ते दिव्वे जाणविमाणे ठविंति ता पत्तेयं २ चउहिं सामाणियसहस्सेहिं जाव सद्धिं संपरिवुडाओ दिव्वेहिंतो जाणविमाणेहिंतो पच्चोरुहंति ता सव्विद्धीए जाव णाइएणं जेणेव भगवं तित्थयेरे तित्थयरमाया य तेणेव उवागच्छन्ति ता भगवं तित्थयरं तित्थयरमायरं च तिक्खुत्तो आयाहिणपयाहिणं करेन्ति ता पत्तेयं २ करयलपरिग्गहियं० सिरसावत्तं मत्थए अंजलिं कट्टु एवं वयासी णमोत्थु ते रयणकुच्छिधारिए ! जगप्पईवदाईए सव्वजगमंगलस्स चक्खुणो य मुत्तस्स सव्वजगजीववच्छलस्स हिअकारगमग्गदेसियपागिद्धिविभुपभुस्स जिणस्स णाणिस्स नायगस्स बुहस्स बोहगस्स सकललोगनाहस्स सव्वजगमंगलस्स निम्ममस्स पवरकुलसमुब्भवस्स जाईयखत्तियस्स जं सि लोगुत्तमस्स जणणी धण्णा सि तं पुण्णा सि कयत्था सि अम्हे णं देवाणुप्पिए ! अहेलोगवत्थव्वाओ अट्ट दिसाकुमारीमहत्तरियाओ भगवओ तित्थगरस्स जम्भणमहिमं करिस्सामो तण्णं तुब्भाहिं ण भाइयव्वं इतिकट्टु उत्तरपुरत्थिमं दिसीभागं अवक्कमंति ता

॥ श्री जंबूद्वीप प्रज्ञप्ति सूत्र ॥

१४९

पू. सागरजी म. संशोधित

वेउव्विअंसमुग्धाएणं समोहणंति ता संखिज्जाइं जोयणाइं दंडं निसरंति, तं०-रयणाणं जाव संवट्ठगवाए विउव्वंति ता तेणं सिवेणं
मउएणं मारुएणं अणुद्धुएणं भूमितलविमलकरणेणं मणहरेणं सव्वोउअसुरहिकुसुमगन्धाणुवासिएणं पिंडिमणिहारिमेणं गन्धुद्धुएणं
तिरिअं पवाइएणं भगवओ तित्थयरस्स जम्भणभवणस्स सव्वओ समन्ता जोअणपरिमंडलं से जहाणामए कम्मरदारए सिया जाव
तहेव जं तत्थ तणं वा पत्तं वा कट्ठं वा कयवरं वा असुइमचोक्खं पूइयं दुब्भिगंधं तं सव्वं आहुणिअ २ एगंते एडेंति ता जेणेव भगवं
तित्थयेरे तित्थयरमाया य तेणेव उवागच्छंति ता भगवओ तित्थयरस्स तित्थयरमायाए य अट्ठरसामंते आगायमाणीओ परिगायमाणीओ
चिट्ठंति ॥११३॥ तेणं कालेणं० उद्धलोगवत्थव्वाओ अट्ठ दिसाकुमारीमहत्तरियाओ सएहिं २ कूडेहिं सएहिं २ भवणेहिं सएहिं २
पासायवडेसएहिं पत्तेयं २ चउहिं सामाणिअसाहस्सीहिं एवं तं चेव पुव्ववणिणअं जाव विहरंति, तं०-मेहंकरा मेहवई, सुमेहा मेहमालिनी।
सुवच्छा वच्छमित्ता य, वारिसेणा बलाहगा ॥७१॥ तए णं तासिं उद्धलोगवत्थव्वाणं अट्ठणं दिसाकुमारीमहत्तरियाणं पत्तेयं २ आसणाइं
चलंति एवं तं चेव पुव्ववणिणयं भाणियव्वं जाव अम्हे णं देवाणुप्पिए ! उद्धलोगवत्थव्वाओ अट्ठ दिसाकुमारीमहत्तरियाओ जेणं
भगवओ तित्थयरस्स जम्भणमहिमं करिस्सामो तेणं तुब्भाहिं ण भाइअव्वंतिकट्ठ उत्तरपुरत्थिमं दिसीभागं अवक्कमंति ता जाव अब्भवदलए
विउव्वंति ता जाव तं निहयरयं णट्ठरयं भट्ठरयं पसंतरयं उवसंतरयं करेति ता खिप्पामेव पच्चुवसमंति एवं पुप्फवदलंसि पुप्फवासं
वासंति ता जाव कालागुरुपवर जाव सुरवराभिगमणजोगं करेति ता जेणेव भयवं तित्थयेरे तित्थयरमाया य तेणेव उवागच्छंति ता

जाव आगायमाणीओ परिगायमाणीओ चिट्ठंति ।११४। तेणं कालेणं० पुरत्थिमरुअगवत्थव्वाओ अट्ट दिसाकुमारीमहत्तरिआओ सएहिं
 २ कूडेहिं तहेव जाव विहरंति, तं०-णंदुत्तरा य णन्दा, आणन्दा णंदिवद्धणा । विजया । वेजयंती, जयंती अपराजिआ ॥७२॥ सेसं तं
 चेव जाव तुम्हेहिं ण भाइयव्वंतिकट्टु भगवओ तित्थयरस्स तित्थयरमायाए य पुरत्थिमेणं आयंसहत्थगयाओ आगायमाणीओ
 परिगायमाणीओ चिट्ठंति, तेणं कालेणं० दाहिणरुअगवत्थव्वाओ अट्ट दिसाकुमारीमहत्तरिआओ तहेव जाव विहरंति तं०-समाहारा
 सुप्पडण्णा, सुप्पबुद्धा जसोहरा । लच्छिमई सेसवई, चित्तगुत्ता वसुंधरा ॥७३॥ तहेव जाव तं न भाइयव्वंतिकट्टु भगवओ तित्थयरस्स
 तित्थयरमाऊए य दाहिणेणं भिंगारहत्थगयाओ आगायमाणीओ परिगायमाणीओ चिट्ठंति, तेणं कालेणं० पच्चत्थिमरुअगवत्थव्वाओ
 अट्ट दिसाकुमारीमहत्तरिआओ सएहिं जाव विहरंति, तं०-‘इलादेवी सुरादेवी, पुहवी पउमावई । एगणासा णवमिआ , भद्दा सीआ य
 अट्टमा ॥७४॥ तहेव जाव तुम्हेहिं ण भाइयव्वंतिकट्टु जाव भगवओ तित्थयरस्स तित्थयरमाऊए य पच्चत्थिमेणं तालिअंटहत्थगयाओ
 आगायमाणीओ परिगायमाणीओ चिट्ठंति, तेणं कालेणं० उत्तरिल्लरुअगवत्थव्वाओ जाव विहरंति तं०-‘अलंबुसा भिस्सकेसी, पुंडरीया
 य वारुणी । हासा सव्वप्पभा चेव, सिरि हिरि चेव उत्तरओ ॥७५॥ तहेव जाव वंदित्ता भगवओ तित्थयरस्स तित्थयरमाऊए य उत्तरेणं
 चाभरहत्थगयाओ आगायमाणीओ परिगायमाणीओ चिट्ठंति, तेणं कालेणं० विदिसरुअगवत्थव्वाओ चत्तारि दिसाकुमारीमहत्तरिआओ
 जाव विहरंति, तं०-‘चित्ता य चित्तकणगा, सतेरा य सोदामिणी, तहेव जाव ण भाइयव्वंतिकट्टु भगवओ तित्थयरस्स तित्थयरमाऊए

य चउसु विदिसासु दीविआहत्थगयाओ आगायमाणीओ परिगायमाणीओ चिद्धंति, तेणं कालेणं० मज्झिमरुअगवत्थव्वाओ चत्तारि
 दिसाकुमारीमहत्तरिआओ सएहिं २ कूडेहिं तहेव जाव विहरंति, तं०-रूआ रूयंसा सुरूया रूअगावई तहेव जाव तुब्भेहिं ण
 भाइयव्वंतिकट्टु भगवओ तित्थयस्स चउरंगुलवज्जं णाभिणालं कप्पंति ता वियरगं खणंति ता वियरगे णाभिं णिहणंति ता रयणाण
 य वइराण य पूरेति ता हरिआलियाए पेढं बंधंति ता तिदिसिं तओ कयलीहरए विउव्वंति, तए णं तेसिं कयलीहरगाणं बहुमज्झदेसभाए
 तओ चाउस्सालए विउव्वंति, तए णं तेसिं चाउस्सालगाणं बहुमज्झदेसभाए तओ सीहासणे विउव्वंति, तेसिं णं सीहासणाणं अयमेयारूवे
 वण्णावासे पं० सव्वोवण्णगो भाणियव्वो, तए णं ताओ रुअगमज्झवत्थव्वाओ चत्तारि दिसाकुमारीमहत्तराओ जेणेव भयवं तित्थयरे
 तित्थयरमाया य तेणेव उवागच्छंति ता भगवं तित्थयरं करयलसंपुडेणं गिण्हंति तित्थयरमायरं च बाहाहिं गिण्हंति ता जेणेव दाहिणिल्ले
 कयलीहरए जेणेव चाउसालए जेणेव सीहासणे तेणेव उवागच्छंति ता भगवं तित्थयरं तित्थयरमायरं च सीहासणे णिसीयावेति ता
 सयपागसहस्सपागेहिं तिल्लेहिं अब्भंगेति ता सुरभिणा गंधवट्टएणं उवट्टेति ता भगवं तित्थयरं करयलपुडेहिं तित्थयरमायरं च बाहासु
 गिण्हंति ता जेणेव पुरत्थिमिल्ले कयलीहरए जेणेव चउसालए जेणेव सीहासणे तेणेव उवागच्छंति ता भगवं तित्थयरं तित्थयरमायरं च
 सीहासणे णिसीआवेति ता तिहिं उदएहिं मज्जावेति, तं०-गंधोदएणं पुप्फोदएणं सुद्धोदएणं, मज्जावित्ता सव्वालंकारविभूसियं करेति
 ता भगवं तित्थयरं करयलपुडेहिं तित्थयरमायरं च बाहाहिं गिण्हंति ता जेणेव उत्तरिल्ले कयलीहरए जेणेव चउसालए जेणेव सीहासणे

तेणेव उवागच्छंति ता भगवं तित्थयं तित्थयरमायरं च सीहासणे णिसीआविंति ता आभिओगे देवे सदाविंति ता एवं वयासी खिप्पामेव भो देवाणुप्पिया ! चुल्लहिमवन्ताओ वासहरपव्वयाओ गोसीसचंदणकट्टाई साहरह, तए णं ते आभिओगा देवा ताहिं रुअगमज्झवत्थव्वाहिं चउहिं दिसाकुमारीमहत्तरियाहिं एवं वुत्ता समाणा हट्ठुट्ठा जाव विणएणं वयणं पडिच्छन्ति ता खिप्पामेव चुल्लहिमवन्ताओ वासहरपव्वयाओ सरसाई गोसीसचंदणकट्टाई साहरंति, तए णं ताओ मज्झिमरुअगवत्थव्वाओ चत्तारि दिसाकुमारीमहत्तरियाओ सरगं करेन्ति ता अरणिं घडेन्ति ता सरएणं अरणिं महंति ता अग्गिं पाडेन्ति ता अग्गिं संधुक्खंति ता गोसीसचंदणकट्टे परिक्खिवंति ता अग्गिं उज्जालंति ता समिहाकट्टाई पक्खिवंति ता अग्गिहोमं करेन्ति ता भूतिकम्मं करेन्ति ता रक्खापोट्टलियं बंधंति ता णाणामणिरयणभत्तिचित्ते दुवे पाहाणवट्ठगे गहाय भगवओ तित्थयरस्स कण्णमूलंमि टिट्ठियाविंति भवउ भयवं ! पव्वयाउए २, तए णं ताओ रुअगमज्झवत्थव्वाओ चत्तारि दिसाकुमारीमहत्तरियाओ भयवं तित्थयरं करयलपुडेहिं तित्थयरमायरं च बाहाहिं गिण्हंति ता जेणेव भगवओ तित्थयरस्स जम्भणभवणे तेणेव उवागच्छंति ता तित्थयरमायरं सयणिज्जंसि णिसीयाविंति ता भयवं तित्थयरं माउए पासे ठवेन्ति ता आगायमाणीओ परिगायमाणीओ चिट्ठंति । ११५ । तेणं कालेणं० सक्के णामं देविंदे देवराया वज्जपाणी पुरंदरे सयक्कऊ सहस्सक्खे मधवं पागसासणे दाहिणद्धलोकाहिवई बत्तीसविमाणावाससयसहस्साहिवई एरावणवाहणे सुरिंदे अरयंबरवत्थधरे आलइयमालमउडे नवहेमचारुचित्तचंचलकुण्डलविलिहिज्जमाणगंडे (प्र० गल्ले) भासुरवरबोदी पलंबवणमाले महिद्धीए महज्जुईए

महाबले महायसे महाणुभागे महासोक्खे सोहम्मे कण्णे सोहम्मवडिंसए विमाणे सभाए सुहम्माए सक्कंसि सीहासणंसि से णं तत्थ
 बत्तीसाए विमाणावाससयसाहस्सीणं चउरासीए सामाणियसाहस्सीणं तायत्तीसाए तायत्तीसगाणं चउण्हं लोगपालाणं अट्टण्हं
 अग्गमहिसीणं सपरिवाराणं तिण्हं परिसाणं सत्तण्हं अणियाणं सत्तण्हं अणियाहिवईणं चउण्हं चउरासीणं आयरक्खदेवसाहस्सीणं
 अत्रेसिं च बहूणं सोहम्मकप्पवासीणं वेमाणीयाणं देवाण य देवीण य (प्र० अण्णे पढंति अण्णेसिं बहूणं देवाण य देवीण य
 अभियोगिउववण्णगाणं) आहेवच्चं पोरेवच्चं सामित्तं भट्टित्तं महयरगत्तं आणाईसरसेणावच्चं कारेमाणे पालेमाणे महयाहयणट्ट-
 गीयवाइयतंतीतलतालतुडियधणमुइंगपडुपडहपवाइअरवेणं दिव्वाइं भोगभोगाइं भुंजमाणे विहरइ, तए णं तस्स सक्कस्स देविंदस्स
 देवरण्णे आसणं चलइ, तए णं से सक्के जाव आसणं चलियं पासइ ता ओहिं पउंजइ ता भगवं तित्थयरं ओहिणा आभोएइ ता
 हट्टतुट्टचित्ते आणंदिए नंदिए पीइमणे परमसोमणस्सिए हरिसवसविसप्पमाणहियए धाराहयकयंब (प्र०नीपसुरभि)कुसुमचंचुमालइअऊस-
 वियरोमकूवे वियसियवरकमलनयणवयणे पचलियवरकडगतुडिअकेऊरमउडे कुण्डलहारविरायंतरइयवच्छे पालंवपलंबमाणधोलंत-
 भूसणधरे ससंभमं तुरियं चवलं सुरिंदे सीहासणाओ अब्भुट्टेइ ता पायपीढाओ पच्चोरुहइ ता वेरुलियवरिड्डिरिड्डिअंजणनिउणोविअमिसि-
 मिसिंतमणिरयणमंडियाओ पाउयाओ ओमुअइ ता एगसाडियं उत्तरासंगं करेइ ता अंजलिमउलियगहत्थे तित्थयराभिमुहे सत्तट्ट पयाइं
 अणुगच्छइ ता वामं जाणुं अंचेइ ता दाहिणं जाणुं धरणीयलंसि सा(प्र०नि)हट्टु तिक्खुत्तो मुब्बाणं धरणियलंसि निवेसे(प्र०वाडे)इ

त्ता ईसि पच्चुण्णमइ त्ता कडगतुडियथंभियाओ भुआओ साहरइ त्ता करयलपरिग्गहियं दसणहं सिरसावत्तं मत्थए अंजलिं कट्ठु एवं वयासी णमोत्थु णं अरहंताणं भगवंताणं, आइगराणं तित्थयराणं सयंसंबुद्धाणं, परिसुत्तमाणं पुरिससीहाणं पुरिसवरपुण्डरीयाणं पुरिसवरगंधहत्थीणं, लोगुत्तमाणं लोगणाहाणं लोगहियाणं लोगपर्ईवाणं लोगपज्जोयगराणं, अभयदयाणं चक्खुदयाणं मग्गदयाणं सरणदयाणं जीवदयाणं बोहिदयाणं, धम्मदयाणं धम्मदेसयाणं धम्मनायगाणं धम्मसारहीणं धम्मसारहीणं धम्मवरचाउरन्तचक्कवट्ठीणं, दीवो ताणं सरणं गई पइट्ठा, अप्पडिहयवरनाणदंसणधराणं वियट्ठच्छउमाणं, जिणाणं जावयाणं तिण्णाणं तारयाणं बुद्धाणं बोहयाणं मुत्ताणं मोयगाणं, सव्वन्नूणं सव्वदरिसीणं सिवमयलमरुयमणन्तमक्खयमव्वाबाहमपुणरावित्ति(प्र० त्तं०)सिद्धिगइणामधेयं ठाणं संपत्ताणं णमो जिणाणं जियभयाणं, णमोऽत्थु णं भगवओ तित्थगरस्स आइगरस्स जाव संपाविउकामस्स, वंदामि णं भगवंतं तत्थगयं इहगए, पासउ मे भयवं ! तत्थगए इहगयंतिकट्ठु वन्दइ णमंसइ त्ता सीहासणवरंसि पुरत्थाभिमुहे सण्णिसण्णे, तए णं तस्स सक्कस्स देविंदस्स देवरण्णो अयमेआरूवे जाव संकप्पे समुप्पज्जित्था उप्पण्णे खलु भो जंबुद्दीवे भगवं तित्थयरे तं जीयमेयं तीअपच्चुप्पण्णमणागयाणं सक्काणं देविंदाणं देवराईणं तित्थयराणं जंमणमहिमं करेत्ताए, तं गच्छामि णं अहंपि भगवओ तित्थगरस्स जम्भणमहिमं करेमिन्निकटट्ठु एवं संपेहेइ त्ता हरिणेगमेसिं पायत्ताणीयाहिवइं देवं सद्दावेति त्ता एवं वयासी खिप्पामेव भो देवाणुप्पिआ ! सभाए सुहम्माए मेघोघरसिअं गंभिरमहुरयरसदं जोयणपरिमण्डलं सुघोसं सूसरं धंटं तिव्खुत्तो उल्लालेमाणे २ महया सहेणं उग्घोसेमाणे

॥ श्री जंबुद्दीप प्रज्ञप्ति सूत्रं ॥

१५५

पू. सागरजी म. संशोधित

२ एवं वयाहि आणवेइ णं भो सक्के देविंदे देवराया गच्छइ णं भो सक्के० जंबुद्वीवं भगवओ तित्थयरस्स जम्भणमहिमं करित्तए, तं तुब्भेऽविय णं देवाणुप्पिआ ! सव्विद्धीए सव्वजुईणं सव्वबलेणं सव्वसमुदएणं सव्वायरेणं सव्वविभूईए सव्वविभूसाए सव्वसंभमेणं सव्वनाडएहिं सव्वोरोहेहिं सव्वपुप्फवत्थगन्धमल्लालंकारविभूसाए सव्वदिव्वतुडिअसद्वसण्णिणाएणं महया इद्धीए जाव रवेणं णिअयपरिआलसंपरिवुडा सयाइं २ जाणविमाणवाहणाइं दुरुढा समाणा अकालपरिहीणं चेव सक्कस्स अंतियं पाउब्भवह, तए णं से हरिणोगमेसी देवे पायत्ताणीयाहिवई सक्केणं जाव एवं वुत्ते समाणे हट्टतुट्ट जाव एवं देवोत्ति आणाए विणएणं वयणं पडिसुणेइ त्ता सक्कस्स अंतियाओ पडिणिक्खामइ त्ता जेणेव सभाए सुहम्माए मेघोघरसियगम्भीरमहुरयरसद्दा जोयणपरिमंडला सुधोसाए घण्टाए तिक्खुत्तो उल्लालियाए समाणीए सोहम्मे कप्पे अण्णहिं एगूणेहिं बत्तीसाए विमाणावाससयसहस्सेहिं अण्णेइं एगूणाइं बत्तीसं घंटासयसहस्साइं जमगसमगं कणकणारावं काउं पयत्ताइं याविहुत्था, तए णं सोहम्मे कप्पे पासायविमाणानिक्खुडावडिअसद्वसमुट्ठिअघंटापडेसुआसयसहस्ससंकुले जाए यावि होत्था, तए णं तेसिं सोहम्मकप्पवासीणं बहूणं वेमाणियाणं देवाण य देवीण य एगन्तरइपसत्तणिच्चपमत्तविसयसुहमुच्छिआणं सूसरधंठारसियविउलबोलपूरिअचवलपडिबोहणे कए समाणे घोसणकोऊहलदिण्णकण्णएगच्चित्तउवरउत्तमाणसाणं से पायत्ताणीआहिवई देवे तंसिं घंठारवंसिं निसतपडिणिसंतंसिं समाणंसिं तत्थ २ तहिं २ देसे महया २ सद्देणं उरघोसेमाणे २ एवं वयासी हन्त ! सुणंतु भवंतो बहवे सोहम्मकप्पवासी वेमाणिया देवा देवीओ य सोहम्मकप्पवईणो

इणमो वयणं हिअसुहत्थं आणावइ णं भो सक्के तं चेव जाव अंतियं पाउब्भवह, तए णं ते देवा देवीओ य एयमट्ठं सोच्चा हट्ठतुट्ठ जाव
 हियया अप्पेगइया वंदणवत्तियं एवं पूअणवत्तियं सक्कारवत्तियं सम्माणवत्तियं दंसणवत्तियं कोऊहलवत्तियं सक्कवयणं अणुवत्तमाणा
 अण्णमण्णं अणुवत्तमाणा जिणभत्तिरागेणं अप्पेगइया तं जीयमेयं एवमादित्तिकट्ठ जाव पाउब्भवन्ति, तए णं से सक्के देविंदे देवराया
 ते विमाणिए देवे देवीओ य अकालपरिहीणं चेव अंतियं पाउब्भवमाणे पासइ ता हट्ठ० पालयं णामं आभिओगियं देवं सदावेइ ता एवं
 वयासी खिप्पामेव भो देवाणुप्पिया ! अणेगखंभसयसणिविट्ठं लीलट्ठियसालभंजिआकलियंईहामिअउसभतुरगणरमगरविहग-
 वालगकिण्णररुरुसरभचमरकुं जरवणलयपउमलयभत्तिचित्तं खंभुगयवइरवेइआभिरामं विज्जाहरजमलज्जुअलजंतजुत्तंपिव
 अच्छीसहस्समालिणीयं रूवगसहस्सकलियं भिसमाणं भिब्भिसमाणं चक्खुल्लोअणालेसं सुहफासं सस्सिरीयरूवं
 घंटावलिअचलियमहुरमणहरसरं सुहं कन्तं दरिसणिज्जं णिउणोविअमिसिमिसिंतमणिरयणघंटाआजालपरिक्खित्तं
 जोयणसयसहस्सविच्छिण्णं पञ्चजोयणसयमुव्विद्धं सिग्घं तुरियं जइण णिव्वाहिं दिव्वं जाणविमाणं विउव्वाहि ता एयमाणत्तियं
 पच्चप्पिणाहि । ११६ । तए णं से पालयदेवे सक्केणं देविंदेणं देवरण्णा एवं वुत्ते समाणे हट्ठतुट्ठ जाव वेउव्विअसमुग्घाएणं समोहणइ ता
 तहेव करेइ, तस्स णं दिव्वस्स जाणविमाणस्स तिदिसिं तओ तिसोवाणपडिरूवगा वण्णओ, तेसिं णं तिसोवाणपडिरूवाणं पुरओ
 पत्तेअं २ तोरणा वण्णओ जाव पडिरूवा, तस्स णं जाणविमाणस्स अंतो बहुसमरमणिज्जे भूमिभागे से जहानामए आलिंगपुक्खरेइ वा

जाव दीविअचम्भेइ वा अणेगसंकुकीलकसहस्सवितते आवडपच्चावडसेढिप(प्र०डि)सेढिसुत्थिअसोवत्थिअवद्धमाणपूसमाण-
 वमच्छंडगमगरंडगजारमार(प्र०णा अच्छदामभोरा अंडालारामंडा) फुल्लावलीपउमपत्तसागरतरंगवसंतलयपउमलयभत्तिचित्तेहिं सच्छाएहिं
 सप्पभेहिं समरीइएहिं सउज्जोएहिं णाणाविहपज्जवण्णेहिं मणीहिं उवसोभिए, तेसिं णं मणीणं वण्णे गन्धे फासे अ भाणिअव्वे जहा
 रायप्पसेणइज्जे, तस्स णं भूमिभागस्स बहुमज्झेदेसभाए पिच्छाघरमण्डवे अणेगखम्भसयसणिणविट्ठे वण्णओ जाव पडिरूवे तस्स
 उल्लोए पउमलयभत्तिचित्ते जाव सव्वतवणिज्जमए जाव पडिरूवे, तस्स णं मण्डवस्स बहुसमरमणिज्जस्स भूमिभागस्स बहुमज्झेदेसभागंसि
 महं एगा मणिपेढिआ अट्ठ जोअणाइं आयामविक्खम्भेणं चत्तारि जोअणाइं बाहल्लेणं सव्वमणिमयी वण्णओ, तीए उवरिं महं एगे
 सीहासणे वण्णओ, तस्सुवरिं महं एगे विजयदूसे सव्वरयणामए वण्णओ, तस्स मज्झेदेसभाए एगे वड्डरामए अंकुसे, एत्थ णं महं एगे
 कुम्भिक्के मुत्तादामे, से णं अन्नेहिं तदब्धुच्चत्तप्पमाणमित्तेहिं चउहिं अद्धकुम्भिक्केहिं मुत्तादामेहिं सव्वओ समन्ता संपरिक्खित्ते, ते णं
 दामा तवणिज्जलंबूसगा सुवण्णपयरगमण्डिआ णाणामणिरयणविविहहारद्धहारउवसोभिअसमुदया ईसिं अण्णमण्णमसंपत्ता पुव्वाइएहिं
 वाएहिं मन्दं एइज्जमाण्णा २ जाव निव्वुड्ढकरेणं सद्देणं ते पएसे आपूरेमाण्णा २ जाव अईव उवसोभेमाण्णा २ चिट्ठंति, तस्स णं सीहासणस्स
 अवरुत्तरेणं उत्तरेणं उत्तरपुरत्थिमेणं एत्थ णं सक्कस्स चउरासीए सामाणिअसाहस्सीणं चउरासीई भद्दासणसाहस्सीओ पुरत्थिमेणं
 अट्ठण्हं अगगमहिसीणं एवं दाहिणपुरत्थिमेणं अब्भिन्तरपरिसाए दुवालसण्हं देवसाहस्सीणं दाहिणेणं मज्झिमपरिसाए चउदसण्हं

દેવસાહસીણં દાહિણપચ્ચત્થિમેણં બાહિરપરિસાએ સોલસણહં દેવસાહસીણં પચ્ચત્થિમેણં સત્તણહં અણિઆહિવઈણં, તાએ ણં તસ્સ
 સીહાસણસ્સ ચઉદ્ધિસિં ચઉણહં ચઉરાસીણં આયરક્કદેવસાહસીણં એવમાઈ વિભાસિઅવ્વં સૂરિઆ ભગમેણં જાવ પચ્ચપ્પિણન્તિ ૧૧૭૧
 તાએ ણં સે સક્કે જાવ હટ્ઠહિઆએ દિવ્વં જિણેંદાભિગમણજુગ્ગં સવ્વાલંકારવિભૂસિઅં ઉત્તરવેઉવ્વિઅં રૂવં વિઉવ્વઈ ત્તા અટ્ઠહિં અગ્ગમહિસીહિં
 સપરિવારાહિણટ્ટાણીણં ગન્થવ્વાણીણં ય સદ્ધિં તં વિમાણં અણુપ્પયાહિણીકરેમાણા પુવ્વિલ્લેણં તિસોવાણેણં દુરુહડ ત્તા જાવ સીહાસણંસિ
 પુરત્થાભિમુહે સણિણસણ્ણે, એવં ચેવ સામાણિઆવિ ઉત્તરેણંતિસોવાણેણં દુરુહિત્તા પત્તેઅં ૨ પુવ્વણ્ણત્થેસુ ભદ્દાસણેસુ ણિસીઅંતિ,
 અવસેસા દેવા દેવીઓ અ દાહિણિલ્લેણં દુરુહિત્તા તહેવ જાવ ણિસીઅંતિ, તાએ ણં તસ્સ સક્કસ્સ તંસિ વિમાણંસિ દુરુહસ્સ ઇમે અટ્ઠટ્ઠમંગલગા
 પુરઓ અહાણુપુવ્વીએ સંપટ્ઠિઆ, તયણંતરં પુણ્ણકલસભિંગારં દિવ્વા ય છત્તપડાગા સચામરા ય દંસણરડઅઆલોઅદરિસણિજ્ઞા
 વાઉદ્ધઅવિજયવેજયન્તી અ સમૂસિયા ગગણતલમણુલિહંતી પુરઓ૦, તયણન્તરં છત્તભિંગારં૦, તયણંતરં વડ્ડરામયવટ્ઠલટ્ઠસંઠિઅસુસિલિટ્ઠ-
 પરિઘટ્ઠમટ્ઠસુપડટ્ઠિએ વિસિટ્ઠે અણેગવરપજ્જવણ્ણકુડભીસહસ્સપરિમણિડઆભિરામે વાઉદ્ધઅવિજયવેજયન્તીપડાગાછત્તાઈછત્તકલિએ
 તુંગે ગયણતલમણુલિહંતસિહરે જોઅણસહસ્સમૂસિએ મહડમહાલએ મહિંદજ્ઞાએ પુરઓ૦, તયણન્તરં ચ ણં સરૂવનેવત્થપરિઅચ્છિઅવેસા
 સવ્વાલંકારવિભૂસિઆ પજ્જ અણિઆહિવડ્ડણો૦, તયણન્તરં ચ ણં બહવે આભિઓગિઆ દેવા ય દેવીઓ અ સણહિં સણહિં રૂવેહિં જાવ
 ણિઓગેહિં સક્કં દેવિંદં દેવરાયં પુરઓ અ મગ્ગઓ ય અ પાસઓ અહા૦, તયણન્તરં ચ ણં બહવે સોહમ્મકપ્પવાસી દેવા ય દેવીઓ અ

सव्विब्दीए जाव दुरुढा समाणा भगवओ अ जाव संपट्ठिआ, तए णं से सक्के० तेणं पञ्चाणिअपरिक्खित्तेणं जाव महिंदज्झएणं पुरओ पकट्ठिजमाणेणं चउरासीए सामाणिअ जाव परिवुडे सव्विब्दीए जाव रवेणं सोहम्मस्स कप्पस्स मज्झंमज्झेणं तं दिव्वं देवब्धिं जाव उवदंसेमाणे २ जेणेव सोहम्मस्स कप्पस्स उत्तरिल्ले निज्जाणमग्गे तेणेव उवागच्छइ जोअणसयसाहस्सिएहिं विग्गहेहिं ओवयमाणे २ ताए उक्किट्ठाए जाव देवगईए वीईवयमाणे २ तिरियमसंखिजाणं दीवसमुद्दाणं मज्झंमज्झेणं जेणेव णंदीसरवरे दीवे जेणेव दाहिणपुरत्थिमिल्ले रइकरगपव्वए तेणेव उवागच्छइ ता एवं जा चेव सूरियाभस्स वत्तव्वया णवरं सवकाहिगारो वत्तव्वो जाव तं दिव्वं देविब्दी जाव दिव्वं जाणविमाणं पडिसाहरमाणे जाव जेणेव भगवओ तित्थयरस्स जम्भणनगरे जेणेव भगवओ तित्थयरस्स जम्भणभवणे तेणेव उवागच्छति ता भगवओ तित्थयरस्स जम्भणभवणं तेणं दिव्वेणं जाणविमाणेणं तिक्खुत्तो आयाहिणपयाहिणं करेइ ता भगवओ तित्थयरस्स जम्भणभवणस्स उत्तरपुरत्थिमे दिसाभागे चतुरंगुलमसंपत्तं धरणियले तं दिव्वं जाणविमाणं ठवेइ ता अट्ठहिं अगमहिसीहिं दोहिं अणीएहिं गंधव्वाणीएण य णट्ठाणीएण य सद्धिं ताओ दिव्वाओ जाणविमाणाओ पुरत्थिमिल्लेणं तिसोवाणपडिरूवएणं पच्चोरुहइ, तए णं सक्कस्स देविंदस्स देवरण्णो चउरासीई सामाणियसाहस्सीओ ताओ दिव्वाओ जाणविमाणाओ उत्तरिल्लेणं तिसोवाणपडिरूवएणं पच्चोरुहंति, अवसेसा देवा य देवीओ य ताओ दिव्वा जाणविमाणाओ दाहिणिल्लेणं तिसोवाणपडिरूवएणं पच्चोरुहंति, तए णं से सक्के देविंदे देवराया चउरासीए सामाणियसाहस्सीहिं जाव सद्धिं संपरिवुडे सव्विब्दीए जाव दंदुभिणिग्घोसणाइयरवेणं जेणेव भगवं

तित्थयेरे तित्थयरमाया य तेणेव उवागच्छइ ता आलोए चेव पणामं करेइ ता भगवं तित्थयरं तित्थयरमायरं च तित्खुत्तो आयाहिणपयाहिणं
 करेइ ता करयल जाव एवं वयासी णमोऽत्थु ते रयणकुच्छिधारए एवं जहा दिसाकुमारीओ जाव धण्णा सि पुण्णा सि तं कयत्था सि,
 अहण्णं देवाणुप्पिए ! सक्के णामं देविंदे देवराया भगवओ तित्थयरस्स जम्भणमहिमं करिस्साभि तं णं तुब्भाहिं ण भाइयव्वंतिकदट्ठ
 ओसोवणिं दलयइ ता तित्थयरपडिरुवयं विउव्वइ ता तित्थयरमाउयाए पासे ठवइ ता पञ्च सक्के विउव्वइ ता एगे सक्के भगवं तित्थयरं
 करयलपुडेणं गिण्हइ एगे सक्के पिट्ठओ आयवत्तं धरेइ दुवे सक्का उभओ पासिं चामरुक्खेवं करेंति एगे सक्के पुरओ वज्जपाणी
 पकड्डइ, तए णं से सक्के देविंदे देवराया अण्णेहिं बहूहिं भवणवइवाणमंतरजोइसवेमाणिएहिं देवेहिं देवेहि य सद्धिं संपरिवुडे
 सव्विद्धीए जाव णाइएणं ताए उक्किट्ठाए जाव वीईव(उप्प)यमाणे जेणेव मंदरे पव्वए जेणेव पंडगवणे जेणेव अभिसेअसिला जेणेव
 अभिसेअसीहासणे तेणेव उवागच्छइ ता सीहासणवरगए पुरत्थाभिमुहे सण्णिसण्णे । ११८ । तेणं कालेणं० ईसाणे देविंदे देवराया
 सूलपाणी वसभवाहणे सुरिन्दे उत्तरद्धलोगाहिवई अट्ठावीसविमाणवासासयसहस्साहिवई अरयंबरवत्थधरे एवं जहा सक्के इमं णाणत्तं
 महाघोसा धण्टा लहुपरक्कमो पायत्तांणियाहिवई पुप्फओ विमाणकारी दक्खिणो निजाणमग्गे उत्तरपुरत्थिभिल्लो रइकरपव्वओ मंदरे
 समोसरिओ जाव पज्जुवासइ, एवं अवसिट्ठावि इंदा भाणियव्वा जाव अच्चुओ, इमं णाणत्तं चउरासीइमसीई बावत्तरि सत्तरी य सट्ठी य ।
 पण्णा चत्तालीसा तीसा वीसा दस सहस्सा ॥७६॥ एए सामाणियाणं, 'बत्तीसऽट्ठावीसा बारस अट्ठ चउरो य सयसहस्सा । पण्णा

चत्तालीसा छच्च सहस्सा सहस्सारे ॥७७॥ आणयपाणयकप्पे चत्तारि सयाऽऽरणच्चुए तिण्णि। एए विमाणाणं, इमे जाणविमाणकारी देवा, तं०-‘पालय पुप्फय सोमणसे सिरिवच्छे य णंदिआवत्ते । कामगम पीडगम मणोरमे विमल सव्वओभदे ॥७८॥ सोहम्मगाणं सणंकुमारगाणं बंभलोयगाणं महासुक्कयाणं पाणयगाणं इंदाणं सुधोसा घण्टा हरिणेगमेसी पायत्ताणीआहिवई उत्तरिल्ला णिज्जाणभूमी दाहिणपुरत्थिमिल्ले रइकरगपव्वए, ईसाणगाणं माहिंदलंतगसहस्सारअच्चुअगाण य इंदाणं महाधोसा घण्टा लहुपरक्कमो पायत्ताणीआहिवई दक्खिणिल्ले णिज्जाणमग्गे उत्तरपुरत्थिमिल्ले रइकरगपव्वए, परिसा णं जहा जीवाभिगमे, आयरक्खा सामाणियचउग्गुणा सव्वेसिं, जोयणसयसहस्सविच्छिण्णा उच्चत्तेणं सविमाणप्पमाणा, माहिंदज्झया सव्वेसिं जोयणसाहस्सिया, सक्कवज्जा मंदरे समोअरंति जाव पज्जुवासंति ॥१११॥ तेणं कालेणं० चमरे असुरिन्दे असुराया चमरचच्चाए रायहाणीए सभाए सुहम्माए चमरंसि सीहासणंसि चउसट्ठीए सामाणिअसाहस्सीहिं तायत्तीसाए तायत्तीसेहिं चउहिं लोगपालेहिं पच्चहिं अगगमहिसीहिं सपरिवाराहिं तीहिं परिसाहिं सत्तहिं अणिएहिं सत्तहिं अणियाहिवईहिं चउहिं चउसट्ठीहिं आयरक्खसाहस्सीहिं अण्णेहि अ जहा सक्के णवरं इमं णाणत्तं दुमो पायत्ताणीआहिवई ओधस्सरा घंटा विमाणं पण्णासं जोअणसहस्साइं माहिन्दज्झओ पच्चजोअणसयाइं विमाणकारी आभिओगिओ देवो अवसिट्ठं तं चेव जाव मन्दरे समोसरइ पज्जुवासइ, तेणं कालेणं० वली असुरिन्दे एवमेव णवरं सट्ठी सामाणिअसाहस्सीओ चउग्गुणा आयरक्खा महादुमो पायत्ताणीआहिवई महाओहस्सरा घण्टा सेसं तं चेव, परिसाओ जहा जीवाभिगमे, तेणं कालेणं० धरणे० तहेव, णाणत्तं छ

सामाणिअसाहस्सीओ छ अग्गमहिसीओ चउग्गुणा आयरक्खा मेघस्सरा घण्टा भद्दसेणो पायत्ताणीयाहिवई विमाणं पणवीसं
जोअणसहस्साइं महिंदज्झओ अद्धाइज्जाइं जोअणसयाइं एवम सुरिन्दावज्जिआणं भवणवासिइंदाणं णवरं असुराणं ओघस्सरा घण्टा
णागाणं मेघस्सरा सुवण्णाणं हंसस्सरा विज्जूणं कोंचस्सरा अग्गीणं मंजुस्सरा दिसाणं मंजुघोसा उदहीणं सुस्सरा दीवाणं म्हुस्सरा
वाऊणं णंदिस्सरा थणिआणं णंदिघोसा, चउसट्ठी सट्ठी खलु छच्च सहस्सा उ असुरवज्जाणं । सामाणिआ उ एए चउग्गुणा आयरक्खा
उ ॥७९॥ दाहिणिल्लाणं पायत्ताणीआहिवई भद्दसेणो उत्तरिल्लाणं दक्खो, वाणमन्तरजोइसिआ णोअव्वा एवं चेव, णवरं चत्तारि
सामाणिअसाहस्सीओ चत्तारि अग्गमहिसीओ सोलस आयरक्खसहस्सा विमाणा सहस्सं महिन्दज्झया पणुवीसं जोअणसयं घण्टा
दाहिणाणं मंजुस्सरा उत्तराणं मंजुघोसा पायत्ताणीआहिवई विमाणकारी य आभिओगा देवा जोईसिआणं सुस्सरा सुस्सरणिग्घोसाओ
घण्टाओ मन्दरे समोसरणं जाव पज्जुवासंति । १२० । तए णं से अच्छुए देविंदे देवराया महं देवाहिवे आभिओगे देवे सद्दावेइ ता एवं
वयासी खिप्पामेव भो देवाणुप्पिया ! महत्थं महग्घं महारिहं विउलं तित्थयराभिसेयं उवट्ठवेह, तए णं ते आभिओगा देवा हट्ठतुट्ठ जाव
पडिसुणित्ता उत्तरपुरत्थिमं दिसीभागं अवक्क मंति ता वेउव्वियसमुग्घाएणं जाव समोहणित्ता अट्ठसहस्सं सोवणिअकलसाणं एवं
रुप्पमयाणं मणिमयाणं सुवण्णरुप्पमयाणं सुवण्णमणिमयाणं रुप्पमणिमयाणं सुवण्णरुप्पमणिमयाणं अट्ठसहस्सं भोमिज्जाणं अट्ठसहस्सं
चंदणकलसाणं एवं भिंंगाराणं आयंसाणं थालाणं पाईणं सुपइड्ढाणं चित्ताणं रयणकरंडगाणं वायकरगाणं पुप्फचंगेरीणं, एवं जहा

सूरियाभस्स, सव्वचंगेरीओ सव्वपडलगाइं० विसेसियतराइं भाणियव्वाई, सीहासणछत्तचामरतेल्लसमुग्गजावसरिसवसमुग्गा तालिअंटा जाव अट्टसहस्सं कडुच्छुगाणं विउव्वंति ता साहाविए विउव्विए य कलसे जाव कडुच्छुए य गिण्हित्ता जेणेव खीरोदए समुदे तेणेव आगम्म खीरोदगं गिण्हंति ता जाइं तत्थ उप्पलाइं पउमाइं जाव सहस्सपत्ताइं ताइं गिण्हंति, एवं पुक्खरोदाओ जाव भरहेरवयाणं मागहाईणं तित्थाणं उदगं मट्ठिअं च गिण्हंति ता एवं गंगाईणं महाणईणं जाव चुल्लहिमवंताओ सव्वतुये सव्वपुप्फे सव्वगंधे सव्वमल्ले जाव सव्वोसहीओ सिद्धत्थए य गिण्हंति ता पउमदहाओ दहोअगं उप्पलादीणि य एवं सव्वकुलपव्वएसु वट्टवेअद्धेसु सव्वमहद्वहेसु सव्ववासेसु सव्वचक्कवट्ठिविजएसु वक्खारपव्वएसु अंतरणईसु विभासिज्जा जाव उत्तरकुरुसु जाव सुदंसणभदसालवणे सव्वतुये जाव सिद्धत्थए य गिण्हंति, एवं णंदणवणाओ सव्वतुये जाव सिद्धत्थए य सरसं च गोसीसचंदणं दिव्वं च सुमणोदामं गेण्हंति एवं सोमणसपंडगवणाओ य सव्वतुये जाव सुमणसदामं दद्वरमलयसुगंधे य गिण्हंति ता एगओ मिलायंति ता जेणेव सामी तेणेव उवागच्छंति ता महत्थं जाव तित्थयराभिसेयं उवट्ठवेति ॥२१॥ तए णं से अच्चुए देविन्दे दसहिं सामाणियसाहस्सीहिं जाव आयरक्खदेवसाहस्सीहिं सद्धिं संपरिवुडे तेहिं साभाविएहिं विउव्विएहि य वरकमलपड्डाणेहिं सुरभिवरवारिपडिपुण्णेहिं चन्दणकयचच्चाएहिं आविद्धकंठेगुणेहिं पउमुप्पलपिहाणेहिं करयलसुकुमारपरिगहिएहिं अट्टसहस्सेणं सोवणिगयाणं कलसाणं जाव अट्टसहस्सेणं भोमेज्जाणं जाव सव्वोदएहिं सव्वमट्ठियाहिं सव्वतुअरेहिं जाव सव्वोसहिसिद्धत्थएहिं सव्विड्डीए जाव रवेणं महया २

तिथ्यराभिसेणं अभिसिंचंति, तए णं सामिस्स महया २ अभिसेयंसि वट्टमाणंसि इंदाइया देवा छत्तचामरकलसधूवकडुच्छुअपुष्फ-
 गन्धजावहन्थगया हट्टतुट्ट जाव वज्जसूलपाणी पुरओ चिट्ठंति पंजलिउडा, एवं विजयाणुसारेण जाव अप्पेगइया देवा आसि
 असंमज्जिओवलित्तं करेन्ति जाव गन्धवट्टि भूयं, अप्पेग० हिरण्णवासं वासिंति एवं सुवण्णारयणवड्ढरआभरणपत्तपुष्फफल-
 बीअमल्लगन्धवण्णजाव चुण्णवासं वासंति, अप्पे० हिरण्णविहिं भाइंति एवं जाव चुण्णविधिं भाइंति, अप्पे० चउव्विहं वज्जं वाएंति
 तं०-तत्तं वितत्तं घणं झुसिरं, अप्पे० चउव्विहं गेयं गायंति, तं०-उक्खित्तं पायत्तं मन्दाइयं रोइआवसाणं, अप्पे० चउव्विहं णट्ठं णच्चंति,
 तं०-अचियं दुयं आरभडं भसोलं, अप्पे० चउव्विहं अभिणयं अभिणेति, तं०-दिट्ठंतियं पाडिस्सुइ(डंति)यं सामन्तोववाइयं
 लोगमज्झावसाणियं, अप्पे० बत्तीसइविहं दिव्वं णट्ठविहिं उवदंसेन्ति, अप्पे० उप्पयनिवयं निवयउप्पयं संकुचिअपसारियं जाव
 भन्तसंभन्तणामं दिव्वं नट्टविहिं उवदंसति, अप्पे० तंडवेति अप्पे० लासन्ति अप्पे० पीणेन्ति एवं बुक्कारेति अप्फोडेति वग्गंति सीहणायं
 णदंति अप्पे० सव्वाइं करेन्ति अप्पे० हयहेसियं एवं हन्थिगुलुगुलाइयं रहघणघणाइयं अप्पे० तिण्णिणवि, अप्पे० उच्छोलंति अप्पे०
 पच्छोलंति अप्पे० तिवइं छिंदंति पायदद्वरयं करेन्ति भूमिचवेडे दलयन्ति अप्पे० महया सदेणं रावेन्ति एवं संजोगा विभासियव्वा, अप्पे०
 हक्कारेन्ति एवं पुक्कारेन्ति बुक्कारेन्ति ओवयंति उप्पयंति परिप्पवंति जलंति तवंति पयवंति गज्जंति विज्जुआयंति वासिंति अप्पे० देवुक्कलियं
 करेन्ति एवं देवकहकहगं करेन्ति अप्पे० देवदुहुदुहुगं करेन्ति अप्पे० विकिअभूयाइरूवाइं विउव्विता पणच्चंति एवमाई विभासेज्जा जहा

विजयस्स जाव सव्वओ समन्ता आहावेति परिधावेति । १२२ । तए णं से अच्चुइंदे सपरिवारे सामिं तेणं महया २ अभिसेएणं अभिसिंचइ
 ता करयलपरिगगहिअं जाव मत्थए अंजलिं कट्टु जएणं विजएणं वद्धावेइ ता ताहिं इट्ठाहिं जाव जयजयसहं पउंजति जाव
 पम्हलसुकुमालाए सुरभीए गन्धकासाईए गायाइं लूहेइ ता एवं जाव कप्परुक्खगंपिव अलंकियविभूसिअं करेइ ता जाव णट्टुविहिं
 उवदंसेइ ता अच्छेहिं सण्हेहिं रययामएहिं अच्छरसातण्डुलेहिं भगवओ सामिस्स पुरओ अट्टुडुमंगलगे आलिहइ, तं०-दप्पण भद्दासण
 वद्धमाण वरकलस मच्छ सिरिवच्छा । सोत्थिअ णन्दावत्ता लिहिआ अट्टुडुमंगलगा ॥८०॥ लिहिऊण करेइ उवयारं, किं ते ?
 पाडलमल्लिअचंपगासोगपुत्राअचूय-मंजरिणवमालिअबउलतिलयकणवीरकुं दकुज्जगकोरंटपत्त दमणगवरसुरभिगन्धगंधियस्स
 कयगगहगहियकरयलपम्भट्टुविप्पमुक्कस्स दसद्धवण्णारस कुसुमणियरस्स तत्थ चित्तं जण्णुस्सेहप्पमाणमित्तं ओहिनिकरं करेत्ता
 चंदप्पभरयणवरवड्ढरवेरुलियविमलदंडं कंचणमणिरयणभत्तिचित्तं कालागुरुपवरकुंदुरुक्कधूवगंधुत्तमाणुविद्धं च धूमवट्ठिं विणिम्मुअंतं
 वेरुलियमयं कडुच्छुयं पगगहित्तु पयएणं धुवं दाऊण जिणवरिंदस्स सत्तट्टु पयाइं ओसरित्ता दसंगुलियं अंजलिं करिय मत्थयंमि पयओ
 अट्टुसयविसुद्धगन्धजुत्तेहिं महावित्तेहिं अपुणरुत्तेहिं अत्थजुत्तेहिं संथुणइ ता वामं जाणुं अंचेइ ता जाव करयलपरिगगहियं० मत्थए
 अंजलिं कट्टु एवं वयासी णमोऽत्थु ते सिद्धबुद्धणीरयसमणसामाहियसमत्तसमजोगिसल्लगत्ताणिब्भयणीरागदोसणिम्ममणिस्संगणी-
 सल्लमाणमूरणगुणरयणसीलसागरमणंतमप्पमेय भवियधम्मवरचाउरंतचक्कवट्ठी णमोऽत्थु ते अरहओत्तिकट्टु एवं वंदइ णमंसइ ता

॥ श्री जंबूद्वीप प्रज्ञप्ति सूत्र ॥

१६६

पू. सागरजी म. संशोधित

णाच्चासण्णे णाइदूरे सुस्ससमाणे जाव पज्जुवासइ, एवं जहा अच्चुयस्स तहा जाव ईसाणास्सवि भाणियव्वं, एवं
 भवणवइवाणमन्तरजोइसिया य सूरपज्जवसाणा सएणं परिवारेणं पत्तेयं २ अभिसिंचंति, तए णं से ईसाणे देविंदे देवराया पञ्च ईसाणे
 वेउव्वइ ता एगे ईसाणे भगवं तित्थयरं करयलसंपुडेणं गिणहइ ता सीहासणवरगए पुरत्थाभिमुहे सण्णिसण्णे एगे ईसाणे पिट्ठओ
 आयवत्तं धरेइ दुवे ईसाणा उभओ पासिं चामरुक्खेवं करेंति एगे ईसाणे पुरओ सूलपाणी चिट्ठइ, तए णं से सक्के देविंदे देवराया
 आभिओगे देवे सदावेइ ता एसोवि तह चेव अभिसेआणात्तिं देइ तेऽवि तह चेव उवणेति, तए णं से सक्के देविंदे देवराया भगवओ
 तित्थयरस्स चउद्विसिं चत्तारि धवलवसभे वेउव्वेइ सेए संखदलविमलनिम्मलदधिघणगोखीरफेणरयणिगरप्पगासे पासाईए दरसणिज्जे
 अभिरूवे पडिरूवे, तए णं तेसिं चउण्हं धवलवसभाणं अट्ठहिं सिंगेहिंतो अट्ठ तोयधाराओ णिग्गच्छंति, तए णं ताओ अट्ठ तोयधाराओ
 उद्धं वेहासं उप्पयंति एगयओ मिलायंति ता भगवओ तित्थयरस्स मुद्धाणांसि निवयति, तए णं से सक्के देविंदे देवराया चउरासीईए
 सामाणियसाहस्सीहिं एयस्सवि तहेव अभिसेओ भाणियव्वो जाव णमोऽत्थु ते अरहओत्तिकदट्ठ वंदइ णमंसइ जाव पज्जुवासइ। १२३।
 तए णं से सक्के देविंदे देवराया पंच सक्के विउव्वइ ता एगे सक्के भयवं तित्थयरं करयलपुडेणं गिणहइ एगे सक्के पिट्ठओ आयवत्तं धरेइ
 दुवे सक्का उभओ पासिं चामरुक्खेवं करेंति एगे सक्के वज्जपाणी पुरओ पगड्डइ, तए णं से सक्के चउरासीईए सामाणियसाहस्सीहिं
 जाव अण्णेहि य भवणवइवाणमन्तरजोइसवेमाणिएहिं देवेहिं देविहि य सद्धिं संपरिवुडे सव्विद्धीए जाव णाइअरवेणं ताए उक्किट्ठाए

जेणेव भगवओ तित्थयरस्स जम्भणणयरे जेणेव जम्भणभवणे जेणेव तित्थयरमाया तेणेव उवागच्छइ ता भगवं तित्थयरं माऊए पासे ठवेइ ता तित्थयरपडिरूवगं पडिसाहरइ ता ओसोवणिं पडिसाहरइ ता एगं महं खोमजुअलं कुंडलजुअलं च भगवओ तित्थयरस्स उस्सीसगमूले ठवेइ ता एगं महं सिरिदामगंडं तवणिज्जलंबूसगं सुवण्णपयरगमंडियं णाणामणिरयणविविहहारद्धहारउवसोहिअसमुदयं भगवओ तित्थयरस्स उल्लोयंसि निक्खिवइ, तण्णं भगवं तित्थयरे अणिमिसाए दिट्ठीए देहमाणे २ सुहंसुहेणं अभिरममाणे चिट्ठइ, तए णं से सक्के देविंदे देवराया वेसमणं देवं सद्दावेइ ता एवं वदासी खिप्पामेव भो देवाणुप्पिया ! बत्तीसं हिरण्णकोडीओ बत्तीसं सुवण्णकोडीओ बत्तीसं णंदाइं बत्तीसं भद्दाइं सुभगे सुभगसोभगगरूवजुव्वणलावण्णे य भगवओ तित्थयरस्स जम्भणभवणंसि साहराहिं ता एयमाणत्तियं पच्चप्पिणाहि, तए णं से वेसमणे देवे सक्केणं जाव विणएणं वयणं पडिसुणेइ ता जम्भए देवे सद्दावेइ ता एवं वदासी खिप्पामेव भो देवाणुप्पिया ! बत्तासं हिरवणकोडीओ बत्तीसं हिरण्णकोडीओ जाव भगवओ तित्थयरस्स जम्भणभवणंसि साहरह ता एयमाणत्तियं पच्चप्पिणाह, तए णं ते जंभगा देवा वेसमणेणं देवेणं एवं वुत्ता समाणा हट्टतुट्ट जाव खिप्पामेव बत्तीसं हिरण्णकोडीओ जाव भगवओ तित्थयरस्स जम्भणभवणंसि साहरंति ता जेणेव वेसमणे देवे जाव पच्चप्पिणंति, तए णं से वेसमणे देवे जेणेव सक्के देविंदे देवराया जाव पच्चप्पिणइ, तए णं से सक्के देविंदे देवराया अभिओगे देवे सद्दावेइ ता एवं वयासी खिप्पामेव भो देवाणुप्पिया ! भगवओ तित्थयरस्स जम्भणणयरंसि सिंधाडगजावमहापहपहेसु महया २ सद्देणं उग्घोसेमाणा २ एवं वदह हंदि सुणंतु भवंतो बहवे

भवणवइवाणमंतरजोइसवेमाणिया देवा य देवीओ अ जे णं देवाणुप्पिआ ! तित्थयरस्स तित्थयरमाऊए वा असुभं मणं पधारेइ तस्स णं अज्जगमं जरिआइव सय(त)धा मुद्धाणं फुट्टउत्तिकट्टु घोसणं घोसेह ता एअमाणत्तिअं पच्चप्पिणह, तए णं ते आभिओगा देवा जाव एवं देवोत्ति आणाए विणएणं वयणं पडिसुणंति ता सक्कस्स देविंदस्स देवरण्णो अंतिआओ पडिणिक्खमंति ता खिप्पामेव भगवओ तित्थगरस्स जम्भणणगरंसि सिंघाडग जाव एवं वयासी हंदि सुणंतु भवंतो बहवे भवणवइ जाव जे णं देवाणुप्पिआ ! तित्थयरस्स जाव फुट्टिहित्तिकट्टु घोसणगं घोसंति ता एअमाणत्तिअं पच्चप्पिणंति, तए णं ते बहवे भवणवइवाणमंतरजोइसवेमाणिया देवा भगवओ तित्थगरस्स जम्भणमहिमं करेति ता जेणेव णंदीसरवरदीवे तेणेव उवागच्छंति ता अट्ठाहियाओ महामहिमाओ करेति ता जामेव दिसिं पाउब्भूआ तामेव दिसिं पडिगया । १२४ । जंबुदीवस्स णं भंते ! दीवस्स पदेसा लवणसमुदं पुट्ठा ?, हंता पुट्ठा, ते णं भंते ! किं जंबुदीवे लवणसमुदे ?, गो० ! जंबुदीवे णं दीवे ते णो खलु लवणसमुदे, एवं लवणसमुदस्सवि पएसा जंबुदीवं पुट्ठा भाणिअव्वा, जंबुदीवे णं भंते ! जीवा उदाइत्ता २ लवणसमुदे पच्चायंति ? गो० ! अत्थेगइआ पच्चायंति अत्थेगइआ नो पच्चायंति, एवं लवणस्सवि जंबुदीवे णेअव्वमिति । १२५ । 'खंडा जोअण वासा पव्वय कूडा य तित्थ सेढीओ । विजय दह सलिलाओ पिंडए होइ संगहणी ॥८१॥ जंबुदीवे णं भंते ! दीवे भरहप्पमाणमेत्तेहिं खंडेहिं केवइअं खंडगणिएणं पं०?, गो० ! णउअं खंडसयं खंडगणिएणं पं०, जंबुदीवे णं भंते ! दीवे केवइअं जोयणगणिएणं पं०?, गो० ! 'सत्तेव य कोडिसया णउआ छप्पणण सयसहस्साइं । चउणवइं च सहस्सा सयं दिवब्धं

च गणिअपयं ॥८२॥ जंबुद्दीवे णं भंते ! दीवे कति वासा पं०, गो०! सत्त वासा पं० तं० भरहे एरवाए हिरण्णवाए हरिवासे रम्मगवासे
महाविदेहे जंबुद्दीवे केवइआ वासहरा पं० केवइआ मंदरा पव्वया पं० केवइआ चित्तकूडा केवइआ विचित्तकूडा केवइआ जमगपव्वया
केवइआ कंचणपव्वया केवइआ वक्खारा केवइआ दीहवेअद्धा केवइआ वट्टवेअद्धा पं०? गो० ! जंबुद्दीवे छ वासहरपव्वया एगे मंदरे
पव्वए एगे चित्तकूडे एगे विचित्तकूडे दो जमगपव्वया दो कंचणगपव्वयसया वीसं वक्खारपव्वया चोत्तीसं दीहवेयद्धा चत्तारि
वट्टवेयद्धा एवामेव सपुव्वावरेणं जंबुद्दीवे दुण्णि अउणत्तरा पव्वयसया भवंतीतिमक्खायं, जंबुद्दीवे केवइया वासहरकूडा केवइया
वक्खारकूडा केवइया वेयद्धकूडा केवइया मंदरकूडा पं०?, गो० ! छप्पणं वासहरकूडा छण्णउई वक्खारकूडा तिण्णि छलुत्तरा
वेयद्धकूडसया नव मंदरकूडा पं०, एवामेव सपुव्वावरेणं जंबुद्दीवे चत्तारि सत्तट्ठा कूडसया भवंतीतिमक्खायं, जंबुद्दीवे भरहे वासे कति
तित्था पं०?, गो०! तओ तित्था पं० तं० मागहे वरदामे पभासे, जंबुद्दीवे एरवाए वासे कति तित्था पं०?, गो०! तओ तित्था पं० तं० मागहे
वरदामे पभासे, जंबुद्दीवे एरवाए वासे कति तित्था पं०?, गो०! तओ तित्था पं० तं० मागहे वरदामे पभासे, जंबुद्दीवे महाविदेहे वासे
एगमेगे चक्कवट्ठिविजए कति तित्था पं० ?, गो० तओ तित्था पं० तं०-मागहे वरदामे पभासे, एवामेव सपुव्वावरेणं जंबुद्दीवे एगे बिंउत्तरे
तित्थसए भवंतीतिमक्खायं, जंबुद्दीवे केवइयाओ विजाहरसेढीओ केवइयाओ अभिओगसेढीओ पं०?, गो०! जंबुद्दीवे अट्ठ सट्ठी
विजाहर सेढीओ अट्ठ सट्ठी आभिओग सेढीओ पं० एवामेव सप्पुव्वावरेणं जंबुद्दीवे छत्तीसे सेढिसए भवतीतिमक्खायं, जंबुद्दीवे

केवइया चक्रवट्टिविजया केवइयाओ रायहाणीओ केवइयाओ तिभिसगुहाओ केवइयाओ खंडप्पवायगुहाओ केवइया कयमालया देवा केवइया णट्टमालया देवा केवइया उसभकूडा पं० ?, गो० जंबुदीवे चोत्तीसं चक्रवट्टिविजया चोत्तीसं रायहाणीओ चोत्तीसं तिभिसगुहाओ चोत्तीसं खंडप्पवायगुहाओ चोत्तीसं कयमालया देवा चोत्तीसं णट्टमालया देवा चोत्तीसं उसभकूडा पव्वया पं० जंबुदीवे णं भंते ! दीवे केवइया महदहा पं० ?, गो० ! सोलस महदहा पं०, जंबुदीवे णं भंते ! दीवे केवइयाओ महाणईओ वासहरप्पवहाओ केवइयाओ महाणईओ कुंडप्पवहाओ पं०?, गो० ! जंबुदीवे चोदस महाणईओ वासहरपवहाओ छावत्तरि महाणईओ कुंडप्पवहाओ, एवामेव सपुव्वावरेणं जंबुदीवे णउती महाणईओ भवंतीतिमक्खायं, जंबुदीवे भरहेरवएसु वासेसु कइ महाणईओ पं०?, गो० ! चत्तारि महानईओ पं० तं०-गंगा सिंधू रत्ता रत्तवई, तत्थ णं एगमेगा महाणई चउदसहिं २ सलिलासहस्सेहिं समग्गा पुरत्थिमपच्चत्थिमेणं लवणसमुदं समप्पेइ, एवामेव सपुव्वावरेणं जंबुदीवे भरहएरवएसु वासेसु छप्पणं सलिलासहस्सा भवंतीतिमक्खायं, जंबुदीवे णं भंते ! हेमवयहेरणवएसु वासेसु कति महाणईओ पं०?, गो० ! चत्तारि महाणईओ पं० तं०-रोहिता रोहिअंसा सुवण्णकूला रुप्पकूला, तत्थ णं एगमेगा महाणई अट्ठावीसाए २ सलिलासहस्सेहिं समग्गा पुरत्थिमपच्चत्थिमेणं लवणसमुदं समप्पेइ, एवामेव सपुव्वावरेणं जंबुदीवे हेमवयहेरणवएसु वासेसु बारसुत्तरे सलिलासयहस्से भवंतीतिमक्खायं, जंबुदीवे हरिवासरम्मगवासेसु कइ महाणईओ पं०?, गो० ! चत्तारि महाणईओ पं० तं०-हरी हरीकंता नरकंता णारीकंता, तत्थ णं एगमेगा महाणई छप्पणाए २ सलिलासहस्सेहिं समग्गा

पुरत्थिमपच्चत्थिमेणं लवणसमुदं समप्पेइ, एवामेव सपुव्वावरेणं जंबुद्दीवे हरिवासरम्भगवासेसु दो चउवीसा सलिलासयसहस्सा भवन्तीतिमक्खायं, जंबुद्दीवे महाविदेहे वासे कइ महाणईओ ?, गो०! दो महाणईओ पं० तं०-सीआ य सीओआ य, तत्थ णं एगमेगा महाणई पंचहिं २ सलिलासयसहस्सेहिं बत्तीसाए य सलिलासहस्सेहिं समग्गा पुरत्थिमपच्चत्थिमेणं लवणसमुदं समप्पेइ, एवामेव सपुव्वावरेणं महाविदेहे वासे दस सलिलासयसहस्सा चउसट्ठिं च सलिलासहस्सा भवन्तीतिमक्खायं, जंबुद्दीवे मंदरस्स पव्वयस्स दक्खिणेणं केवइया सलिलासयसहस्सा पुरत्थिमपच्चत्थिमाभिमुहा लवणसमुदं समप्पेति?, गो०! एगे छण्णउए सलिलासयसहस्से पुरत्थिमपच्चत्थिमाभिमुहे लवणसमुदं समप्पेति, जंबुद्दीवे मंदरस्स पव्वयस्स उत्तरेणं केवइया सलिलासयसहस्सा पुरत्थिमपच्चत्थिमाभिमुहा लवणसमुदं समप्पेति ?, गो०! एगे छण्णउए सलिलासयसहस्से पुरत्थिमपच्चत्थिमाभिमुहे जाव समप्पेइ, जंबुद्दीवे केवइआ सलिलासयसहस्सा पुरत्थिमाभिमुहा लवणसमुदं समप्पेति?, गो०! सत्त सलिलासयसहस्सा अट्ठावीसं च सहस्सा जाव समप्पेति, जंबुद्दीवे णं भंते! दीवे केवइआ सलिलासयसहस्सा पच्चत्थिमाभिमुहा लवण०?, गो०! सत्त सलिलायसहस्सा अट्ठावीसं च सहस्सा जाव समप्पेति, एवामेव सपुव्वावरेणं जंबुद्दीवे चोदस सलिलासयसहस्सा छप्पणं च सहस्सा भवन्तीतिमक्खायं । १२६ । जंबुद्दीवे णं भंते ! कइ चंदा पभासिंसु पभासंति पभासिस्संति कइ सूरिया तवइंसु तवेति तविस्संति केवइया णक्खत्ता जोगं जोइंसु जोयंति जोइस्संति केवइया महग्गहा चारं चरिसु चरंति चरिस्संति केवइयाओ तारागणकोडाकोडीओ सोभं सोभिंसु सोभंति सोभिस्संति ?, गो० ! दो

चंदा पभासिंसु० दो सूरिया तवइंसु० छप्पण्णं णक्खत्ता जोगं जोइंसु० छावत्तरं महग्गह सयं चारं चरिसुं० 'एगं च सयसहस्सं तेत्तीसं खलु भवे सहस्साइं । णव य सया पण्णासा तारागणकोडिकोडीणं ॥८३॥ १२७। कइ णं भंते ! सूरमंडला पं०?, गो०! एगे चउरासीए मंडलसए पं०, जंबुद्दीवे णं भंते ! दीवे केवइयं ओगाहत्ता केवइया सूरमंडला पं०?, गो०! जंबुद्दीवे असीयं जोयणसयं ओगाहत्ता एत्थ णं पण्णट्ठी सूरमंडला पं०, लवणे णं भंते ! समुदे केवइयं ओगाहत्ता केवइया सूरमंडला पं०?, गो०! लवणे समुदे तिण्णि तीसे जोयणसए ओगाहत्ता एत्थ णं एगुणवीसे सूरमंडलसए पं०, एवामेव सपुव्वावरेणं जंबुद्दीवे लवणे य समुदे एगे चुलसीए सूरमंडलसए भवंतीतिमक्खायं ॥१२८॥ सव्वब्भंतराओ णं भंते ! सूरमंडलाओ केवइयं अबाहाए सव्वबाहिरए सूरमंडले पं०?, गो०! पंचदसुत्तरे जोयणसए अबाहाए सव्वबाहिरए सूरमंडले पं० ॥१२९॥ सूरमंडलस्स णं भंते ! सूरमंडलस्स य केवइयं अबाहाए अंतरे पं०?, गो० ! दो जोयणाइं अबाहाए अंतरे पं० ॥१३०॥ सूरमंडले णं भंते ! केवइयं आयामविक्खंभेणं केवइयं परिक्खेवेणं केवइयं बाहल्लेणं पं०?, गो० अडयालीसं एगसट्ठिभाए जोयणस्स आयामविक्खंभेणं तं तिगुणं सविसेसं परिक्खेवेणं चउवीसं जोयणस्स एगसट्ठीभाए बाहल्लेणं पं० ॥१३१॥ जंबुद्दीवे णं भंते ! दीवे मंदरस्स पव्वयस्स केवइअं अबाहाए सव्वब्भंतरे सूरमंडले पं०?, गो०! चोआलीसं जोयणसहस्साइं अट्ठ य वीसे जोयणसए अबाहाए सव्वब्भंतरे सूरमंडले पं०, जंबुद्दीवे मंदरस्स पव्वयस्स केवइयं अबाहाए अब्भंतराणंतरे सूरमंडले पं०? गो०! चोआलीसं जोयणसहस्साइं अट्ठ य बावीसे जोयणसए अडयालीसं च एगसट्ठिभागे जोयणस्स अबाहाए अब्भंतराणंतरे सूरमंडले

पं०, जंबुद्दीवे णं भंते ! दीवे मंदरस्स पव्वयस्स केवइयाए अबाहाए अब्भंतरतच्चे सूरमंडले पं०?, गो० ! चोआलीसं जोयणसहस्साइं अट्ठ य पणवीसे जोयणसए पणतीसं च एगसट्ठिभागे जोयणस्स अबाहाए अब्भंतरतच्चे सूरमंडले पं०, एवं खलु एतेणं उवाएणं णिअवममाणे सूरिए तयाणंतराओ मंडलाओ तयाणंतरं मंडलं संकममाणे २ दो दो जोयणाइं अडयालीसं च एगट्ठिभाए जोयणस्स एगमेगे मंडले अबाहावुडिढं अभिवद्धेमाणे २ सव्वबाहिरं मंडलं उवसंकमित्ता चारं चरति, जंबुद्दीवे मंदरस्स पव्वयस्स केवइयं अबाहाए सव्वबाहिरे सूर मंडले पं०? गो०! पणयालीसं जोयणसहस्साइं तिणिण य तीसे जोयणसए अबाहाए सव्वबाहिरे सूरमंडले पं०, जंबुद्दीवे मंदरस्स केवइआए 'अबाहाए बाहिराणंतरे सूरमंडले पं०?, गो० ! पणयालीसं जोयणसहस्साइं तिणिण य सत्तावीसे जोयणसए तेरस य एगट्ठिभाए जोयणस्स अबाहाए बाहिराणंतरे सूरमंडले पं०, जंबुद्दीवे णं भंते! दीवे मंदरस्स पव्वयस्स केवइयाए अबाहाए बाहिरतच्चे सूरमंडले पं०?, गो०! पणयालीसं जोयणसहस्साइं तिणिण य चउवीसे जोयणसए छव्वीसं च एगसट्ठिभाए जोयणस्स अबाहाए बाहिरतच्चे सूरमंडले पं०, एवं खलु एएणं उवाएणं पविसमाणे सूरिए तयाणंतराओ मंडलाओ तयाणंतरं मंडलं संकममाणे २ दो दो जोयणाइं अडयालीसं च एगसट्ठिभाए जोयणस्स एगमेगे मंडले अबाहावुडिढं णिवुद्धेमाणे २ सव्वब्भंतरं मंडलं उवसंकमित्ता चारं चरइ १३२। जंबुद्दीवे सव्वब्भंतरे णं भंते ! सूरमंडले केवइयं आयामविक्खंभेणं केवइयं परिक्खेवेणं पं०?, गो०! णवणउइं जोयणसहस्साइं छच्च चत्ताले जोयणसए आयामविक्खंभेणं तिणिण य जोयणसयसहस्साइं पण्णरस य जोयणसहस्साइं एगुणउइं च जोयणाइं

किंचिविसेसाहियाइं परिक्रवेवेणं, अब्भंतराणंतरे णं भंते ! सूरमंडले केवइयं आयामविक्रवंभेणं केवइयं परिक्रवेवेणं पं०?, गो०!
 णवणउइं जोयणसहस्साइं छच्च पणयाले जोयणसए पणतीसं च एगसट्ठिभाए जोयणस्स आयामविक्रवंभेणं तिण्णि जोयणसयसहस्साइं
 पण्णरस य जोयणसहस्साइं एगं च सत्तुत्तरं जोयणसयं परिक्रवेवेणं पं०, अब्भंतरतच्चे णं भंते ! सूरमंडले केवइयं आयामविक्रवंभेणं
 केवइयं परिक्रवेवेणं पं०?, गो०! णवणउइं जोयणसहस्साइं छच्च एकावण्णे जोयणसए णव य एगट्ठिभाए जोयणस्स आयामविक्रवंभेणं
 तिण्णि य जोयणसयसहस्साइं पण्णरस य जोयणसहस्साइं एगं च पणवीसं परिक्रवेवेणं, एवं खलु एतेणं उवाएणं णिक्रममाणे
 सूरिए तयाणंतराओ मंडलाओ तयाणंतरं मंडलं उवसंकममाणे २ पंच २ जोयणाइं पणतीसं च एगसट्ठिभाए जोयणस्स एगमेगे मंडले
 विक्रवंभवुद्धिं अभिवद्धेमाणे २ अट्ठारस २ जोयणाइं परिरयवुद्धिं अभिवद्धेमाणे २ सव्वबाहिरं मंडलं उवसंकमित्ता चारं चरइ,
 सव्वबाहिरए णं भंते ! सूरमंडले केवइयं आयामविक्रवंभेणं केवइयं परिक्रवेवेणं पं०?, गो०! एगं जोयणसयसहस्सं छच्च सट्ठे
 जोयणसए आयामविक्रवंभेणं तिण्णि य जोयणसयसहस्साइं अट्ठारस य सहस्साइं तिण्णि य पण्णरसुत्तरे जोयणसए परिक्रवेवेणं,
 बाहिराणंतरे णं भंते ! सूरमंडले केवइयं आयामविक्रवंभेणं केवइयं परिक्रवेवेणं पं०?, गो०! एगं जोयणसयसहस्सं छच्च चउपण्णे
 जोयणसए छव्वीसं च एगसट्ठिभागे जोयणस्स आयामविक्रवंभेणं तिण्णि य जोयणसयसहस्साइं अट्ठारस य सहस्साइं दोण्णि य
 सत्ताणउए जोयणसए परिक्रवेवेणं, बाहिरतच्चे णं भंते ! सूरमंडले केवइयं आयामविक्रवंभेणं केवइयं परिक्रवेवेणं पं०?, गो०! एगं

जोयणसयसहस्सं छच्च अडयाले जोयणसए बावण्णं च एगसट्ठिभाए जोयणस्स आयामविक्खंभेणं तिण्णि जोयणसयसहस्साइं अट्टारस य सहस्साइं दोण्णि य अउणासीए जोयणसए किंचिविसेसाहिए परिक्खेवेणं, एवं खलु एएणं उवाएणं पविसमाणे सूरिए तयणंतराओ मंडलाओ तयणंतरं मंडलं संकममाणे २ पंच २ जोयणाइं पणतीसं च एगसट्ठिभाए जोयणस्स एगमेगे मंडले विक्खंभवुद्धिं णिव्वुद्धेमाणे सव्वब्भं तरं अट्टारस २ जोयणाइं परिरयवुद्धिं णिव्वुद्धेमाणे सव्वब्भंतरं मंडलं उवसंकमिता चारं चरइ ११३३। जया णं भंते! सूरिए सव्वब्भंतरं मंडलं उवसंकमिता चारं चरइ तथा णं एगमेगेणं मुहुत्तेणं केवइयं खेत्तं गच्छइ ?, गो० ! पंच २ जोयणसहस्साइं दोण्णि य एगावण्णे जोयणसए एगूणतीसं च सट्ठिभाए जोयणस्स एगमेगेणं मुहुत्तेणं गच्छइ, तथा णं इहगयस्स मणूसस्स सीयालीसाए जोयणसहस्सेहिं दोहि य तेवट्ठेहिं जोयणसएहिं एगवीसाए य जोयणस्स सट्ठिभाएहिं सूरिए चक्खुप्फासं हव्वमागच्छइ, से णिक्खममाणे सूरिए नवं संवच्छरं अयमाणे पढमंसि अहोरत्तंसि अब्भंतराणंतरं मंडलं उवसंकमिता चारं चरइ, जया णं भंते ! सूरिए अब्भंतराणंतरं मंडलं उवसंकमिता चारं चरति तथा णं एगमेगेणं मुहुत्तेणं केवइयं खेत्तं गच्छइ ?, गो० ! पंच २ जोयणसहस्साइं दोण्णि य एगावण्णे जोयणसए सीआलीसं च सट्ठिभागे जोयणस्स एगमेगेणं मुहुत्तेणं गच्छइ, तथा णं इहगयस्स मणूसस्स सीआलीसाए जोयणसहस्सेहिं एगूणासीए जोयणसएण सत्तावण्णेणं च सट्ठिभाएहिं जोयणस्स सट्ठिभागं च एगसट्ठिधा छेत्ता एगूणवीसाए चुण्णिआभागेहिं सूरिए चक्खुप्फासं हव्वमागच्छइ, से णिक्खममाणे सूरिए दोच्चंसि अहोरत्तंसि अब्भंतरतच्चं मंडलं उवसंकमिता चारं चरइ, जया णं भंते !

॥ श्री जंबूद्वीप प्रज्ञप्ति सूत्रं ॥

१७६

पू. सागरजी म. संशोधित

सूरिए अब्भंतरतच्चं मंडलं उवसंकमित्ता चारं चरइ तथा णं एगमेगेणं मुहुत्तेणं केवइयं खेत्तं गच्छइ ?, गो० ! पंच २ जोयणसहस्साइं दोण्णि य बावण्णे जोयणसए पंच य सट्ठिभाए जोयणस्स एगमेगेणं मुहुत्तेणं गच्छइ, तथा णं इहगयस्स मणूसस्स सीआलीसाए जोयणसहस्सेहिं छण्णउईए जोयणेहिं तेत्तीसाए सट्ठिभागेहिं जोयणस्स सट्ठिभागं च एगसट्ठिथा छेत्ता दोहिं चुण्णिआभागेहिं सूरिए चक्खुफासं हव्वमागच्छति, एवं खलु एतेणं उवाएणं णिक्खममाणे सूरिए तथाणंतराओ मंडलाओ तथाणंतरं मंडलं संकममाणे २ अट्ठारस २ सट्ठिभागे जोयणस्स एगमेगे मंडले मुहुत्तगइं अभिवट्ठेमाणे २ चुलसीई २ सीआइं जोयणाइं पुरिसच्छायं णिव्वुद्धेमाणे २ सव्वाबाहिरं मंडलं उवसंकमित्ता चारं चरइ, जदा णं भंते ! सूरिए सव्वबाहिरं मंडलं उवसंकमित्ता चारं चरइ तथा णं एगमेगेणं मुहुत्ताणं केवइयं खेत्तं गच्छइ?, गो पंच जोयणसहस्साइं तिण्णि य पंचुत्तरे जोयणसए पण्णारस य सट्ठिभाए जोयणस्स एगमेगेणं मुहुत्तेणं गच्छइ, तथा णं इहगयस्स मणूसस्स एगतीसाए जोयणसहस्सेहिं अट्ठहि य एगत्तीसेहिं जोयणसएहिं तीसाए य सट्ठिभाएहिं जोयणस्स सूरिए चक्खुप्फासं हव्वमागच्छइ, एस णं पढमे छम्मासे एस णं पढमस्स छम्मास्स पज्जवसाणे, से सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमित्ता चारं चरइ, जया णं भंते ! सूरिए बाहिराणंतरं मंडलं उवसंकमित्ता चारं चरइ तथा णं एगमेगेणं मुहुत्तेणं केवइअं खेत्तं गच्छइ ?, गो पंच जोयणसहस्साइं तिण्णि य चउरुत्तरे जोयणसए सत्तवण्णं च सट्ठिभाए जोयणस्स एगमेगेणं मुहुत्तेणं गच्छइ, तथा णं इहगयस्स मणूसस्स एगतीसाए जोयणसहस्सेहिं णवहि य सोलसुत्तरेहिं जोयणसएहिं

॥ श्री जंबूद्वीप प्रज्ञप्ति सूत्र ॥

१७७

पू. सागरजी म. संशोधित

इगुणालीसाए य सट्ठिभाएहिं जोयणस्स सट्ठिभागं च एगसट्ठिधा छेत्ता सट्ठीए चुण्णिआभागेहिं सूरिए चक्खुप्फासं हव्वमागच्छइ, से पविसमाणे सूरिए दोच्चंसि अहोरत्तंसि बाहिरतच्चं मंडलं उवसंकमित्ता चारं चरइ, जया णं भंते ! सूरिए बाहिरतच्चं मंडलं उवसंकमित्ता चारं चरइ तथा णं एगमेगेणं मुहुत्तेणं केवइअं खेत्तं गच्छइ ?, गो० ! पंच जोयणसहस्साइं तिण्णि य चउत्तरे जोयणसाए इगुणालीसं च सट्ठिभाए जोयणस्स एगमेगेणं मुहुत्तेणं गच्छइ, तथा णं इहगयस्स मणुयस्स एगाहिएहिं बत्तीसाए जोअणसहस्सेहिं एगुणपण्णाए य सट्ठिभाएहिं जोयणस्स सट्ठिभागं च एगसट्ठिधा छेत्ता तेवीसाए चुण्णिआभाएहिं सूरिए चक्खुप्फासं हव्वमागच्छइ, एवं खलु एएणं उवाएणं पविसमाणे सूरिए तथाणंतराओ मंडलाओ तथाणंतरं मंडलं संकममाणे २ अट्ठारस २ सट्ठिभाए जोयणस्स एगमेगे मंडले मुहुत्तगइं निवट्ठेमाणे २ सातिरेगाइं पंचासीतिं २ जोयणाइं पुरिसच्छायं अभिवद्धेमाणे २ सव्वब्भंतरं मंडलं उवसंकमित्ता चारं चरइ, एस णं दोच्चे छम्मासे एस णं दोच्चस्स छम्मासस्स पज्जवसाले एस णं आइच्चे संवच्छरे एस णं आइच्चस्स संवच्छरस्स पज्जवसाणे (१३४) जया णं भंते ! सूरिए सव्वब्भंतरं मंडलं उवसंकमित्ता चारं चरइ तथा णं केमहालए दिवसे? केमहालिया राई भवइ ?, गो० ! तथा णं उत्तमकट्ठपत्ते उक्कोसए अट्ठारसमुहुत्ते दिवसे भवइ जहण्णिआ दुवालसमुहुत्ता राई भवइ, से णिक्खममाणे सूरिए णवं संवच्छरं अयमाणे पढमंसि अहोरत्तंसि अब्भंतराणंतरं मंडलं उवसंकमित्ता चारं चरइ, जया णं भंते! सूरिए अब्भंतराणंतरं मंडलं उवसंकमित्ता चारं चरइ तथा णं केमहालए दिवसे केमहालिया राई भवइ ? गो०! तथा णं अट्ठारसमुहुत्ते दिवसे भवइ दोहिं एगट्ठिभागमुहुत्तेहिं अहिआ, से

णिक्खममाणे सूरिए दोच्चंसि अहोरत्तंसि जाव चारं चरति तदा णं केमहालिया राई भवई?, गो० तथा णं अट्टारसमुहुत्ते दिवसे भवइ चउहिं एगट्ठिभागमुहुत्तेहिं ऊणे दुवालसमुहुत्ता राई भवइ दोहि य एगट्ठिभागमुहुत्तेहिं ऊणे दुवालसमुहुत्ता राई भवइ चउहिं एगसट्ठिभागमुहुत्तेहिं अहिआ, एवं खलु एएणं उवाएणं निक्खममाणे सूरिए तथाणंतराओ मंडलाओ तथाणंतरं मंडलं संकममाणे २ दो दो एगट्ठिभागमुहुत्ते एगमेगे मंडले दिवसखित्तस्स निव्वुद्धेमाणे २ रयणिखित्तस्स अभिवद्धेमाणे २ सव्वबाहिरं मंडलं उवसंकमित्ता चारं चरइ, जया णं सूरिए सव्वब्भंतराओ मंडलाओ सव्वबाहिरं मंडलं उवसंकमित्ता चारं चरइ तथा णं सव्वब्भंतरमंडलं पणिहाय एगेणं तेसीएणं राइंदिअसएणं तिणिण छावट्ठे एगसट्ठिभागमुहुत्तसए दिवसखेत्तस्स निव्वुद्धेत्ता रयणिखेत्तस्स अभिवुद्धेत्ता चारं चरइ, जया णं भंते ! सूरिए सव्वबाहिरं मंडलं उवसंकमित्ता चारं चरइ तथा णं केमहालए दिवसे केमहालिया राई भवइ ?, गो०! तथा णं उत्तमकट्ठपत्ता उक्कोसिया अट्टारसमुहुत्ता राई भवइ जहण्णाए दुवालसमुहुत्ते दिवसे भवइ, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमित्ता चारं चरइ, जया णं भंते! सूरिए बाहिराणंतरं मंडलं उवसंकमित्ता चारं चरइ तथा णं केमहालिया दिवसे भवइ केमहालिया राई भवई ?, गो०! अट्टारसमुहुत्ता राई भवइ दोहिं एगसट्ठिभागमुहुत्तेहिं ऊणा दुवालसमुहुत्ते दिवसे भवइ दोहिं एगसट्ठिभागमुहुत्तेहिं अहिए, से पविसमाणे सूरिए दोच्चंसि अहोरत्तंसि बाहिरतच्चं मंडलं उवसंकमित्ता चारं चरइ, जया णं भंते ! सूरिए बाहिरतच्चं मंडलं उवसंकमित्ता चारं चरइ,

तथा णं केमहालए दिवसे भवइ केमहालिया राई भवइ ?, गो०! तथा णं अट्टारसमुहत्ता राई भवइ चउहिं एगसट्ठिभागमुहत्तेहिं ऊणा दुवालसमुहत्ते दिवसे भवइ चउहिं एगसट्ठिभागमुहत्तेहिं अहिए, एवं खलु एएणं उवाएणं पविसमाणे सूरिए तथाणंतराओ मंडलाओ तथाणंतरं मंडलं संकममाणे २ दो दो एगसट्ठिभागमुहत्ते एगमेगे मंडले रयणिखेत्तस्स निवुद्धेमाणे २ दिवसखेत्तस्स अभिवुद्धेमाणे २ सव्वब्भंतरं मंडलं उवसंकमिता चारं चरइ, जया णं सूरिए सव्वबाहिराओ मंडलाओ सव्वब्भंतरं मंडलं उवसंकमिता चारं चरइ तथा णं सव्वबाहिरं मंडलं पणिहाय एगेणं तेसीएणं राइंदिअसएणं तिणिण छावट्ठे एगसट्ठिभागमुहत्तसए रयणिखेत्तस्स णिवुद्धेत्ता दिवसखेत्तस्स अभिवुद्धेत्ता चारं चरइ, एस णं दोच्चे छम्मासे एस णं दुच्चस्स छम्मासस्स पज्जवसाणे एस णं आइच्चे संवच्छरे एस णं आइच्चस्स संवच्छरस्स पज्जवसाणे १३५। जया णं भंते ! सूरिए सव्वब्भंतरं मंडलं उवसंकमिता चारं चरइ तथा णं किंसंठिआ तावखित्तसंठिई पं०?, गो ! उद्धीमुहकलंबुआपुप्फसंठाणसंठिआ तावखेत्तसंठिई पं० अंतो संकुआ बाहिं वित्थडा अंतो वट्ठा बाहिं पिहुला अंतो अंकमुहसंठिआ बाहिं सगडुद्धीमुहसंठिआ उभओ(प्र०अवहो)पासे णं तीसे दो बाहाओ अवट्ठिआओ हवन्ति पणयालीसं २ जोयणसहस्साइं आयामेणं, दुवे य णं तीसे बाहाओ अणवट्ठिआओ हवन्ति, तं०-सव्वब्भंतरिया चेव बाहा सव्वबाहिरिया चेव बाहा, तीसे णं सव्वब्भंतरिया बाहा मंदरपव्वयंतेणं बाहा मंदरपव्वयंतेणं णवजोयणसहस्साइं चत्तारि छलसीए जोयणसए णव य दसभाए जोयणस्स परिक्खेवेणं, एस णं भंते ! परिक्खेवविसेसे कओ आहिएत्ति वएज्जा ?, गो० ! जे णं मंदरस्स परिक्खेवे तं परिक्खेवं तिहिं गुणेत्ता दसंहिं छेत्ता दसंहिं

भागे हीरमाणे एस परिक्रवेवविसेसे आहिएत्ति वदेज्जा, तीसे णं सव्वबाहिरिआ बाहा लवणसमुद्धंतेणं चउणवई जोयणसहस्साइं अट्ठ
य सट्ठे जोयणसए चत्तारि य दसभाए जोयणस्स परिक्रवेवेणं, से णं भंते! परिक्रवेवविसेसे कओ आहिएत्ति वएज्जा?, गो०! जे णं
जंबुद्धीवस्स परिक्रवेवे तं परिक्रवेवं तिहिं गुणेत्ता दसहिं छेत्ता दसहिं भागे हीरमाणे एस णं परिक्रवेवविसेसे आहिएत्ति वएज्जा, तथा णं
भंते! तावखित्ते केवइअं आयामेणं पं०?, गो०! अट्ठहत्तरिजोयणसहस्साइं तिणिण य तेत्तीसे जोयणसए जोयणस्स तिभागं च आयामेणं
पं०, मेरूस्स मज्झयारे जाव य लवणस्स रुंदछब्भागो। तावायामो एसो सगडुद्धीसंठिओ नियमा ॥ ८४ ॥ तथा णं भंते! किंसंठिया
अंधकारसंठिई पं०?, गो०! उद्धीमुहकलंबुआपुप्फसंठाणसंठिआ अंधकारसंठिई पं० अंतो संकुआ बाहिं वित्थडा तं चेव जाव तीसे णं
सव्वभंतरिआ बाहा मंदरपव्वयंतेणं छजोयणसहस्साइं तिणिण य चउवीसे जोयणसए छच्च दसभाए जोयणस्स परिक्रवेवेणं, से णं
भंते! परिक्रवेवविसेसे कओ आहि०?, गो०! जे णं मंदरस्स पव्वयस्स परिक्रवेवे तं परिक्रवेवं दोहिं गुणेत्ता दसहिं छेत्ता दसहिं भागे
हीरमाणे एस णं परिक्रवेवविसेसे आहि०, तीसे णं सव्वबाहिरिया बाहा लवणसमुद्धंतेणं तेसट्ठी जोयणसहस्साइं दोणिण य पणयाले
जोयणसए छच्च दसभाए जोयणस्स परिक्रवेवेणं, से णं भंते! परिक्रवेवविसेसे कओ आहि०? गो०! जे णं जंबुद्धीवस्स परिक्रवेवे तं
परिक्रवेवं दोहिं गुणेत्ता जाव तं चेव, तथा णं भंते! अंधयारे केवइए आयामेणं पं०?, गो०! अट्ठहत्तरि जोयणसहस्साइं तिणिण य तेत्तीसं
जोयणसए जोयणतिभागं च आयामेणं पं०, जया णं भंते! सूरिए सव्वबाहिरमंडलं उवसंकमित्ता चारं चरइ तथा णं किंसंठिया

तावत्खित्तसंठिई पं०?, गो०! उब्दीमुहकलंबुयापुप्फसंठाणसंठिया पं०, तं चेव सव्व णेयव्वं णवरं णाणत्तं जं अंधयारसंठिईए पुव्ववणिणयं पमाणं तं तावत्खित्तसंठिईए णेयव्वं जं तावत्खित्तसंठिईए पुव्ववणिणयं पमाणं तं अंधयारसंठिईए णेयव्वं ॥ १३६ ॥ जंबुद्दीवे सूरिआ उग्गमणमुहुत्तंसि दूरे य मूले य दीसंति मज्झंतिअमुहुत्तंसि मूले य दूरे य दीसंति अत्थमणमुहुत्तंसि दूरे य मूले य दीसंति?, हंता गो०! तं चेव जाव दीसंति, जंबुद्दीवे सूरिआ उग्गमणमुहुत्तंसि य मज्झंतिअमुहुत्तंसि य अत्थमणमुहुत्तंसि य सव्वत्थ समा उच्चत्तेणं?, हंता तं चेव जाव उच्चत्तेणं, जइ णं भंते! जंबुद्दीवे सूरिआ उग्गमणमुहुत्तंसि य मज्झं० अत्थ० सव्वत्थ समा उच्चत्तेणं कम्हा णं भंते! जंबुद्दीवे सूरिया उग्गमणमुहुत्तंसि दूरे य मूले दीसंति०, गो०! लेसापडिघाएणं उग्गमणमुहुत्तंसि दूरे य मूले य दीसंति लेसाहितावेणं मज्झंतिअमुहुत्तंसि मूल ये दूरे य दीसंति लेसापडिघाएणं अत्थमणमुहुत्तंसि दूरे य मूले य दीसंति, एवं खलु गो०! तं चेव जाव दीसंति ॥ १३७ ॥ जंबुद्दीवे सूरिआ किं तीअं खेत्तं गच्छंति पडुप्पणं खेत्तं गच्छन्ति अणागयं खेत्तं गच्छन्ति?, गो०! णो तीअं खेत्तं गच्छन्ति पडुप्पणं खेत्तं गच्छन्ति णो अणागयं खेत्तं गच्छन्ति, तं भंते! किं पुट्ठं गच्छंति जाव नियमा छद्दिसिं, एवं ओभासेति, तं भंते! किं पुट्ठं ओभासेति?, एवं आहारपयाइं णेयव्वाइं पुट्ठो (प्र० ट्ठं) गाढमणंतरमणुमहआदिविसयाणुपुव्वी य, जाव णियमा छद्दिसिं, एवं उज्जोवेति तवेति पभासेति ॥ १३८ ॥ जंबुद्दीवे सूरियाणं किं तीते खित्ते किरिया कज्जइ पडुप्पणो० अणागए०?, गो०! णो तीए खित्ते किरिया कज्जइ पडुप्पणो कज्जइ णो अणागए०, सा भंते! किं पुट्ठा कज्जइ अपुट्ठा०?, गो०! पुट्ठा० णो अपुट्ठा कज्जइ जाव णियमा छद्दिसिं ॥ १३९ ॥

॥ श्री जंबुद्दीप प्रज्ञप्ति सूत्र ॥

१८२

पू. सागरजी म. संशोधित

जंबुद्वीवे सूरिया केवइयं खेत्तं उद्धं तवयंति अहे तिरियं च?, गो०! एगं जोयणसयं उद्धं तवयंति अद्वारसजोयणसयाइं अहे तवयंति सीयालीसं जोयणसहस्साइं दोणिण य तेवट्टे जोयणसए एगवीसं च सट्ठिभाए जोयणस्स तिरियं तवयंति ॥ १४० ॥ अंतो णं भंते! माणुसुत्तरस्स पव्वयस्स जे चंदिमसूरियगहगणणक्खत्ततारारूवा ते णं भंते! देवा किं उद्धोववण्णगा कप्पोववण्णगा विमाणोववण्णगा चारोववण्णगा चारट्ठिइया गइरइया गइसमावण्णगा?, गो०! अंतो णं माणुसुत्तरस्स पव्वयस्स जे चंदिमसूरियजावतारारूवा ते णं देवा उद्धोववण्णगा णो कप्पोववण्णगा विमाणोववण्णगा चारोववण्णगा णो चारट्ठिइया गइरइया गइसमावण्णगा, उद्धीमुहकलंबुया-पुप्फसंठाणसंतिएहिं जोयणसाहस्सिएहिं तावखेत्तेहिं, साहस्सियाहिं सयसाहस्सियाहिं वेउव्वियाहिं बाहिराहिं परिसाहिं महयाहयणट्ठगीय-वाइयतंतीतलतालतुडियधणमुइंगपडुप्पवाइयरवेणं दिव्वाइं भोगभोगाइं भुंजमाणा महया उक्किट्ठिसीहणायबोलकलकलरवेणं अच्छं पव्वयरायं पयाहिणावत्तमण्डलचारं मेरूं अणुपरियट्ठंति ॥ १४१ ॥ तेसिं णं भंते! देवाणं जाहे इंदे चुए भवइ से कहमियाणिं पकरेंति?, गो०! ताहे चत्तारिपंच सामाणिआ देवा तं ठाणं उवसंपज्जित्ताणं विहरंति जाव तत्थ अण्णे इंदे उववण्णे भवइ, इंदट्ठाणे णं भंते! केवइअं कालं उववाएणं विरहिए पं०?, गो०! जह० एगं समयं उक्को० छम्मासे उववाएणं विरहिए पं०, बहिया णं भंते! माणुसुत्तरस्स पव्वयस्स जे चंदिमजावतारारूवा तं चेव णोअव्वं णाणत्तं विमाणोववण्णगा णो चारोववण्णगा चारट्ठिइआ णो गइरइआ णो गइसमावण्णगा, पक्किट्ठगसंठाणसंतिएहिं जोअणसयसाहस्सिएहिं तावखित्तेहिं, सयसाहस्सिआहिं वेउव्विआहिं बाहिराहिं परिसाहिं

महयाहयणट्ट जाव भुंजमाणा सुहलेसा मन्दलेसा मन्दातवलेसा चिन्तंतरलेसा अण्णोण्णसमोगाढाहिं लेसाहिं कूडाविव ठाण्ठाआ
 सव्वओ समन्ता ते पएसे ओभासंति उज्जोवेति तवेति पभासेन्ति, तेसिं णं भंते! देवाणं जाहे इंदे चुए भवइ से कहमियाणिं पकरेन्ति जाव
 जह० एक्कं समयं उक्को० छम्मासा ॥ १४२ ॥ कइ णं भंते! चंदमण्डला पं?, गो०! पण्णारस चंदमण्डला पं०, जंबुद्दीवे केवइयं
 ओगाहित्ता केवइया चंदमण्डला पं०?, गो०! जंबुद्दीवे असीयं जोयणसयं ओगाहित्ता पंच चंदमण्डला पं०, लवणे णं भंते! पुच्छा,
 गो०! लवणे णं समुद्दे तिण्णि तीसे जोयणसए ओगाहित्ता एत्थ णं दस चंदमंडला पं०, एवामेव सपुव्वावरेणं जंबुद्दीवे लवणे य समुद्दे
 पण्णारस चंदमंडला भवंतीतिमक्खायं ॥ १४३ ॥ सव्वब्भंतराओ णं भंते! चंदमंडलाओ केवइयं अबाहाए सव्वबाहिरए चंदमंडले
 पं०?, गो०! पंचदसुत्तरे जोयणसए अबाहाए सव्वबाहिरए चंदमंडले पं० ॥ १४४ ॥ चंदमंडलस्स णं भंते! चंदमंडलस्स य केवइयं
 अबाहाए अंतरे पं०?, गो०! पण्णतीसं २ जोयणाइं तीसं च एगसट्ठिभाए जोयणस्स एगसट्ठिभागं च सत्तहा छेता चत्तारि चुण्णियाभाए
 चंदमंडलस्स २ य अबाहाए अंतरे पं० ॥ १४५ ॥ चंदमंडले णं भंते! केवइयं आयामविक्खंभेणं केवइयं परिक्खेवेणं केवइयं बाहल्लेणं
 पं०?, गो०! छप्पण्णं एगसट्ठिभाए जोयणस्स आयामविक्खंभेणं तं तिगुणं सविसेसं परिक्खेवेणं अट्ठावीसं च एगसट्ठिभाए जोयणस्स
 बाहल्लेणं ॥ १४६ ॥ जंबुद्दीवे मंदरस्स पव्वयस्स केवइयं अबाहाए सव्वब्भंतरं चन्दमंडलं पं०?, गो०! चोयालीसं जोयणसहस्साइं अट्ठ य
 वीसे जोअणसए अबाहाए सव्वब्भंतरए चन्दमंडले पं०, जंबुद्दीवे मंदरस्स केवइयं अबाहाए अब्भंतराणंतरे चंदमंजले पं०?, गो०!

॥ श्री जंबुद्दीप प्रज्ञप्ति सूत्रं ॥

१८४

पू. सागरजी म. संशोधित

चोयालीसं जोयणसहस्साइं अट्ट य छप्पण्णे जोअणसए पणवीसं च एगसट्ठिभाए जोअणस्स एगट्ठिभागं च सत्तहा छेत्ता चत्तारि
 चुण्णिआभाए अबाहाए अब्भंतराणांतरं चन्दमंडलं पं०, जंबुद्दीवे मंदरस्स पव्वयस्स केवडयं अबाहाए अब्भंतरतच्चं मंडलं पं०?, गो०!
 चोआलीसं जोअणसहस्साइं अट्ट य बाणउए जोअणसए एगावण्णं च एगसट्ठिभाए जोअणस्स एगट्ठिभागं च सत्तहा छेत्ता एगं
 चुण्णिआभागं अबाहाए अब्भंतरतच्चे चंदमंडले पं०, एवं खलु एएणं उवाएणं णिक्खममाणे चंदे तयाणन्तराओ मंडलाओ तयाणांतरं
 मंडलं संकममाणे २ छत्तीसं २ जोयणाइं पणवीसं च एगट्ठिभाए जोयणस्स एगट्ठिभागं च सत्तहा छेत्ता चत्तारि चुण्णिआभाए एगमेगे
 मंडले अबाहाए वट्ठिं अभिवद्धेमाणे २ सव्वबाहिरं मंडलं उवसंकमित्ता चारं चरइ, जंबुद्दीवे मंदरस्स पव्वयस्स केवडयं अबाहाए
 सव्वबाहिरे चंदमंडले पं०?, पणयालीसं जोअणसहस्साइं तिण्णि य तीसे जोअणसए अबाहाए सव्वबाहिरए चंदमंडले पं०, जम्बुद्दीवे
 मन्दरस्स पव्वयस्स केवडयं अबाहाए बाहिराणन्तरे चंदमंडले पं०?, गो० पणयालीसं जोयणसहस्साइं दोण्णि य तेणउए जोयणसए
 पणतीसं च एगट्ठिभाए जोयणस्स एगट्ठिभागं च सत्तहा छेत्ता तिण्णि चुण्णिआभाए अबाहाए बाहिराणन्तरे चंदमंडले पं०?, जंबुद्दीवे
 दीवे मन्दरस्स पव्वयस्स केवडयाए अबाहाए बाहिरतच्चे चंदमंडले पं०?, गो०! पणयालीसं जोयणसहस्साइं दोण्णि य सत्तावण्णे
 जोयणसए णव य एगट्ठिभागे जोयणस्स एगट्ठिभागं च सत्तहा छेत्ता छ चुण्णिआभाए अबाहाए बाहिरतच्चे चंदमंडले पं०, एवं खलु
 एएणं उवाएणं पविसमाणे चंदे तयाणन्तराओ मंडलाओ तयाणांतरं मंडलं संकममाणे २ छत्तीसं २ जोअणाइं पणवीसं च एगसट्ठिभाए

॥ श्री जंबुद्दीप प्रज्ञप्ति सूत्र ॥

१८५

पू. सागरजी म. संशोधित

जोयणस्स एगट्ठिभागं च सत्तहा छेत्ता चत्तारि चुण्णिआभाए एगमेगे मंडले अबाहाए वुद्धिं णिव्वुद्धेमाणे २ सव्वब्भंतरे मंडलं उवसंकमिन्ता चारं चरइ ११४७) सव्वब्भंतरे णं भंते ! चंदमंडले केवइअं आयामविकखम्भेणं केवइअं परिक्खेवेणं पं०?, गो०! णवणउई जोयणसहस्साइं छच्च चत्ताले जोयणसए आयामविकखम्भेणं तिण्णि य जोयणसयसहस्साइं पण्णरस य जोयणसहस्साइं अउणाणउत्तिं च जोयणाइं किंचिविसेसाहिए परिक्खेवेणं, अब्भन्तराणंतरे सा चेव पुच्छा, गो०! णवणउई जोयणसहस्साइं सत्त य बारसुत्तरे जोयणसए एगावन्नं च एगट्ठिभागे० एगट्ठिभागं च सत्तहा छेत्ता एगं चुण्णिआभागं आयामविकखम्भेणं तिण्णि य जोयणसयसहस्साइं पन्नर सहस्साइं तिण्णि य एगूणवीसे जोयणसए किंचिविसेसाहिए परिक्खेवेणं, अब्भन्तरतच्चे णं जाव पं०?, गो०! णवणउई जोयणसहस्साइं सत्त य पञ्चासीए जोअणसए इगतालीसं च एगट्ठिभाए जोयणस्स एगट्ठिभागं च सत्तहा छेत्ता दोण्णि य चुण्णिआभाए आयामविकखम्भेणं तिण्णि य जोयणसयसहस्साइं पण्णरस जोयणसहस्साइं पंच य इगुणापण्णे जोयणसए किंचिविसेसाहिए परिक्खेवेणं, एवं खलु एएणं उवाएणं णिक्खममाणे चंदे जाव संकममाणे २ बावत्तरिं २ जोअणाइं एगावण्णं च एगट्ठिभाए जोअणस्स एगट्ठिभागं च सत्तहा छेत्ता एगं च चुण्णिआभागं एगमेगे मंडले विक्खंभवुद्धिं अभिवद्धेमाणे २ दो तीसाइं जोयणसयाइं परिरयवुद्धिं अभिवद्धेमाणे २ सव्वबाहिरं मंडलं उवसंकमिन्ता चारं चरइ, सव्वहबाहिए णं भंते ! चन्दमंडले केवइयं आयामविकखम्भेणं केवइयं परिक्खेवेणं पं०?, गो० एगं जोयणसयसहस्सं छच्च सट्ठे जोयणसए आयामविकखम्भेणं तिण्णि

॥ श्री जंबूद्वीप प्रज्ञप्ति सूत्र ॥

१८६

पू. सागरजी म. संशोधित

जोयणसयसहस्साइं अट्टारस सहस्साइं तिन्नि य पण्णरसुत्तरे जोअणसए परिक्खेवेणं, बाहिराणन्तरे णं पुच्छा, गो०! एगं जोअणसयसहस्सं पञ्च सत्तासीए जोयणसए णव य एगट्ठिभाए जोयणस्स एगट्ठिभागं च सत्तहा छेत्ता छ चुण्णिआभाए आयामविक्खम्भेणं तिण्णि य जोयणसयसहस्साइं अट्टारस य सहस्साइं पंचासीइं च जोयणाइं परिक्खेवेणं, बाहिरतच्चे णं भंते ! चन्दमंडले० पं०?, गो०! एगं जोअणसयसहस्सं पंच य चउदसुत्तरे जोयणसए एगूणवीसं च एगसट्ठिभाए जोअणस्स एगट्ठिभागं च सत्तहा छेत्ता पंच चुण्णिआभाए आयामविक्खम्भेणं तिण्णि य जोयणसयसहस्साइं सत्तरस सहस्साइं अट्ट य पणपण्णं जोअणसए परिक्खेवेणं, एवं खलु एएणं उवाएणं पविसमाणे चंदे जाव संकममाणे २ बावत्तरि जोअणाइं एगावण्णं च एगट्ठिभाए जोअणस्स एगट्ठिभागं च सत्तहा छेत्ता एगं चुण्णिआभागं एगमेगे मण्डले विक्खम्भवुद्धिं णिव्वुद्धेमाणे २ दो तीसाइं जोअणसयाइं परिरयवुद्धिं णिवुद्धेमाणे २ सव्वब्भन्तरं मंडलं उवसंकमित्ता चारं चरइ ११४८। जया णं भंते ! चन्दे सव्वब्भन्तरमंडलं उवसंकमित्ता चारं चरइ तथा णं एगमेगेणं मुहुत्तेणं केवइअं खेत्तं गच्छइ ?, गो० ! पंच जोयणसहस्साइं तेवत्तरि च जोयणाइं सत्तत्तरि च चोआले भागसए गच्छइ मंडलं तेरसहिं सहस्सेहिं सत्तहि य पणवीसेहिं सएहिं छेत्ता, तथा णं इहगयस्स मणुयस्स सीआलीसाए जोयणसहस्सेहिं दोहि य तेवट्ठेहिं जोयणसएहिं एगवीसाए य सट्ठिभाएहिं जोयणस्स चंदे चक्खुप्फासं हव्वमागच्छइ, जया णं भंते ! चन्दे अब्भन्तराणन्तरं मंडलं उवसंकमित्ता चारं चरइ जाव केवइअं खेत्तं गच्छइ?, गो०! पंच जोयणसहस्साइं सत्तत्तरि च जोयणाइं छत्तीसं च चोवत्तरे भागसए गच्छइ मंडलं तेरसहिं सहस्सेहिं

॥ श्री जंबूद्वीप प्रज्ञप्ति सूत्र ॥

१८७

पू. सागरजी म. संशोधित

जाव छेत्ता, जया णं भंते! चन्दे अब्भंतरतच्चं मंडलं उवसंकमिन्ता चारं चरइ तथा णं एगमेगेणं मुहुत्तेणं केवइअं खेत्तं गच्छइ?, गो०!
 पंच जोयणसहस्साइं असीइं च जोयणाइं तेरस य भागसहस्साइं तिण्णि य एगूणवीसे भागसए गच्छइ मंडलं तेरसहिं जाव छेत्ता, एवं
 खलु एएणं उवाएणं णिक्खममाणे चन्दे तथाणन्तराओ जाव संकममाणे २ तिण्णि जोयणाइं छण्णउइं च पंचावण्णे भागसए एगमेगे
 मंडले मुहुत्तगइं अभिवद्धेमाणे २ सव्वबाहिरं मंडलं उवसंकमिन्ता चारं चरइ, जया णं भंते ! चंदे सव्वबाहिरं मंडलं उवसंकमिन्ता चारं
 चरइ तथा णं एगमेगेणं मुहुत्तेणं केवइयं खेत्तं गच्छइ ?, गो०! पंच जोयणसहस्साइं एगं च पणवीसं जोयणसयं अउणातरिं च णउए
 भागसए गच्छइ मंडलं तेरसहिं भागसहस्सेहिं सत्तहि य जाव छेत्ता, तथा णं इहगयस्स मणूसस्स एकतीसाए जोयणसहस्सेहिं अट्ठहि य
 एगत्तीसेहिं जोयणसएहिं चंदे चक्खुफासं हव्वमागच्छइ, जया णं भंते ! बाहिराणंतरं पुच्छा, गो०! पंच जोयणसहस्साइं एकवीसउत्तरं
 जोयणसयं एक्कारस य सट्ठे भागसहस्से गच्छइ मंडलं तेरसहिं जाव छेत्ता, जया णं भंते ! बाहिरतच्चं पुच्छा, गो०! पंच जोयणसहस्साइं
 एगं च अट्ठारसुत्तरं जोयणसयं चोदस य पंचुत्तरे भागसए गच्छइ मंडलं तेरसहिं सहस्सेहिं सत्तहिं पणवीसेहिं सएहिं छेत्ता, एवं खलु
 एएणं उवाएणं जाव संकममाणे २ तिण्णि २ जोयणाइं छण्णउत्तिं च पंचावण्णे भागसए एगमेगे मंडले मुहुत्तगइं णिवुद्धेमाणे २
 सव्वब्भंतरं मंडलं उवसंकमिन्ता चारं चरइ । १४१। कइ णं भंते! णक्खत्तमंडला पं०?, गो०! अट्ठ णक्खत्तमंडला पं०, जंबुद्दीवे
 केवइयं ओगाहिन्ता केवइया णक्खत्तमंडला पं०?, गो०! जंबुद्दीवे असीयं जोयणसयं ओगाहेत्ता एत्थ णं दो णक्खत्तमंडला पं०,

॥ श्री जंबुद्दीप प्रज्ञप्ति सूत्रं ॥

१८८

पू. सागरजी म. संशोधित

लवणे णं समुद्धे केवडयं ओगाहेत्ता केवडया णक्खत्तमंडला पं०? गो०! लवणे णं समुद्धे तिण्णि तीसे जोयणासए ओगाहेत्ता एत्थ णं छ णक्खत्तमंडला पं० एवामेव सपुव्वावरेणं जंबुद्दीवे लवणसमुद्धे य अट्ठ णक्खत्तमंडला भवंतीतिमक्खायं, सव्वब्भंतराओ णं भंते ! णक्खत्तमंडलाओ केवडयं अबाहाए सव्वबाहिरए णक्खत्तमंडले पं०?, गो०! पंचदसुत्तरे जोयणासए अबाहाए सव्वबाहिरए णक्खत्तमंडले पं०, णक्खत्तमंडलस्स णं भंते ! णक्खत्तमंडलस्स य एस णं केवडयं अबाहाए अंतरे पं० ?, गो० ! दो जोयणाइं णक्खत्तमंडलस्स य णक्खत्तमंडलस्स य अबाहाए अंतरे पं०, णक्खत्तमंडले णं भंते ! केवडयं आयामविक्खंभेणं केवडयं परिक्खेवेणं केवडयं बाहल्लेणं पं०?, गो०! गाउयं आयामविक्खंभेणं तं तिगुणं सविसेसं परिक्खेवेणं अब्ढगाउयं बाहल्लेणं पं०, जंबुद्दीवे मंदरस्स पव्वयस्स केवडयं अबाहाए सव्वब्भंतरे णक्खत्तमंडले पं०?, गो चोयालीसं जोयणासहस्साइं अट्ठ य वीसे जोयणासए अबाहाए सव्वब्भंतरे णक्खत्तमंडले पं०, जंबुद्दीवे मंदरस्स पव्वयस्स केवडयाए अबाहाए सव्वबाहिरए णक्खत्तमंडले पं०?, गो०! पणयालीसं जोयणासहस्साइं तिण्णि य तीसे जोयणासए अबाहाए सव्वबाहिरए णक्खत्तमंडले पं० सव्वब्भंतरं णक्खत्तमंडलं केवडयं आयामविक्खंभेणं केवडयं परिक्खेवेणं पं०?, गो०! णवण उई जोयणासहस्साइं छच्च चत्ताले जोयणासए आयामविक्खंभेणं तिण्णि य जोयणासयसहस्साइं पण्णारस सहस्साइं एगूणवतिं च जोयणाइं किंचिविसेसाहिए परिक्खेवेणं पं० सव्वबाहिरए णं भंते ! णक्खत्तमंडले केवडयं आयामविक्खंभेणं केवडयं परिक्खेवेणं पं०?, गो०! एगं जोयणासयसहस्सं छच्च सट्ठे जोयणासए आयामविक्खंभेणं तिण्णि य जोयणासयसहस्साइं अट्ठारस य

सहस्साइं तिणिण य पण्णरसुत्तरे जोअणसाए परिक्खेवेणं, जया णं भंते ! णक्खत्ते सव्वब्भंतरमंडलं उवसंकमिता चारं चरइ तथा णं एगमेगेणं मुहुत्तेणं केवइयं खेत्तं गच्छइ?, गो० ! पञ्च जोयणसहस्साइं दोणिण य पण्णट्ठे जोअणसाए अट्टारस य भागसहस्से दोणिण य तेवट्ठे भागसाए गच्छइ मंडलं एक्कवीसाए भागसहस्सेहिं णवहि य सट्ठेहिं सएहिं छेत्ता, जया णं भंते! णक्खत्ते सव्वबाहिरं मंडलं उवसंकमिता चारं चरइ तथा णं एगमेगेणं मुहुत्तेणं केवइयं खेत्तं गच्छइ ?, गो०! पञ्च जोअणसहस्साइं तिणिण य एगूणवीसे जोयणसाए सोलस भागसहस्सेहिं तिणिण य पण्णट्ठे भागसाए गच्छइ मंडलं एगवीसाए भागसहस्सेहिं णवहि य सट्ठेहिं सएहिं छेत्ता, एत्ते णं अट्ठ णक्खत्तमंडला कतिहिं चंदमंडलेहिं समोअरंति ?, गो०! अट्ठहिं चंदमंडलेहिं समोअरंति तं०- पढमे चंदमंडले ततिए छट्ठे सत्तमे अट्ठमे दसमे इक्कारसमे पण्णरसमे चंदमंडले, एगमेगेणं भंते ! मुहुत्तेणं चंदे केवइयाइं भागसयाइं गच्छइ ?, गो०! जं मंडलं उवसंकमिता चारं चरइ तस्स २ मंडलपरिक्खेवस्स सत्तरस अट्ठट्ठे भागसाए गच्छइ मंडलं सयसहस्सेणं अट्ठाणउईए य सएहिं छेत्ता, एगमेगेणं भंते! मुहुत्तेणं सूरिए केवइआइं भागसयाइं गच्छइ ?, गो०! जं जं मंडलं उवसंकमिता चारं चरइ तस्स २ मंडलपरिक्खेवस्स अट्टारसतीसे भागसाए गच्छइ मंडलं सयसहस्सेणं अट्ठाणउत्तीए य सएहिं छेत्ता, एगमेगेणं भंते ! मुहुत्तेणं णक्खत्तं केवइयाइं० गच्छइ ?, गो० ! जं जं मंडलं उवसंकमिता चारं चरइ तस्स २ मंडलपरिक्खेवस्स अट्टारस पण्णतीसे भागसाए गच्छइ मंडलं सयसहस्सेणं अट्ठाणउईए य सएहिं छेत्ता । १५० । जंबुद्वीवे सूरिआ उदीणपाईणमुग्गच्छ पाईणदाहिणमागच्छंति पाईणदाहिणमुग्गच्छ दाहिणपडीमागच्छंति दाहिणपडीण

मुग्गच्छ पडीणउदीण मागच्छंति पडीणउदीण मुग्गच्छ उदीणपाईणमागच्छंति?, हंता गो०! जहा पंचमसए पढमे उद्देसे जाव णेवत्थि
 उस्सप्पिणी अवट्टिए णं तत्थ काले पं० समणाउसो!, इच्चेसा जंबुद्दीवपण्णत्तीए सूरपण्णत्ती वत्थुं समासेणं समत्ता भवइ, जंबुद्दीवे
 चंदिमा उदीणपाईणमुग्गच्छ पाईणदाहिणमागच्छंति जहा सूरवत्तव्वया जहा पंचमसयस्स दसमे उद्देसे जाव अवट्टिए णं तत्थ काले पं०
 समणाउसो !, इच्चेसा जंबुद्दीवपण्णत्तीए चंदपण्णत्ती वत्थुं समासेणं समत्ता भवइ १५१। कति णं भंते ! संवच्छरा पं०?, गो०! पंच
 संवच्छरा पं० तं०-णक्खत्तं० जुग० पमाण० लक्खण० सणिच्छरसंवच्छरे णक्खत्त संवच्छरे णं भंते ! कइविहे पं०?, गो० दुवालसविहे
 पं० तं०-सावणे जाव आसाढे, जं वा विहप्फई महग्गहे दुवालसहिं संवच्छरेहिं सव्वणक्खत्तमंडलं समाणेइ सेत्तं णक्खत्तसंवच्छरे,
 जुगसंवच्छरे णं भंते ! कतिविहे पं०?, गो० ! पंचविहे पं० तं०-चंदे चंदे अभिवद्धिए चंदे अभिवद्धिए चेव, पढमस्स णं भंते !
 चंदसंवच्छरस्स कइ पव्वा पं०? गो०! चोव्वीसं पव्वा पं०, बित्थियस्स णं भंते ! चंदसंवच्छरस्स कइ पव्वा पं०?, गो०! चउव्वीसं पव्वा
 पं०, एवं पुच्छा तत्थियस्स अभि०, गो०! छव्वीसं पव्वा पं०, चउत्थस्स चंदसंवच्छरस्स चोव्वीसं पव्वा, पंचमस्स णं अहिवद्धियस्स
 छव्वीसं पव्वा पं०, एवामेव सपुव्वावरेणं पंचसंवच्छरिए जुए एगे चउव्वीसे पव्वसए पं०, सेत्तं जुगसंवच्छरे, पमाणसंवच्छरे, णं भंते!
 कतिविहे पं०?, गो० ! पंचविहे पं० तं०-णक्खत्ते चंदे उऊ आइच्चे अभिवद्धिए, सेत्तं पमाणसंवच्छरे, लक्खणसंवच्छरे णं भंते !
 कतिविहे पं०?, गो० पंचविहे पं० तं० 'पंचविहे पं० तं०-'समयं नक्खत्ता जोगं जोएंति उऊ परिणमंति। णच्चूणाह णाइसीओ बहूदओ

होइ णक्खत्ते ॥८५॥ ससि समग पुण्णमासिं जोएती विसमचारिणक्खत्ता । कडुओ बहूदओ या तमाहु संवच्छरं चंदं ॥८६॥ विसमं
 पवालिणो परिणमंति अणुउसु दिंति पुप्फफलं । वासं न सम्भं वासइ तमाहु संवच्छरं कम्मं ॥८७॥ पुढविदगाणं च रसं पुप्फफलाणं च
 देइ आइच्चो । अप्पेणवि वासेणं सम्भं निप्फज्जे सस्सं ॥८८॥ आइच्चतेयतविया खणलवदिवसा उऊ परिणमंति । पूरइ णिण्णयथले
 तमाहु अभिवद्धियं जाण ॥८९॥ से तं णक्खत्तसंवच्छरे, सणिमवच्छरे णं भंते ! कतिविहे पं०?, गो०! अट्ठावीसइविहे पं० तं०-
 'अभिई सवण धणिट्ठा सयभिसया दो य होति भद्वया । रेवइ अस्सिणि भरणी कत्तिय तह रोहिणी चेव ॥९०॥ जाव उत्तराओ
 आसाढाओ जं वा सणिच्चरे महग्गरे तीसाए संवच्छरेहिं सव्वं णक्खत्तमंडलं समाणेइ, सेत्तं सणिच्चरसंवच्छरे ॥९१॥ एगमेगस्स णं
 भंते ! संवच्छरस्स कइ मासा पं० ?, गो० दुवालस मासा पं०, तेसिं णं दुविहा णामधेज्जा पं० तं०-लोइआ लोउत्तरिआ य, तत्थ लोइआ
 णामा इमे, तं०-सावणे भद्वए जाव आसाढे, लोउत्तरिआ णामा इमे, तं०- 'अभिणांदिए पइठ्ठे य, विजए पीइवद्धणे ! सेअंसे य सिवे
 चेव, सिसिरे य सहेमवं ॥९१॥ णवमे वसंतमासे दसमे कुसुमसंभवे ! एक्कारसे निदाहे य, वणविरोही य बारसे ॥९२॥ एगमेगस्स णं
 भंते ! मासस्स कति पक्खा पं० गो०!, दो पक्खा पं० तं०-बहुलपक्खे य सुक्खिल्लपक्खे य एगमेगस्स णं भंते ! पक्खस्स, कइ दिवसा
 पं०?, गो० पण्णरस दिवसा पं० तं०-पडिवादिवसे, जाव पण्णरसी दिवसे एत्तेसिं णं भंते ! पण्णरसण्हं दिवसाणं कइ णामधेज्जा
 पं०?. गो०! पण्णरस नामधेज्जा पं० तं०- 'पुव्वंगे सिद्धमणोरमेय तत्तो मणोरहे चेव । जसभदे य जसधरे छट्ठे सव्वकामसमिद्धे य

॥१३॥ इंद मुद्धाभिसित्ते य सोमणस धणंजए य बोद्धव्वे ।अत्थसिद्धे अभिजाए अच्चसणे सयंजए चेव ॥१४॥ अग्गिवेसे उवसमे दिवसाणं होतिं णामधेज्जाइं, एतेसिं णं भंते ! पण्णरसण्हं दिवसाणं कति तिही पं०?, गो० पण्णरस तिही पं० तं०-नंदे भद्दे जए तुच्छे पुण्णे पक्खस्स पंचमी पुणरवि णंदे भद्दे जए तुच्छे पुण्णे पक्खस्स दसमी पुणरवि णंदे भद्दे जए तुच्छे पुण्णे पक्खस्स पण्णरसी, एवं तिगुणा तिहीओ सव्वेसिं दिवसाणं, एगमेगस्स णं भंते ! पक्खस्स कइ राईओ पं०?, गो० ! पण्णरस राईओ पं० तं०-पडिवाराई जाव पण्णरसीराई एआसिं णं भंते ! पण्णरसण्हं राईणं कइ णामधेज्जा पं०?, गो० ! पण्णरस नामधेज्जा पं०-तं०-‘उत्तमा य सुणक्खत्ता, एलावच्चा जसोहरा । सोमणसा चेव तहा, सिरिसंभूआ य बोद्धव्वा ॥१५॥ विजया य वेजयन्ती जयंति अपराजिआ य इच्छा य । समाहारा चेव तहा तेआ य तहेव अईतेआ ॥१६॥ देवाणंदा णिरई रयणीणं णामधिज्जाइं, एयासिं णं भंते ! पण्णरसण्हं राईणं कइ तिही पं०?, गो० पण्णरस तिही पं० तं०, उग्गवई भोगवई जसवई सव्व(ड)सिद्धा सुहणामा पुणरवि उग्गवई भोगवई जसवई सव्वसिद्धा सुहणामा, पुणरवि उग्गवई भोगवई जसवई सव्वसिद्धा सुहणामा, एवं तिगुणा एते तिहीओ सव्वेसिं राईणं, एगमेगस्स णं भंते ! अहोरत्तस्स कइ मुहुत्ता पं०?, गो० ! तीसं मुहुत्ता पं० तं०- रुद्दे सेए भित्ते वाउ रुबी(पी)ए तहेव अभिचंदे । माहिंद बलव बंभे बहसच्चे चेव ईसाणे ॥ १७॥ तट्ठे य भाविअप्पा वेसमणे वारूणे य आणंदे । विजए य वीससेणे पायावच्चे उवसमे य ॥ १८॥ गंधव्व अग्गिवेसे सयवसहे आयवे य अममे य । अणवं भोमे वसहे सव्वट्ठे रक्खसे चेव ॥ १९॥ १५३ । कइ णं भंते ! करणा पं०?, गो० !

एक्कारस करणा पं० तं०-बवं बालवं कोलवं थीविलोअणं गराइ वणिजं विट्ठी सउणी चउप्पयं नागं किंत्थुग्धं, एतेसिं णं भंते!
 एक्कारसण्हं करणाणं कति करणा चरा कति करणा थिरा पं०?, गो०! सत्त करणा चरा चत्तारि करणा थिरा पं० तं०- बवं बालवं
 कोलवं थीविलोअणं गरादि वणिजं विट्ठी एते णं सत्त करणा चरा, चत्तारि करणा थिरा पं० तं०- सउणी चउप्पयं णागं किंत्थुग्धं, एते
 णं चत्तारि करणा थिरा पं०, एते णं भंते! चरा थिरा वा कया भवन्ति?, गो०! सुक्कपक्खस्स पडिवाए राओ बवे करणे भवइ, बितियाए
 दिवा बालवे करणे भवइ, राओ कोलवं करणं भवइ, ततिआए दिवा थीविलोअणं करणं भवइ, राओ गराइ करणं भवइ, चउत्थीए
 दिवा वणिजं राओ विट्ठी, पंचमीए दिवा बवं राओ बालवं, छट्ठीए दिवा कोलवं राओ थीविलोअणं, सत्तमीए दिवा गराइ राओ
 वणिजं, अट्ठमीए दिवा विट्ठी राओ बवं, नवमीए दिवा बालवं राओ कोलवं, दसमीए दिवा थीविलोअणं राओ गराइ, एक्कारसीए दिवा
 वणिजं राओ विट्ठी, बारसीए दिवा बवं राओ बालवं, तेरसीए दिवा कोलवं राओ थीविलोअणं, चउदसीए दिवा गराति राओ वणिजं,
 पुण्णिमाए दिवा विट्ठी राओ बवं, बहुलपक्खस्स पडिवाए दिवा बालवं राओ कोलवं बितिआए दिवा थीविलोअणं राओ गरादि
 ततिआए दिवा वणिजं राजो विट्ठी चउत्थीए दिवा बवं राओ बालवं पंचमीए दिवा कोलवं राओ थीविलोअणं छट्ठीए दिवा गराइ राओ
 वणिजं सत्तमीए दिवा विट्ठी राओ बवं अट्ठमीए दिवा बालवं राओ कोलवं णवमीए दिवा थीविलोअणं राओ गराइ दसमीए दिवा
 वणिजं राओ विट्ठी एक्कारसीए दिवा बवं राओ बालवं बारसीए दिवा कोलवं राओ थीविलोअणं तेरसीए दिवा गराइ राओ वणिजं

॥ श्री जंबूद्वीप प्रज्ञप्ति सूत्र ॥

१९४

पू. सागरजी म. संशोधित

चउदसीए दिवा विट्ठी राओ सउणी अमावासाए दिवा चउप्पयं राओ णागं सुक्कपक्खस्स पाडिवाए दिवा किंत्थुग्धं करणं भवइ ॥ १५४ ॥
 किमाइआ णं भंते! संवच्छरा किमाइआ अयणा किमाइआ उऊ किमाइआ मासा किमाइआ पक्खा किमाइआ अहोरत्ता किमाइआ
 मुहुत्ता किमाइआ करणा किमाइआ णक्खत्तां पं०?, गो०! चंदाइआ संवच्छरा दक्खिणाइया अयणा पाउसाइआ उऊ सावणाइआ
 मासा बहुलाइआ पक्खा दिवसाइआ अहोरत्ता रोदाइआ मुहुत्ता बवाइया करणा अभिजाइआ णक्खत्तां पं० समणाउसो! पंचसंवच्छरिए
 णं भंते! जुगे केवइआ अयणा केवइया उऊ एवं मासा पक्खाअहोरत्ता केवइआ मुहुत्ता पं०?, गो०! पंचसंवच्छरिए णं जुगे दस अयणा
 तीसं उऊ सट्ठी मासा एगे वीसुत्तरे पक्खसाए अट्ठारसतीसा अहोरत्तसया चउप्पण्णं मुहुत्तसहस्सा णव सया पं० ॥ १५५ ॥ जोगा देवय
 तारगग गोत्त संठाण चंदरविजोगा। कुल पुण्णिम अवमंसा य सण्णिवाए य णेता य ॥ १०० ॥ कत्ति णं भंते! णक्खत्ता पं०?, गो०!
 अट्ठावीसं णक्खत्ता पं० तं०-अभिई सवणो धणिट्ठा सयभिसया पुव्वभद्दवया उत्तरभद्दवया रेवई अस्सिणी भरणी कत्तिआ रोहिणी
 मिअसिर अद्दा पुणव्वसू पूसो अस्सेसा मघा पुव्वफग्गुणी उत्तरफग्गुणी हत्थो चित्ता साई विसाहा अणुराहा जेट्ठा मूलो पुव्वासाढा
 उत्तरासाढा ॥ १५६ ॥ एतेसिं णं भंते! अट्ठावीसाए णक्खत्ताएं कयरे णक्खत्ता जे णं सया चन्दस्स दाहिणेणं जोयं जोएंति कयरे
 णक्खत्ता जे णं सया चंदस्स उत्तरेणं० कयरे णक्खत्ता जे णं चंदस्स दाहिणेणवि उत्तरेणवि पमहंपि० कयरे णक्खत्ता जे णं चंदस्स
 दाहिणेणंपि पमहंपि० कयरे णक्खत्ता जे णं सया चन्दस्स पमहं०?, गो०! एतेसिं णं अट्ठावीसाए णक्खत्ताणं तत्त जेते णक्खत्ता

ચંદસ્સ દાહિણેણં જોયં જોએંતિ તે ણં છ, તં- સંઠાણ અદ્ધ પુસ્સો ડસિલેસ હત્થો તહેવ મૂલો ય। બાહિરઓ બાહિરમંડલસ્સ છપ્પેતે હોંતિ
 ણક્કચ્છતા ॥ ૧૦૧ ॥ તત્થ ણં જેતે ણક્કચ્છતા જે ણં સયા ચન્દસ્સ ઉત્તરેણં જોગં જોએંતિ તે ણં બારસ, તં-અભિર્ઠં સવણો ધણિટ્ઠા
 સયમિસયા પુવ્વમ્મદ્ધવયા ઉત્તરમ્મદ્ધવયા રેવર્ઠં અસ્સિણી ભરણી પુવ્વાપ્પગુણી ઉત્તરાપ્પગુણી સાઈ, તત્થ ણં જેતે નક્કચ્છતા જે ણં સયા
 ચન્દસ્સ દાહિણઓવિ ઉત્તરઓવિ પમદંપિં તે ણં સત્ત, તં-કત્તિઆ રોહિણી પુણવ્વસૂ મધા ચિત્તા વિસાહા અણુરાહા, તત્થ ણં જેતે
 ણક્કચ્છતા જે ણં સયા ચન્દસ્સ દાહિણઓવિ પમદંપિં તાઓ ણં દુવે આસાઢાઓ સવ્વબાહિરે મંડલે જોગં જોઅંસુ વા, તત્થ ણં જેસે
 ણક્કચ્છતે જે ણં સયા ચંદસ્સ પમદં સા એગા જેટ્ઠા ॥ ૧૫૭ ॥ એતેસિં ણં મંતે! અટ્ઠાવીસાએ ણક્કચ્છતાણં અભિર્ઠં ણક્કચ્છતે કિંદેવયાએ પં?,
 ગો! બમ્મદેવયાએ પં, સવણે વિણ્હુદેવયાએ ધણિટ્ઠા વસુદેવયાએ, એણં કમેણં ણેયવ્વા અણુપરિવાડીય ઇમાઓ દેવયાઓ બમ્મા વિણ્હુ
 વસૂ વરૂણે અય અભિવદ્ધી પૂસે આસે જમે અગ્ગી પયાવર્ઠં સોમે રૂદ્ધે અદિતી બહસ્સઈ સપ્પે પિઠ્ઠ મ્મગે અજ્જમ સવિઆ તટ્ઠા વાઠ્ઠ ઇંદગ્ગી
 મિત્તો ઇંદે નિર્ઠં જાઠ્ઠ વિસ્સે ય, એવં ણક્કચ્છતાણં એયા પરિવાડી ણેયવ્વા જાવ ઉત્તરાસાઢા કિંદેવયા પં?, ગો! વિસ્સદેવયાએ પં
 ॥ ૧૫૮ ॥ એતેસિં ણં મંતે! અટ્ઠાવીસાએ ણક્કચ્છતાણં અભિર્ઠં ણક્કચ્છતે કતિતારે પં?, ગો! તિતારે પં, એવં ણેયવ્વા જસ્સ જહ્મઆઓ
 તારાઓ, ઇમં ચ તં તારગ્ગ તિગતિગ પંચેગ સયં દુગ દુગ બત્તીસગં તિગ તિગં ચ। છપ્પંચગ તિગ એક્કગ પંચગ (ચઠ્ઠક)તિગ છક્કગં ચેવ
 ॥ ૧૦૨ ॥ સત્તગ દુગ દુગ પંચગ એક્કેક્કગ પંચ ચઠ્ઠ તિગં ચેવ। એક્કારસગ ચઠ્ઠકં ચઠ્ઠકગં ચેવ તારગ્ગ ॥ ૧૦૩ ॥ ૧૫૯। એતેસિં ણં મંતે!

अट्टावीसाए णक्खत्ताणं अभिई णक्खत्ते किंगोत्ते पं०?, गो०! मोग्गल्लायणगोत्ते, मोग्गल्लायण संखायणे य तह अगगभाव कण्णिह्ले। तत्तो य जाउकण्णे धणंजए चेव बोद्धव्वे ॥ १०४ ॥ पुस्सायणे य अस्सायणे य भगवेस अग्गिवेसे १० यो गोयम भारद्वाए लोहिच्चे चेव वासिद्धे ॥ १०५ ॥ ओमज्जायण मंडव्वायण पिंगायणे य गोव्वले। कासव कोसिय २० दुब्भाय चामरच्छाय सुंगा य ॥ १०६ ॥ गोवल्हायण तेगिच्छायणे य कच्चायणे हवड मूले। तत्तो य बज्झियायण वग्धावच्चे य गोत्ताइं ॥ १०७ ॥ एतेसिं णं भंते! अट्टावीसाए णक्खत्ताणं अभिई णक्खत्ते किंसंठिए पं०?, गो०! गोसीसावलिंसंठिए पं०, गोसीसावलि काहार सुउणि पुप्फोवयरा वावी यो णावा आसक्खंधग भग छुरधरए १० य सगडुद्धी ॥ १०८ ॥ भिगसीसावलि रुहिरबिंदु तुल्ल वद्धमाणग पडागा। पागारे पलिअंके हत्थे २० मुहफुल्लए चेव ॥ १०९ ॥ खीलग दामणि एगावली य गयदंत विच्छु अयले यो गयविक्रमे य तत्तो सीहनिसाई य २८ संठाणा ॥ ११० ॥ १६० ॥ एतेसिं णं भंते! अट्टावीसाए णक्खत्ताणं अभिइ णक्खत्ते कतिमुहुत्ते चन्देणं सद्धिं जोगं जोएइ?, गो०! णव मुहुत्ते सत्तावीसं च सत्तट्ठिभाए मुहुत्तस्स चन्देणं सद्धिं जोगं जोएइ, एवं इमाहिं गाहाहिं अणुगन्तव्वं अभिइस्स चंदजोगो सत्तट्ठिखंडिओ अहोएतो। ते हुंति णव मुहुत्ता सत्तावीसं कलाओ य ॥ १११ ॥ सयमिसया भरणीओ अद्दा अस्सेस साइ जेट्ठा यो एते छण्णक्खत्ता पण्णरसमुहुत्तसंजोगा ॥ ११२ ॥ तिण्णेव उत्तराइं पुणव्वसू रोहिणी विसाहा यो एए छण्णक्खत्ता पणयालमुहुत्तसंजोगा ॥ ११३ ॥ अवसेसा णक्खत्ता पण्णरसवि हुंति तीसइमुहुत्ता। चंदंमि एस जोगो णक्खत्ताणं मुणेअव्वो ॥ ११४ ॥ एतेसिं णं भंते! अट्टावीसाए

णक्खत्ताणं अभिईणक्खत्ते कति अहोरत्ते सूरेण सद्धिं जोगं जोइए?, गो०! चत्तारि अहोरत्ते छच्च मुहुत्ते, सूरेण सद्धिं जोगं जोइइ, एवं
 इमाहिं णेयव्वं अभिइ छच्च मुहुत्ते चत्तारि य केवले अहोरत्ते । सूरेणं समं गच्छइ एत्तो सेसाण वोच्छामि ॥ ११५ ॥ सयमिसया भरणीओ
 अद्दा अस्सेस साइ जेद्दा य वच्चंति मुहुत्ते इक्खवीसं छच्चेव अहोरत्ते ॥ ११६ ॥ तिण्णेव उत्तराइं पुणव्वसू रोहिणी विसाहा य । वच्चंति मुहुत्ते
 तिण्णि चेव वीसं अहोरत्ते ॥ ११७ ॥ अवसेसा णक्खत्ता पण्णारसवि सुरसहगया जंति । बारस जेव मुहुत्ते तेरस य समे अरोहत्ते ॥ ११८ ॥
 १६१ ॥ कतिं णं भंते! कुला कति उवकुला कति कुलोवकुला पं०?, गो०! बारस कुला बारस उवकुला चत्तारि कुलोवकुला पं०,
 बारस कुला तं०-धणिद्धाकुलं उत्तरभद्वया० अस्सिणी० कत्तिया० मिगसिर० पुस्सो० मघा० उत्तरफग्गुणी० चित्ता० विसाहा० मूलो
 उत्तरासाढाकुलं भासाणं परिणामा होति कुला उवकुला उ हेट्ठिमगा । होति पुण कुलोवकुला अभीइ सय सद्द अणुराहा ॥ ११९ ॥ बारस
 उवकुला तं०-सवणो उवकुलं पुव्वभद्वया० रेवई० भरणी० रोहिणी० पुणव्वसू० अस्सेसा० पुव्वफग्गुणी० हत्थो० साई० जेद्दा०
 पुव्वासाढाउवकुलं, चत्तारि कुलोवकुला, तं०-अभिईकुलोवकुलं सयमिसया० अद्दा० अणुराहाकुलोवकुलं, कति णं भंते! पुण्णिमाओ
 कति अमावासाओ पं०?, गो०! बारस पुण्णिमाओ बारस अमावासाओ पं० तं०-साविट्ठी पोडुवई आसोई कत्तिगी मगसिरी पोसी
 माही फग्गुणी चेत्ती वइसाही जेद्दामूली आसाढी, साविट्ठिणं भंते! पुण्णमासिं कति णक्खत्ता जोगं जोएंति?, गो०! तिण्णि णक्खत्ता
 जोगं जोएंति, तं०- अभिई सवणो धणिद्धा, पोडुवइणं भंते! पुण्णिमं कइ णक्खत्ता०?, गो०! तिण्णि तं०-सयमिसया पुव्वभद्वया

उत्तरभद्रवया, अस्सोइण्णं दो० तं०-रेवई अस्सिणी य, कत्तिइण्णं दो०- भरणी कत्तिया य, मगरसिरिण्णं दो रोहिणी मगरसिरं च, पोसिं तिण्णि अद्दा पुणव्वसू पुस्सो, माघिण्णं दो अस्सेसा मघा य, फग्गुणिं णं दो पुव्वाफग्गुणी य उत्तराफग्गुणी य, चेत्तिण्णं दो हत्थो चित्ता य, विसाहिण्णं दो साई विसाहा य, जेट्टामूलिण्णं तिण्णि अणुराहा जेट्ट मूलो, आसाढिण्णं दो पुव्वासाढा उत्तरासाढा, साविट्ठिण्णं भंते! पुण्णिमं किं कुलं० उवकुलं० कुलोवकुलं जोएइ? गो०! कुलं वा जोएइ उवकुलं वा जोएइ कुलोवकुलं वा जोएइ, कुलं जोएमाणे धणिट्ठा णक्खत्ते जोएइ उवकुलं जोएमाणे सवणे णक्खत्ते जोएइ कुलोवकुलं जोएमाणे अभिई णक्खत्ते जोएइ, साविट्ठीण्णं पुण्णमासिणिं कुलं वा जोएइ जाव कुलोवकुलं वा जोएइ, कुलेण वा जुत्ता उवकुलेण वा जुत्ता कुलोवकुलेण वा जुत्ता साविट्ठी पुण्णिमा जुत्तत्ति वत्तव्वं सिया, पोट्टवदिण्णं भंते! पुण्णिमं किं कुलं जोइए० पुच्छा, गो०! कुलं वा उवकुलं वा कुलोवकुलं वा जोएइ, कुलं जोएमाणे उत्तरभद्रवा उव० पुव्वभद्रवया० कुलोव० सयभिसया णक्खत्ते जोएइ, पोट्टवइण्णं पुण्णिमं कुलं वा जोएइ जाव कुलोवकुलं वा जोएइ कुलेण वा जुत्ता जाव कुलोकुलेण वा जुत्ता पोट्टवई पुण्णमासी जुत्तत्ति वत्तव्वं सिया, अस्सोइण्णं भंते! पुच्छा, गो०! कुलं वा जोएइ उवकुलं वा जोएइ णो लब्भइ कुलोवकुलं, कुलं जोएमाणे अस्सिणी णक्खत्ते उवकुलं जोएमाणे रेवइणक्खत्ते जोएइ, अस्सोइण्णं पुण्णिमं कुलं वा उवकुलं वा जोएइ कुलेण वा उवकुलेण वा जुत्ता अस्सोई पुण्णिमा जुत्तत्ति वत्तव्वं सिया, कत्तिइण्णं भंते! पुण्णिमं किं कुलं पुच्छा, गो०! कुलं वा उवकुलं वा णो कुलोवकुलं जोएइ, कुलं जोएमाणे कत्तिआणक्खत्ते जोएइ

उव० भरणी कत्तिईण्णं जाव वत्तव्वं, मग्गसिरिण्णं भंते! पुण्णिमं किं कुलं तं चेव दो जोएइ णो भवइ कुलोवकुलं, कुलं जोएमाणे मग्गसिरिणक्खत्ते जोएइ उव० रोहिणी, मग्गसिरी णं पुण्णिमा जाव वत्तव्वं सिआ, एवं सेसिआओऽवि जाव आसाढी, पोसिं जेट्टमूलिं च कुलं वा उव० वा कुलोवकुलं वा, सेसिआणं कुलं वा उवकुलं वा कुलोवकुलं ण भण्णइ, साविट्ठिणं भंते! अमावासं कति णक्खत्ता जोएंति?, गो०! दो णक्खत्ता जोएंति, तं०- अस्सेसा य महा य, पोढुवइण्णं भंते! अमावासं कति णक्खत्ता जोएंति?, गो०! दो० पुव्वाफग्गुणी उत्तराफग्गुणी य, अस्सोइण्णं भंते! दो हत्थे चित्ता य, कत्तिइण्णं दो साई विसाहा य, मग्गसिरिण्णं तिण्णि अणुराहा जेट्टा मूलो य, पोसिण्णं दो पुव्वासाढा उत्तरासाढा, माहिण्णं तिण्णि अभिई सवणो घणिट्ठा, फग्गुणिं तिण्णिसयभिसया पुव्वभद्वया उत्तरभद्वया, चेत्तिण्णं दो रेवई अस्सिणी य, वइसाहिण्णं दो भरणी कत्तिआ य, जेट्टमुलिण्णं दो रोहिणी मग्गसिरं च, आसाढिण्णं तिण्णि अहा पुणव्वसू पुस्सो, साविट्ठिण्णं भंते! अमावासं किं कुलं० उवकुलं० कुलोवकुलं जोएइ?, गो०! कुलं वा उवकुलं वा णो लब्भइ कुलोवकुलं, कुलं जोएमाणे महाणक्खत्ते जोएइ, उवकुलं जोएमाणे अस्सेसाणक्खत्ते जोएइ, साविट्ठिण्णं अमावासं कुलं वा उवकुलं वा जोएइ, कुलेण वा उवकुलेण वा जुत्ता साविट्ठिअमावासा जुत्तत्ति वत्तव्वं सिया, पोढुवइण्णं भंते! अमावासं तं चेव दो जोएइ कुलं वा जोएइ उवकुलं०, कुलं जोएमाणे उत्तराफग्गुणीणक्खत्ते जोएइ उव० पुव्वाफग्गुणी, पोढुवइण्णं अमावासं जाव वत्तव्वं सिआ, मग्गसिरिण्णं तं चेव कुलं मूले णक्खत्ते जोएइ उव० जेट्टा कुलोवकु० अणुराहा जाव जुत्तत्ति वत्तव्वं

सिआ, एतं माहीए फग्गुणीए आसाढीए कुलं वा उवकुलं वा कुलोवकुलं वा, अवसेसिआणं कुलं वा उवकुलं वा जोएइ, जया णं भंते! साविट्ठी पुण्णिमा भवइ तथा णं माही अमावासा भवइ?, जया णं भंते! माही पुण्णिमा भवइ तथा णं साविट्ठी अमावासा भवइ?, हंता! गो०! जया णं साविट्ठी तं चेव वत्तव्वं, जया णं भंते! पोट्टवई पुण्णिमा भवइ तथा णं फग्गुणी अमावासा भवइ जया णं फग्गुणी पुण्णिमा भवइ तथा णं पोट्टवई अमावासा भवइ?, हंता! गो०! तं चेव, एवं एतेणं अभिलावेणं इमाओ पुण्णिमाओ इमाओ अमावासाओ णोयव्वाओ अस्सिणी पुण्णिमा चेत्ती अमावासा कत्तिगी पुण्णिमा वइसाही अमावासा मग्गसिरी पुण्णिमा जेद्धमूली अमावासा पोसी पुण्णिमा आसाढी अमावासा ॥ १६२ ॥ वासाणं पढमं मासं कति णक्खत्ता णोति?, गो०! चत्तारि णक्खत्ता णोति, तं०-उत्तरासाढा अभिई सवणो धणिट्ठा, उत्तरासाढा चउदस अहोरत्ते णेइ अभिई सत्त अहोरत्ते णेइ सवणो अट्टउहोरत्ते णेइ धणिट्ठा एगं अहोरत्ते णेइ, तंसिं व णं मासंसि चउरंगुलपोरसीए छायाए सूरिए अणुपरिअट्टइ, तस्स णं मासस्स चरिमदिवसे दो पदा चत्तारि यं अंगुला पोरिसी भवइ, वासाणं भंते! दोच्चं मासं कइ णक्खत्ता णोति? गो०! चत्तारि धणिट्ठा सयभिसया पुव्वभद्वया उत्तरभद्वया, धणिट्ठा ण चउदस अहोरत्ते णेइ सयभिसया सत्त पुव्वभद्वया अट्टउत्तरभद्वया एगं, तंसिं च णं मासंसि अट्टंगुलपोरिसीए छायाए सूरिए अणुपरियट्टइ, तस्स मासस्स चरिमे दिवसे दो पया अट्ट य अंगुला पोरिसी भवइ, वासाणं भंते! तइयं मासं कइ णक्खत्ता णोति?, गो०! तिण्णि णक्खत्ता णोति तं०-उत्तरभद्वया रेवई अस्सिणी, उत्तरभद्वया चउदस राइंदिए णेइ रेवई पण्णरस अस्सिणी एगं, तंसिं च णं मासंसि

दवालसंगुलपोरिसीए छायाए सूरिए अणुपरियट्टइ, तस्स णं मासस्स चरिमे दिवसे लेहट्टाइं तिण्णि पयाइं पोरिसी भवइ, वासाणं भंते! चउत्थं मासं कति णक्खत्ता णेति?, गो०! तिण्णि अस्सिणी भरणी कत्तिया, अस्सिणी चउदस भरणी पन्नरस कत्तिया एगं, तंसिं च णं मासंसि सोलसंगुलपोरिसीए छायाए सूरिए अणुपरियट्टइ, तस्स णं मासस्स चरमे दिवसे तिण्णि पयाइं चत्तारि अंगुलाइं पोरिसी भवइ, हेमंताणं भंते! पढमं मासं कति णक्खत्ता णेति?, गो०! तिण्णि कत्तिया रोहिणी भिगसिरं, कत्तियां चउदस रोहिणी पण्णरस भिगसिरं एगं अहोरत्तं णेइ, तंसिं च णं मासंसि वीसंगुलपोरिसीए छायाए सूरिए अणुपरियट्टइ, तस्स णं मासस्स जे से चरिमे दिवसे तंसिं च णं दिवसंसि तिण्णि पयाइं अट्ठ य अंगुलाइं पोरिसी भवइ, हेमंताणं भंते! दोच्चं मासं कति णक्खत्ता णेति?, गो० चत्तारि णक्खत्ता णेति तं०-भिगसिरं अद्दा पुणव्वसू पुस्सो, मियसिरं चउदस राइंदियाइं णेइ अद्दा अट्ठ णेइ पुणव्वसू सत्त राइंदियाइं पुस्सो एगं राइंदियं णेइ, तथा णं चउव्वीसंगुलपोरिसीए छायाए सूरिए अणुपरियट्टइ, तस्स णं मासस्स जे से चरिमे दिवसे तंसिं च णं दिवसंसि लेहट्टाइं चत्तारि पयाइं पोरिसी भवइ, हेमंताणं भंते! तच्चं मासं कति णक्खत्ता णेति?, गो०! तिण्णि पुस्सो असिलेसा महा, पुस्सो चोदस राइंदियाइं णेइ असिलेसा पण्णरस महा एक्कं, तथा णं वीसंगुलपोरिसीए छायाए सूरिए अणुपरियट्टइ, तस्स णं मासस्स जे से चरिमे दिवसे तंसिं च णं दिवसंसि तिण्णि पयाइं अट्ठंगुलाइं पोरिसी भवइ, हेमंताणं भंते! चउत्थं मासं कति णक्खत्ता णेति?, गो०! तिण्णि, तं० महा पुव्वाफग्गुणी उत्तराफग्गुणी, महा चउदस राइंदियाइं णेइ पुव्वाफग्गुणी पण्णरस राइंदियाइं णेइ उत्तराफग्गुणी एगं राइंदियं

णेइ, तथा णं सोलसंगुलपोरिसीए छायाए सूरिए अणुपरियट्टइ, तस्स णं मासस्स जे से चरिमे दिवसे तंसिं च णं दिवसंसि तिणिण पयाइं चत्तारि अंगुलाइं पोरिसी भवइ, गिम्हाणं भंते! पढमं मासं कति णक्खत्ता णेति?, गो०! तिणिण णक्खत्ता णेति-उत्तराफग्गुणी हत्थो चित्ता, उत्तराफग्गुणी चउदस हत्थो पण्णरस चित्ता एगं राइंदियं णेइ, तथा णं दुवालसंगुलपोरिसीए छायाए सूरिए अणुपरियट्टइ, तस्स णं मासस्स जे से चरिमे दिवसे तंसिं च णं दिवसंसि लेहट्टाइं तिणिण पयाइं पोरिसी भवइ, गिम्हाणं भंते! दोच्चं मासं कति णक्खत्ता णेति?, गो०! तिणिण णक्खत्ता णेति तं०-चित्ता साई विसाहा, चित्ता चउदस राइंदियाइं णेइ साई पण्णरस राइंदियाइं णेइ विसाहा एगं राइंदियं णेइ, तथा णं अट्ठंगुलपोरिसीए छायाए सूरिए अणुपरियट्टइ, तस्स णं मासस्स जे से चरिमे दिवसे तंसिं च णं दिवसंसि दो पयाइं अट्ठंगुलाइं पोरिसी भवइ, गिम्हाणं भंते! तच्चं मासं कति णक्खत्ता णेति?, गो०! चत्तारि तं० विसाहाऽणुराहा जेट्टा मूलो, विसाहा चउदस अणुराहा अट्ट जेट्टा सत्त मूलो एक्कं राइंदियं, तथा णं चउरंगुलपोरिसीए छायाए सूरिए अणुपरियट्टइ, तस्स णं मासस्स जे से चरिमे दिवसे तंसिं च णं दिवसंसि दो पयाइं चत्तारि य अंगुलाइं पोरिसी भवइ, गिम्हाणं भंते! चउत्थं मासं कति णक्खत्ता णेति?, गो०! तिणिण तं०-मूलो पुव्वासाढा उत्तरासाढा, मूलो चउदस पुव्वासाढा पण्णरस उत्तरासाढा एगं राइंदियं णेइ, तथा णं वट्टाए समचअंससंठाणसंठिआए णग्गोहपरिमंडलाए सकायमणुरंगिआए छायाए सूरिए अणुपरियट्टइ, तस्स णं मासस्स जे से चरिमे दिवसे तंसिं च णं दिवसंसि लेहट्टाइं दो पयाइं पोरिसी भवइ, एतेसिं णं पुव्ववणिणआणं पयाणं इमा संगहणी, तं० जोगो देवय तारगग गोत्त

संठाण चंदरविजोगो। कुल पुणिणम अवमंसा णेया छाया य बोद्धवा ॥ १२० ॥ १६३। हिट्ठिं ससिपरिवारो मंदरब्बाधा तहेव लोगंते।
 धरणितालाओ अबाधा अंतो बाहिं च उड्डमहे ॥ १२१ ॥ संठाणं च पमाणं वहंति सीहगई इब्दिमन्ता य। तारंतरज्जगमहिसी तुडिअं पहु ठिई
 य अप्पबहू ॥ १२२ ॥ अत्थि णं भंते! चंदिमसूरिआणं हिट्ठिं पि तारारुवा अणुं पि तुल्लावि समेवि तारारुवा अणुं पि तुल्लावि उप्पिं पि
 तारारुवा अणुं पि तुल्लावि?, हंता गो०! तं चेव उच्चारेअब्बं, से केणट्ठेणं भंते! एवं वुच्चइ-अत्थि णं०?, जहा २ णं तेसिं देवाणं
 तवनियमबंभचेराणि ऊसिआइं भवन्ति तहा २ णं तेसिं णं देवाणं एवं पण्णायए तं०-अणुत्ते वा तुल्लत्ते वा, जहा २ णं तेसिं देवाणं
 तवनियमबंभचेराणि णो ऊसिआइं भवन्ति तहा २ णं तेसिं देवाणं णो एवं पण्णायए, तं०-अणुत्ते वा तुल्लत्ते वा ॥ १६४ ॥ एगमेगगस्स
 णं भंते! चन्दस्स केवइया महग्गहा परिवारो केवइया णक्खत्ता परिवारो केवइया तारागणकोडाकोडीओ परिवारो पं०?, गो०!
 अट्ठासीई महग्गहा अट्ठावीसं णक्खत्ता छावट्ठिसहस्साइं णव सया पण्णत्तरा तारागणकोडिकोडीणं पं० ॥ १६५ ॥ मन्दरस्स णं भंते!
 पव्वयस्स केवइयाए अबाहाए जोइसं चारं चरइ?, गो०! इक्कारसहिं इक्कवीसेहिं जोअणसएहिं अबाहाए चारं चरइ, लोगंताओ णं भंते!
 केवइयाए अबाहाए जोइसे पं०?, गो०! एक्कारस एक्कारसेहिं जोयणसएहिं अबाहाए जोइसे पं०, धरणितालाओ णं भंते०, सत्ताहि
 णाउएहिं जोयणसएहिं जोइसे चारं चरइ, एवं सूरविमाणे अट्ठहिं सएहिं चंदविमाणे अट्ठहिं असीएहिं उवरिल्ले तारारुवे नवहिं जोयणसएहिं
 चारं चरइ, जोइसस्स णं भंते! हेट्ठिल्लाओ तलाओ केवइआए अबाहाए सुरविमाणे चारं चरइ?, गो०! दसहिं जोअणेहिं अबाहाए चारं

चरइ, एवं चन्दविमाणे णउईए जोयणेहिं चारं चरइ, उवरिल्ले तारारूवे दसुत्तरे जोयणसए चारं चरइ, सूरविमाणाओ चन्दविमाणे
 असीईए जोयणेहिं चारं चरइ, सूरविमाणाओ जोयणसए उवरिल्ले तारारूवे चारं चरइ, चन्दविमाणाओ वीसाए जोयणेहिं उवरिल्ले णं
 तारारूवे चारं चरइ ॥ १६६ ॥ जंबुदीवे णं दीवे अट्टावीसाए णक्खत्ताणं कयरे णक्खत्ते सव्वब्भंतर्लिं चारं चरइ कयरे णक्खत्ते
 सव्वबाहिरं० कयरे सव्वहिट्ठिलं० कयरे सव्वउवरिल्लं चारं चरइ?, गो०! अभिई णक्खत्ते सव्वब्भतं मूलो सव्वबाहिरं भरणी सव्वहिट्ठिल्लं
 साई सव्वुवरिल्लं चारं चरइ, चन्दविमाणे णं भंते! किंसंठिए पं०?, गो०! अब्बकविट्ठसंठाणसंठिए सव्वफालिआमए अब्भुगयमूसिए
 एवं सव्वाइं णेयव्वाइं, चन्दविमाणे णं भंते! केवइयं आयामविक्खंभेणं केवइयं बाहल्लेणं?, गो०! छप्पणं खलु भाए विच्छिण्णं
 चन्दमंडलं होइ। अट्टावीसं भाए बाहल्लं तस्स बोद्धव्वं ॥ १२३ ॥ अडयालीसं भाए विच्छिण्णं सूरमंडलं होइ। चउवीसं खलु भाए बाहल्लं
 तस्स बोद्धव्वं ॥ १२४ ॥ दो कोसे य गहाणं णक्खत्ताणं तु हवइ तस्सब्बं। तस्सब्बं ताराणं तस्सब्बं चेव बाहल्लं ॥ १२५ ॥ १६७।
 चन्दविमाणं णं भंते! कति देवासहस्सीओ परिवहंति?, गो०! सोलस देवसाहस्सीओ परिवहंति, चन्दविमाणस्स णं पुरत्थिमेणं सेआणं
 सुभगाणं सुप्पमाणं संखदलविमलनिम्भलदधिधणगोखीरफेणरययणिगरप्पगासाणं थिरलट्ठपउट्ठवट्ठपीवरसुसिलिट्ठविसिट्ठतिक्ख-
 दाढाविडंबिअमुहाणं रत्तुप्पलपत्तमउयसूमालतालुजीहाणं महुगुलिअपिंगलक्खाणं पीवरवरोरुपडिपुण्णविउलखंधाणं मिउविसयसुहुमल-
 क्खणपसत्थवरवण्णके सरसडोवसोहिआणं ऊसिअसुनमियसुजायअप्फोडिअलंगूलाणं वइरामयणक्खाणं वइरामयदाढाणं

वइरामयदन्ताणं तवणिज्जजीहाणं तवणिज्जतालुआणं तवणिज्जजुत्तजोत्तगसुजोइआणं कामगमाणं पीइगमाणं मणोगमाणं मणोरमाणं
 अभिअगईणं अभिअबलवीरिअपुरिसकारपरक्कमाणं महया अप्फोडिअसीहणायबोलकलकलरवेणं महुरेणं मणहरेणं पूरेता अंबरं दिसाओ
 य सोभयंता चत्तारि देवसाहस्सीओ सीहरूवधारीणं पुरत्थिमिल्लं बाहं वहंति, चंदविमाणस्स णं दाहिणेणं सेआणं सुभगाणं सुप्पभाणं
 मंग्वतलजावप्पगासाणं वइरायकुं भजुअलसुट्ठिअपीवरवरवइरसोडवट्ठिअदित्तसुपउमप्पगासाणं अब्भुण्णयमुहाणं तवणिज्जविसाल-
 कण्णचंचलचलंतविमलुज्जलाणं महुवण्णभिसंतणिद्धपत्तलनिम्मलतिवण्णमणिरयणलोअणाणं अब्भुगयमउलमल्लिआधवलसरिस-
 संठियणिव्वणदढकठिणफालियामयसुजायदन्तमुसलोवसोभियाणं कंचणकोसीपविट्ठदन्तगगविमलमणिरयणरूइलपेरंत-
 चित्तरूवगविराइयाणं तवणिज्जविसालतिलगप्पमुहपरिमंडियाणं नानामणिरयणसुद्धगेविज्जबद्धगलयवरभूसणाणं वेरूलियविचित्तं-
 दंडनिम्मलवइरामयतिक्खलट्ठअंकुसकुंभजुयलयंतरोडियाणं तविणज्जसुबद्धकच्छदप्पिबलुद्धराणं विमलधणमण्डलवइरामय-
 लालाललियतालाणं णाणामणिरयणघण्टपासगवयरामयबद्धरज्जुलंबि-यधंटाजुयलमहुरसरमणहराणं अल्लीणपमाणजुत्तवट्ठियसुजाय-
 लक्खणपसत्थरमणिज्जवालगत्तपरिपुंछणाणं उवचियपडिपुण्णकुम्भचलणलहुविक्रमाणं अंकामयणक्खाणं तवणिज्जजीहाणं जाव
 महयागंभीरगुलुगुलाइतरवेणं महुरेणं मणहरेणं पूरेता अंबरं दिसाओ य सोभयंता चत्तारि देवसाहस्सीओ गयरूवधारीणं देवाणं दक्खिणिल्लं
 बाहं परिवहंति, चंदविमाणस्स णं पच्चत्थिमेणं सेयाणं सुभगाणं सुप्पभाणं चलचवलककुहसालीणं धणनिचियसुबद्धलक्खणुण्णय-

ईसियाणायवसभोट्टाणं चंकमियललियपुलियचलचवलगव्वियगईणं सन्नतपासाणं संगतपासाणं सुजायपासाणं पीवरवट्ठिय-
सुसंठियकडीणं ओलंबपलंबलक्खणपमाणजुत्तरमणिज्जवालण्डाणं समखुरवालिधाणाणं समलिहियसिंगतिक्खगसंगयाणं
तणुसुहुमसुजायणिद्धलोमच्छविधराणं उवचियमंसलविसालपडिपुण्णखंधपएससुंदराणं वेरुलियभिसंतकडक्खसुनिरिक्खणाणं
जुत्तपमाणपहाणलक्खणपसत्थरमणिज्जगरमल्लसोभियाणं धरधरगसुसदबद्धकंठपरिमंडियाणं णाणामणिकणगरयणघटिआवेगच्छिग-
सुकयमालियाणं वरघण्टागलयमालुज्जलसिरिधराणं पउमुप्पलसगलसुरभिमालाविभूसियाणं वड्डरखुराणं विविहवि(पी)खुराणं
फालिआमयदन्ताणं तवणिज्जजीहाणं जाव महयागज्जियगंभीररवेणं महुरेणं पूरेता अंबरं दिसाओ य सोभयंता चत्तारिदेवसाहस्सीओ
वसहरूवधारीणं देवाणं पच्चत्थिमिल्लं बाहं परिवहंति, चंदविमाणस्स णं उत्तरेणं सेयाणं सुभगाणं सुप्पभाणं तरमल्लिहायणाणं
हरिमेलामउलमल्लियच्छाणं चंचुच्चिअललिअपुलिअचलचवलचंचलगईणं लंधणवग्गणघावणघोरणतिवड्डजड्डणासिक्खियगईणं
ललंतलासगललामवरभूसणाणं सन्नयपासाणं संगयपासाणं सुजायपासाणं पीवरवट्ठिभसुसंठियकडीणं ओलंबपलंबलक्खणपमाण-
जुत्तरमणिज्जवालपुच्छाणं तणुसुहुमसुजायणिद्धलोमच्छविहराणं मिउविसयसुहुमलक्खणपसत्थविच्छिण्णकेसरवालिहराणं
ललंत(लामय)ललाडवरभूसणाणं मुहमण्डगओचूलगचामरथासगपरिमंडियकडीणं तवज्जिखुराजं तवणिज्जजीहाणं जाव
महयाहयहेसियकिलिकिलाइयरवेणं महुरेणं पूरेता अंबरं दिसाओ य सोभयंता चत्तारि देवसाहस्सीओ हयरूवधारीणं देवाणं उत्तरिल्लं

बाहं परिवहंति, सोलस देवसहस्सा हवंति चंदेसु चेव सूरेसु। अट्टेव सहस्साइं एक्केक्कंमी गहविमाणे ॥१२६॥ चत्तारि सहस्साइं
 णक्खत्तंभि य हुवंति इक्किक्के। दो चेव सहस्साइं तारारुवेक्कमेक्कंसि ॥ १२७॥ एवं सूरविमाणाणं जाव तारारुवविमाणाणं णवरं एस
 देवसंघाए ॥ १६८॥ एतेसिं णं भंते! चंदिमसूरिअगहणनक्खत्ततारारुवाणं कयरे सव्वरिग्धगई कयरे सव्वसिग्धगतितराए चेव?, गो०!
 चन्देहिंतो सूरस सव्वसिग्धगई सूरेहिंतो गहा गहेहिंतो णक्खत्ता णक्खत्तेहिंतो तारारुवा सव्वप्पगई चंदा सव्वसिग्धगई तारारुवा ॥१६९॥
 एतिसं णं भंते! चंदिमसूरिअगहणक्खत्ततारास्वाणं कयरे सव्वमहिद्धिआ कयरे सव्वप्पड्डिआ?, गो०! तारारुवेहिंतो णक्खत्ता महिद्धिआ
 णक्खत्तेहिंतो गहा महिद्धिआ गहेहिंतो सूरिआ सूरेहिंतो चन्दा महिद्धिआ सव्वप्पिद्धिआ तारारुवा सव्वमहिद्धिया चन्दा ॥ १७०॥
 जम्बूद्वीवे णं भंते! ताराए ताराए य केवइए अबाहाए अंतरे पं०?, गो०! दुविहे अंतरे वाघाइए य निव्वाघाइए य, निव्वाघाइए जहणणेणं
 पंचधणुसायाइं उक्कोसेणं दो गाऊआइं, वाघाइए जहणणेणं दोणिण छावट्टे जोयणसए उक्कोसेणं बारस जोअणसहस्साइं दोणिण य
 बायाले जोअणसए तारारुवस्स २ अबाहाए अंतरे पं० ॥ १७१॥ चन्दस्स णं भंते! जोइसिंदस्स जोइसरण्णो कइ अग्गमहिसीओ पं०?
 गो०! चत्तारि अग्गमहिसीओ पं० तं०-चन्दप्पभा दोसिणाभा अच्चिमाली पभंकरा, ताओ णं एगमेगाए देवीए चत्तारि २ देवीसहस्साइं
 परिवारो पं०, पभू णं ताओ एगमेगा देवी अन्नं देवीसहस्सं विउव्वित्तए, एवामेव सपुव्वावरेणं सोलस देवीसहस्सा, सेत्तं तुडिए, पहू णं
 भंते! चंदे जोइसिंदे जोइसराया चंदवडेंसए विमाणे चन्दाए रायहाणीए सभाए सुहम्माए तुडिएणं सद्धिं महयाहयणट्टगीअवाइअ जाव

दिव्वाइं भोगभोगाइं भुंजमाणे विहरित्तए?, गो०! णो इणट्ठे समट्ठे, से केणट्ठेणं जाव विहरित्तए?, गो०! चंदस्स णं जोइसिंदस्स०
 चंदवडेंसए विमाणे चंदाए रायहाणीए सभाए सुहम्माए माणवए चेइअखंभे वड्ढरामएसु गोलवट्टसमुग्गएसु बहूईओ जिणसकहाओ
 सन्निक्खित्ताओ चिट्ठंति ताओ णं चंदस्स अण्णेसिं च बहूणं देवाण य देवीण य अच्चणिज्जाओ जाव पज्जुवासिणज्जाओ, से तेणट्ठेणं
 गो०! णो पभू, पभू णं चंदे सभाए सुहम्माए चउहिं सामाणियसाहस्सीहिं एवं जाव दिव्वाइं भोगभोगाइं भुंजमाणे विहरित्तए केवलं
 परिआरिद्धीए, णो चेव णं मेहुणवत्तियं, विजया वेजयंती जयंती अपराजिआ सव्वेसिं गहाईणं एयाओ अगमहिसीओ, छावत्तरस्सवि
 गहसयस्स एयाओ अगमहिसीओ वत्तव्वाओ, इमाहिं गाहाहिं इंगालए विआलय लोहिअंके सणिच्छे चेव। आहुणिए पाहुणिए
 कणगसणामा य पंचवे ११॥ १२८॥ सोमे सहिए अच्छासणे य कज्जोवए अकब्बु (प्र०व्व)ए। आतरए दुंदुभाए संखसनामेवि
 तिण्णेव ॥ १२९॥ एवं भाणियव्वं जाव भावकेउस्स अगमहिसीओ ॥ १७२॥ चंदविमाणे णं भंते! देवाणं केवइयं कालं ठिई प०?,
 गो! जह० चउभागपलिओवमं उक्को० पलिओवमं वाससयसहस्समब्भहियं, चंदविमाणे णं देवीणं०?, जह० चउभागपलिओवमं
 उक्को० अब्बपलियोवमं पण्णासाए वाससहस्सेहिमब्भहियं, सूरविमाणे देवाणं०?, जह० चउब्भागपलिओवमं उक्को० पलिओवमं
 वाससहस्समब्भहियं, सूरविमाणे देवीणं०? जह० चउब्भागपलिओवमं उक्को० अब्बपलिओवमं पंचहिं वाससएहिं, गहविमाणे देवाणं०?,
 जह० चउब्भागपलिओवमं उक्को० पलिओवमं, गहविमाणे देवीणं०? जह० चउब्भागपलिओवमं उक्को० अब्बपलिओवमं,

णक्खत्तविमाणे देवाणं०?, जह० चउभागपलिओवमं उक्को० अद्धपलिओवमं, णक्खत्तविमाणे देवीणं०?, जह० चउब्भागपलिओवमं उक्को० साहियं चउब्भागपलिओवमं, ताराविमाणे देवाणं०?, जह० अट्टभागपलिओवमं उक्को० चउब्भागपलिओवमं, ताराविमाणे देवीणं०?, जह० अट्टभागपलिओवमं उक्को० साइरेगं अट्टभागलिओवमं ॥ १७३ ॥ बह्मा विण्हू व वसू वरूणे अय बुद्धिढ पूस आस जमे। अग्नि पयावइ सोमे रूढ अदिती बहस्सई सप्पे ॥ १३० ॥ पिउ भग अज्जम सविआ तट्ठा वाऊ तहेव इंदग्गी। भित्ते इंदे निरुई आउ विस्सा य बोद्धव्वे ॥ १३१ ॥ १७४। एतेसिं णं भंते! चंदिमसूरिअगहणक्खत्ततारारुवाणं कयरे०? गो०! चंदिमसूरिआ दुवे तुल्ला सव्वत्थोवा णक्खत्ता संखेज्जगुणा गहा संखेज्जगुणा ताराओ संखेज्जगुणाओ ॥ १७५ ॥ जंबुदीवे जहण्णपए वा उक्कोसपए वा केवइआ तित्थयरा सव्वग्गेणं पं०? गो०! जहण्णपए चत्तारि उक्कोसपए चोत्तीसं तित्थयरा सव्वग्गेणं पं०, जंबुदीवे केवइआ जहण्णपए वा उक्कोसपए वा चक्कवट्ठी सव्वग्गेणं पं०?, गो०! जहण्णपदे चत्तारि उक्कोसपदे तीसं चक्कवट्ठी सव्वग्गेणं पं०, बलदेवा तत्तिया चेव जत्तिआ चक्कवट्ठी, वासुदेवावि तत्तिया चेव, जंबुदीवे केवइआ निहिरयणा सव्वग्गेणं पं०?, गो०! तिण्णि छलुत्तरा णिहिरयणसया सव्वग्गेणं पं०, जंबुदीवे केवइआ णिहिरयणसया परिभोगत्ताए हव्वभागच्छंति?, गो०! जहण्णपए छत्तीसं उक्कोसपए दोण्णि सत्तरा णिहिरयणसया परिभोगत्ताए हव्वभागच्छंति, जंबुदीवे केवइआ पंचिंदिअरयणसया सव्वग्गेणं पं०? गो०! दो दसुत्तरा पंचिंदिअरयणसया सव्वग्गेणं पं०, जंबुदीवे जहण्णपदे वा उक्कोसपदे वा केवइआ पंचिंदिअरयणसया परिभोगत्ताए हव्वभागच्छंति?, गो०! जहण्णपए अट्ठावीसं

उक्कोसपए दोण्णि दसुत्तरा पंचिंदिअरयणसया परिभोगत्ताए हव्वमागच्छंति, जंबुद्दीवे केवइआ एगिंदिअरयणसया सव्वग्गेणं पं०? गो!
 दो दसुत्तरा एगिंदिअरयणसया सव्वग्गेणं पं०, जंबुद्दीवे केवइआ एगिंदिअरयणसया परिभोगत्ताए हव्वमागच्छन्ति?, गो०, जहण्णपए
 अट्ठावीसं उक्को० दोण्णि दसुत्तरा एगिंदिअरयणसया परिभोगत्ताए हव्वमागच्छंति ॥ १७६ ॥ जंबुद्दीवे णं भंते! दीवे केवइयं
 आयामविक्खंभेणं केवइयं परिक्खेवेणं केवइयं उव्वेहेणं केवइयं उद्धंउच्चत्तेणं केवइयं सव्वग्गेणं पं०?, गो०! जंबुद्दीवे एगं
 जोयणसयसहस्सं आयामविक्खंभेणं तिण्णि जोयणसयसहस्साइं सोलस य सहस्साइं दोण्णि य सत्तावीसं जोयणसए तिण्णि य कांसे
 अट्ठावीसं च धणुसयं तेरस अंगुलाइं अद्धंगुलं च किंचिविसेसाहियं परिक्खेवेणं पं०, एगं जोयणसहस्सं उव्वेहेणं णवणउत्तिं जोयणसहस्साइं
 साइरेगाइं उद्धंउच्चत्तेणं साइरेगं जोयणसयसहस्सं सव्वग्गेणं पं० ॥ १७७ ॥ जंबुद्दीवे किं सासए असासए?, गो०! सिय सासए सिय
 असासए, से केणट्ठेणं भंते! एवं वुच्चइ सिय सासए सिय असासए?, गो० दव्वट्ठयाए सासए वणपज्जवेहिं गंध० रस० फासपज्जवेहिं
 असासए, से तेणट्ठेणं गो०! एवं वुच्चइ सिय सासए सिय असासए, जंबुद्दीवे! कालओ केवचिरं होइ?, गो०! ण कयावि णासी ण
 कयावि णत्थि ण कयावि ण भविस्सइ, भुविं च भवइ य भविस्सइ य, धुवे णिइए सासए अक्खए अव्वए अवट्ठिए णिच्चे जंबुद्दीवे पं०
 ॥ १७८ ॥ जंबुद्दीवे णं भंते! किं पुढवीपरिणामे आउपरिणामे जीवपरिणामे पोग्गलपरिणामे?, गो०! पुढवीपरिणामेवि आउपरिणामेवि
 जीवपरिणामेवि पुग्गलपरिणामेवि, जंबुद्दीवे सव्वपाणा सव्वजीवा सव्वभूया सव्वसत्ता पुढवीकाइयत्ताए आउका० तेउ० वाउ०

वणस्सइकाइयत्ताए उववणणपुच्चा?, हंता गो०! असइं अदुवा अणंतखुत्तो ॥१७९॥ से केणट्ठेणं भंते! एवं वुच्चइ जंबुद्दीवे २?, गो०! जंबुद्दीवे तत्थ २ देसे २ तहिं २ बहवे जंबूरूक्खा जंबूवणा जंबूवणसंडा णिच्चं कुसुमिआ जाव पिंडिमंजरिवडेंसगधरा सिरीए अईव उवसोभेमाणा चिट्ठंति, जंबूए सुदंसणाए अणाढिए णामं देवे महिद्दीए जाव पलिओवमड्डिइए, से तेणट्ठेणं गो०! एवं वुच्चइ जंबुद्दीवे २ ॥१८०॥ तए णं समणे भगवं महावीरे मिहिलीयाए णयरीए माणिभदे चेइए बहूणं समणाणं बहूणं समणीणं बहूणं सावयाणं बहूणं सावियाणं बहूणं देवाणं बहूणं देवीणं मज्झगए एवमाइक्खइ एवं भासइ एवं पण्णवेइ एवं परूवेइ जंबूदीवपण्णत्ती णामत्ति अज्जो! अज्झयणं, अट्ठं च हेउं च पसिणं च कारणं च वागरणं च भुज्जो २ उवदंसेइत्ति बेमि ॥१८१॥ श्रीजंबूद्दीपप्रज्ञप्त्युपांगं ७ सम्भत्तं ॥ प्रभु महावीर स्वाभीनीपट्ट परंपरानुसार कोटीगण-वैरी शाखा-चान्द्रकुल प्रचंड प्रतिभा संपन्न, वादी विजेता परमोपास्य पू. मुनि श्री झवेरसागरजी म.सा. शिष्य बहुश्रुतोपासक-सैलाना नरेश प्रतिबोधक-देवसूर तपागच्छ-समाचारी संरक्षक-आगमोद्धारक पूज्यपाद आचार्य देवेश श्री आनंदसागर सूरेश्वरजी महाराजा शिष्य प्रौढ़ प्रतापी, सिध्यचक्रआराधक समाज संस्थापक पूज्यपाद आचार्य श्री चन्द्रसागर सूरेश्वरजी म.सा. शिष्य चारित्र चूडामणी, हास्यविजेता-मालवोद्धारक महोपाध्याय श्री धर्मसागरजी म.सा. शिष्य आगमविशारद-नमस्कार महामंत्र समाराधक पूज्यपाद प्रन्यासप्रवर श्री अभयसागरजी म.सा. शिष्य शासन प्रभावक-नीडर वक्ता पू. आ. श्री अशोकसागर सूरिजी म.सा. शिष्य परमात्म भक्तिरसभूत पू. आ. श्री जिनचन्द्रसागर सू.म.सा. लघु गुरु भ्राता प्रवचन प्रभावक

॥ श्री जंबूद्दीप प्रज्ञप्ति सूत्रं ॥

२१२

पू. सागरजी म. संशोधित

पू. आ. श्री हेमचन्द्रसागर सू.म. शिष्य पू. गणिवर्य श्री पूर्णचन्द्र सागरजी म.सा. आ आगमिक सूत्र अंगे सं.२०५८/५९/६० वर्ष
दरम्यान संपादन कार्य माटे महेनत करी प्रकाशक दिने पू. सागरजी म. संस्थापित प्रकाशन कार्यवाहक जैनानंद पुस्तकालय सुरत
द्वारा प्रकाशित करेल छे.

प्रशस्ति

२१३

संपादक श्री



